

**CL. CLAUDIANI
OPERA QUAE
EXSTANT AD
OPTIMAS
EDITIONES...**

Claudius Claudianus, Pietro
Crinito



Mad. Duliver
V. D. Mc.

1784

5. 7. 105.

CL. CLAUDIANI
O P E R A
QUÆ EXSTANT
AD OPTIMAS EDITIONES COLLATA
PRÆMITTITUR
NOTITIA LITERARIA
STUDIIS SOCIETATIS BIPONTINÆ



EDITIO ACCURATA

BIPONTI
EX TYPOGRAPHIA SOCIETATIS
CICIDCCCLXXXIV

Hand
1

CL. CLAUDIANI
O P E R A.

CL. CLAUDIANI VITA

EX PETRO CRINITO.

CL. CLAUDIANUS poeta insignis. Arcadii & Theodosii temporibus floruit. Patria fuit Alexandrinus, nobilissima urbe Ægypti. Quidam Florentinum faciunt, parum diligenter observantes veterum commentarios. Auctores Græci, qui Claudiani meminerunt, Alexandrinum appellant: cui sententiæ idem auctor adstipulatur, dum Nilum suum vocat: ut nihil præterea dubitari possit, ei patriam fuisse Alexandriam. Ingenio excellenti fuit, maximeque apto ad carmen componendum: nam & assurgit feliciter, variisque figuris ac sententiis mirifice delectat, ut videatur a natura ipsa instructus ad poeticam facultatem. Verisimile est eum Romæ diu versatum, multasque Italiæ urbes peragrassè: quod cum alia multa testantur, tum hi versus, quos de balneis Aponis composuit. Opera illius satis nota sunt: sed præcipuam laudem iudicio multorum sibi vindicat his carminibus, quibus principes viros summis laudationibus seu panegyricis extulit. De Raptu Proserpinæ libros tres scripsit, eosque ad Florentinum misit, veluti monumentum suæ benevolentiae atque optimæ voluntatis. Nam cum eo arctissima familiaritate conjunctus vixit. Prætereo ejus-

CL. Claudianus.

a

dem poemata, epistolas, & epigrammata, in quibus de Nilo, de Phœnice, de Magnete, de Cryſtallo, de balneis Aponis, de Torpedine, de Gallicis mulabus, deque aliis multis apte & eleganter carmen deſcripſit. Auguſtinus & alii veteres plurimum commendarunt ingenium atque eruditionem Claudiani, referentes illius verſus de laude & victoria principis Theodoſii contra Eugenium Gallorum regem: conſtat enim Theodoſium ipſum parva manu contra ingentes barbarorum copias dimicaſſe, caſiſque magna ex parte hoſtibus, clariffima victoria potitum, non tam ſuis auſpiciis, quam ope & præſidio abortæ tempeſtatis, ſævientibus ventis contra hoſtium aciem: quocirca ſic Claudianus elegantiffime ſcribit:

Te propter gelidis Aquilo de monte procellis
 Obruit adverſas acies, revolutaque tela
 Vertit in auctores, & turbine reppulit haſtas,
 O nimium dilecte Deo, cui fundit ab antris
 Æolus armatas hiemes, cui militat æther,
 Et conjurati veniunt ad claffica venti.

Idem Claudianus magna veneratione coluit Probum, Probinum, & Olybrium viros conſulares: Gennadium præterea, Honorium, Stilichonem, ac Mallium Theodorum ſingulari ſtudio & incredibili diligentia proſequitur, teſtatus officium ſuum libellis a ſe compoſitis de illorum laudibus. Hæc ſunt quæ de Poeta Claudiano obſervavimus. De obitu ipſius nihil apud veteres auctores legimus.

V

NOTITIA LITERARIA
DE
CLAUDIO CLAUDIANO
EX

Jo. Alb. Fabricii Bibliotheca latina a Jo. Aug.
Ernesti auctius edita Tom. III, Cap. XV.

CLAUDIANI Ætas.

CLAUDIUS CLAUDIANUS Alexandrinus, auctore Suida, male modo Hispanus, modo Gallus & Florentinus traditus, sub Theodosio Magno, sed maxime sub ejus filiis Honorio & Arcadio, floruit, a quibus ¹ statua est honoratus, cujus ipse mentionem facit in præf. B. Get. Ejus inscriptio fuit quadam in domo Pomponii Læti: quam reperiās apud Gruter. pag. 3415. Eam nonnulli fraudis arguunt: sed in ipsa inscriptione vix reperiās, ut opinamur, quod fraudem oleat. Poeta ² floridus & amœnissimi ingenii, sed Augustino lib. V, cap. 26. de Civ. Dei teste a Christi nomine alienus, atque si Orosium VII, 35. audimus, *paganus pervicacissimus*. ³

¹ Vide Barthii Advers. XLIX, 1 & 19. Valesium ad Evagrii lib. 1. cap. 19. Et varia de Claudiano collecta in parte 13. Animadversionum

Thomæ Crenii.

² Statium infinitis locis imitatum esse notat Barthius ad Claudianum p. 204.

³ Guil. Caveus V. C. parte

a 2

& Paulo Diacono lib. 12. iudice *poeta eximius, sed infidelis*. Unde Barthio, qui Adversar. I, 7. & in notis p. 1070. Christianum cum Christophoro Landino facere non dubitat, adfentiri haud possum, quanquam & ipse mutavit sententiam, & eum paganum fuisse agnovit ad Claudianum pag. 204. Sed audiamus Nic. Antonium lib. 3. Bibl. vet. Hispanæ c. 5. *Claudianus, poeta celeberrimus, Theodosii filiorum æqualis, inprimis remittendus est Ægyptiæ suæ genti & Alexandriæ urbi, quam ejus patriam cum Apollinaris Sidonius, qui carmine ad Felicem eum Pelusiaco fatum dixit Canopo, tum Suidas in Κλαυδιανός, ceterique ab iis noviores¹ laudant.*

2. Histor. literariæ Scriptor. Ecclesiast. ait hinc jure aliquem inferre posse, *quod Claudianus scriptis editis fidem Christianam oppugnaverit, etiam si in iis, quæ supersunt, nulla vestigia deprehenduntur*. Sed argumentum hoc ab Orosii verbis petitum levius, quam ut eo facile duci se quis patiatur. Christianum Poetam hunc Claudianum plerique suspicati sunt ex his quæ de Theodosio scripsit:

*O nimium dilecte Deo, cui
militat æther,
Et conjurati veniunt ad
classica venti.*

Ita enim versus ejus afferuntur ab Augustino, Orosio, Paulino Petrocorio, Paulo

Diacono & junioribus infinitis, licet Poetæ ipsius verba fuerint hæc:

*O nimium dilecte Deo, cui
militat alto
Æolus, & rapidi veniunt
ad classica venti.*

¹ Parrhasius in Claudiani vita, Petrus Crinitus cap. 86. de poetis Latin. Bergomensis lib. 9. Chronic. Sabellius ennead. 7. lib. 9. Vadianus de Poetica, Vives ad Augustin. de Civ. Dei lib. 5. cap. 26. Petrus Mexia in vita Theodosii, Salmasius præf. in exercit. Plin. & alii a Barthio laudati in sua edit. *Hankius* de Rom. rer. scriptoribus, pro quo male apud Nic.

Florentini quidem cives ¹ *arrogant urbi suæ parentem ejus, sive originem, nullo autem vetustatis documento. Aliis,* ² *Ægyptium eum natalibus, Florentiæ habitasse, excidit. Genere tandem Hispanus audit apud Blondum,* ³ *cui statim credidit noster Tarasa, dum Theodosii res persequitur in tractatu suo de Hispaniæ regibus,* ⁴ *eaque res jam aliquibus videtur maxime certa, ex quo Pseudo Chronico Dextri Toletani fuit insertum: Claudianus poeta ex Hispania oriundus Romæ floret. Poetæ originem civi ejus & æquali Dextro crederemus utique: novitio & abortivo Toletanæ urbis partui cras credemus. Sed neque hic subsistit thrasonica mentiendi audacia. Nam quod ante aliquot annos erumpere fecit e lethæa abyssu Gregorius Argæzius Lucroniensis Benedictinus, Hauberti Hispanensis Chronicon, patriam quoque Claudiani apud nos*

Antonium pag. 201. excusum Stanckius.

¹ Petrarca, Politianus, Landinus, Collutius Salutatius, apud Barthium in Claudiani vita, alique apud Julium Nigrum p. 126. Bibl. Florentinæ, quos taxat Jo. Lud. Braslicanus notis ad Politiani nutritiam. Et fortasse, si Franciscum Bivarium notis ad Pseudo Dextri Chronicon pag. 415. audimus, laborant æquivoco. Habuit enim in amicitis Claudianus sibi conjunctissimum Florentinum V. Cl. cujus apud Græcos de Re Rustica libri le-

guntur, & ad quem libros III. de raptu Proserpinæ ipse dedit. Exstat etiam elegia sub utriusque nomine, cujus initium: *Otia sopitis ageret cum cantibus Orpheus.* Inde factum est, ut unus idemque crederetur Claudianus & Florentinus, & hoc quasi prioris a patria cognomen.

² Bergomensis lib. 9. Hartmannus Schedelius in Chron.

³ Lib. 7. Romæ triumphantis.

⁴ Hispan. illustratæ Tom. 1.

VIII NOTITIA LITERARIA

*constituit ad a. 391. n. 1. Claudianus Poeta Julio-
brigæ natus, Romæ floret. Quod interpretatur Ar-
gaizius Lucroniensis, Juliobrigæ, id est, Lucronii;
ut hinc verti in dubium possit, inventorisne Antonii
Lupiani, an scholiastis Argaizii Haubertus ita pri-
mum conceptus fuerit. At egregiam se navasse operam
in re comprobanda, tam Bivarius, quam idem Ar-
gaizius putant, quod Hispaniæ laudes apud Claudia-
num sæpius recurrentes collegerint. Cum vere id Hispa-
nis Imperatoribus Arcadio & Honorio, Augustaque
familia, urbane & obnoxie, ne dixerim adulatorie da-
tum fateri satius sit. Adeo ut ex his qui ethnicum &
idolorum cultorem cum Augustino & Orosio Claudia-
num jure credunt, non nemo existimet carminis illius
in Christi laudem, quod incipit, Christe potens re-
rum, auctorem quoque eum fuisse in Christiani Impe-
ratoris gratiam compositi, quemadmodum de Tribonia-
no dicitur, tam recta & plura de religione Christiano-
rum in Pandectis Justiniani, Imperatoris Christiani,
quantumvis paganum inseruisse. Claudianum Poetam,
Claudiani Philosophi, cujus Eunapius meminit,
filium esse suspicatur Barthius in notis p. 105.*

Comitem Orientis fuisse Claudianum, esseque
eum ipsum, ad quem exstat lex 11. Cod. Theodof.
de Judæis, Coelicolis & Samaritanis, putat Selde-
nus lib. 2. de jure Nat. & Gent. c. 3. Sic & Go-
thofredus ad l. c. In editis tantum vocavi Clau-
dium, Gudius ad Gruterum annotavit. Sed sola
Parisiensis sic habet.

POEMATA varia.

Exstant ¹ ejus 1. ² *De Olybrii & Proбини fratrum Consulatu Panegyricus scriptus* a. C. 395. Hunc, & ceteros Panegyricos Claudiani, etiam Plinii Epistolis subjecit H. Stephanus a. 1591. 12.

8. *In Fl. Mallium Theodorum*, Consulatus sui festos dies Mediolani celebrantem a. C. 399. Vide vitam Mallii hujus scriptam ab Alberto Petro Rubenio Pauli F. & a Jo. Georgio Grævio editam Trajecti 1694. 12. p. 58. & dicta supra lib. 1. c. 18. §. 4.

10. 11. *In Consulatum duplicem Flavii Stilichonis* Libri III. & liber *de bello Getico* sive Pollentino,

¹ De Claudiani scriptis atque editionibus consulendus Polycarpus Leyserus in hist. poetarum & poematum medii ævi Halæ 1721. 8. p. 17. seq. sed inprimis Gesnerus in Prolegomenis ad Claudiani editionem ab ipso curatam.

² Numeri quos singulis poematis præmissos vides, respiciunt ordinem editionis Nicol. Heinsii. Ceterum primum hoc esse inter ea quæ latino carmine Claudianus edidit, Barthius probat ex Epist. 4. ad Probinum:

*Romanos bibimus primum de
de Consule fontes,*

*Et Latia cessit Graja Thalia
togæ.*

De Græcis quidem hujus Poetæ scriptis nihil existat præter pauca quædam ex Anthologia inedita producta a Salmasio ad Hist. Augustam, & fragmentum Gigantomachiae, de quo vide etiam Bembi Epistolas pag. 429. seq. & duo Epigrammata de Crystallo. Ad Epigrammata nescio quis in margine notavit, eum origines Tarfi, Anazarbi, Beryti, atque Nicææ scripsisse. Οὗτος ὁ Κλαυδιανὸς ἔστιν ὁ γράψας τὰ πάτρια Ταρσῶ, Ἀναζαρβῶ, Βερύτης, Νικαίας. Vide Allatium de Georgiis p. 362.

x NOTITIA LITERARIA

hoc est, prælio, quo Alaricum Stilicho ad Pollentiam profligavit. Confer Philostorgium libro XII. Barthii notas ad Claudianum p. 182. 184. & Thomam de Pinedo ad Stephanum Byz. in Πόλλεστον p. 558. ubi adulatorii dedecoris exemplar in hoc Claudiani poemate exstare ait. Panegyricum in Stilichonem separatim cum Commentario edere in animo habuit. vid. & ejus Claudian. p. 182.

7. *De bello Gildonico*, quod Consulatu quarto Honorii gestum est, *liber*, cujus altera pars, vel potius liber secundus, desideratur.

13. *Panegyris, Serenæ Reginae, Conjugi Stilichonis*, dicata.

14. *Palladii & Celerinæ Epithalamium*, a milite Claudiano scriptum.

3. 4. 12. *In Consulatum tertium & quartum & sextum Honorii Augusti* tres Panegyrici, a. C. 395. 398. 404. *In Consulatum quartum Honorii Augusti* commentario illustravit V. C. Jo. Casp. Kuhnus Argent. 1707. 4. Mariangelus Accursius diatriba in Ausonium, proferens locum ex Claudiano in sextum Honorii Consulatum, testatur, se ex vetustis exemplaribus hunc Poetam, dum Germaniam Sarmatiasque peragraret, septingentis fere mendis inter equitandum liberasse.

5. 6. *In nuptias Honorii Augusti & Mariæ* Carmen heroicum, cum quibusdam fescenninis, Alcaico & Anacreontico versuum genere.

15. *Raptus Proserpinæ Libri III.* ad ¹ Florentinum, quod opus eximium fati prohibitus Poeta non videtur ad umbilicum perduxisse. Hos libros versibus ludicris Gallicis turpare ausus est *Car. Coipeau d'Assouci.*

16. *Gigantomachia*, ² quam Græco etiam carmine descripsit Claudianus, ex quo versus quosdam profert Arsenius Monembasiæ Archi-Episcopus in Apophthegmatis Græce editis Leonique Decimo ab auctore dicatis p. 137. b. & ex eo Barthius in notis ad Claudian. 938. Nic. Heinsius p. 236. Ceterum Gigantomachiae quoque latina pars extrema desideratur, quæ e Græco versa est vel ab ipso Claudiano, vel ut Nic. Heinsius p. 241. suspicatur, ab alio temporum istorum scriptore. Idem quoque sibi persuadet de Epistola ad Hadrianum & Idylliis nonnullis, qualia Phoenix, histrix, torpedo, Nilus & Magnes. *Ut enim aliquid Claudianeum*, inquit, *in illis facile agnoscas, ita languent numeri plerumque &c. Nec accefferim iis, qui seni & effæto ista excidisse opinantur.*

17. *Epistolæ IV.* ad Hadrianum, Serenam, Olybrium & Probinum. *Tria item Epistolia* sive *Epigrammata* ad Gennadium Procos. *Æternalem & Maximum*, quorum duo postrema Nic. Heinsius

¹ Si Gyraldum sequimur, hic est Florentinus, cujus fragmenta occurrunt in Græcis Geoponicis.

² Hieronym. in Esajæ XXVII. *Pulchre quidam Poeta in Gigantomachia lufit: Quo fu-*

gis Encelade? quasunque accefferis oras, sub Jove semper eris. Respicit iterum in Amosi V. Macrobius lib. 1. Saturnal. c. 20. *Hercules creditur & Gigantes interemisse, cum Cælo propugnaret quasi virtus Deorum.*

inter ea, quæ Claudiani haud videntur, rejecit.

18. *Epigrammata & Poematia XLVII*, hoc est, *Idyllia VII*, Phoenix, Histrix, Torpedo, Nilus, Magnes, Aponus & Pii fratres, tum *Epigrammata* de mulabus Gallicis, de sene Veronensi, de apro & leone, descriptio armenti, de concha, de crystallo, septem latina & bina Græca (ex libro IV. Anthologiæ) Græcum itidem *εἰς μιμᾶδα γηράσασαν* (αἱ μαχλάδα, conf. Jac. Gronovii notas ad Arrianum de Alexandro p. 198.) *εἰς δῶλον τυπηθέντα παρ' αὐτῆς*, de Polycaste & perdice, de Zona equi regii missa Honorio a Serena Regina, de Zona missa Arcadio, de chlamyde & frenis, de freno, phaleris & cingulo equi, Honorio a Serena missis, Deprecatio ad Alethium quæstorem, in Curetium duo Epigrammata, in Jacobum Magistrum Equitum. Ad *histricem* conferendus Ezech. Spanhemius notis ad Callimachum p. 199. *De fontibus Aponi*, habetur etiam inter scriptores de balneis Venet. 1553. f. Leo Allatius de Georgiis p. 362. testatur in Mssio Epigrammatario Græco ad Claudiani Græca Epigrammata notari in margine: οὗτος ὁ Κλαυδιανὸς ἐστὶν ὁ γράψας τὰ πάτρια Ταρσῆ, Ἀναζαρβῆ, Βηρυτῆ, Νικαίας. Hisce Heinsius subjicit, Claudiano, ut ipse quidem putat, minime tribuenda: In podagrum: ad Æternalem: ad Maximum, qui mel misit: Rimanti telum ira facit, sive de iracundo: de locusta fragmentum: de balneis Quintianis: in Theodorum Mallium & Hadrianum præfectos: Prætorii Italiæ

1 Vide vitam Mallii scriptam ab Alb. Petio Rubenio p. 69. 71.

anno C. 401. Descriptionem portus Smyrnenſis : descriptionem Inſulæ, five, *Eſt in conſpectu longe locus* : de quadriga marmorea : Fragmentum duorum verſuum : *Sordidus ex humeris* &c. de paupere amante, bina Epigrammata : in ſepulcrum ſpecioſæ : de birro caſtoreo : Carmen paſchale : *εις τὸν Σωτῆρα* : *εις τὸν δεσπότην Χριſτόν* : laus Chriſti : miracula Chriſti : in Sirenas. Ex his *Carmen paſchale*, *laus Chriſti* ¹ & *miracula Chriſti* alterius Claudiani (Mamerci) vel S. Damafi Papæ ſunt, eſſi Barthio aliter viſum, cum Poetam, ut diximus, accenſebat Chriſtianis. vide Martium Mileſium Sarazanum ad carmen nonum Damafi p. 167. Cum notis G. B. Speltini prodierunt etiam Erſurti 1501. 4. in collectione poematum Speltini. Ab eodem Barthio p. 1071. ſeq. tria afferuntur Epigrammata, *de aquila*, *laus Liberi* & *in Marcum*, quæ Claverius primus ediderat, & Barthius, tertio excepto, non indigna Claudiano arbitratur.

2. & 9. *In Ruſinum* ² *libri II. Libri II. in Eutropium Eunuchum*. Denique hiſce Claudiani ſcrip-

¹ In quibusdam Codicibus Damafi nomen præferre ait Colomeſius ad Gyraldum de poetis p. 259. Damaſo etiam tribuit Antonius Delrius in calce conjecturarum ad Claudianum. Aubertus Miræus auctario de Scriptoribus Eccleſ. p. 8. *Auguſtinus lib. V. c. 26. de C. Dei*, & *Oroſius VII, 35. dicunt Claudianum a Chriſti nomine alienum fuiſſe*.

Exſtat quidem inter ejus opera inſigne poema de Chriſto, ſed quidam putant illud eſſe Claudiani Mamerci. In Honorii Imp. gratiam Chriſtiana ſcripſiſſe Ethnicum Claudianum, indoneis probari velim argumentis.

² De hoc Ruſino, uti de Eutropio quoque, ſuſe Zoſimus libro V. & Philoſtorgius XI, 3. ſeqq. Ceterum fallitur

tis subjici solent *laudes Herculis* ab Anonymo Poeta Heroico carmine decantatæ. Ut omittam epigrammatia in Nic. Heinsii notis pag. 274. 275. vulgata, quæ inscribuntur de Dulcio, de Hippopotamo, quæ in mensa de Sardonyche lapide, & Euclerius Comes. In Codice Vaticano Nic. Heinsius reperisse se testatur *Epithalamium Laurentii*, Claudiano indignum, versuum LXXXVII. *de liberalibus*, VI. versuum, *Laudem Martis*, versuum XII. *de Junonali-bus*, III. versibus & quidem mutilis.

auctor pandectarum Brandenburg. qui Tom. 1. p. 76. *Alani Anti-Claudianum* ait oppositum esse Claudiani Rufino, cum sit poema Theologico Philosophicum, quod auctor vocavit Anti-Claudianum, h. e. poema certans Claudianeis, illisque haud inferius, perinde ut ἀντίθετος est Θεω̃ ικελος. In Codicibus quibusdam Mss. etiam in Lipsiano, inscribitur: *Anti-Clau-*

dianus Alani de Anti-Rufino: In editione, quam habeo præmanibus, Antverpiensi a. 1621. 8. titulus est: *Cyclopædia Anti-Claudiani, seu de officio Viri boni, libri IX. heroico carmine conscripti*. Alia de hoc poemate vide, si lubet, in Polycarpi Leyseri historia poetarum medii ævi pag. 1012. seq. Obiit Alanus hic a. C. 1294.

I N D E X
E D I T I O N U M
C L . C L A U D I A N I

A DOCT. NICOLAO NICLAS CONSCRIPTUS ET
A CLAR. JO. MATTH. GESNERO ILLUSTRATUS
NUNC IPSO FABRICIANO AUCTIONE ET IN
IV ÆTATES DIGESTUS.

Æ T A S I. an. 1470 — 1510.

Post primam *Venetam*, uni Dempstero memoratam Barnabas *CELSANUS Vicentinam* I curavit, quem superavit critica cura Thadaeus *UGOLETUS*; unde ejus prima editio Parmensis *vere princeps* habetur & aliquoties repetita est. Poema de Raptu Proserpinae commentario illustravit Janus *Parrhasius*.

1470 Ed. *Princeps* I s. *Veneta* I memoratur haec passim a Thoma Dempstero in notis ad Corippum; dubitatur autem an vere, cum a nemine praeterea visa aut memorata sit. Etiam Heinsius se negat vidisse, & fide Dempsteri eam commemorat: nec habent Catalogi nobiliores.

1482 *Vicentina* I *Celsani*: Cl. Claudiani opera fol. — Finis operum Cl. Claudiani, quae non minus eleganter quam diligenter impressit Jacobus *Dufensis* Millesimo quadringentesimo octogesimo secundo sex. Cal. Jun.

Habet Bibl. Gœtting. Præfatio est *Barnabæ Celsani* ad *Barth. Pajellum* Equitem Vicentinum, quem excitat, ut sua carmina velit edere, quæ Claudiano adjecturum se fuisse ait, si exorari Pajellus potuisset. De Claudiano nihil. In hac edit. desiderantur Carmina majora omnia, quorum nihil in suis libris habuit Celsanus. Libro de *Bello Gildonico* hic titulus ponitur: *In Rufinum liber III.*

[149... Ludovicus *Ponticus* Virunius circa finem seculi XV in urbe Regiensi (Reggio) explicavit & primum quasi propinavit Italis Claudianum. Hinc forte est, quod passim editi ab illo Claudiani mentionem faciunt viri docti, Gefnerus in Bibliotheca, Barthius, Heinsius. Sed nemo se vidisse dicit opus, nemo locum, annum, typographum indicat. Verbo, videtur omnis ea memoria deberi Catalogo scriptorum viri, maximam partem ineditorum, quem vitæ illius intexit Andreas Ubaldus, cum cujus sorore vixit Ponticus: unde sua repetiit Niceronus T. VIII, p. 39. Hæc Gefnerus.]

1493 *Princeps* altera, *Parmensis* I, emendata per Thadæum *Ugoletum*, impressa per Angelum *Ugoletum* 4. Memorant Cat. Bibl. reg. Paris & Maittaire cet. Hæc est prima recensio Critica. Usus scil. est Codd. antiquis, imprimis vetustissimo e Germania ad corrigendum & explendum. Addidit & alia carmina, quæ in superiori ed. non erant. Est igitur hæc vere princeps editio. Volebat Ugoletus & alterius Claudiani opera addere: sed ad Regem Hung. Matthiam vocatus abjicere consilium coactus est.

1495 *Veneta* II *Ugoleti*, impressit Jo. de *Tridino* alias *Tacuinus*, 4. Laudatur in Catal. Bibl. Harles.

1496 *Vicentina* II *Celsani*, fol. Laudatur Maittaire; sed a Fabricio in ed. vet. falso ad an. 1498 refertur.

1500 *Veneta* III *Ugoleti*, impressa per Christoph. de Pensis. 4. Cuius exemplum habuit clar. J. A. Ernesti, & laudat Catal. Bibl. Harles.

— *Mediolan.* I *Parrhasii*: Cl. Claudiani raptus Proserpinae c. n. Jani *Parrhasii*. fol. (vid. Jos. Ant. Saxii hist. literario-typogr. Mediol. pag. 608-612.) Habet hæc od. epistolam A. Jani *Parrhasii* ad C. Catullianum

Cottam Mediolanensem patricium, Mediolani VII Kalend. Januarias scriptam.

- 1505 *Mediol. II, Parrhasii* auctior, fol. De raptu Proserpinæ c. J. *Parrhasii* Commentar. Sequitur: Apologia Jani contra obrectatores per Furium Vallum *Echinatum* ejus auditorem. impr. per. Jo. Angel. *Scinzenzeler*, sub impensis Jo. Jacobi & fratrum de Lignano. Epistola dedicatoria data est ad amplissimum virum Jaffredum Carolum, humani divinique juris consultiſſimum Delphinatus præſidem ſanctiſſimique Senatus Inſubrum principem — Mediolani pridie eidus Decembris.

Subjungimus huic ætati duas carminis de R. Prof. edd.
f. a. Niclaſio memoratas:

- f. a. *Lipſæ*, 4. Cl. opusculum de raptu Prof. quale invenitur, nam ultimum volumen apud nos non exſtat. Vid. Jo. H. Leichium de orig. & increm. typogr. Lipſienſis.
f. a. & l. fol. Claudiani Siculi viri inprimis doctiſſimi, de raptu Prof. Tragediæ duæ heroicæ. De cujus libri charactere Maſſario Ann. typ. T. I, p. 753 conſiſcente, characterem Joannis de Weſtphalen (typographi Aloſtani in Flandria) ferme refert. Quamvis autem tres libri de R. P. in duas tragædiæ, conſtantes tribus actibus ſingulas artiſcioſe diſtributi ſint, poetæ tamen verba integra ſervantur ordoque inſviolatus.

Æ T A S I I. 1510 — 1571.

- a Jo. CAMERTE ordiens, per *JUNTINAM* ſ. ejus curatorem Ant. Franc. *Varchienſem*, & *ALDINAM*, cui præfuit Franc. *Aſulanus*, ornata; præter quos Mich. *Iſingri-nius* cum Mich. *Bentino* & Jo. *Hontero* Baſileenſi I operam navavit. Laudem vero etiam habent Pariſienſis *Colinæi*, ut curatiſſima, & Gryphianæ, a Petro *Crinito* curatæ. *Parrhaſii* Comm. in L. de raptu Prof. repetitus, ſed mox ceſſit ille notis in Claudianum a M. Ant. *Delrio* an. 1538 edi cœptis.
1510 *Camertina* I, *Viennæ*. 4. Claudiani opera noviſſime per D. Jo. *Camertem* accuratiſſime recognita. *In fine*: Eli-matiſſimum hoc Claudiani opus elaboratum eſt
CL. Claudianus. * b

xviii NOTITIA LITERARIA

Viennæ Austriæ, Hieronymi Victoris Philovallis Cal-
cographi: Et Joannis Singrenii fociorum solertia: Ex-
pensis vero Leonharti Alanise Bibliopolæ Viennensis.
Anno MDX. pridie Nonas Octobris. — Charta candi-
da, literæ Jenfonianæ pulcherrimæ, versus per de-
naria intervalla dinumerati.

Fuit tum Jo. Camers, ut intelligitur ex versiculis
a Joachimo Vadiano adjectis, sacræ Theologiæ simul
& optimarum literarum Professor, ordinis Divi Fran-
cisci. Ponamus majorem præfationis partem: *Jo.
Camers lectoribus felicitatem. Claudianum poetam can-
didissimum: sed mendis innumeris denigratum, his pa-
cis diebus ea qua potuimus diligentia in pristinam rede-
gimus majestatem: eumque suo (ut possibile fuit) can-
dori restitutum ad studiosorum commodum imprimendum
curavimus. — Edidimus præterea in hunc ipsum poetam
locorum difficultium commentariolum: quod propediem eo-
dem moti sine fauente Deo maximo publicabimus. Edi-
dimus credo ita interpretandum, dictavimus audito-
ribus nostris: publicabimus, typis curabimus vulgan-
dum. Hoc posterius utrum factum sit, non habeo
dicere. Per temporum rationem fieri potuit: diu
enim supervixit. Testante Gesnero neque Barthius,
neque Nicolaus Heinlius, hac usi sunt editione, sed
laudarunt eam Isingrinus Basileensis editionis cura-
tor, & Claverius Parisinæ editor. Ipse Gesn. varietatem
lectionis Viennensis diligenter enotavit, fatetur tamen
ingeriue spicilegio locum esse relictum. Camers vero
ad Victoriam Stil. contra Alaricum scribit: *Corre-
ximus ex vetusto exemplari toto: in alio vetustissimo Co-
dice, quem apud Aldum Ro. reliquimus Tomari. Unde
huic editioni a Camerte addita sunt antehac non-
dum impressa:**

Claudiani laus Christi. Proles.

. . . . miracula Christi. Angelus.

. . . . laudes Herculis. Pieridum.

Claudianus in Sirenas. Dulce.

1511 *Parisina I: Cl. Claudiani Proserpinæ raptus cum Jani
Parrhasii commentariis ab eo castigatis & auctis accessio-
ne multarum rerum cognitu dignarum. — In imo in-
signi typographi inscriptum est ejus nomen: Ponjer*

- Le Preux*, tum additum: *Venundantur a Pontio probo Bibliopola in ædibus Potistannei commorante. In fine: Impressum Parisiis per Antonium Bonnemere Impensis Pontii le Preux. Anno Domini MCCCCCXI. Die vero XVIII Decembris. Est in bibl. Gymn. Bip.*
- 1514 *Erphurdia*: Claud. de R. Prof. — in officina Industrii Joannis Cnappii, 4; quam penes ampl. Duvium Hannoverae esse refert Gesnerus.
- 1517 *Parisi*. II: de R. Prof. c. Comment. *Parrhasii* per Jo. Gourmontium. 4. ex Cat. Bibl. Bunav.
- 1518 *Lipsi*. de R. Pr. 4. Memoratur in Cat. Bibl. clar. Ernestii, forsitan eadem cum illa s. a. sub finem ætatis I. *Vindobonæ*. 4. In Rufinum libri II. Est in Bibl. Goetting.
- *Noribergæ*. 4. — de raptu Proserpinæ, ed. *Philomusi*, per Frid. *Peyp*.
- 1519 *Juntina*. 8. Per hæredes Philippi *Juntæ*. Florentiæ, MDXIX Leone decimo Pontifice. Habet Bibl. Goetting. Præfatur *Ant. Franciscus Varchiensis* ad *Franc. Spinellum*, eruditissimum juvenem: — *Florentium reversus statim Bernardo Juntæ nostro -- persuadco -- Collatis ergo in unum antiquissimis exemplaribus, quæ potuimus vulnera Claudiano sanavimus: ad hoc acri Daxii judicio usi, adeo ut compertum habeam, te non amplius eum Claudum nuncupaturum. Non usum esse Juntam Camerti editione, apparet, quod non habet quatuor illa carmina ab illo primum edita.*
- 1523 *Aldina*. 8. Cl. Claudiani opera quam diligentissime castigata. In fine: Venetiis in ædibus Aldi & Andreæ Asulani soceri, mense Martio MDXXIII. Præfatur *Franc. Asulanus* ad *Nicol. de Guttis* Florentinum, Episcopum Firmen. *Non solum multa, quæ perverse legebantur, curavimus restituenda: sed totum plane opus diffusum antea ita disposuimus: ut summam possit legentibus jucunditatem asserre. Huc adde, quod in Herculem carmen non inelegans, & de Sirenis epigramma nos primi ex fragmento quodam vetustissimo in medium protulimus, nec tamen negamus, hæc omnia meliora melioribus exemplaribus effici posse. Ex eo, quod a se primum carmen in Herculem & de Sirenibus epi-*

gramma prolatum ait, colligitur, ipsi Camertis edit. non esse visam.

— *Venetæ* Opp. 4.

- 1530 *Parif.* 8. Cl. Claudiani Alexandrini, quotquot nostræ hac tempestate exstant, Opuscula ap. Simon. *Collinaum*. (In Catal. Bibl. Sarrazianæ editio summopere accurata dicitur.)
- 1534 *Basileæ.* 8. Cl. Claudiani poetæ celeberrimi omnia, quæ quidem exstant, opera ad veterum exemplarium fidem quam fieri potuit emendatissime excusa, versibus etiam aliquot, eorundem beneficio, super omnes hæctenus editiones sparsim locupletata, ex æd. Jo. *Bebelii*. — Michael *Isngirinius* præfatus est, laudatque Viennensi ed. Jo. Camertis, emendatorem Mich. *Bentinum*, qui exemplar a Capitone suppeditatum contulerat, ejusque Claudiano immortui successorem Jo. *Honterum* huic editioni præfuisse memorat. Bentinus Erasmo non laudatur. Plura Gesnerus de hac ed. refert, ex quibus haud adeo contemnenda videtur, atque Heinsius in præf. ad Claud. suum posteriore.
- 1535 *Gryphiana* I, Lugd. 8. ap. Seb. Gryphium. (per Pet. Crinitum & R. M. Volaterranum, qui Basileensem fecere basin.) Est in Bibl. Castellana. vid. & Catal. Bibl. Schwarz. in coll. ed. Gryph. n. 2860 p. 153.
- 1536 *Busciducis*, 4. de raptu Proserpinæ. Ex Cat. Bibl. Hulsianæ. Leidæ 1730.
- 1538 Cl. Opp. Lugd. 8. c. n. M. Ant. *Delrio*. Ex Cat. Bibl. Bodlei. Oxon. 1738.
- 1539 Basil. 4. Jan. *Parrhasii* in Claudiani de raptu Proserpinæ libros Commentarius cum textu: accessit Claudiani vita ab eodem scripta, in officina Roberti *Winter*. Est in Bibl. reg. Parif.
- 1548 *Gryphiana* II, Lugd. 12. ap. Seb. Gryphium; repetitio primæ 1535.
- 1551 Lugd. 8. Opp. c. n. M. A. *Delrio*, ap. *Beringos* fratres.
- 1561 *Gryphiana* III, Lugd. ap. hæred. Seb. Gryphii. 12.

Æ T A S I I I. 1571 — 1650.

cum Theod. *Pulmanno* illuxit, cujus recensionem *Plantiana* officina protulit junctam *Delrii* notis. Lumen

- etiam majus attulere Claudiano Steph. Claverius, qui eum ex fide Codd. vett. Bibl. Cujacianæ collatum emendavit, suisque & aliorum, ut Parrhasii & Delrii, selectis adnotationibus ornavit; unde editio ejus Parisina. 1602 princeps habenda est; cujus textum Jos. Scaliger prætulisse fertur, prouti in ed. *Raphelengiana* ab an. 1603 mox expressus legitur. Quare hanc basin fecit Casp. Barthius deserto Pulmanniano exemplo, quod in priori sua ed. 1612 unice secutus erat, excussis denuo XVII MSS. & edd. prioribus, maxime Claveriana, commentarioque locupletiori alterius suæ ed. majoris an. 1650. Præterea commendationem quoque suam habet *Junssoniana* an. 1620, bis dein repetita, quæ passim a *Raphelengiana* discedit. Th. Dempsteri curis in Claud. parum tribuit Nic. Heinsius.
- 1571 & 72 *Plantiniana, Pulmanni* I: Cl. Claudianus, Theod. Pulmanni Craneburgii diligentia & fide summa e vetustis codicibus restitutus. Antverpiæ ex officina Christoph. Plantini 1571. 16. Prima hæc Pulmanni editio, quod docet epistola præfixa, cui dies adscriptus VI Kal. Jan. A. CIO IO LXX. Privilegii tenor habet 22 Nov. MDLXXI: ultima pagina CIO IO LXXII. Ad Claudiani V. C. opera Martini Antonii *Delrio* notæ, ibid. 1572. Epistolæ, qua auctor patri dedicavit libellum subscriptum Lovanii A. D. IV. Nonas Martias CIO IO LXXII. Hic auctor est ordinis carminum majorum historici, cujus rationem reddit in præfatione: qui in eo tantum ab Heiniano. differt, quod *de laudibus vel Consulatu Stilichonis tertium*, vocat in *Consulatum secundum Stilichonis*, & subjicit *sexta Consulatus Honorii*.
- 1585 *Plantiniana, Pulmanni* II, c. n. M. Ant. Dekio. 16. Repetitio primæ.
- 1589 *Gryphiana* IV. ap. Anton. Gryphium. 12. Hæc & 1598 sunt meræ repetitiones primæ illius; nam & in ultima *Petro Crinito* tribuitur cura textus.
- 1590 Paris. 8. ap. S. Colinaeum. Repetitio primæ Colinaei an. 1530. Ex Cat. Bibl. Hulf.
- 1596 *Plantiniana, Pulmanni* III. c. n. Delrio ex offic.

Plantin. apud. vid. & Joh. Moretum Antv. 12. Hæc recentio tum fuit accuratissima.

1598 Gryphiana V, ap. Ant. Gryphum. 12.

1602 *Parif.* 4. Cl. Claudiani, poetæ in suo genere principis opera, serio emendata, neque non aucta, ex fide vett. Codicum, qui olim in Bibliotheca *Cujaciana*. Cum annotationibus perpetuis St. *Claverii* in suprema Curia (*Biturigis*) Advocati. Ad Sereniss. divinæque originis principem Franciæ Delphinum. Adjecta est coronis miscella, J. *Parrhasii* selecta, & M. Antonii *Delrii* notæ; ne quid huic editioni deesse videatur. Parisiis, ap. Nicol. *Buon*, in monte D. Hilarii sub signo D. Claudii MDCII. c. priv. regis. Habet Biblioth. Gœtting. De præfatione hæc delibat Gesnerus: *Quis Jo. Camertem digne laudaverit, e cujus epomide* (sic, puto, vocat cucullam S. Francisci) *quod rarum simul ac præclarum est, hic poeta quantus quantus, mira luce & candore, quantumvis senili conspicuus se mihi vel in transitu exeruit.* Deinde Parrhasium, Delrium, Pulmannum suis mactat elogiis, sed nihil singulare aut ignotum habentibus. De Cujacio quid dicat, cum rarus jam olim fuerit liber, ponamus: „Cum præsertim apud Jacobum Cujacium, virum „omni modo illustrem agenti duo Claudiani exemplaria, antiqua manu exarata, se obtulerint, unde „poeta, quem in osculis habebat, convaluerit jam „plane, aut certe multo minus æger sit præstitus. „tum vero adeo gratia valebam, ut diceret, suos „poetas mihi vel possessione vel usu brevi datum iri. „Sed non ego illi nimium credulus, quippe noveram „ipsum, me etiam id ætatis. Ut ut sit, ejus benignitate vel opera, contextum nostri auctoris in mundum rede- „gimus: usi insuper codice Gryphiano, in „cujus ora varias lectiones aliunde exprefferat. At „triduo post repetiit, aliquando enim de suis vigiliis „erat anxius, ad usque umbram suspitionis. quod „minime mirum: nam & in his amoribus magnum „sæpe a rivali aliquo periculum. Itaque ante lustrum, „aut plus eo, ut rescivi, eundem librum esse in „Museo V. C. H. *Picaultii* splendide eruditi & faventis pleni, ad eum volavi curriculo, voti mei; ut.

„reapse paruit, compos futurus. Exinde profecto,
 „pleraque olim festinando præterita non sine volup-
 „tate collegi. --- P. *Gnosii* iudicis optimi, nec par-
 „vi inter literatos nominis Schedia ut placitum in-
 „spexi: e quibus auctarium satis amplum repræsen-
 „tare potui -- omnes etiam editiones fere deliba-
 „vimus, nec ulla freti conjectura. „ De hac editio-
 „ne ita Casp. *Barthius* in præfatione secundæ suæ:
 „Laudem præcipuam meretur, quæ ex Cujacianis
 „libris & observationibus a Stephano Claverio Pari-
 „siis edita in satis ampla & splendida, paulo post a
 „Scaligero in minutissimam formam, solo tamen, ut
 „vocamus, textu, redacta, & a Plantinianis est sæ-
 „pius recusa. Totam hanc corrigendam, proban-
 „dam, examinandam, in nostra hac promulgatione
 „reponendam, duximus. „ Gesnerus addit: Est qui
 Claverianæ huic editioni adjectum etiam memoret
 Jo. *Tornorupæi* Commentarium ad carmen de III &
 IV consulatu Honorii. In nostro quidem exemplo
 nullum ejus rei vestigium deprehendebam. Floruit
 autem eo tempore & in Persium notas edidit Tor-
 norupæus Paris. 1601. 4.

— *Plantiniana*, *Pulmanni* IV. c. n. M. A. *Delrio*, ap.
 Moretum. Antv. 12.

1603 Lugd. 4. in Corpore omnium veterum poetarum La-
 tinorum secundum seriem temporum. II vol.

— Paris. 4. ap. Vid. Guil. Chaudiere.

— *Raphelengii* I, ex emendat. virorum doctorum ex
 offic. Plant. *Raphelengii*. 24. de qua Heinsius in
 præf. *Raphelengianam* omnium quot vidit optimam, quam
 Scaligerum recensuisse volunt, exprimendam curavi, sub-
 latis tantum hic illic conjecturis viri maximi nonnullis,
 quas in contextum temere admiserat typographus.

— Lugd. 8.

1606 Aurel. Allobr. 12. ex recensione *Pulmanni*.

— Lugd. B. 12.

— Lugd. 16. sumtibus Jacobi Roussin.

1607 Flexiæ. 8. cum Annotatt. Thom. *Dempsteri*. non
 magnæ rei, Heinsio iudice.

— *Raphelengii* II, 16. ex officina Plantin. *Raphe-*
lengii.

XXIV NOTITIA LITERARIA

- 1608 Antv. 16. ap. *Moretum*. (forſan eadem cum antecedente.)
- 1611 *Plantiniana*, *Pulmanni* V, cum M. Ant. Delrio notis. Antv. 12.
- Geneva. 4. cum varietate lectionis. in Corpore omnium veterum poetarum Latinorum ſecundum ſeriem temporum II vol. p. 512 - 612.
- 1612 *Barthii* I, Hanoviae. 8. cum animadverſionibus C. *Barthii*, in bibliopolio Willieriano. De qua ipſe in præf. Animadverſionum: „Solam Pulmanni editio-
nem an. 1596 recuſam ſecuti in emendando aucto-
re ſumus, quam & cum omnibus vitiis & virtuti-
bus in textu exprimendam iuſſimus, ut conſtaret
lectoris potius ex animadverſionibus, quam cum pe-
riculo ſcriptoris, quid corrigendum & mutandum
conſeremus — Pulmanni fidem in MSS. librorum
lectionibus proponendis ſecuti ſumus — MSSos
alios conferre non lubuit. Nam ſi tot illi nihil po-
tuerunt melioris notæ adferre, unde Claudiani in-
ſignes naui emacularentur, ſupervacuum arbitra-
tus ſum, bonas horas in unius alicuius MSti colla-
tione corrumpere. „ Aliter poſt XXXVIII annos &
iudicavit & egit in ed. II ſua an. 1650 Barthius.
- eadem editio recuſa Bremæ. 8. ap. Heuſman. (no-
vus titulus.)
- Geneva. 8.
- Col. Allobr. 8. a Pulmanno.
- 1613 Colon. 12. diligentia Theod. Pulmanni, ap. Caſp. Be-
lerum. (Hæc & præcedens una eademque eſſe vi-
dentur.)
- 1616 12. ap. Plantin.
- Pariſ. 24. ex emendatione virorum doctorum, ap:
Sanlecque. Expreſſa videtur ex Raphelengiana.
- 1617 Antv. 8. Theod. *Pulmanni* diligentia reſtitutus, & a
Marc. Ant. Delrio notis illuſtratus. Ap. Hieron. Ver-
duſen & Plantin.
- 1618 Cl. Claudiani Poetæ opera omnia & Avieni *Æſopica-*
rum fabul. liber. Duaci. 8.
- 1619 Claudiani Phœnix, de Phaleris Equi Honorii, de
Mulabus gallicis, hiſtrix, de Cryſtallo, torpedo &
Magnes, exſtant in Caſp. *Dornavii* Amphitheatro

- fapientiae Socraticae jocoferiae. Tom. I & II. Hano-
viae. fol.
- 1620 Basil. 16. Jul. Cæs. *Scaligeri*, Adriani *Turnebi*, &
Marc. Ant. *Delrio* observatt. illustrata, Aug. Munat.
apud Ludov. Kœnig.
- *Janssoniana* I, Amstel. 24. ex optimorum codicum
fide. apud Guil. *Janssonium*. Sequitur maxime Ra-
phelengianam, nonnunquam ab ea discedit.
- eadem editio repetita Aug. Munat.
- Colon. 4. de raptu Proserpinæ.
- 1622 Genevæ. 12. ap. Sam. Crispin.
- e rec. Pulmanni, Antverp. 12.
- 1628 *Janssoniana* II, Amstel. 16. ap. Jo. *Janssonium*.
- 1630 Amstel. 16. ex optimorum codd. fide. ap. Guil. Cæ-
sium (Blæuw.)
- 1632 Antv. c. n. Delrio. 8.
- 1639 *Janssoniana* III, Amstel. 16. ex optimorum codd.
fide. ap. Jo. *Janssonium*.
- 1640 Aurel. Allobr. 4. in Corpore omnium veterum poe-
tarum Latinorum secundum seriem temporum.
- [1641 Lugd. Bat. 12. c. n. Nicolai Heinsii. Hanc ed. com-
mentitiam esse probat præf. ed. 1650. pluribus-
que evincit Gesnerus in proleg. ad Claudianum
p. XXXV.]
- 1650 Francof. 4. Claudii Claudiani, Principum Heroum-
que Poetæ prægloriosissimi quæ exstant. Caspar Bar-
thius ope septemdecim manuscriptorum exempla-
rium restituit: Commentario multo locupletiore,
Grammatico, Critico, Philologico, Historico, Philo-
sophico, Politicoque, ita illustravit, ut auctor præ-
tiosissimus omni ætati, Scholasticæ, Academicæ, Au-
licæ, Politicæque esse debeat ex commendato com-
mendatissimus. Francofurti apud Jo. Naumannum,
Bibliop. Hamburgensem. Basin textus sui fecerat Bar-
thius Raphelengianam editionem, omnium tum
emendatissimam, a Josepho Scaligero, ut persuasum
esse ait viris eruditissimis, castigatam. In præf. de sua
priori ita, nec falso prædicat: „Primi velut peni-
„tius arcana ejus sumus ingressi, tali certe opera,
„quæ vel sola eum totum nobis & communi mor-
„talitati reddere potuit explicationem. Ab eo tem-

„pore plus subsidiorum adeptis resumere eandem
 „operam, & quidquid in eodem præstitissent alii
 „examinare, itaque pretiosissimum scriptorem ex-
 „cipere, ut primum, quoad ejus fieri posset,
 „redderemus emaculatissimum, deinde & clarissi-
 „mum - - Conquisitis itaque veteribus libris, adhi-
 „bitis doctorum hominum commentationibus, &
 „omni genere veteris Philosophiæ Philologiæque,
 „hullumque fere veræ legitimæque Antiquitatis auc-
 „torem intactum relinquentes, eum confecimus no-
 „stro solum Marte, satis amplum liberumque com-
 „mentarium, quem hac editione exhibemus. „ Ce-
 „terum hæc edit. mendis scatet, præsertim in Græcis,
 „quod ipse Barthius non semel & publice & privatim
 „conquestus est teste *Daumio* in præf. Statii a Barthio
 „illustrati an. 1664. Index quoque Claudiani, quem
 „idem *Daumius* epist. XX ad Thom. Reinesium a se
 „concinnari dicit, in hac certe ed. deest.
 1654 hunc annum præferunt alia exempla Barthianæ ed.
 „qua de re vide *Gesnerum* p. XXXIV sq.

ÆTAS IV HEINSIANA

- a Nic. *Heinsio*, celebri poetarum latinorum fospitatore, qui
 etiam Claudiani textum collatione XXVIII MSS.
 veterumque edd. emendavit in ed. I 1650 a Jo.
 Frid. *Gronovio* curata, dein ex nova aliorum MSS.
 collatione in Schreveliana II an. 1665 notis auctiore.
 Heinsii curis tandem post seculum suas junxere
 duumviri Musarum sacerdotes Jo. Matth. *Gesnerus*,
 & Petr. *Burmannus*, quas ad an. 1759 & 1760 re-
 censemus.
 1650 Lugd. Bat. 12. c. n. Nic. *Heinsii*. ap. Elzevir. Hein-
 siana prior. Ad quam *Gesnerus*: „Ita confessa sunt,
 „inquit, Nicolai Heinsii de poetis merita, ita supra
 „omnem ingenii doctrinæque aleam posita, quæ ad
 „Virgilium, Ovidium, Valerium Flaccum, Silium
 „Italicum emendandos ornandosque contulit, ut lau-
 „dare volenti ne occinatur, metus sit. Quis enim
 „vituperat? Ea porro habuerat rei bene gerende
 „ab ipsa familiaritate cum his, quos Claudianus ini-

- tatus est, a MSSis quorum XXVIII recenset, & collationibus veterum librorum, jam hoc tempore praesidia, ut egregia omnia vel hinc suspicari liceat. Curavit editionem per ipsius absentiam Jo. Frid. Gronovius, quo viro nihil erat accuratius, oculatius, honoris amici studiosius. Itaque hæc prior editio alteri, (1665) quantum ad emendationis *ἀκριβειαν*, etiam præferenda mihi videbatur. „
- Amstel. ex emend. vir. doct. 24. In Schwarziæ bibl. Catal. P. I, n. 2349 memoratur; quæ Rapphelegianæ repetitio videtur formæ minoris.
- 1653 Mediol. 16. optimorum codicum fide restituta, ap. Jo. Pet. Cardum.
- 1659 Amstel. 8. c. n. var. per. C. Schrevelium, ap. Elzev.
- 1665 Amstel. 8. c. n. variorum accurante Corn. Schrevelio, ex offic. Elzevir. Nova doctrinæ suæ incrementa, & decem novorum codicum subsidia cum Heinsius attulerit, quantum ea res profuerit Claudiano, facile est ad intelligendum. Videtur non satis fecisse Heinsio diligentia ejus, qui typis præfuit, sive is Schrevelius fuit, qui Variorum, Barthii præcipue notas attexuit, sive alius. Scribit enim ad Gronovium To. 3 Sylloges Burm. pag. 514 *Invitus deprehendo, mendas complures huic operi irrepisse*. Circa orthographiam etiam sæpiuscule discessum ab Heinsiana ratione cuiusvis videre licet. — Hæc edit. a notis præstat, quæ altera fere parte auctiores sunt. Observavit tamen Gesnerus, in libris de Raptu Prof. remississe aliquantum summi, dum viveret, viri diligentiam.
- 1668 Schreveliana III, Amstel. 8. c. n. Varior.
- 1675 Lipsiæ. 8. Panegyris in tertium Consulatum Honorii Augusti, c. n. Vorstii.
- 1677 Paris. 4. Cl. Claudiani opera, quæ exstant, interpretatione & annotationibus illustravit Guil. Pyrro. Jussu Christianissimi Regis in usum Seren. Delphini. Parisiis, Frid. Leonard.
- Amstel. 12. ex emendatione Nic. Heinsii, ap. Dan. Elzevir.
- 1678 Francof. 8.
- 1684 Mediol. fol. In Cl. Claudiani libros de raptu Pro-

XXVIII NOTITIA LITERARIA

- serpinæ commentaria Nic. *Biffii*, addita textus in Italicos versus translatione, ex typogr. Lud. Montizæ.
- 1688 Amstel. 12. ex emendatione *Heinsii*.
- 1691 Lubecæ. 8. Claverii, Dempsteri & Barthii scriptis, maximam vero partem notis Dan. *Hartnaccii* illustrata.
- 1701 Lubecæ. 12. ap. Jo. Wiedemeyerum. Repetitio præcedentis.
- 1705 Diss. Acad. ad Paneg. Claudiani in IV Honorii Conf. præside Jo. Casp. *Khunio*, hist. & eloq. P. P. resp. Jo. Strinz, Argentor. d. 30 Dec. 1705 defensa. Cui sq. anno novus titulus præfixus est: Cl. Claudiani de IV Consulatu Honorii Aug. panegyricus cum notis brevibus Rhetoricis & politicis Joh. Casp. *Khunii*.
- 1706 Argent. 4. Epigrammata selecta c. n. Jo. Casp. *Khunii*.
- 1713 Londini. fol. in collectione opp. & fragment. veter. Poetar. Latinor. Profanor. & Ecclesiasticor. ap. Jo. Nicholson. B. Tooke & J. Tonson. II vol. (edidit *Maittaire*.)
- 1715 Lips. 12. c. n. ad modum Minellii, ap. Weidm.
- 1729 Patavii 12. ex optimorum codicum fide.
- 1731 Mediol. in corpore Poet. Lat. cum Italica versione Nic. *Berengani*. 4. To. XI. XII. XIII.
- 1734 Patavii. 8. Cl. quæ exstant, Nic. *Heinsius* D. fil. recensuit, ac notas addidit, quibus accedunt variorum Commentarii, addita sunt ad calcem poemata incerti auctoris. 2 tomi.
- f. a. & fol. in Claud. Hermann. *Buschius*. Colonizæ.
- 1759 Cl. Claudiani quæ exstant, varietate lectionis & perpetua annotatione illustrata a Jo. Matth. *Gesnero*. accedit Index uberrimus. Lips. in off. Fritschia. 8. Textum sequitur Heins. & quidem ex ipsius exemplo prioris editionis (quod emendatius sub oculis Gronovii excusum) mutatis modo illis locis, quos ipse in secundis curis mutari jusserat Heinsius, aut in quibus ab illo discedendi iustas se causas habere putaret V. C. quas adnotavit. Inter textum & notas (egregias quidem illas & doctas, & ad bene intelligendum poetam comparatas) interpositam habet varietatem lectionis meliorem, insertis judiciis criticis, etiam conjecturis quibusdam Criticorum.

Præmissa sunt Prolegomena copiosa & erudita de rebus omnibus ad Claudianum ipsum, ejus carmina & editiones pertinentibus.

- 1260 Cl. Claudiani Opera quæ exstant, omnia ad membranarum fidem castigata, cum notis integris Delrii, Claverii, Demsteri, auctioribus Nic. Heinsii, & ineditis Petr. *Burmanni*. Accedit sylloge Varr. lectt. ex ingenti numero MSS. a Nic. Heinsio collatorum digesta: subjungitur *Laurentii* elegia de Phœnice, vulgo Claudiano adscripta, cum curis secundis Nic. *Heinsii* & adnott. Petr. *Burmanni* sec. Amst. 4. Petr. Burmannus, tot poetis & aliis scriptoribus editis clarus, etiam Claudianum edere voluit cum suis & Heinsii & ceterorum notis: quò ante opus editum mortuo, rem suscepit e fratre nepos, qui & ipse addidit multa, quibus Claudiano prodesset: inprimis illam syllogen Varr. Lectt. & notas ad Phœnicen, quibus & Oudendorpianæ insertæ sunt.
-

Nos vero textum Heinsianum exscribendum curavimus, & quidem moniti a Gesnero (cf. ejus Proleg. in Claud. p. XXXII.) denuo collatum cum Jansson. unde lectio nostra subinde profecit. Sed & plurimas MSSorum lectiones recepimus, quæ vel ingenio Claudiani, rationique poeticæ magis accommodæ, vel sensum meliorem fundere videbantur.

VERSIONES.

HISPANICA.

- 1628 El Robo de Proserpina de Claudiano, traduzido en verso Castellano por D. *Francisco de Faria*. En Madrid. 8.

GALLICÆ.

- 1586 Lettres missives de Mesdames Des-Roches, avec le ravissement de Proserpine, pris du Latin de Clodien. &c. à Paris. Abel l'Angelier.
 1658 Claudien Proserpine, Poeme par *Nicole*. à Par.
 1681 Les Œuvres du Président Nicole, contenant diverses pieces choisies, traduites en vers François de Martial, d'Horace, Ovide, Seneque, Claudien, Catulle &c. à Paris, chés de Servy. 12.

ITALICÆ.

- 1553 Il ratto di Proserpina, tradotto in versi sciolti da *Livio Sanuto* (senza luogo e nome di Stampatore) 8.
 1556 La Fenice tradotta in versi da *Tito Giovanni Scandianese*. Venezia, per Gabr. Giolito. 4.
 1586 Il ratto di Proserpina tradotto in ottava rima da *Gio. Domenico Bevilacqua* &c. in Palermo per Gio. Franc. Carrara. 4.
 1608 Il ratto di Prof. tradotto in versi da Marc. Ant. *Cinuzzi*. Venezia. 8.

- 1622 La Fenice tradotta da *Ignatio Bracci*, con alcune considerazioni. Macerata per P. Salvioni. 8.
 1684 cum Comm. *Nic. Biffi* edita etiam raptus Proserp. in Italicos versus translatio. Vide. ed. h. a.
 1714 Il rapimento di Proserpina tradotto (in versi sciolti) da *Marcantonio Cinuzzi*. Siena, per il Bonetti. 8.
 1715 Eadem repetita Senis. 8.
 1716 Le Opere di Claudiano tradotte in versi sciolti, ed arricchite di erudite Annotazioni da *Nicola Beregani*. Venezia. 8. Eadem comparet
 1731 In corpore Poet. Lat. cum vers. Ital. Mediol. T. XI. XII. XIII.
 1751 Il rapimento di Proserpina, cum Comm. *Nic. Biffi* rep. Lucæ. fol.
 f. a. Dell'atto di Proserpina in versi sciolti del *Barbo*. Padova. 4.

GERMANICÆ.

- 1756 Gedicht wider den Rufinus, mit einiger Freiheit in teutsche Verse übersetzt, und nebst verschiedenen eigenen Sinngedichten ans Licht gestellt von *Myriander*. Nürnberg. 8.
 1760 Desselben zwote Ausgabe. *ibid.* 8.
 . . . De Conf. Prob. & Olybr. III & IV Conf. Honor. Epithal. Bellum Gildon. Bellum Getic. germanice vertit J. J. *Dusch*, Prof. Alton. vid. Briefe zur Bildung des Geschmacks T. III, 8, 9, 13. IV, 13, 14, 15.

ANGLICÆ.

- 1628 Claudian, translated by L. *Digges*. Lond. 4.
 1715 De raptu Proserpinæ Libros III Anglice reddidit *Hughesius*. Lond.
 1730 In Rufinum Lib. II. & in Eutropium Lib. II. Anglica metaphrasi donavit interpres doctus *William King*, præmissa præfatione isagogica ad poetam no-

bilem Alexandrum Pope. Lond. Cui jungenda ejusdem *W. Kingii* de *Rufino* commentatio Anglice edita obviaque in ejus *Remains* sive reliquiis postumis, editis Lond. 1732.

Critick upon a favourite Ministry, particularly that of Rufinus, favourite of the Emperor Theodosius, and his character rendered into verse from Claudian.

- 1741 Claudian's history of Rufinus : with several select pieces of other Authors, translated by Mr. Hughes. 8.

G R Æ C A.

- 1619 Cl. Claudiani de Amphionii & Anapii fratrum statuis, & in Sphæram Archimedis Epigrammata, metaphrasi metrica Græca *Fed. Morelli* Prof. Reg. Decan. reddita. Parif. ex typogr. J. Libert. 4.

Emendanda.

pag. 10. v. 203. l. *Pelion*. O duplici.
 pag. 74. v. 446. l. *Sygambri*.
 pag. 117. v. 438. l. *Dextra*.
 pag. 292. v. 20. l. *innumerum*.
 pag. 317. v. 353. l. *undasse*.

CL. CLAUDIANI
CARMINA.

INDEX CARMINUM.

CARMINA MAIORA:

- 1 Consulatus Proбини & Olybrii.
- 2-5 In Rufinum libri duo, cum præfationibus.
6. 7 Tertius Consulatus Honorii Aug. cum præfatione.
- 8 Quartus Consulatus Honorii.
9. 10 Epithalamium in nuptias Honorii cum præfatione.
- 11-14 Fescennina.
15. Bellum Gildonicum.
16. 17 Consulatus Mallii Theodori c. præfatione.
- 18-20 In Eutropium libri duo c. præfat.
- 21-24 Consulatus f. de Laudibus Stilichonis c. præf.
25. 26 Bellum Geticum c. præf.
27. 28 Sextus Consulatus Honorii c. præf.
- 29 Panegyris Serenæ dicta.
30. 31 Epithalamium Palladii c. præf.
- 32-36 Raptus Proserpinæ Libri tres c. præfationibus.
37. 38 Gigantomachia cum fragmento Græco.

I

CL. CLAUDIANI

I N

PROBINI ET OLYBRII

FRATRUM

CONSULATUM

P A N E G Y R I S.

SOL, qui flammigeris mundum complexus habenis
 Volvis inexhausto redeuntia secula motu,
 Sparge diem meliore coma, crinemque repexi
 Blandius elato rubeant temone jugales,
 Efflantes roseum frenis spumantibus ignem.
 Jam nova germanis vestigia torqueat annus
 Consulibus, lætique petant exordia menses.
 Scis genus Auchenium, nec te latuere potentes
 Anniadæ: nam sæpe soles ductoribus illis
 Instaurare vias, & cursibus addere nomen.
 His neque per dubium pendet Fortuna favorem;
Cl. Claudianus.

* A 2

Nec novit mutare vices ; sed fixus in omnes
 Cognatos procedit honos. Quemcunque requires
 Hac de stirpe virum , certum est de Consule nasci.
 Per fasces numerantur avi , semperque renata
 Nobilitate virent , & prolem fata sequuntur
 Continuum simili servantia lege tenorem :
 Nec quisquam procerum tentat , licet ære vetusto
 Floreat , & claro cingatur Roma Senatu ,
 Se jactare parem : sed , prima sede relicta
 Aucheniis , de jure licet certare secundo.
 Haud secus ac tacitam Luna regnante per Arcton
 Sidereæ cedunt aciës , cum fratre retuso
 Æmulus adversis flagraverit ignibus orbis.
 Tunc jubar Arcturi languet : tunc fulva Leonis
 Ira perit : Plaustro jam rara intermicat Arctos
 Indignata tegi : jam caligantibus armis
 Debilis Orion dextram miratur inermem.
 Quem prius aggrediar ? veteris quis facta Proбини
 Nesciat , aut nimias laudes ignoret Olybri ?
 Vivit adhuc , completque vagis sermonibus aures
 Gloria fusa Probi , quam nec ventura filebunt
 Lustra , nec ignota rapiet sub nube vetustas.
 Illum fama vehit trans æquora , transque remotas
 Tethyos ambages , Atlanteosque recessus.
 Audiit & , gelido si quem Mæotica pascit
 Sub Jove , vel calido si quis conjunctus in axe
 Nascentem te , Nile , bibit. Virtutibus ille
 Fortunam domuit : nunquamque levantibus alte
 Intumuit rebus : sed mens circumflua luxu
 Noverat intantum vitio servare rigorem.

Hic non divitias nigrantibus abdidit antris,
 Nec tenebris damnavit opes: sed largior imbre.
 Sueverat innumeras hominum ditare catervas.
 Quippe velut densos currentia munera nimbos.
 Cernere semper erat: populis undare Penates:
 Assiduos intrare inopes: remeare beatos.
 Præceps illa manus fluvios superabat Iberos
 Aurea dona vomens. Sic quis tellure revulsa
 Sollicitis fodiens rimatur collibus aurum:
 Quantum stagna Tagi rudibus stillantia venis.
 Effluxere decus: quanto pretiosa metallo
 Hermi ripa micat: quantas per Lydia culta.
 Desumpat rutilas dives Pactolus arenas.
 Non, mihi centenis resonent si vocibus ora,
 Multifidusque ruat centum per pectora Phœbus.
 Acta Probi narrare queam, quot in ordine gentes.
 Rexerit, ad summi quoties fastigia juris.
 Venerit, Italiæ late cum frena teneret,
 Illyricosque sinus, & quos arat Africa campos.
 Sed nati vicere patrem, solique merentur
 Victores audire Probi. Non contigit illi
 Talis honor, prima cum parte viresceret ævi.
 Non Consul cum fratre fuit. Vos nulla fatigat
 Cura, diu majora petens: non anxia mentem.
 Spes agit, & longo tendit præcordia voto.
 Coepistis, qua finis erat. Primordia vestra
 Vix pauci mernere senes: metasque tenetis,
 Ante, genas dulces quam flos juvenilis inumbret.
 Oraque ridenti lanugine vestiat ætas.
 Tu, precor, ignarum doceas, Parnassia, vatem.

Quis Deus ambobus tanti sit muneris auctor.
 Postquam fulmineis impellens viribus hostem
 Belliger Augustus trepidas laxaverat Alpes,
 Roma Probo cupiens dignas persolvere grates, 75
 Sedula pro natis dominum flexura rogando
 Ire parat. Famuli currum junxere volantem
 Impetus, horribilisque Metus, qui semper agentes
 Proelia cum fremitu Romam comitantur anhelò,
 Sive petat Parthos, seu cuspide turbet Hydaspem. 80
 Hic ligat axe rotas: hic sub juga ferrea nectit
 Cornipedes, rigidisque docet servire lupatis.
 Ipsa, triumphatis qua possidet æthera regnis,
 Assilit, innuptæ ritus imitata Minervæ.
 Nam neque cæsariem crinali stringere cultu, 85
 Colla nec ornatu patitur mollire réorto;
 Dextrum nuda latus, niveos exserta lacertos,
 Audacem retegit mammam, laxumque coercens
 Mordet gemma sinum. Nodus qui sublevat ensẽ,
 Album puniceo pectus discriminat ostro. 90
 Miscetur decori virtus, pulcherque severo
 Armatur terrore pudor, galeæque minaci
 Flava cruentarum prætenditur umbra jubarum,
 Et formidato clipeus Titana laceffit
 Lumine, quem tota variarat Mulciber arte. 95
 Hic, patrius Mavortis amor, fetusque notantur
 Rumulei. Pius amnis inest, & bellua nutrix.
 Electro Tiberis, pueri formantur in auro.
 Fingunt æra lupam. Mavors adamante coruscat,
 Jam simul emissis rapido velocior Euro 100
 Fertur equis. Stridunt Zephyri, cursuque rotarum

Saucia dividuis clarescunt nubila fulcis :
 Nec traxere moras , sed lapsu protinus uno ,
 Quem poscunt , tetigere locum ; qua sine sub imo
 Angustant aditum curvis anfractibus Alpes ,
 Claustraque coniectis scopulis durissima tendunt ;
 Non alia referanda manu , sed pervia tantum
 Augusto , geminisque fidem mentita tyrannis.
 Semirutæ turres , avulsaque mœnia fumant.
 Crescunt in cumulum strages , vâllemque profundam
 Æquavere jugis. Stagnant immerfa cruore
 Corpora. Turbantur permixto funere manes.

105

110

Haud procul exacto lætus certamine victor
 Cespite gramineo confederat , arbore fultus
 Acclines humeros. Dominum gavisa coronat
 Terra suum , surguntque toris majoribus herbæ.
 Sudor adhuc per membra caler , creberque recurrit
 Halitus , & placidi radiant in casside vultus.

115

Qualis letifera populatus cæde Gelonos
 Procubat horrendus Getico Gradivus in Hæmo.
 Exuvias Bellona levat , Bellona tepentes
 Pulvere solvit equos , immensaque cornus in hastam
 Porrigitur , tremulisque ferit splendoribus Hebrum.
 Ut stetit ante ducem discussas Roma per auras ,
 Conscia ter sonuit rupes , & inhorruit atrum
 Majestâte nemus. Prior hic , O numen amicum ,
 Dux ait , & legum genitrix , longeque regendo
 Circumsusa polo , consors adjuncta Tonanti ,
 Dic agedum , quæ causa viæ ? cur deseris arces
 Ausonias , cœlumque tuum ? dic , maxima rerum.
 Non ego vel Libycos cesssem tolerare vapores ,

120

125

130

Sarmaticosve pati medio sub frigore Coros,
 Si tu, Roma, velis. Pro te quascunque per oras
 Ibimus, & nulla sub tempestate timentes
 Solstitio Meroen, bruma tentabimus Istrum.

135

Tum regina refert: Non me latet, inclite rector;

Quam tua pro Latio victricia castra laborent,
 Nec quod servitium rursus, Furiaeque rebelles
 Edomitæ paribus sub te cecidere triumphis.

140

Sed precor hoc donum cum libertate recenti
 Adjicias, si vera manet reverentia nostri.

Sunt mihi pubentes alto de semine fratres;

Pignora cara Probi, festa quos luce creatos

Ipsa meo fovi gremio. Cunabula parvis

145

Ipsa dedi, cum matris onus Lucina beatum

Solveret, & magnos proferrent sidera partus.

His ego nec Decios pulchros, fortessve Metellos

Prætulerim: non qui Poenum domuere ferocem

Scipiadas, Gallisque genus fatale Camillos.

150

Pieriis pollent studiis, multoque redundant

Eloquio. Nec desidiis, dapibusve paratis

Indulgere juvat: nec tanta licentia vitæ

Abripit, aut mores ætas lasciva relaxat:

Sed gravibus curis animum sortita senilem

155

Ignea longævo frenatur corde juvenus.

Illis, quam propriam ducunt ab origine, sortem

Oramus præbere velis, annique futurum

Devoveas venientis iter. Non improba posco:

Non insueta dabis. Domus hoc de more requirit.

160

Adnue. Sic nobis Scythicus famuletur Araxes,

Sic Rhenus per utrumque latus: Medisque subactis

Nostra Semiramiae timeant insignia tures;
Sic fluat attonitus Romana per oppida Ganges.

Ductor ad hæc : Optata jubes , ultroque volentem ,
Diva , rogas : non hæc precibus tentanda fuissent.

165

Usque adeone meam condunt oblivia mentem ,
Ut pigeat meminisse Probi , quo vindice totam
Vidimus Hesperiam fessasque resurgere gentes ?

Ante dabunt hiemes Nilum ; per flumina damæ
Errabunt , glacieque niger damnabitur Indus ;

170

Ante Thyesteis iterum conterrita mensis
Intercisa dies refugos vertetur in ortus ,

Quam Probus a nostro possit discedere sensu.
Dixerat , & velox jam nuntius advolat urbem.

Extemplo strepuere chori , collesque canoris
Plausibus impulsæ septena voce resulant.

175

Lætatur veneranda parens , & pollice docto
Jam parat auratas trabeas , cinctusque micantes
Stamine : quod molli tondent de stipite Seres ,

Frondea lanigeræ carpeates vellera silvæ :

180

Et longum tenues tractus producit in aurum ,
Filaque concreto cogit squalere metallo.

Qualis purpureas præbebat candida vestes
Numinibus Latona suis , cum sacra redirent

Ad loca nutricis jam non errantia Deli.

185

Illæ feros saltus & desolata relinquens

Mænala , lassato certis venatibus arcu ,

Phœbus adhuc nigris rorantia tela venenis

Exstincto Pythone ferens. Tunc insula notos

Lambit amica pedes , ridetque Ægæus alumnis

190

Lenior , & blando testatur gaudia fluctu.

Sic Proba præcipuo natos exornât amictu ;
 Quæ decorat mundum : cuius Romana potestas
 Fetibus augetur. Credas ex æthere lapsam
 Stare pudicitiam , vel sacro thure vocatam 195
 Junonem Inachiis oculos advertere templis.
 Talem nulla refert antiquis pagina libris ,
 Nec Latæ cecinere tubæ , nec Græca verustas :
 Conjuge digna Probo : nam tantum coetibus exstat
 Fæmineis , quantum supereminet ille maritos : 200
 Ceu sibi certantes sexus quid possit uterque
 Hunc legere thorum. Taceat Nereida nuptam
 Pelion , duplici secundam Consule matrem ,
 Felicemque uterum , qui nomina parturit annis :
 Ut sceptrum gessere manu , membrisque rigentes 205
 Aptavere togas , signum dat summus hiulca
 Nube pater , gratamque facem per inane rotantes
 Prospera vibrati tonuerunt omina nimbi.
 Accepit sonitus curvis Tiberinus in antris ,
 Ina valle sedens , arrestisque auribus hæsit , 210
 Unde repentinus cœli fragor. Illicet herbis
 Pallentes thalamos , & structa cubilia musco
 Deserit , ac Nymphis urnam commendat herilem.
 Illi glauca nirent hirsuto lumina vultu ,
 Cæruleis infecta notis , reddentia patrem 215
 Oceanum : crispo densatur gramine colla.
 Vertice luxuriat toto crinalis arundo :
 Quam neque fas Zephyris frangi , nec sole perustam
 Æstivo candore mori : sed vivida frondet
 Æquævum complexa caput. Taurina levantur 220
 Cornua temporibus raucos sudantia rivos.

Distillant per pectus aquæ. Frons hispida manat
Imbribus. In liquidos fontes se barba repetit.
Palla graves humeros velat, quam neverat uxor
Ilia, percurrens vitreas sub gurgite telas. 225
Est in Romuleo procumbens insula Tibri,
Qua medius geminas interfuit alveus urbes
Discretas subeunte freto, pariterque minantes
Ardua turrigeræ surgunt in culmina ripæ.
Hic stetit, & subitum prospexit ab aggere votum, 230
Unanimes fratres, juncto stipante Senatu,
Ire forum, strictasque procul radiare secures,
Atque uno bijuges tolli de limine fasces.
Obstupuit visu, suspensaque gaudia vocem
Oppressam tenuere diu; mox inchoat ore: 235
Respice, si tales jactas aluisse fluentis,
Eurota Spartane, tuis. Quid protulit æquum
Falsus olor, valido quamvis decernere cæstu
Norint, & ratibus sævas arcere procellas?
En nova Ledæis soboles fulgentior astris. 240
Ecce mei cives: quorum jam Signifer optat
Adventum, stellisque parat convexa futuris.
Jam per noctivagos dominetur Olybrius axes
Pro Polluce rubens, pro Castore flamma Proбини.
Ipsi vela regent. Iphis donantibus auras 245
Navita tranquillo moderabitur æquore pinum.
Nunc pateras libare Deis, nunc solvere multo
Nectare corda libet. Niveos jam pandite coetus,
Naides, & totum violis prætexite fontem.
Mella ferant silvæ. Jam profluat ebruiis amnis 250
Mutatis in vina vadis. Jam sponte per agros

12 CL. CLAUD. IN PROB. ET OLYB. CONS.

Sudent irriguæ spirantia balsama venæ.

Curat, qui sociæ roget in convivia mensæ
Indigenas fluvios, Italis quicunque suberrant
Montibus, Alpinalque bibunt de more pruinas: 255

Vulturūque rapax, & Nar viriatus odoro
Sulfure, tardatusque suis erroribus Ufens:
Et Phaethontæ perpeffus damna ruinæ
Eridanus, flavæque terens querceta Maricæ 260

Liris, & Œbalix qui temperat arva Galefus.
Semper honoratus nostris celebrabitur undis
Iste dies: semper dapibus recoletur opimis.
Sic ait, & Nymphæ patris præcepta secutæ
Testa parant epulis: ostroque infecta corusco
Humida gemmiferis illuxit regia mensis. 265

O bene signatum fraterno nomine tempus!
O consanguineis felix auctoribus anne,
Incipe quadrifidum Phœbi torquere laborem.
Prima tibi procedat hiems, non frigore torpens, 270

Non canas vestita nives, non aspera ventis,
Sed tepido calefacta Noto. Ver inde serenum
Protinus, & liquidi clementior aura Favoni
Pratis te croceis pingat. Te messibus æstas
Induat, autumnusque madentibus ambiat uvis.
Omni nobilior lustro, tibi gloria soli 275

Contigit, exactum nunquam memorata per ævum,
Germanos habuisse duces: te cuncta loquetur
Tellus; te variis scribent in floribus Horæ,
Longaque perpetui ducent in secula fasti.

CL. CLAUDIANI
IN RUFINUM

LIBRI I

PRÆFATIO.

PHŒBEO domitus Python cum decedit arcu,
 Membraque Cirrhæo fudit anghela jngo:
 Qui spiris tegetet montes, hauriret hiatu
 Flumina, sanguineis tangeret alstra jubis:
 Jam liber Parnassus erat, nexuque soluto
 Cœperat erecta surgere fronde nemus.
 Concussæque diu spatiosis tractibus orni
 Securas ventis explicuere comas.
 Et qui vipereo spumavit sæpe veneno
 Cephissos liquidis purior ibat aquis.
 Omnis, Io Pæan, regio sonat: omnia Phœbum
 Rura canunt. Tripodas plenior aura rotat.
 Auditoque procul Musarum carmine ducti,
 Ad Themidis coeunt antra severa Dei.

10

14 *CL. CLAUDIANI IN RUFIN. PRÆF.*

Nunc alio Domini telis Pythone perempto

Convenit ad nostram sacra caterva lyram ,

Qui stabilem servant Augustis fratribus orbem ,

Iustitia pacem , viribus arma regunt.

15

III

CL. CLAUDIANI
IN RUFINUM

LIBER I.

SÆPE mihi dubiam traxit sententia mentem;
 Curarent Superi terras; an nullus inesset
 Rector, & incerto fluerent mortalia casu.
 Nam cum dispositi quævissem foedera mundi,
 Præscriptosque mari fines, annisque meatus,
 Et lucis noctisque vices: tunc omnia rebar
 Consilio firmata Dei, qui lege moveri
 Sidera, qui fruges diverso tempore nasci,
 Qui variam Phœben alieno jussit igni
 Compleri, Solemque suo: portexerit undis
 Litora: tellurem medio libraverit axe.
 Sed cum res hominum tanta caligine volvi
 Adspicerem, lætosque diu flore nocentes,
 Vexarique pios: rursus labefacta cadebat
 Relligio, causæque viam non sponte sequebar
 Alterius, vacuo quæ currere semina motu

5

10

15

Affirmat, magnumque novas per inane figuras
 Fortuna, non arte, regi: quæ Numina sensu
 Ambiguo vel nulla putat, vel nescia nostri.
 Abstulit hunc tandem Rufini pœna tumultum;
 Absolvitque Deos. Jam non ad culmina rerum
 Injustos crevisse queror. Tolluntur in altum,
 Ut lapsu graviore ruant. Vos, pandite vati,
 Pierides, quo tanta lues eruperit ortu.

20

Invidiæ quondam stimulis incanduit atrox
 Alesto, placidas late cum cerneret urbes.
 Protinus infernas ad limina tetra sorores,
 Concilium deforme, vocat. Glomerantur in unum
 Innumeræ pestes Erebi, quasunque sinistro
 Nox genuit foetu: nutrix Discordia belli,
 Imperiosa Fames, leto vicina Senectus,
 Impatensque sui Morbus, Livorque secundis
 Anxius, & scisso mœrens velamine Luctus,
 Et Timor, & cæco præceps Audacia vultu,
 Et Luxus populator opum, quem semper adhærens
 Infelix humili gressu comitatur Egestas,
 Foedaque Avaritiæ complexæ pectora matris,
 Insomnes longo veniunt examine Curæ.
 Complentur vario ferrata sedilia coetu,
 Torvaque collectis stipatur Curia monstis.
 Alesto stetit in mediis, vulgusque tacere
 Jussit, & obstantes in tergum reppulit hydros;
 Perque humeros errare dedit: tum corde sub imo
 Inclusam rabidis patefecit vocibus iram:
 Siccine tranquillo produci secula cursu,
 Sic fortunatas patiemur vivere gentes?

25

30

35

40

45

Quæ nova corrumpit nostros clementia mores?
 Quo rabies innata perit? quid inania profunt
 Verbera? quid facibus nequidquam cingimur atris?
 Heu nimis ignavæ, quas cœlo Jupiter arcet, 50
 Theodosius terris. En aurea nascitur ætas.
 En proles antiqua redit. Concordia, Virtus,
 Cumque Fide Pietas alta cervice vagantur,
 Insignemque canunt nostra de plebe triumphum.
 Pro dolor! ipsa mihi liquidas delapsa per auras 55
 Justitia insultat, vitis que a stirpe recisis
 Elicit oppressas tenebroso carcere leges:
 At nos indecores longo torpebimus ævo,
 Omnibus ejectæ regnis? Agnoscite tandem
 Quid Furias deceat: consuetas sumite vires; 60
 Conventuque nefas tanto decernite dignum.
 Jam cupio Stygiis invadere nubibus astra,
 Jam flatu violare diem, laxare profundo
 Frena mari, ruptis fluvios immittere ripis,
 Et rerum vexare fidem. Sic fata cruentum 65
 Mugiit, & tortos serpentum erexit hiatus,
 Noxiaque effudit concusso crine venena.
 Anceps motus erat vulgi: pars maxima bellum.
 Indicit Superis; pars Ditis jura tuentur:
 Dissensuque alitur rumor. Ceu murmurat alti 70
 Impacata quies pelagi, cum flamine fracto
 Durat adhuc sævitque tumor, dubiumque per æstum
 Lassa recedentis fluitant vestigia venti.
 Improba mox surgit tristi de sede Megæra,
 Quam penes insani fremitus, animique profanus 75
 Error, & undantes spumis furialibus iræ.
 Cl. Claudianus, * B

Non nisi quæsitum cognata cæde cruorem,
 Illicitumve bibit, patrius quem fuderit ensis,
 Quem dederint fratres. Hæc terruit Herculis ora;
 Et defensores terrarum polluit arcus : 80
 Hæc Athamantheæ direxit spicula dextræ :
 Hæc Agamemnonios inter bacchata penates
 Alternis lufit jugulis : hac auspice tedæ
 Œdipoden matri, natæ junxere Thyesten.
 Quæ tunc horrifonis effatur talia dictis : 85
 Signa quidem, o sociæ, Divos attollere contra
 Nec fas est, nec posse reor : sed lædere mundum
 Si libet, & populis commune intendere letum,
 Est mihi prodigium cunctis immanius hydrys,
 Tigride mobilius feta, violentius Austris 90
 Acribus, Euripi refluus incertius undis,
 Rufinus. Quem prima meo de matre cadentem
 Suscepi gremio. Reptavit parvus in isto
 Sæpe sinu, teneroque per ardua colla volutus
 Ubra quæfivit fletu, linguisque trifulcis 95
 Mollia lambentes finxerunt ora ceraftæ.
 Meque etiam tradente dolos, artemque nocendi
 Et didicit simulare fidem, sensusque minaces
 Protegere, & blando fraudem prætexere risu,
 Plenus sævitæ, lucrique cupidine fervens. 100
 Non Tartefiacis illum satiarit arenis
 Tempeftas pretiofa Tagi, non flagna rubentis
 Aurea Pactoli : totumque exhauserit Hermum,
 Ardebit majore fiti. Quam fallere mentes
 Doctus, & unanimos odiis turbare sodales ! 105
 Talem progenies hominum fi præfca tuliffet :

Pirithoum fugeret Theseus; offensus Orestem
Defereret Pylades; odisset Castora Pollux.

Ipsa quidem fateor vinci, rapidoque magistram

Prævenit ingenio: nec plus sermone morabor.

110

Solus habet quidquid scelerum possedimus omnes.

Hunc ego, si vestræ res est accommoda turbæ,

Regalem ad summi producam principis aulam.

Sit licet ille Numa gravior, sit denique Minos;

Cedet, & insidiis nostri flectetur alumni.

115

Orantem sequitur clamor, cunctæque profanas

Porrexere manus, inventaque tristia laudant.

Illa, ubi cæruleo vestes connexuit angue,

Nodavitque adamante comas, Phlegethonta sonorum

Poscit, & ambusto flagrantis ab aggere ripæ

120

Ingentem piceo succendit gurgite pinum,

Pigraque veloces per Tartara concutit alas.

Est locus, extremum qua pandit Gallia litus,

Oceani prætentus aquis, ubi fertur Ulyxes

Sanguine libato populum movisse silentem.

125

Illic umbrarum tenui stridore volantum

Flebilis auditur questus. Simulacra coloni

Pallida defunctasque vident migrare figuras.

Hinc Dea prosiit, Phœbique egressa ferenos

Infecit radios, ululatuque æthera rupit

130

Terrifico. Sensit ferale Britannia murmur,

Et Senonum quatit arva fragor, revolutaque Tethys

Substitit, & Rhenus projecta torpuit urna.

Tunc in canitiem mutatis sponte colubris

Longævum mentita senem, rugisque severas

135

Perfulcata genas, & ficto languida passu,

B 2

Invadit muros Elusæ, notissima dudum
 Testa petens, oculisque diu livenibus hæsit,
 Pejorem mirata virum. Tunc talia fatur:

Otia te, Rufine, juvant? frustra que juventæ
 Consumis florem patriis inglorius arvis?

140

Heu nescis quid fata tibi, quid sidera donent;
 Quid fortuna paret. Toti dominabere mundo,
 Si parere velis. Artus ne sperne seniles.

Namque mihi magicæ vires, ævique futuri
 Præscius ardor ineft. Novi, quo Theffala cantu
 Eripiat lunare jubar, quid signa sagacis

145

Ægypti valeant, qua gens Chaldæa vocatis
 Imperet arte Deis. Nec me latuere fluentes
 Arboribus succi, funestarumque potestas
 Herbarum, quidquid letali gramine pollens
 Caucasus, & Scythicæ vernant in carmina rupes;

150

Quas legit Medea ferox, & callida Circe.
 Sæpius horrendos Manes sacrisque citavi
 Nocturnis Hecaten, & condita funera traxi
 Carminibus victura meis, multosque canendo,
 Quamvis Parcarum restarent fila, peremi.

155

Ire vagas quercus, & fulmen stare coegi,
 Versaque non prono curvavi flumina lapsu
 In fontes reditura suos. Neu vana locutum

160

Me fortasse putes, mutatos cerne Penates.
 Dixerat: & niveæ (mirum) cœpere columnæ
 Ditari, subitoque trabes lucere metallo.

Illecebris capitur; nimiumque elatus avaro
 Pascitur intuitu. Sic Rex ad prima tumebat
 Mæonius, pulchro cum verteret omnia tactu.

165

Sed postquam rignisse dapes, fulvamque revinctos.

In glaciem vidit latices; tum munus acerbum.

Sensit, & invisò votum damnavit in auro.

Ergo animi victus, Sequimur quocunque vocaris, 170

Seu tu vir, seu Numen, ait: patriaque relicta

Eoas jussu Furiae tendebat ad arces,

Instabilesque olim Symplegadas, & freta remis.

Inclita Theffalicis: qua celsa Bosporus urbe

Splendet, & Odrysiis Asiam determinat oris. 175

Ut longum permensus iter, ductusque maligno

Stamine fatorum claram subrepsit in aulam,

Illicet ambitio nasci; discedere rectum;

Venum cuncta dari. Profert arcana, clientes.

Fallit, & ambitos a principe vendit honores. 180

Ingeminat crimen, commoti pectoris ignem

Nutrit, & exiguum stimulando vulnus acerbat.

Ac velut innumeros amnes accedere Nereus

Nescit, & undantem quamvis hinc hauriat Istrum;

Hinc bibat æstivum septeno gurgite Nilum, 185

Par semper, similisque meat: sic fluctibus auri

Expleri calor ille nequit. Cuicunque monile

Contextum gemmis, aut prædia culta fuissent,

Rufino populandus erat: dominoque parabat.

Exitium secundus ager; metuenda colonis. 190

Fertilitas. Laribus pellit, detrudit avitis

Finibus, aut aufert vivis; aut occupat heres.

Congestæ cumulantur opes, orbisque rapinas.

Accipit una domus. Populi servire coacti,

Plenaque privato succumbunt oppida regno. 195

Quo vesane ruis? teneas utrumque licebit.

Oceanum, laxet rutilos tibi Lydia fontes,
 Jungantur solium Cræsi, Cyrique tiara:
 Nunquam dives eris, nunquam satiabere quæstu:
 Semper inops, quicumque cupit. Contentus honesto 200
 Fabricius parvo spernebat munera Regum,
 Sudabatque gravi Consul Serranus aratro,
 Et caesa pugnaces Curios angusta tegebat.
 Hæc mihi paupertas opulentior: hæc mihi testæ
 Culminibus majora tuis. Tibi quærit inanes 205
 Luxuries nocitura cibos: mihi donat inemptas
 Terra dapes. Rapiunt Tyrios tibi vellera fucos;
 Et picturata saturantur murice vestes.
 Hic radiant flores, & prati viva voluptas,
 Ingenio variata suo: fulgentibus illic 210
 Surgunt strata toris: hic mollis panditur herba,
 Sollicitum curis non abruptura soporem.
 Turba salutantum latas ibi perstrepat ædes:
 Hic avium cantus, labentis murmura rivi.
 Vivitur exiguo melius. Natura beatis 215
 Omnibus esse dedit, si quis cognoverit uti.
 Hæc si nota forent, frueremur simplice cultu:
 Classica non fremerent: non stridula fraxinus iret:
 Non ventus quateret puppes, non machina muros.
 Crescebat scelerata sitis, prædæque recentis 220
 Incestus flagrabat amor, nullusque petendi
 Cogendive pudor. Crebris perjuria nescit
 Blanditiis: fociat perituro foedere dextras.
 Si semel e tantis poscanti quisque negasset,
 Effera prætumido quatiebat corda furore. 225
 Quæ sic Getuli jaculo percussa læna,

Aut Hyrcana premens raptorem bellua Parthum,
 Aut serpens calcata furit? Jurata Deorum
 Majestas teritur: nusquam reverentia mensæ;
 Non conjux, non ipse simul, non pignora cæsi. 230
 Sufficiunt odiis: non exstinxisse propinquos,
 Non notos egisse sat est: excindere cives.
 Funditus, & nomen gentis delere laborat.
 Nec celeri mittit leto: crudelibus ante
 Suppliciis fruitur. Cruciatu, vincla, tenebras; 235
 Dilato mucrone, parat. Pro sævior ense
 Parcendi rabies, concessaque vita dolori!
 Mors adeone parum? Causis fallacibus instat:
 Arguit attonitos se iudice. Cetera segnis,
 Ad facinus velox: penitus regione remotas. 240
 Impiger ire vias. Non illum Sirius ardens,
 Brumave Rhipæo stridens Aquilone retardat.
 Effera torquebant avidæ præcordia curæ,
 Effugeret ne quis gladios, neu perderet ullum.
 Augusto miserante nefas. Non flectitur annis: 245
 Non ætate labat. Juvenum rorantia colla
 Ante patrum vultus stricta cecidere securi.
 Ibat grandævus nato moriente superstes.
 Post trabeas exsul. Quis prodere tanta relatu
 Funera, quis cædes possit deflere nefandas? 250
 Quid tale immanes unquam gessisse feruntur
 Vel Sinis Isthmiaca pinu, vel rupe profunda
 Sciron, vel Phalaris tauro, vel carcere Sulla?
 O mites Diomedis equi! Rufiridis aræ
 Clementes! Jam Cinna pius, jam, Spartace, lenis. 255
 Rufino collatus eris. Dejecerat amens

Occultis odiis terror, tacitique sepultos
 Suspirant gemitus, indignarique verentur.

At non magnanimi virtus Stilichonis eodem

FRACTA metu: medio solus sed turbine rerum 260

Contra letiferos rictus, contraque rapacem

Movit tela feram, volucris non præpete cursu

Vestus equi, non Pegaseis adjutus habenis.

Hic cunctis optata quies, hic sola pericli

Turris erat, clipeusque truncem porrectus in hostem. 265

Hic profugis sedes, adversaque signa furori,

Servandis hic castra bonis: hucusque minatus

Hærebat, retroque fuga cedebat inert.

Haud secus hiberno tumidus cum vortice torrens

Saxa rotat, volvitque nemus, pontesque revellit, 270

Frangitur objectu scopuli, quærensque meatum

Spumat, & illisa montem circumtônât unda.

Qua dignum te laude feram, qui pæne ruenti,

Lapsuroque tuos humeros objeceris orbi?

Te nobis trepidæ ceu fidus dulce carinæ 275

Ostendere Dei, geminis quæ lassâ procellis

Tunditur, & victo trahitur jam cæca magistro.

Inachus rubro perhibetur in æquore Perseus

Neptuni domuisse pecus; sed turior alis:

Te non penna vehit. Rigida cum Gorgone Perseus; 280

Tu non vipereæ defensus crine Medusæ.

Illum vilis amor suspensæ virginis egit;

Te Romana salus. Taceat superata vetustas:

Herculeos conferre tuis jam desinat actus.

Una Cleonæum pascebat silva leonem. 285

Arcadiæ saltum vastabat dentibus unum

Sævus aper : tuque o compressa matre rebellis
 Non ultra Libyæ fines, Antææ, nocebas :
 Solaque fulmineo resonabat Creta juvenco ;
 Lernæamque virens obsederat hydra paludem.
 Hoc monstrum non una palus, non una tremebat
 Insula : sed Laria quidquid ditione subactum
 Vivit, & a primis Ganges horrebat Iberis.

290

Hoc neque Geryones triplex, nec turbidus Orci
 Janitor æquabunt, nec si concurrat in unum
 Vis Hydræ, Scyllæque fames, & flamma Chimæaræ.

295

Certamen sublime diu, sed moribus impar
 Virtutum, scelerumque fuit. Jugulare minatur :
 Tu prohibes. Ditem spoliat : tu reddis egenti.
 Eruit : instauras. Accendit prælia : vincis.

300

Ac velut infecto morbus crudefcere cœlo
 Incipiens primos pecudum depascitur artus ;
 Mox populos urbesque rapit, ventisque perustis
 Corruptos Stygiam pestem defudat in amnes :
 Sic avidus prædo jam non per singula sævit ;
 Sed sceptris inferre minas, omnique perempto
 Milite, Romanas ardet prosternere vires.
 Jam gentes Istrumque movet, Scythiamque receptat
 Auxilio, traditque suas hostilibus armis
 Reliquias. Mixtis descendit Sarmata Dacis,
 Et qui cornipedes in pocula vulnerat audax
 Massagetes, cæsamque bibens Mæotida Alanus,
 Membraque qui ferro gaudet pinxisse Gelonus,
 Rufino collecta manus, Vetat ille domari,
 Inneſcitque moras, & congrua tempora differt.

305

310

315

Nam tua cum Geticas stravisset dextra catervas,

Ulta Ducis socii letum, parsque una maneret
 Debilior, facilisque capi: tunc impius ille
 Proditor imperii, conjuratusque Getarum,
 Distulit instantes eluso principe pugas, 320
 Hunnorum laturus opem: quos affore bello
 Norat, & invisus mox se conjungere castris.

Est genus extremos Scythiæ vergentis in ortus
 Trans gelidum Tanain: quo non famosius ullum
 Arctos alit. Turpes habitus, obscoenaque visu 325
 Corpora; mens duro nunquam cessura labori.
 Præda cibus, vitanda Ceres, frontemque secari
 Ludus, & occisos pulchrum jurare parentes.
 Nec plus nubigenas duplex natura bifformes
 Cognatis aptavit equis. Acerrimâ nullo 330
 Ordine mobilitas, insperatique recursus.

Quos tamen impavidus contra spumantis ad Hebri
 Tendis aquas, sic ante tubas ferrumque precatus:
 Mavors, nubifero seu tu procumbis in Æmo,
 Seu te cana gelu Rhodope, seu remige Medo 335
 Sollicitatus Athos, seu caligantia nigris
 Illicibus Pangæa tenent, accingere mecum,
 Et Thracas defende tuos: si lætior adfit
 Gloria, vestita spoliis donabere quercu.

Audiit illa pater, scopulisque nivalibus Æmi 340
 Surgit, & hortatur celeres clamore ministros:
 Fer galeam, Bellona, mihi, nexusque rotarum
 Tende, Pavor: frena rapidos Formido jugales.
 Festinas urgete manus. Meus ecce paratur
 Ad bellum Stilicho, qui me de more tropæis 345
 Ditat, & hostiles suspendit in arbore cristas.

Communes semper litui, communia nobis
Signa canunt, junctoque sequor tentoria curru.

Sic fatus campo infiliit, lateque fugatas
Hinc Stilicho turmas, illinc Gradivus agebant, 350
Et clipeis & mole pares. Stat cassis utrique
Sidereis hirsuta jubis, loricaque cursu
Æstuat, & largo fatiatur vulnere cornus.

Acrior interea voto, multoque Megæra
Luxuriata malo, mæstam depréndit in arce 355
Justitiam, diroque prior sic ore laceffit :

En tibi prisca quies, revocataque secula rursus,
Ut rebare, vigent. En nostra potentia cessit,
Nec locus est usquam Furiis. Huc lumina fleste.
Adspice barbaricis jaceant quot mœnia flammis, 360
Quas mihi Rufinus strages, quantumque cruoris
Præbeat, & quantis epulentur cædibus hydri.
Linque homines, sortemque meam : pete fidera : notis
Autumni te redde plagis, qua vergit in Austrum
Signifer, æstivo sedes vicina Leoni. 365
Jam pridem geminæque vacant confinia Libræ,
Atque utinam per magna sequi convexa liceret.

Diva refert : Non ulterius bacchabere demens.
Jam pœnas tuus iste dabit : jam debitus ultor
Imminet, & terras qui nunc, ipsumque fatigat 370
Æthera, nec vili moriens condetur arena.
Jamque aderit læto promissus Honorius ævo,
Nec forti genitore minor, nec fratre corusco :
Qui subigat Medos, qui cuspide proterat Indos.
Sub juga venturi reges. Calcabitur asper 375
Phasis equo, pontemque pati cogetur Araxes.

Tuque simul gravibus ferri religata catenis
 Expellere dic, debellatasque draconum
 Tonfa jubeas imo Barathri condere recessu:
 Tum tellus communis erit: tum limite nullo 380
 Discernetur ager: nec vomere sulcus adunco
 Findetur. Subitis messor gaudebit aristis.
 Rorabunt querceta favis: stagnantia passim
 Vina fluent, oleique lacus: nec murice tinctis
 Velleribus quæretur honos: sed sponte rubebunt 385
 Attonito pastore greges, Pontumque per omnem
 Ridebunt virides gemmis nascentibus algæ.

IV

CL. CLAUDIANI
IN RUFINUM

LIBRI II

PRÆFATIO.

PANDITE defensum reduces Heliconæ sorores.

Pandite, permixtis jam licet ire choris.

Nulla per Aonios hostilis buccina campos

Carmina mugitu deteriore vetat.

Tu quoque securis pulsa formidine Delphis,

Floribus ultorem, Delie, cinge tuum.

Nullus Castalios latices, & præcia fati

Flumina polluto Barbarus ore bibit.

Alpheus late rubuit, Siculumque per æquor

Sanguineas belli rettulit unda notas.

Agnovitque novos absens Arethusa triumphos;

Et Geticam sensit teste cruore necem.

Immenfis, Stilicho, succedant otia curis,

Et nostræ patiens corda remitte lyræ.

30 *CL. CLAUDIANI IN RUFINUM L. II.*

Nec pudeat longos interrupisse labores ,

15

Et tenuem Musis constituisse moram.

Fertur & indomitus tandem post proelia Mavors

Lassa per Odryfias fundere membra nives ,

Oblitusque sui , posita clementior hasta ,

Pieriis aures pacificare modis,

20

V

CL. CLAUDIANI
IN RUFINUM

LIBER II.

JAM post edomitas Alpes, defensaque regna
 Hesperiaë, merita complexus sede parentem
 Austior adjecto fulgebat fidere mundus,
 Jamque tuis, Stilicho, Romana potentia curis;
 Et rerum commissus apex. Tibi credita fratrum
 Utraque majestas, geminæque exercitus aulæ.
 Rufinus (neque enim patiuntur sæva quietem
 Crimina, pollutæque negant arefcere fauces)
 Infandis iterum terras accendere bellis
 Inchoat, & solito pacem vexare tumultu.
 Hæc etiam secum: Quanam ratione tuebor
 Spem vitæ fragilem? qua tot depellere fluctus
 Arte queam? premor hinc odiis: hinc milite cingor.
 Heu quid agam? non arma mihi, non principis ullus
 Auxiliatur amor. Matura pericula surgunt
 Undiquè, & impositi radiant cervicibus enses.

Quid restat, nisi cuncta novo confundere luctu;
 Infantesque meæ populos miscere ruinæ?
 Everso juvat orbe mori. Solatia leto
 Exitium commune dabit: nec territæ ante
 Decedam. Cum luce simul linquenda potestas.

10

Hæc fatus, ventis veluti si frena remittat
 Æolus, abrupto gentes sic objice fudit,
 Laxavitque viam bellis, &, ne qua maneret
 Immunis regio, cladem divisit in orbem,
 Disposuitque nefas. Alii per terga ferocis
 Danubii solidata ruunt, expertaque remos
 Frangunt stagna rotis. Alii per Caspia claustra,
 Armeniasque nives inopino tramite ducti
 Invadunt Orientis opes. Jam pascua fumant
 Cappadocum, volucrumque parens Argeus equorum.
 Jam rubet altus Halys: nec se defendit iniquo
 Monte Cilix. Syriæ tractus vastantur amœni:
 Assuetumque choris, & læta plebe canorum
 Proterit imbellem sonipes hostilis Orontem.
 Hinc planctus Asiæ: Geticis Europa catervis
 Ludibrio prædæque datur, frondentis adusque
 Dalmatiæ fines: omnis qua mobile Ponti
 Æquor, & Hadriacas tellus interjacet undas,
 Squalet inops pecudum, nullis habitata colonis,
 Instar anhelantis Libyæ, quæ torrida semper
 Solibus humano nescit mansuescere cultu.
 Thessalus ardet ager. Reticet pastore fugato
 Pelion, Emathias ignis populatur aristas.
 Jam plaga Pannoniæ, miserandaque mœnia Thracum,
 Arvaque Myforum, jam nulli flebile damnum,

25

30

35

40

45

Sed cursus solennis erat, campusque furori
 Expositus, sensumque malis detraxerat usus.
 Eheu quam brevibus pereunt ingentia fati!
 Imperium tanto quæsitum sanguine, tanto
 Servatum, quod mille ducum peperere labores,
 Quod tantis Romana manus contexuit annis,
 Proditor unus iners angusto tempore vertit.

50

Urbs etiam, magnæ quæ dicitur æmula Romæ,
 Et Chalcedonias contra despectat arenas,
 Jam non finitimo Martis terrore movetur;
 Sed propius lucere faces, & rauca sonare
 Cornua, vibratisque peti fastigia telis.
 Adspicit. Hi vigili muros statione tueri,
 Hi junctis properant portus munire carinis.
 Obsessa tamen ille ferus lætatur in urbe,
 Exultatque malis. Summoque e culmine turris
 Impia vicini cernit spectacula campi.

55

Vinctas ire nurus, hunc in vada proxima mergi
 Seminecem, hunc subito percussum vulnere labi
 Dum fugit, hunc animam portis efflare sub ipsis,
 Nec canos prodesse seni, puerique cruore
 Maternos undare sinus. Immenso voluptas,
 Et risus plerumque subit. Dolor afficit unus,
 Quod feriat non ipse manu. Videt omnia late
 Exceptis incensa suis, & crimine tanto
 Luxuriat, carumque sibi non abnuat hostem.
 Jactabatque ultro, quod soli castra paterent,
 Sermonumque foret vicibus permessa potestas,
 Egregii quoties exisset foederis auctor.
 Stipatur focis, circumque armata clientum

60

65

70

75

Cl. Claudianus.

*

C

Agmina privatis ibant famulantia signis.
 Ipse inter medios, ne qua de parte relinquat
 Barbariem, revocat fulvas in pectore pelles,
 Frenaque, & immanes pharetras, arcusque sonoros. 80
 Assimulat, mentemque palam testatur amictu.
 Nec pudet Aufonios currus & jura regentem
 Sumere deformes ritus, vestemque Getarum:
 Insignemque habitum Latii mutare togæque.
 Mœrent captivæ pellito iudice leges. 85
 Quis populi tunc vultus erat? quæ murmura furtim?
 Nam miseris nec flere quidem, aut lenire dolorem
 Colloquiis impune licet: Quonam usque feremus
 Exitiale jugum? diræ quis terminus unquam
 Sortis erit? quis nos funesto turbine rerum 90
 Aut tantis solvet lacrimis: quos Barbarus illinc,
 Hinc Rufinus agit: quibus arva fretumque negantur?
 Magna quidem per rura lues; sed major oberrat
 Intra tecta timor. Tandem succurre ruenti
 Heu patriæ, Stilicho. Dilecta hic pignora certe, 95
 Hic domus: hic thalamis primum genialibus omen:
 Hic tibi felices erexit regia tedas.
 Vel solus, sperate, veni. Te prælia viso
 Languescent, avidique cadet dementia monstri.
 Talibus urgetur discors Aurora procellis. 100
 At Stilicho, Zephyris cum primum bruma remitti
 Et juga diffusis nudari cœpta pruinis,
 Partibus Italiæ tranquilla in pace locatis,
 Utraque castra movens, Phoebi properabat ad ortus,
 Gallica discretis Eoque robora turmis 105
 Complexus. Nunquam tantæ ditione sub una

Convenere manus, nec tot discrimina vocum.

Illinc Armeniæ vibratis crinibus alæ,

Herbida collectæ facili velamina nodo :

Inde truces flavo comitantur vertice Galli,

110

Quos Rhodanus velox, Araris quos tardior ambit;

Et quos nascentes explorat gurgite Rhenus,

Quosque rigat retro perniciosior unda Garumnæ,

Oceani pleno quoties impellitur æstu.

Mens eadem cunctis, animique recentia ponunt

115

Vulnera. Non odit victus, victorve superbit.

Et quamvis præsens tumor, & civilia nuper

Classica, bellatrixque etiam nunc ira caleret;

In ducis eximium conspirare favorem.

Haud aliter Xerxen toto simul orbe secutus

120

Narratur rapuisse vagos exercitus amnes,

Et telis umbrasse diem, cum classibus iret

Per scopulos, testumque pedes contemneret æquor.

Vix Alpes transgressus erat, nec jam amplius errat

Barbarus, adventumque tremens, se cogit in unam

125

Planitiem, tutoque includit pascua gyro.

Tum duplicem fossam, non exsuperabile vallum;

Asperat alternis sudibus, murique locata

In speciem cæsis obtendit plaustra juvencis.

At procul exsanguis Rufinum perculit horror:

130

Insectæ pallore genæ. Stetit ore gelato

Incertus peteretne fugam, veniamne subactus

Posceret, an fidos sese transferret in hostes.

Quid nunc divitiæ, quid fulvi vasta metalli

Congeries, quid purpureis effulta columnis

135

Atria, prolataeque juvant ad sidera moles?

C 2

Audit iter ; numeratque dies , spatioque viarum
 Metitur vitam. Torquetur pace futura ,
 Nec recipit somnos , & sæpe cubilibus amens
 Excutitur , pœnamque luit formidine pœnæ. 140
 Sed redit in rabiem , scelerumque immane refumit
 Ingenium , sacrasque fores prædivitis aulæ
 Intrat , & Arcadium mixto terrore precatur :
 Per fratris regale jubar , per facta parentis
 Ætherii , floremque tui te deprecor ævi , 145
 Eripe me gladiis. Liceat Silichonis iniquas
 Evitare minas. In nostram Gallia cædem
 Conjurata venit. Quidquid rigat ultima Tethys ,
 Extremos ultra volitat gens si qua Britannos ,
 Mota mihi. Tantis capiendi credimur armis ? 150
 Tot signis unum petitur caput ? Unde cruoris
 Ista sitis ? Geminum cœli sibi vindicat axem ,
 Et nullum vult esse parem. Succumbere poscit
 Cuncta sibi. Regit Italiam , Libyenque coerget :
 Hispanis Gallisque jubet. Non orbita Solis , 155
 Non illum natura capit. Quascunque paravit
 Hic Augustus opes , & quas post bella recepit ,
 Solus habet , possessa semel non reddere curat.
 Scilicet ille quidem tranquilla pace fruatur :
 Nos premat obsidio : quid partem invadere tentat ? 160
 Deferat Illyricos fines ; Eoa remittat
 Agmina ; fraternas ex æquo dividat hastas ;
 Nec sceptri tantum fueris , sed militis , heres.
 Quod si dissimulas nostræ succurrere morti ,
 Nec prohibere paras : Manes & fidera testor , 165
 Hæc cervix non sola cadet. Miscebitur alter

Sanguis, nec Stygias ferat inomitatus ad umbras,
Nec mea securus ridebit funera victor.

Hæc ubi : dictatur facinus, missusque repente
Qui ferat extortas invito principe voces.

170

Interea Scilicho, jam lætior hoste propinquo,
Nec multo spatii distantibus æquore vallis,
Pugnandi cupidas accendit voce cohortes.

Armeniis frons læva datur; per cornua Gallos
Dexteriores locat. Spumis ignescere frena,

175

Pulveris extolli nimbos, lateque videres
Surgere purpureis undantes anguibus hastas,
Serpentumque vago cœlum sævire volatu.

Implet Thessaliam ferri nitor, antraque docti

Cornipedis, teneroque amnis reptatus Achilli,

180

Et nemus Ætæum radiat, clamore nivalis

Ossa tonat, pulsoque fragor geminatur Olympo.

Intumuit virtus, & lucis prodigus arsit

Impetus. Haud illos rupes, haud alta vetarent

Flumina. Præcipiti stravissent omnia cursu.

185

His si tunc animis acies collata fuisset,

Proditæ non tantas vidisset Græcia clades:

Oppida semoto Pelopeia Marte vigerent:

Starent Arcadiæ, starent Lacedæmonis, arces:

Non mare fumasset geminum flagrante Corintho;

190

Nec fera Cecropias traxissent vincula matres.

Illa dies potuit nostris imponere finem

Cladibus, & sceleris causas auferre futuri.

Invida, proh, quantum rapuit Fortuna triumphum!

Inter equos, interque tubas mandata feruntur

195

Regia, & armati veniunt ductoris ad aures.

C 3

Obstupuit. Simul ira virum, simul obruit ingens
 Mœror, & ignavo tantum licuisse nocenti
 Miratur. Dubios anceps sententia volvit
 Eventus: peragat pugnas, an fortia cœpta
 Deferat? Illyricis ardet succurrere damnis:
 Præceptis obstare timet. Reverentia frangit
 Virtutis stimulos. Hinc publica commoda suadent;
 Hinc metus invidiæ. Tandem indignatus ad astra
 Extollit palmas, & ab imo pectore fatur:

200

205

Numina Romanis necdum satiata ruinis,
 Si juvat imperium penitus de stirpe revelli,
 Uno si placuit deleri secula lapsu,
 Si piget humani generis; prorumpat in arva
 Libertas effrena maris, vel limite justo
 Devius errantes Phaethon confundat habenas.
 Cur per Rufinum geritur? Procumbere mundum
 Hoc auctore pudet. Mediis revocamur ab armis,
 Proh dolor! & strictos deponere cogimur enses.
 Vos arsuræ urbes, perituraque moenia testor.
 Cedo equidem, & miserum permitto casibus orbem.
 Flectite signa, duces. Redeat jam miles Eois.
 Parendum. Taceant litui. Prohibete sagittas.
 Parcite contiguo, Rufinus præcipit, hosti.

210

215

220

His dictis, omnes una fremuere manipuli:
 Quantum non Italo percussa Ceraunia fluctu:
 Quantum non madidis elisa tonitrua Coris.
 Secernique negant, ereptaque prælia poscunt;
 Insignemque ducem populus defendit uterque,
 Et sibi quisque trahit. Magno certatur amore,
 Alternamque fidem non illaudata laceffit

225

Seditio, talique simul clamore queruntur:

Quis mihi nudatos enses, quis tela lacertis

Excudit, & solvi curvatos imperat arcus?

Quisnam audet leges vibrato imponere ferro?

230

Inflammata semel nescit mitescere virtus.

Jam mihi barbaricos sitientia pila cruores

Sponte volant, ultrixque manus mucrone furenti

Ducitur, & ficcum gladium vagina recusat.

Num patiar? Semperne Getis discordia nostra

235

Proderit? En iterum belli civilis imago.

Quid consanguineas acies, quid dividis olim

Concordes aquilas? Non diffociabile corpus,

Conjunctumque sumus. Te, quo libet ire, sequemur.

Te vel Hyperboreo damnatam fidere Thulen,

240

Te vel ad incensas Libyæ comitabor arenas.

Indorum si stagna petas, rubrique recessus.

Æquoris, auriferum veniam poturus Hydaspem.

Si calcare Notum, secretaque litora Nili

Nascentis jubeas, mundum post terga relinquam.

245

Et quocunque loco Stilicho tentoria figet,

Hic patria est.—Dux inde vetat: Desistite, quæso,

Atque avidam differte manum. Cadat iste minacis

Invidiæ cumulus. Non est victoria tanti,

Ut videar vicisse mihi. Vos, fida juvenus,

250

Ite mei quondam focii. — Nec plura locutus.

Flectit iter: vacuo qualis discedit hiatu

Impatiens remeare leo, quem plurima cuspis,

Et pastores pepulerunt igne catervæ,

Inclinatque jubar, demissaque lumina velat,

255

Et trepidas mœsto rimatur murmure silvas.

C 4

Ut sese legio vidit disjuncta relinqui,
 Ingentem tollit gemitum, galeasque solutis
 Humeſcat lacrimis, preſſamque morantia vocem
 Thoracum validos pulſant ſuſpiria nexus. 260
 Tradimur, heu, tantumque ſequi prohibemur amorem,
 Exclamant, ſperniſne tuas, Dux optime, dextas,
 Quas tibi viſtrices toties Bellona probavit?
 Nos adeo viles? adeo felicior axis
 Heſperius, meruit qui te rectore teneri? 265
 Quid nobis patriam, quid cara reviſere tandem
 Pignora, dilectosve juvat coluiſſe penates?
 Te ſine dulce nihil. Jam formidata tyranni
 Tempeſtas ſubeunda mihi: qui forte nefandas
 Jam parat inſidias: qui nos aut turpibus Hunnis, 270
 Aut impacatis famulos præſtabit Alanis.
 Quanquam non adeo robur defecerit omne,
 Tantave geſtandi fuerit penuria ferri.
 Tu licet occiduo maneat ſub cardine Solis,
 Tu mihi dux ſemper, Stilicho, noſtramque vel abſens 275
 Experire fidem. Dabitur tibi debita pridem
 Viſtima. Promiſſis longum placabere ſacris.
 Triftior Æmoniis miles digreſſus ab oris
 Tangebat Macetum fines, murosque ſubibat,
 Theſſalonica, tuos. Senſu dolor hæret in alto 280
 Abdiſtus, & tacitas vindictæ præſtruit iras,
 Spectaturque favens odiis locus, aptaque leto
 Tempora, nec quiſquam tanta de pube repertus,
 Proderet incautiſ qui corda minantia verbis.
 Quæ non poſteritas, quæ non mirabitur ætas 285
 Tanti conſilium vulgi potuiſſe taceri,

Aut facinus tam grande tegi? mentisque calorem
 Non sermone viæ, non inter pocula rumpi?
 Æqualis tantam tenuit constantia turbam,
 Et fuit arcanum populo. Percurritur Hebrus, 290
 Deferitur Rhodope, Thracumque per ardua tendunt,
 Donec ad Herculei perventum nominis urbem.

Ut cessisse ducem, propius venisse cohortes,
 Cognita Rufino: magna cervice triumphat,
 Omnia tuta ratus, sceptrumque capessere fervet, 295
 Et conjuratos accendit voce clientes:

Vicimus: expulimus. Facilis jam copia regni.
 Nullus ab hoste timor. Quis enim, quem poscere solum
 Horruit, hunc tanto munitum milite vincat?

Quis ferat armatum, quem non superavit inermem? 300

I nunc, exitium nobis meditare remotus

Incaustum, Stilicho. Dum nos longissima tellus

Dividat, & mediis Nereus interstreat undis,

Alpinas transire tibi me sospite rupes

Haud dabitur. Jaculis illinc me figere tenta. 305

Quære ferox enses, qui nostra ad moenia tendi

Possit ab Italia. Non te documenta priorum,

Non exempla vetant? quis par conatus adire

Has jactat vitalis manus? detrusimus orbe

Te medio, tantisque simul spoliavimus armis. 310

Nunc epulas tempus, socii, nunc larga parare

Munera, donandumque novis legionibus aurum.

Opportuna meis oritur lux crastina votis.

Quod nolit, Rex ipse velit, jubeatque coactus

In partem mihi regna dari. Contingat in uno 315

Privati fuisse modum, crimenque tyranni.

Talibus acclamant dictis infame nocentum
 Concilium, qui perpetuis crevere rapinis,
 Et quos una facit Rufino causa sodales,
 Illicitum duxisse nihil. Delicta fuere
 Nexus amicitiae. Jam jam connubia laeti
 Despondent aliena sibi, frustraue vicissim
 Promittunt quas quisque petat, quas devoret urbes.

320

Coeperat humanos alto sopire labores
 Nox gremio, nigraeque Sopor diffuderat alas.
 Ille diu curis animum stimulantibus aegrum
 Labitur in somnos. Vix toto corde quierat,
 Ecce videt diras alludere protinus umbras,
 Quas dedit ipse neci: quarum, quae clarior, una
 Visa loqui: Proh surge toro: quid plurima volvis
 Anxius? haec requiem rebus finemque labori
 Allatura dies. Omni jam plebe redibis
 Altior, & laeti manibus portabere vulgi.
 Has canit ambages: occulto fallitur ille
 Omne, nec capitis sentit praefagia fixi.

325

330

335

Jam summum radiis stringebat Lucifer Aemum;
 Festinamque rotam solito properantior urget.
 Tandem Rufini visurus funera, Titan
 Profiluit stratis, densaeque capacia turbæ
 Atria regifico iussit splendere paratu
 Exceptura dapes, & quod post vota daretur,
 Inscribi propriis aurum fatale figuris.
 Ipse salutatam reduces post praelia turmas
 Jam regale tumens, & principe celsior, ibat,
 Collaque femineo jactabat mollia gestu,
 Imperii certus: tegeret ceu purpura dudum

340

345

Corpus, & ambirent ardentes tempora gemmæ.

Urbis ab angusto tractu, qua vergit in Austrum,

Planities vicina patet. Nam cetera Pontus

Circuit, exiguu dirimi se tramite passus.

350

Hic ultrix acies ornatu fulgida Martis

Explicuit cuneos. Pedites in parte sinistra

Consistunt: equites illic poscentia cursum

Ora reluctantur pressis sedare lupatis.

Hic alii sævum cristato vertice nutant,

355

Et tremulos humeris gaudent vibrare colores,

Quos operit formatque chalybs. Conjuncta per artem

Flexilis inductis animatur lamina membris,

Horribilis visu. Credas simulacra moveri

Ferrea, cognatoque viros spirare metallo.

360

Par vestitus equis. Ferrata fronte minantur,

Ferratosque levant securi vulneris armos:

Diviso stat quisque loco. Metuenda voluptas

Cernenti, pulcherque timor; spirisque remissis

Manfuescunt varii vento cessante dracones.

365

Augustus veneranda prior vexilla salutat.

Rufinus sequitur, quo fallere cuncta solebat

Callidus affatu, devotaque brachia laudat,

Nomine quemque vocans: natosque patresque reversis

Nuntiat incolumes. Illi, dum plurima flecto

370

Certatim sermone petunt, extendere longos

A tergo flexus insperatoque suprema

Circuitu sociare parant: decrescere campus

Incipit, & clipeis in se redeuntia junctis

Curvo paulatim sinuantur cornua ductu.

375

Sic ligat immensa virides indagine saltus

Venator. Sic attonitos ad litora pisces
 Æquoreus populator agit, rarosque plagarum
 Contrahit anfractus, & hiantes colligit oras.
 Excludunt alios. Cingi se fervidus ille 380
 Nescit adhuc, graviterque apprensa veste morantem
 Increpat Augustum: scandat sublime tribunal:
 Participem sceptri, socium declaret honoris.
 Cum subito stringunt gladios, vox desuper ingens
 Infremuit: Nobis etiam, teterrime, nobis 385
 Sperasti famulas imponere posse catenas?
 Unde redi nescis? pariarne audire fatelles,
 Qui leges aliis, libertatemque reduxi?
 Bis domitum civile nefas, bis rupimus Alpes.
 Tot nos bella docent nulli servire tyranno. 390
 Dirigit. Spes nulla fugæ. Seges undique ferri
 Circumfusa micat. Dextra lævaque revinctus
 Hæsit, & ensiferæ stupuit mucrone coronæ.
 Ut fera, quæ montes nuper dimisit avitos,
 Altorumque exsul nemorum damnatur arenæ 395
 Muneribus, commota ruit, vir murmure contra
 Hortatur, nixusque genu venabula tendit.
 Illa pavet strepitus, cuneosque erecta theatri
 Respicit, & tanti miratur sibila vulgi.
 Unus per medios audendi pronior ense 400
 Profilit exerto, dictisque, & vulnere torvus,
 Hac petit, hac Stilicho, quem jactas pellere, dextra
 Te ferit: hoc absens invadit viscera ferro.
 Sic fatur, meritoque latus transverberat ictu.
 Felix illa manus, talem quæ prima cruorem 405
 Hauserit, & fessi pœnam libaverit orbis.

Mox omnes fodiunt hastis, artusque tremantes
 Dilaniant, uno tot corpore pila tepescunt,
 Et non infecto puduit mucrone reverti.
 Hi vultus avidos, & adhuc spirantia vellunt 410
 Lumina: truncatos alii rapuere lacertos.
 Amputat ille pedes, humerum quatit ille solutis
 Nexibus: hic fracti refecat curvamina dorsi.
 Hic jecur, hic cordis fibras, hic pandit anhelas
 Pulmonis latebras. Spatium non invenit ira, 415
 Nec locus est odiis. Consumto funere vix tum
 Deseritur, sparsumque perit per tela cadaver.
 Sic mons Aonius rubuit, cum Penthea ferrent
 Mænades, aut subito mutatum Actæona cornu
 Traderet insanis Latonia visa Molossis. 420
 Criminibusne tuis credis fortuna mederi?
 Et male donatum speras æquare favorem
 Suppliciiis? una tot millia morte rependi?
 Eversis agedum Rufinum divide terris,
 Da caput Odrysiis, truncum mereantur Achivi. 425
 Quid reliquis dabitur? nec singula membra premitis
 Sufficiunt populis. Vacuo plebs obvia muro,
 Jam secura, fluit. Senibus non obstitit ætas,
 Virginibusve pudor. Viduæ, quibus ille maritos
 Abstulit, orbatæque ruunt ad gaudia matres, 430
 Insultantque alacres. Laceros juvat ire per artus,
 Pressaque calcato vestigia sanguine tingi.
 Nec minus assiduis flagrant elidere saxis
 Prodigiale caput, quod jam de cuspide summa
 Nutabat, digna rediens ad mœnia pompa. 435
 Dextera quin etiam ludo concessa vagatur

Æra petens, fraudesque animi perfolvit avari
 Terribili lucro, vivosque imitata retentus
 Cogitur adductis digitos inflectere nervis.

Definat elatis quisquam confidere rebus, 440

Instabilesque Deos, ac lubrica Numina discat.

Illæ manus, quæ sceptræ sibi gestanda parabat,

Cujus se toties submisit ad oscula supplex

Nobilitas, inhumata diu, miseroque revulsa

Corpore feralem quæstum post fata poposcit. 445

Adspiciat quisquis nimium sublata secundis

Colla gerit. Triviis calcandus spargitur ecce,

Qui sibi pyramidas, qui non cedentia templis

Ornatura suos exstruxit culmina Manes,

Et, qui Sidonio velari credidit ostro, 450

Nudus pascit aves. Jacet en, qui possidet orbem;

Exiguæ telluris inops, & pulvere raro

Per partes tegitur, nusquam totiesque sepultus.

Senferunt convexa necem, tellusque nefandum

Amolitur onus. Jam respirantibus astris, 455

Infernos gravat umbra lacus. Pater Æacus horret,

Intrantemque etiam latratu Cerberus urget.

Tunc animæ, quas ille fero sub jure peremit,

Circumstant, nigrique trahunt ad judicis urnam,

Infesto fremitu. Veluti pastoris in ora 460

Commotæ glomerantur apes, qui dulcia raptu

Mella trahit, pennasque cient, & spicula tendunt,

Et tenuis saxi per propugnacula cinctæ

Rimosam patriam, dilectaque pumicis antra

Defendunt, pronoque favos examine velant. 465

Est locus, insaufis quo conciliantur in unum

Cocyto Phlegethonque vadis : inamœnus uterque

Alveus. Hic volvit lacrimas : hic igne redundat.

Turris per geminos flammis vicinior amnes

Porrigitur, solidoque rigens adamante sinistrum

476

Proluit igne laus. Dextra Cocytia findit

Æquora, triste gemens, & fletu concita plangit.

Huc post emeritam mortalia secula vitam

Deveniunt. Ibi nulla manent discrimina fati,

Nullus honos, vanoque exutum nomine Regem

478

Proturbat plebeius egens. Quæsit in alto

Conspicius folio pertentat crimina Minos,

Et iusto dirimit fontes. Quos nolle fateri

Viderit, ad rigidi transmittit verbera fratris.

Nam juxta Rhadamanthus agit. Cum gesta superni

480

Curriculi, totosque diu perspexerit actus;

Exæquat damnum meritis, & muta ferarum

Cogit vincla pati. Truculentos ingerit urfis,

Prædoneſque lupis. Fallaces vulpibus addit.

At qui desidria semper vinoque gravatus,

485

[Indulgens Veneri voluit torpescere luxu,]

Hunc suis immundi pingues detrudit in artus.

Qui iusto plus esse loquax, arcanaque suevit

Prodere, piscosus fertur victurus in undas,

Ut nimiam pensent æterna silentia vocem.

490

Quos ubi per varias annis ter mille figuras

Egit Lethæo purgatos flumine; tandem

Rursus ad humanæ revocat primordia formæ.

Tum quoque, dum lites, Stygiiue negotia solvit

Dura fori, veteresque reos ex ordine quærit,

495

Rufinum procul ecce notat, visuque severo

Lustrat, & ex imo concussa sede profatur:

Huc superùm labes, huc infatiabilis auri
 Proluvies, pretioque nihil non aulse parato,
 Quodque mihi summum scelus est, huc improbe legum 500

Venditor, Arctoi stimulator perfide Martis,
 Cujus ob innumeras strages angustus Averni
 Jam sinus, & plena lassatur portitor alno.

Quid demens manifesta negas? en pectus inustæ
 Deformant maculæ, vitiiisque inolevit imago, 505
 Nec sese commissa tegunt. Genus omne dolorum

In te ferre lubet. Dubio tibi pendula rupes

Immineat lapsu. Volucer te torqueat axis.

Te refugii fallant latices, atque ore natanti
 Arescat decepta sitis, dapibusque relictis 510

In tua mansurus migret præcordia vultur.

Quanquam omnes alii, quos hæc tormenta fatigant,

Pars quota sint, Rufine, tui; quid tale vel audax

Fulmine Salmoneus, vel lingua Tantalus egit,
 Aut inconcesso Tityos deliquit amore? 515

Cunctorum si facta simul jungantur in unum,

Præcedes numero. Cui tanta piacula quisquam

Supplicio conferre valet? quid denique dignum

Omnibus inveniam, vincant cum singula poenas?

Tollite de mediis animarum dedecus umbris. 520

Adspexisse sat est. Oculis jam parcite nostris,

Et Diis purgate domos. Agitate flagellis

Trans Styga, trans Erebum. Vacuo mandate Barathro

Infra Titanum tenebras, infraque recessus

Tartareos, nostrumque Chæos, qua noctis opacæ 525

Fundamenta latent, penitusque immersus anhelet,

Dum rotet astra polus, feriant dum litora venti.

VI

CL. CLAUDIANI

DE TERTIO CONSULATU

HONORII AUGUSTI

P R Æ F A T I O.

PARVOS non aquilis fas est educere fetus
 Ante fidem Solis, iudiciumque poli.
 Nam pater, excussio salit cum tegmine proles,
 Ovaque maternus rupit hiulca tepor,
 Protinus implumes convertit ad æthera nidos,
 Et recto flammas imperat ore pati.
 Consulit arduos radios, & luce magistra
 Natorum vires ingeniumque probat.
 Degeneres refugo torfit qui lumine visus,
 Unguibus hunc sævis ira paterna ferit.
 Exploratores oculis qui pertulit ignes,
 Sustinuitque acie nobiliore diem;
 Nutritur volucrumque potens & fulminis heres,
 Gesturus summo tela trifurca Jovi.
Cl. Claudianus.

D

50 *CL. CLAUDIANI IN HONOR. PRÆF.*

Me quoque Pieriis tentatum sæpius antris

15

Audet magna suo mittere Roma Deo.

Jam dominas aures, jam regia testæ meremur;

Et chelys Augusto judice nostra sonat.

VII
CL. CLAUDIANI
DE TERTIO CONSULATU
HONORII AUGUSTI
P A N E G Y R I S.

TERTIA Romulei sumant exordia fasces,
Terque suas ducat bellatrix pompa curules.
Festior annus eat, cinctusque imitata Gabinos
Dives Hydaspes augefcat purpura gemmis.
Succedant armis trabæ: tentoria liſtor
Ambiat, & Latia redeant ad signa secures.
Tuque, o, qui patrium curis æqualibus orbem
Eo cum fratre regis, procede secundis
Alitibus, Phœbique novos ordire meatus,
Spes votumque poli, quem primo a limine vitæ
Nutrix aula fovet: ſtrictis quem fulgida telis
Inter laurigeros aluerunt caſtra triumphos.
Ardua privatos nescit fortuna penates,
Et regnum cum luce dedit cognata potestas.

5

10

D 2

Except Tyrío venerabile pignus in ostro, 15
 Lustravitque tuos aquilis victricibus ortus
 Miles, & in mediis cunabula præbuit hastis.
 Te nascente ferox toto Germania Rheno
 Intremuit, movitque suas formidine silvas
 Caucasus, & positis numen confessa pharetris 20
 Ignavas Meroe traxit de crine sagittas.
 Reptasti per scuta puer, regumque recentes
 Exuviae tibi ludus erant, primusque solebas
 Aspera complecti torvum post prælia patrem,
 Signa triumphato quoties flexisset ab Istro 25
 Arctoa de strage calens, & poscere partem
 De spoliis, Scythicosve arcus, aut rapta Gelonis
 Cingula, vel jaculum Daci, vel frena Suævi.
 Ille coruscanti clipeo te sæpe volentem
 Sustulit arridens, & pectore pressit anhelò 30
 Intrepidum ferri, galeæ nec triste timentem
 Fulgur, & ad summas tendentem brachia cristas.
 Tum sic lætus ait: Rex o stellantis Olympi,
 Talis perdomito redeat mihi filius hoste,
 Hyrcanas populatus opes, aut cæde superbus 35
 Assyria. Sic ense rubens, sic flamine crebro
 Turbidus, & grato respersus pulvere belli,
 Armaque gaviso referat captiva parenti.
 Mox ubi firmasti recto vestigia gressu;
 Non tibi desidiæ molles, nec marcida luxu 40
 Otia, nec somnos genitor permisit inertes:
 Sed nova per duros instruxit membra labores,
 Et cruda teneras exercuit indole vires:
 Frigora sæva pati, gravibus non cedere nimbis,

Æstivum tolerare jubar, tranare sonoras

45

Torrentum furias, adscensu vincere montes,

Planitiem cursu, valles & concava saltu.

Nec non in clipeo vigiles producere noctes,

In galea potare nives; nunc spicula cornu

Tendere, nunc glandes Baleari spargere funda.

50

Quoque magis nimium pugnae inflammaret amorem,

Facta tui numerabat avi, quem litus adusta

Horrescit Libyæ, raribusque impervia Thule.

Ille leves Mauros, nec falso nomine Pictos

Edomuit, Scotumque vago mucrone secutus,

55

Fregit Hyperboreas remis audacibus undas,

Et geminis fulgens utroque sub axe tropæis

Tethyos alternæ restuas calcavit arenas.

Hos tibi virtutum stimulos, hæc semina laudum,

Hæc exempla dabat. Non ocius hausit Achilles

60

Semiferi præcepta senis, seu cuspidis artes,

Sive lyræ cantus, medicas seu disceret herbas.

Interea turbata fides, civilia rursus

Bella tonant, dubiumque quatit discordia mundum.

Proh crimen Superum, longi proh dedecus ævi,

65

Barbarus Hesperias exsul possederat urbes,

Sceptraque dejecto dederat Romana clienti.

Jam Princeps molitur iter, gentesque remotas

Colligit Auroræ, tumidus quascunque pererrat

Euphrates, quas lustrat Halys, quas ditat Orontes.

70

Turiferos Arabes saltus, vada Caspia Medi,

Armenii Phasin, Parthi liquere Niphaten.

Quæ tibi tunc Martis rabies, quantusque sequendi

Ardor erat? quanto flagrabant pectora voto,

Optatas audire tubas , campique cruenta
Tempestate frui , truncisque immergere plantas ?

75

Ur Leo , quem fulvæ matris spelunca tegebat
Uberibus solitum pasci , cum crescere sensit
Ungue pedes , & terga jubis , & dentibus ora ;
Jam negat imbelles epulas , & rupe relicta
Gætulo comes ire patri , stabulisque minari
Æstuat , & celsi tabo sordere juveni.

80

Ille vetat , rerumque tibi commendat habenas ,
Et sacro meritos ornat diademate crines.

Tantaque se rudibus pietas ostendit in annis ,
Sic ætas animo cessat , quererentur ut omnes

85

Imperium tibi sero datum. Victoria velox
Auspiciis effecta tuis. Pugnantis uterque :
Tu fatis , genitorque manu. Te propter & Alpes

Invadi faciles. Cauto nec profuit hosti

90

Munitis hæsisse locis. Spes irrita valli

Concidit , & scopulis patuerunt claustra revulsis.

Te propter gelidis Aquilo de monte procellis

Obruit adversas acies , revolutaque tela

Vertit in auctores , & turbine reppulit hastas.

95

O nimium dilecte Deo , cui fundit ab antris

Æolus armatas hiemes ; cui militat æther ,

Et conjurati veniunt ad classica venti.

Alpinæ rubuere nives , & Frigidus amnis

Mutatis fumavit aquis , turbaque cadentum

100

Staret , ni rapidus juvisset flumina sanguis.

At ferus inventor scelerum trajecerat altum

Non uno mucrone latus , duplexque tepebat

Ensis , & ultrices in se converterat iras

Tandem iusta manus. Jam libertate reducta,
 Quamvis emeritum peteret natura reverti
 Numen, & auratas alstrorum panderet arces,
 Nutaretque oneri venturo conscius Atlas,
 Distulit Augustus cupido se credere coelo,
 Dum tibi pacatum præsentì traderet orbem. 105
 Nec mora; Bistonis alacer consurgis ab oris,
 Inter Barbaricas ausus transire cohortes
 Impavido vultu. Linquis Rhodopeia saxa
 Orpheis animata modis: juga deseris Cætes
 Herculeo damnata rogo: post Pelion intras 115
 Nereis illustre toris. Te pulcher Enipeus
 Celsaque Dodone stupuit, rursusque locuta
 In te Chaoniæ moverunt carmina quercus.
 Illyrici legitur plaga litoris: arva teruntur
 Dalmatiæ: Phrygii numerantur stagna Timavi. 120
 Gaudent Italiæ sublimibus oppida muris
 Adventu sacrata tuo. Submissus adorat
 Eridanus, blandosque jubet mitescere fluctus,
 Et Phaethontæas solitæ deslere ruinas
 Roscida frondosæ revocant electra sorores. 125

Quanti tum juvenes, quantæ sprevere pudorem
 Spectandi studio matres, puerisque severi
 Certavere senes, cum tu genitoris amico
 Exceptus gremio mediam veherere per urbem,
 Velaretque pios communis laurea currus. 130
 Quis non Luciferum roseo cum Sole videri
 Credidit, aut junctum Bromio radiare Tonantem?
 Floret cristatis exercitus undique turmis,
 Quisque sua te voce canens. Præstringit aena

Lux oculos, nudique seges Mavortia ferri
 Ingeminat splendore diem. Pars nobilis arcu,
 Pars longe jaculis, pars cominus horrida contis.
 Hi volucres tollunt aquilas, hi picta draconum
 Colla levant, multusque tumet per nubila serpens
 Iratis stimulante Noto, vivitque receptis
 Flaribus, & vario mentitur sibila tractu. 135

Ut ventum ad sedes; cunctos discedere testis
 Dux jubet, & generum compellat talibus ultro:
 Bellipotens Stilicho, cuius mihi robur in armis,
 Pace probata fides, quid enim per proelia gessi
 Te sine? quem merui te non sudante triumphum?
 Odrysum pariter Getico fœdavimus Hebrum
 Sanguine, Sarmaticas pariter prostravimus alas,
 Ripæaque simul fessos porreximus artus

In glacie, stantemque rota sulcavimus Istrum.
 Ergo age, me quoniam cœlestis regia poscit,
 Tu curis succede meis, tu pignora solus
 Nostra fove, geminos dextra tu protege fratres.
 Per consanguineos thalamos, noctemque beatam,
 Per tædas, quas ipsa tuo Regina levavit 145

Conjugio, sociaque nulum produxit ab aula,
 Indue mente patrem, crescentes dilige fetus
 Ut ducis, ut foceri. Jam jam securus ad astra
 Te custode ferat. Rupta si mole Typhœus
 Vinculis profiliat, Tityos si membra resolvat,
 Si furor Enceladi proiecta mugiat Ætna,
 Opposito Stilichone cadent. Nec plura locutus,
 Sicut erat, liquido signavit tramite nubes,
 Ingrediturque globum Lunæ, limenque relinquit 160

Arcados, & Veneris clementes advolat auras.
Hinc Phœbi permenſus iter, flammamque nocentem
Gradiſi, placidumque Jovem, ſtetit arce ſuprema,
Argentæ qua zona riget Saturnia tractu.

165

Machina laxatur cœli, rutilæque pateſcunt
Sponte fores. Arctoa parat convexa Bootes.
Aſtrales referat portas ſuccinctus Orion,
Invitantque novum ſiſus, pendentque viciffim,
Quas partes velit ille ſequi, quibus eſſe ſodalis
Digneretur ſtellis, aut qua regione morari.

170

O decus ætherium, terrarum gloria quondam,

175

Te tuus Oceanus natali gurgite laſſum
Excipit, & notis Hiſpania proluit undis.

Fortunate parens, primos cum detegis ortus,
Adſpicias Arcadium: cum te proclivior urges,
Occiduum viſus remoratur Honorius ignem.

180

Et quocumque vagos ſpectas ſub cardine curſus
Natorum per regna venis, qui mente ſerena,
Maturoque regunt viſtas moderamine gentes;
Secula qui rurfus formant meliore metallo.

185

Luget avarities Stygiis innexa catenis,
Cumque ſuo demens expellitur ambitus auro.
Non dominantur opes: non corrumpentia ſenſus
Dona valent. Emitur ſola virtute poteſtas.

Unanimi fratres, quorum mare terraque fatiſ
Debentur, quodcumque manus evaſit avitas,
Quod ſupereſt patri. Vobis jam Mulciber arma
Præparat, & Sicula Cyclops incude laborat.

190

Brontes innumeris exaſperat ægida ſignis:
Altum fulminea criſpare in caſſide conum

58 *CL. CLAUDIANI DE III CONS. HON.*

Festinat Steropes: nescit thoraca Pyracmon;	195
Ignisfluisque gemit Lipare fumosa cavernis.	
Vobis Ionia virides Neptunus in alga	
Nutrit equos, qui summa freti per cœrula possint	
Ferre viam, segetemque levi percurrere motu,	
Nesciat ut spumas, nec proterat ungula culmos.	200
Jam video Babylona rapi, Parthumque coactum	
Non ficta trepidare fuga: jam Badra teneri	
Legibus, & famulis Gangem pallescere ripis,	
Gemmatosque humilem dispergere Persida cultus.	
Ite per extremum Tanain, pigrosque Triones.	205
Ite per ardentem Libyam: superate vapores	
Solis, & arcânos Nili deprendite fontes.	
Herculeum finem, Bacchi transcurrite metas.	
Vestri juris erit quidquid complectitur axis.	
Vobis rubra dabunt pretiosas æquora conchas,	210
Indus ebur, ramos Panchaia, vellera Seres.	

VIII
CL. CLAUDIANI
DE QUARTO CONSULATU
HONORII AUGUSTI
P A N E G Y R I S.

AUSPICIIIS iterum sese regalibus annus
Induit, & nota fruitur jactantior aula:
Limina nec passi circum privata morari
Exsultant reduces Augusto Consule fasces.
Cernis ut armorum procures, legumque potentes;
Patricios sumunt habitus, & more Gabino
Discolor incedit legio, positisque parumper
Bellorum signis, sequitur vexilla Quirini?
Licitori cedunt aquilæ, ridetque togatus
Miles, & in mediis effulget Curia castris?
Ipsa Palatino circumvallata Senatu
Jam trabeam Bellona gerit, parmamque removit
Et galeam, sacras humeris vectura curules.
Nec te laurigeras pudeat, Gradive, secures
Pacata gestare manu, Latiaque micantem

5

10

15

Loricam mutare toga, dum ferreus hæret
 Currus, & Eridani ludunt per prata jugales.
 Haud indigna coli, nec nuper cognita Marti
 Ulpia progenies, & quæ diademata mundo
 Sparfit, libera domus: nec tantæ vilior unda 20
 Promeruit gentis seriem. Cunabula fovit
 Oceanus. Terræ dominos, pelagique futuros
 Immenso decuit rerum de principe nasci.
 Hinc processit avus: cui, post Arctoa frementi
 Classica, Massylas annexuit Africa lauros. 25
 Ille, Caledoniis posuit qui castra pruinis,
 Qui medios Libyæ sub casside pertulit æstus,
 Terribilis Mauro, debellatorque Britanni
 Litoris, ac pariter Boreæ vastator & Austri.
 Quid rigor æternus coeli, quid sidera profunt, 30
 Ignotumque frerum? Maduerunt Saxone fuso
 Orcades. Incaluit Pictorum sanguine Thule.
 Scotorum cumulos flevit glacialis Ierne.
 Quid calor obsistit forti? Per vasta cucurrit
 Æthiopum, cinxitque novis Atlanta manipulis. 35
 Virgineum Tritona bibit, sparfosque venenis
 Gorgoneis vidit thalamos, & vile virentes
 Hesperidum risit, quos ditat fabula, ramos.
 Arx incensa Iubæ, rabies Maurusia ferro
 Cessit, & antiqui penetralia diruta Bocchi. 40
 Sed laudes genitor longe transgressus avitas
 Subdidit Oceanum sceptris, & margine coeli
 Clausit opes: quantum distant a Tigride Gades,
 Inter se Tanais quantum Nilusque relinquunt.
 Hæc tamen innumeris per se quæsit tropæis: 45

Non generis dono, non ambitione potitus.
 Digna legi virtus. Ultro se purpura supplex
 Obtulit, & solus meruit regnare rogatus.
 Nam cum barbaries penitus commota gementem
 Irrueret Rhodopen, & mixto turbine gentis 60
 Jam deserta suas in nos transfunderet Arctos,
 Danubii totæ vomerent cum prælia ripæ,
 Cum Geticis ingens premeretur Myſia plauſtris,
 Flavaque Biſtonios operirent agmina campos:
 Omnibus afflictiſ, & vel labentibus iſtu, 65
 Vel prope caſuris, unus tot funera contra
 Reſtitit, exſtinxitque faces, agroſque colonis
 Reddidit, & leti rapuit de faucibus urbes.
 Nulla reliſta foret Romani nominis umbra,
 Ni pater ille tuus jam jam ruitura ſubiſſet 60
 Pondera, turbatamque ratem, certaſque levafſet
 Naufragium commune manu. Velut ordine rupto
 Cum procul inſanæ traherent Phaethonta quadrigæ,
 Sæviretque dies, terramque & ſtagna propinqui
 Haurirent radii, ſolito cum murmure torvis 65
 Sol occurrit equis: qui poſtquam ruſus heriles
 Agnovere ſonos; rediit meliore magiſtro
 Machina concentuſque poli, curruſque recepit
 Imperium, flammæque modum. Sic traditus illi;
 Servatuſque Oriens. At non pars altera rerum 70
 Tradita, biſ poſſeſſa manu, biſ parta pericliſ.
 Per variuſ gemini ſceluſ erupere tyranni
 Traſſibus occiduiſ. Hunc ſæva Britannia fudit;
 Hunc ſibi Germanuſ ſamuluſ delegerat exſul:
 Auſuſ uterque neſaſ, domini reſperſuſ uterque 75

Infantis jugulo. Novitas audere priori
 Suadebat, cautumque dabant exempla sequentem.
 Hic nova moliri præceps: hic quærere tuta
 Providus. Hic fufis, collectis viribus ille.
 Hic vagus excurrens: hic intra claustra reductus. 80
 Diffimiles; sed morte pares. Evadere neutri
 Dedecus, aut mixtis licuit procumbere telis.
 Amiffa specie, raptisque insignibus, ambo
 In vultus rediére fuos, manibusque revinctis
 Oblati gladiis submitunt colla paratis, 85
 Et vitam veniamque rogant. Proh damna pudoris!
 Qui modo tam denfas nutu movere cohortes,
 In quos jam dubius feſe libraverat orbis,
 Non hoſtes victore cadunt; ſed iudice fontes.
 Damnat voce reos, petiit quos Marte tyrannos. 90
 Amborum periére duces. Hic ſponte carina
 Decidit in fluctus: illum ſuus abſtulit enſis.
 Hunc Alpes, hunc pontus habet. Solatia cæſis
 Fratribus hæc ultor tribuit. Necis auctor uterque
 Labitur. Auguſtas par victima mitigat umbras. 95
 Has dedit inferias tumulis, juvenumque duorum
 Purpureos merito placavit ſanguine Manes.
 Illi juſtitiam confirmavere triumphî;
 Præſentes docuere Deos. Hinc ſecula diſcant
 Indomitum nihil eſſe pio, tutumve nocenti. 100
 Nuntius ipſe ſui longas incognitus egit
 Prævento rumore vias. Inopinus utrumque
 Perculit, & clauſos montes, ut plana, reliquit.
 Exſtruite immanes ſcopulos, attollite turres,
 Cingite vos fluviis, vaſtas opponite ſilvas, 105

Garganum Alpinis, Apenninumque nivalem
 Permixtis sociate jugis, & rupibus Æmum
 Addite Caucasii, involvite Pelion Ossæ.
 Non dabitis murum sceleri. Qui vindicet, ibit.
 Omnia subsident meliori pervia causæ.

110

Nec tamen oblitus civem cedentibus atrox
 Partibus infremuit. Non insultare jacenti
 Malebat. Mitis precibus, pietatis abundans,
 Poenæ parcus erat. Paci non intulit iram
 Post acies. Odiis idem, qui terminus armis.
 Profuit hoc vincente capi, multosque subactos
 Prospera laturæ commendavere catenæ.
 Magnarum largitor opum, largitor honorum:
 Pronus & in melius gaudens convertere fata.
 Hinc amor, hinc validum devoto milite robur.

115

120

Hinc natis mansura fides. Hoc nobilis ortu
 Nasceris, æquæva cum majestate creatus,
 Nullaque privatæ passus contagia fortis.
 Omnibus acceptis ultro te regia solum
 Protulit, & patrio felix adolescens in ostro,
 Membraque vestitu nunquam temerata profano
 In sacros cecidere sinus. Hispania patrem
 Auriferis eduxit aquis. Te gaudet alumno
 Bosporus. Hesperio de limite surgit origo:
 Sed nutrix Aurora tibi. Pro pignore tanto
 Certatur. Geminus te civem vindicat axis.
 Herculis, & Bromii sustentat gloria Thebas.
 Hæsit Apollineo Delos Latonia partu;
 Cretaque se jactat tenero reptata Tonanti.
 Sed melior Delo, Dictæis clarior oris,

125

130

135

- Quæ dedit hoc Numen regio. Non litora nostro
 Sufficerent angusta Deo. Nec inhospita Cynthi
 Saxa tuos artus duro læsere cubili.
 Acclinis genitrix auro, circumflua gemmis;
 In Tyrios enixa toros. Ululata verendis 140
 Aula puerperiis. Quæ tunc documenta futuri?
 Quæ voces avium? quanti per inane volatus?
 Quis vatum discursus erat? tibi corniger Ammon,
 Et dudum taciti rupere silentia Delphi.
 Te Persæ cecinere Magi. Te sensit Etruscus 145
 Augur, & inspectis Babylonius horruit astris.
 Chaldæi stupuere senes, Cumanaque rursus
 Intonnuit rupes, rabidæ delubra Sibyllæ.
 Nec te progenitum Cybeleius ære sonoro
 Lustravit Corybas. Exercitus undique fulgens 150
 Adstitit. Ambitus signis augustior infans
 Sentit adorantes galeas, redditque ferocem
 Vagritum lituis. Vitam tibi contulit idem
 Imperiumque dies. Inter cunabula Consul
 Proveheris. Signas posito modo nomine fastus; 155
 Donaturque tibi, qui te produxerat, annus.
 Ipsa Quirinali parvum te cinxit amictu
 Mater, & ad primas docuit reptare curules.
 Uberibus sanctis, immortalique Dearum
 Crescis adoratus gremio. Tibi sæpe Diana 160
 Mænaliis arcus venatricesque pharetras
 Suspendit, puerile decus. Tu sæpe Minervæ
 Lufisti clipeo, fulvamque impune pererrans
 Ægida, tractasti blandos interritus angues.
 Sæpe tuas etiam jam tum gaudente marito 165

Velavit Regina comas, festinaque yoti
 Præsumtum diadema dedit. Tum lævibus ulnis
 Sustulit, & magno porrexit ad oscula patri.
 Nec dilatus honos. Mutatus principe Cæsar
 Protinus æquaris fratri: nec certius unquam 170
 Hortati Superi. Nullis præsentior æther
 Affuit ominibus. Tenebris involverat atra
 Lumen hiems, densosque Notus collegerat imbres.
 Sed mox, cum solita miles te voce levasset,
 Nubila dissolvit Phœbus, pariterque dabantur 175
 Sceptra tibi mundoque dies. Caligine liber
 Bosphorus adversam patitur Chalcedona cerni.
 Nec tantum vicina nitent: sed tota repulsis
 Nubibus exuitur Thrace. Pangæa renident,
 Infuerosque palus radios Mæotia vibrat. 180
 Non Boreas nimbos, non Sol ardentior egit.
 Imperii lux illa fuit. Prælagus obibat
 Cuncta nitor: risitque tuo Natura sereno.
 Visa etiam medio populis mirantibus audax
 Stella die, dubitanda nihil, nec crine retuso 185
 Languida, sed quantus numeratur nocte Bootes.
 Emicuitque plagis alieni temporis hospes
 Ignis, & agnosci potuit, cum Luna lateret.
 Sive parens Augusta fuit, seu forte reluxit
 Divi sidus avi, seu te properantibus astris 190
 Cernere Sol patiens cœlum commune remisit.
 Apparet quid signa ferant. Ventura potestas
 Clarnit Alcanio, subita cum luce comarum
 Innocuus flagraret apex, Phrygioque volutus
 Vertice, fatalis redimiret tempora candor. 195

Cl. Claudianus.

E

At tua cœlestes illustrant omina flammæ.

Talis ab Idæis primævus Jupiter antris
Possessi stetit arce poli, famulosque recepit
Natura tradente Deos. Lanugine nondum
Vernabant vultus, neq̃ adhuc per colla fluebant 100

Moturæ convexa comæ. Tum scindere nubes
Discebat, fulmenque rudi torquere lacerto.
Lætior augurio genitor, natisque superbus
Jam paribus, duplici fultus consorte redibat;
Splendebatque pio complexus pignora curru. 105

Haud aliter summo gemini cum patre Lacones
Progenies Ledæa sedent: in utroque relucet
Fratres, utroque soror. Simili chlamys effluit auro.
Stellati pariter crines. Juvat ipse Tonantem
Error, & ambigua placet ignorantia matri. 110
Eurotas proprios discernere nescit alumnos.
Ut domus exceptis reduces, ibi talia tecum
Pro rerum stabili fertur ditioe locutus:

Si tibi Parthorum solium fortuna dedisset,
Care puer, terrisque procul venerandus Eois 115

Barbarus Arsacio confurgeret ore tiaras:
Sufficeret sublime genus, luxuque fluentem
Deside nobilitas posset te sola tueri.
Altera Romanæ longe rectoribus aulæ
Conditio. Virtute decet, non sanguine niti: 120

Major & utilior fato conjuncta potenti,
Vile latens virtus. Quid enim submersa tenebris
Proderit obscuro? veluti sine remige puppis;
Vel lyra, quæ reticet; vel, qui non tenditur, arcus.
Hanc tamen haud quisquam, qui non agnoverit ante 125

Semet, & incertos animi pacaverit æstus,

Inveniet. Longis illuc ambagibus itur.

Disce orbi, quod quisque sibi. Cum conderet artus

Nostros, ætheriis miscens terrena Prometheus,

Sinceram patrio mentem furatus Olympo

230

Continuit claustris, indignantemque revinxit.

Et, cum non aliter possent mortalia fingi,

Adjunxit geminas. Illæ cum corpore lapsæ

Intereunt: hæc sola manet, bustoque superstes

Evolat. Hanc alta capitis fundavit in arce

235

Mandatricem operum, prospecturamque labori.

Illas inferius collo, præceptaque summæ

Passuras dominæ digna statione locavit.

Quippe opifex veritus confundere sacra profanis,

Distribuit partes animæ, sedesque removit.

240

Iram sanguinei regio sub pectore cordis

Protegit imbutam flammis, avidamque nocendi;

Præcipitemque sui. Rabie succensa tumescit,

Contrahitur stupefacta metu. Cumque omnia secum

Duceret, & requiem membris vesana negaret;

245

Invenit pulmonis opem, madidumque furenti

Præbuit, ut tumidæ ruerent in mollia fibræ.

At sibi cuncta petens, nil collatura cupido,

In jecur, & tractus imos compulsa recessit.

Quæ, velut immanes referat dum bellua rictus;

250

Expleri pascique nequit: nunc verbere curas

Torquet avaritiæ, stimulis nunc flagrat amorum,

Nunc gaudet, nunc mœsta dolet, satiataque rursus

Exoritur, cæsaque redit pollentius Hydra.

Hos igitur si quis potuit sedare tumultus,

255

E 2

Inconcuſſa dabit puræ ſacraria menti.
 Tu licet extrémis late dominere per Indos;
 Te Medus, te mollis Arabs, te Seres adorent:
 Si mētuis, ſi prava cupis, ſi duceris ira,
 Servitii patiere jugum: tolerabis iniquas 260
 Interius leges. Tunc omnia jure tenebis,
 Cum poteris rex eſſe tui. Proclivior uſus
 In pejora datur, ſuadetque licentia luxum;
 Illecebrisque effrena favet. Tum vivere caſte
 Aſperius, cum promta Venus. Tum durius iræ 265
 Conſulitur, cum poena patet. Sed comprime motus:
 Nec tibi quid liceat, ſed quid feciſſe decebit,
 Occurrat, mentemque domet reſpectus honeſti.

Hoc te præſerea crebro ſermone monebo,
 Ut te totius medio telluris in orbe 270
 Vivere cognoſcas, cunctis tua gentibus eſſe
 Faſta palam; nec poſſe dari regalibus uſquam
 Secretum vitiis. Nam lux altiffima fati
 Occulum nihil eſſe finit, latebrasque per omnes
 Intrat, & abſtruſos explorat fama reſceſſus. 275
 Sis pius inprimis. Nam cum vincamur in omni
 Munere, ſola Deos æquat clementia nobis.
 Neu dubie ſuſpectus agas: neu falſus amicis;
 Rumorumve avidus. Qui talia curat, inanes
 Horrebit ſtrepitus nulla non anxius hora. 280
 Non ſic excubiæ, non circumſtantia pila,
 Quam tutatur amor. Non extorquebis amari.
 Hoc alterna fides, hoc ſimplex gratia donat.
 Nonne vides, opèrum qui ſe pulcherrimus ipſe
 Mundus amore liget, nec vi connexa per ævum 285

Conspirent elementa sibi? quî limite Phœbus
 Contentus medio, contentus litore pontus?
 Et qui perpetuo terras ambitque vehitque,
 Nec premat incumbens, oneri nec cesserit aer?
 Qui terret, plus ipse timet. Sors ista tyrannis 290
 Convenit. Invideant claris, fortesque trucident,
 Muniti gladiis vivant sepique venenis,
 Ancipites habeant artes, trepidique minentur.
 Tu civem, patremque geras. Tu consule cunctis,
 Non tibi. Nec tua te moveant, sed publica vota. 295
 In commune jubes si quid, censesve tenendum,
 Primus jussa subi. Tunc observantior æqui
 Fit populus, nec ferre negat, cum viderit ipsum
 Auctorem parere sibi. Componitur orbis
 Regis ad exemplum. Nec sic inflectere sensus 300
 Humanos edicta valent, ut vita regentis.
 Mobile mutatur semper cum principe vulgus.
 His tamen effectis, neu fastidire minores,
 Neu pete præscriptos hominî transcendere fines.
 Inquinat egregios adjuncta superbia mores. 305
 Non tibi tradidimus dociles servire Sabæos;
 Armeniæ dominum non te præfecimus oræ:
 Non damus Assyriam, tenuit quam femina, gentem.
 Romani, quî cuncta diu rexere, regendi:
 Qui nec Tarquinii factus, nec jura tulere 310
 Cæsarîs. Annales veterum delicta loquentur.
 Hærebunt maculæ. Quis non per secula damnet
 Cæsarææ portenta domus? Quem dira Neronis
 Funera, quem rupes Caprearum tetra latebit
 Incesto possessa seni? Victura feretur 315

Gloria Trajani; non tam quod Tigride victo,
 Nostra triumphati fuerint provincia Parthi,
 Alta quod investus fractis Capitolia Dacis;
 Quam patriæ quod mitis erat. Ne define tales,
 Nate, sequi. Si bella tonant, prius agmina duris 310
 Exerce studiis; & sævo præstrue Marti.
 Non brumæ requies, non hibernacula segnes
 Enervent torpore manus. Ponenda salubri
 Castra loco: præbenda vigil custodia vallo.
 Disce ubi densari cuneos, ubi cornua tendi 315
 Æquius, aut iterum flecti: quæ montibus aptæ,
 Quæ campis acies, quæ fraudi accommoda vallis;
 Qua via difficilis. Fidit si mœnibus hostis,
 Tum tibi muralis librato machina pulsu
 Saxa rotet: præceps aries protectaque portas 320
 Testudo feriat. Ruat emersura Juventus
 Effossi per operta soli. Si longa moretur
 Obsidio; tum vota cave secura remittas,
 Inclusumve putes. Multis damnosa fuere
 Gaudia. Dispersi pereunt, somnove soluti. 325
 Sæpius incautæ nocuit victoria turbæ.
 Neu tibi regificis tentoria larga redundant
 Deliciis, neve imbelles ad signa ministros
 Luxuries armata trahat. Neu flantibus Austris;
 Neu pluviis cedas: neu defensura calorem 330
 Aurea summoveant rapidos umbracula Soles.
 Inventis utere cibus: solabere partes
 Æquali sudore tuas. Si collis iniquus,
 Primus ini, Silvam si cædere provocat usus,
 Sumta ne pudeat quercum stravisse bipenni. 335

Calcatur si pigra palus, tuus ante profundum
 Prætentet sonipes. Fluvios tu protere cursu
 Hærentes glacie; liquidos tu scinde natatu.
 Nunc eques in medias equitum te confere turmas:
 Nunc pedes assistas pediti. Tum promtius ibunt 350
 Te socio: tum conspicuus, gratusque feretur
 Sub te teste labor. -- Dicturum plura parentem
 Voce subis: Equidem, faveant modo Numina cœptis,
 Hæc effecta dabo: nec me fratrique, tibi que
 Dissimilem populi commissaque regna videbunt. 355
 Sed cur non potius, verbis quæ differis, usu
 Experior? gelidas certe nunc tendis in Alpes.
 Duc tecum comitem. Figant, sine, nostrâ tyrannum
 Spicula. Palle scat nostro, sine, barbarus arcu.
 Italiamne feram furiis prædonis acerbi 360
 Subjectam? patiar Romam servire clienti?
 Usque adeone puer? nec me polluta potestas,
 Nec pia cognati tanget vindicta cruoris?
 Per strages equitare libet. Da protinus arma.
 Cur annos obicis? pugnae cur arguor impar? 365
 Æqualis mihi Pyrrhus erat, cum Pergama solus
 Verteret, & patri non degeneraret Achilli.
 Denique si princeps castris hæreret nequibo,
 Vel miles veniam. -- Delibat dulcia nati
 Oscula, miratusque refert: Laudanda petisti: 370
 Sed festinus amor. Veniet robustior ætas.
 Ne propera. Necdum decimas emensus aristas
 Aggrederis metuenda viris. Vestigia magnæ
 Indolis agnosco. Fertur Pellæus, Eoium
 Qui domuit Porum, cum prospera sæpe Philippi 375

Audiret, lætos inter fleuisse sodales,
 Nil sibi vincendum patris virtute relinqui.
 Hos video motus. Fas sit promittere patri.
 Tantus eris: nostro nec debes regna favori,
 Quæ tibi jam natura dedit. Sic mollibus olim 380
 Stridula duſturum pratis examina regem
 Naſcentem venerantur apes, & publica mellis
 Jura petunt, traduntque favos. Sic pascua parvus
 Vindicat, & necdum firmatis cornibus audax
 Jam regit armentum vitulus. Sed prælia differ 385
 In juvenem, patiensque meum cum fratre tuere
 Me bellante locum. Vos impacatus Araxes,
 Vos celer Euphrates timeat. Sit Nilus ubique
 Veſter, & emiſſo quidquid Sol imbuit ortu.
 Si pateant Alpes, habeat ſi cauſa ſecundos 390
 Juſtior eventus, aderis, partesque receptas
 Suſcipies, animoſa tuas ut Gallia leges
 Audiat, & noſtros æquus modereris lberos:
 Tunc ego ſecurus fati, lætuſque laborum
 Diſcedam, vobis utrumque regentibus axem. 395
 Interea Muſis, animus dum mollior, inſta,
 Et, quæ mox imitere, legas: nec deſinat unquam
 Tecum Graia loqui, tecum Romana veruſtas.
 Antiquos evolve duces. Aſſueſce futurae
 Militiæ. Latium retro te conſer in ævum. 400
 Libertas quæſita placet? mirabere Brutum.
 Perfidiam damnas? Meti ſatiabere pœnis.
 Tr ſte rigor nimius? Torquati deſpue mores.
 Mors impenſa bonum? Decios venerare ruentes.
 Vel ſolus quid fortis agat, te ponte ſoluta 405

Oppositus Cocles, Muci te flamma docebit.
 Quid mora perfringat, Fabius: quid rebus in arctis
 Dux gerat, ostendat Gallorum strage Camillus.
 Discitur hinc, nullos meritis obistere casus.
 Prorogat æternam feritas tibi Punica famam,
 Regule. Successus superant adversa Catonis.
 Discitur hinc, quantum paupertas sobria possit.
 Pauper erat Curius, cum Reges vinceret armis.
 Pauper Fabricius, Pyrrhi cum sperneret aurum.
 Sordida Serranus flexit Dictator aratra:
 Lustratæ lictore casæ, fascesque salignis
 Postibus affixi. Collectæ Consule messes,
 Et sulcata diu trabeato rura colono.

410

415

Hæc genitor præcepta dabat. Velut ille carinæ
 Longævus rector, variis quem sæpe procelis
 Exploravit hiems, ponto jam fessus & annis
 Æquoreas alni nato commendat habenas,
 Et casus artesque docet, quo dextra regatur
 Sidere, quo fluctus possint moderamine falli:
 Quæ nota nimborum: quæ fraus infida sereni:
 Quid Sol occiduus prodât: quo faucia vento
 Decolor iratos attollat Cynthia vultus.
 Adspice nunc quacunq; micæ, seu circulus Austri,
 Magne parens, gelidi seu te meruere Triones:
 Adspice, completur votum. Jam natus adæquat
 Te meritis, &, quod magis est optabile, vincit,
 Subnixus Stilichone tuo: quem fratribus ipse
 Discedens clipeum defensoremque dedisti.
 Pro nobis nihil ille pati, nullumque recusat
 Discrimen tentare sui: non dura viarum,

420

425

430

435

Non incerta maris. Libyæ squalentis arenas
Audebit superare pedes, madidaque cadente
Pleiade Gætulas intrabit Syrtibus undas.

Hunc tamen in primis populos levitate feroces;
Et Rhenum pacare jubes. Volat ille citaris
Vestus equis, nullaque latus stipante caterva,
Aspera nubiferas qua Rhetia porrigit Alpes,
Pergit, & hostiles, tanta est fiducia, ripas
Incomitatus adit. Totum properare per amnem
Attonitos humili Reges cervice videres.

Ante ducem nostrum flavam sparsere Sycambri
Cæsariem, pavidoque orantes murmure Franci
Procubuerunt solo. Juratur Honorius absens,
Imploratque tuum supplex Alamannia nomen.
Bastarnæ venere cruces. Venit accola silvæ
Bruſternus Hercyniæ. Latisque paludibus exit
Cimber, & ingentes Albin liquere Cherusci.

Accipit ille preces varias, tardeque rogatus
Annuit, & magno pacem pro munere donat.
Nobilitant veteres Germanica fœdera Drusus;
Marte sed ancipiti, sed multis cladibus, emta.
Quis victum meminit sola formidine Rhenum?

Quod longis alii bellis potuere mereri,
Hoc tibi dat Stilichonis iter. Post ora Galli
Limitis, hortaris Graias fulcire ruinas.

Ionium tegitur velis, ventique laborant,
Tot curvare sinus, servaturasque Corinthum
Prosequitur facili Neptunus gurgite classes;
Et puer Isthmiaci jam pridem litoris exsul
Secura repetit portus cum matre Palæmon.

Plaustra cruore natant : metitur pellita juvenus.
 Pars morbo , pars ense perit. Non lustra Lycæi ,
 Non Erymanthæ jam copia sufficit umbræ
 Innumeris exulta rogis , nudataque ferro
 Sic flagrasse suas lætantur Mænala filvas.
 Excutiat cineres Ephyre ; Spartanus , & Arcas
 Tutior exsangues pedibus proculcet acervos ;
 Fessaque pensatis respiret Græcia pœnis.

470

Genſ , qua non Scythicos diffusior ulla Triones
 Incoluit , cui parvus Athos , angustaſque Thrace ,
 Cum tranſiret , erat ; per te , viresque tuorum
 Fracta ducum , lugetque ſibi jam rara ſuperſtes ,
 Et , quorum turbæ ſpatium vix præbuit orbis ,
 Uno colle latent. Sitiens , incluſaque vallo
 Ereptas quæſivit aquas , quas hoſtibus ante
 Contiguas alio Stilicho deſlexerat actu ,
 Mirantemque novas ignota per avia valles
 Juſſerat averſo fluvium migrare meatu.

480

Obvia quid mirum vinci , cum Barbarus ultro
 Jam cupiat ſervire tibi ? Tua Sarmata diſcors
 Sacramenta petit. Projeſta fraude Gelonus
 Militat : in Latios ritus tranſiſtis , Alani.
 Ut fortes in Marte viros , animiſque paratos ,
 Sic juſtos in pace legis , longumque tueris
 Electos , crebris nec ſuccedentibus urges :
 Judicibus notis regimur : fruimurque quietis ,
 Militiæque bonis ; ceu bellatore Quirino ,
 Ceu placido moderante Numa. Non imminet enſis :
 Nullæ nobilium cædes : non crimina vulgo
 Texuntur : patria mæſtus non truditur exul :

485

490

495

Impia continui cessant augmenta tributi:
 Non infelices tabulæ: non hasta reflexas
 Vendit opes: avida sessor non voce citatur;
 Nec tua privatis crescunt æraria damnis.
 Munificus largi, sed non & prodigus, auri.
 Perdurat non emta fides, nec pectora merces
 Alligat. Ipsa suo pro pignore castra laborant.
 Te miles nutritor amat. Quæ denique Romæ
 Cura tibi? quam fixa manet reverentia patrum?
 Firmatur senium juris, priscamque resumunt
 Canitiem leges, emendanturque vetustæ,
 Acceduntque novæ. Talem sensere Solonem
 Res Pandionæ. Sic armipotens Lacedæmon
 Despexit muros rigido munita Lycurgo.

500

505

Quæ sub te vel causa brevis, vel iudicis error
 Negligitur? Dubiis quis libris addere finem
 Justior, & mersum latebris educere verum?
 Quæ pietas, quantusque rigor, tranquillaque magni
 Vis animi, nulloque levis terrore moveri;
 Nec nova mirari facilis! Quam docta facultas
 Ingenii, linguæque modus! Responso verentur
 Legati, gravibusque latet sub moribus ætas.

510

515

Quantus in ore pater radiat! Quam torva voluptas
 Frontis, & augusti majestas grata pudoris!
 Jam patrias impleas galeas: jam cornus avita
 Tentatur vibranda tibi. Promittitur ingens
 Dextra rudimentis, Romanaque vota moratur.
 Quis decor, incedis quoties clipeatus, & auro
 Squameus, & rutilus cristis, & casside major!
 Sic cum Threicia primum sudaret in hasta,

520

525

Flumina laverunt puerum Rhodopeia Martem.

Quæ vires jaculis! vel cum Gortynia tendis

Spicula, quam felix arcus, certique petitor

Vulneris, & iussum mentiri nescius ictum!

Scis quo more Cydon, qua dirigat arte sagittas

530

Armenius, refugo quæ sit fiducia Partho.

Sic Amphionæ pulcher sudore palæstræ

Alcides pharetras, Dircæque tela solebat

Prætentare feris, olim domitura Gigantas;

Et pacem latura polo: semperque cruentus

535

Ibat, & Alcmenæ prædam referebat ovanti,

Cæruleus tali prostratus Apolline Python

Implicuit fractis moritura volumina filvis.

Cum vestaris equo, simulacraque Martia ludis;

Quis molles sinuare fugas, quis tendere contum

540

Acrior, aut subitos melior flexisse recursus?

Non te Massagetæ, non gens exercita campo

Theffala, non ipsi poterunt æquare bimembres.

Vix comites alæ, vix te suspensa sequuntur

Agmina, ferventesque tument post terga dracones;

545

Utque tuis primum sonipes calcaribus arsit,

Ignescunt patulæ nares. Non sentit arenas

Ungula, discussæque jubæ sparguntur in armos.

Turbantur phaleræ. Spumosis moribus aurum

Fumat. Anhelantes exsudant sanguine gemmæ.

550

Ipse labor pulvisque decent, confusaque motu

Cæsaries. Vestis radiato murice Solem

Combibit. Ingesto crispatur purpura vento.

Si dominus legeretur equis, tua posceret ultro-

Verbera Nereidum stabulis nutritus Arion,

555

Serviretque tuis contempto Castore frenis
 Cyllarus, & flavum Xanthus sprevisset Achillem.
 Ipse tibi famulas præberet Pegasus alas,
 Portaretque libens, melioraque pondera passus
 Bellerophonteas indignaretur habenas.
 Quin etiam velox Auroræ nuntius Æthon,
 Qui fugat hinnitu stellas, roseoque domatur
 Lucifero, quoties equitem te cernit ab astris,
 Invidet, inque tuis mavult spumare lupatis.

360

Nunc quoque quos habitus, quantæ miracula pompæ
 Vidimus, Ausonio cum jam succinctus amictu
 Per Ligurum populos solito conspectior ires,
 Atque inter niveas alte veherere cohortes,
 Obnixisque simul pubes electa lacertis
 Sidereum gestaret onus! Sic numina Memphis
 In vulgus proferre solet. Penetralibus exit
 Effigies; brevis illa quidem: sed plurimus infra
 Liniger imposito suspirat veste sacerdos,
 Testatus sudore Deum. Nilotica fistris
 Ripa sonat, Phariosque modos Ægyptia ducit
 Tibia. Submissis admugit cornibus Apis.
 Omnis nobilitas, omnis tua sacra frequentant
 Tibridis & Latii soboles. Convenit in unum
 Quidquid in orbe fuit procerum, quibus auctor honoris
 Vel tu, vel genitor. Numeroso Consule Consul
 Cingeris, & focios gaudes admittere patres.
 Illustri te prole Tagus, te Gallia doctis
 Civibus, & toto stipavit Roma Senatu.
 Portatur Juvenum cervicibus aurea sedes,
 Ornatuque novo gravior Deus. Asperat Indus

370

375

380

385

Velamenta lapis, pretiosaque fila smaragdis
Ducta virent. Amethystus inest, & fulgor Iberus
Temperat arcanis hyacinthi cœrula flammis.

Nec rudis in tali suffecit gratia textu:

Auget acus meritum, picturatumque metallis
Vivit opus, multaque ornantur jaspide cultus,
Et variis spirat Nereia bacca figuris.

590

Quæ tantum potuit digitis mollire rigorem
Ambitiosa colus? vel cujus pectinis arte
Traxerunt solidæ gemmarum stamina telæ?

595

Invia quis calidi scrutatus stagna profundi
Tethyos invasit gremium? quis divitis algæ
Germina flagrant inter quæsit arenas?
Quis junxit lapides ostro? quis miscuit ignes
Sidonii rubrique maris? Tribuere colorem
Phœnices, Seres subtemina, pondus Hydaspes.

600

Hoc si Mæonias cinctu graderere per urbes,
In te pampineos transferret Lydia thyrsos,
In te Nyssa choros. Dubitarent Orgia Bacchi
Cui furerent. Irent blandæ sub vincula tigres.

605

Talis Erythræis intextus nebrida gemmis
Liber agit currus, & Caspia flectit eburnis
Colla jugis: Satyri circum, crinemque solutæ
Mænades adstringunt edoris victricibus Indos.
Ebrius hostili velatur palmitè Ganges.

610

Auspice mox lætum sonuit clamore tribunal,
Te Fastos ineunte quater solemnia ludit
Omina libertas. Deductum Vindice morem
Lex celebrat, famulusque iugo laxatus herili
Ducitur, & grato remeat securior ictu.

615

Tristis conditio pulsata fronte recedit.

In civem rubuere genæ, tergoque removit
Verbera permissi felix injuria voti.

Prospera Romuleis sperantur tempora rebus

In nomen ventura tuum. Præmissa futuris

620

Dant exempla fidem. Quoties te cursibus ævi

Præfecit, toties accessit laurea patri.

Ausi Danubium quondam tranare Gruthungi

In lintres fregere nemus. Ter mille ruebant

Per fluvium plenæ cuneis immanibus alni.

625

Dux Odothæus erat. Tantæ conamina classis

Incipiens ætas & primus contudit annus.

Submersæ sedere rates. Fluitantia nunquam

Largius Arctoos pavere cadavera pisces.

Corporibus premitur Peuce. Per quinque recurrens

630

Ostia barbaricos vix egerit unda cruores.

Confessusque parens Odothæi regis opima

Rettulit, exuviasque tibi. Civile secundis

Conficis auspiciis bellum. Tibi debeat orbis

Fata Gruthungorum, debellatumque tyrannum.

635

Ister sanguineos egit te Consule fluctus:

Alpinos genitor rupit te Consule montes.

Sed patriis olim fueras successibus auctor,

Nunc eris ipse tuis. Semper venere triumphi

Cum trabeis, sequiturque tuos victoria fasces.

640

Sis precor affiduus Consul, Mariique relinquo

Et senis Augusti numerum. Quæ gaudia mundo,

Per tua lanugo cum serpere coeperit ora,

Cum tibi prodiderit festas nox pronuba tædas!

Quæ tali devota toro, quæ murice fulgens

645

Ibit in amplexus tanti Regina mariti?
Quænam tot Divis veniet nurus, omnibus arvis,
Et toto dotanda mari? Quantusque feretur
Idem per Zephyri metas Hymenæus & Euri!
O mihi si liceat thalamis intendere carmen 650
Connubiale tuis, si te jam dicere patrem!
Tempus erit, cum tu trans Rheni cornua victor;
Arcadius captæ spoliis Babylonos onustus,
Communem majore toga signabitis annum,
Crinitusque tuo sudabit fasce Suëvus: 655
Ultima fraternas horrebunt Bætra secures.

IX
CL. CLAUDIANI
IN NUPTIAS
HONORII ET MARIÆ
PRÆFATIO.

SURGERET in thalamum ducto cum Pelion arcu;
 Nec caperet tantos hospita terra Deos;
 Cum focer æquorens, numerosaque turba sororum
 Certarent epulis continuare dies,
 Præberetque Jovi communia pocula Chiron, 5
 Molliter obliqua parte refusus equi;
 Penens gelidos mutaret nectare fontes,
 Etæis fluerent spumea vina jugis:
 Terpsichore facilem lascivo pollice movit
 Barbiton, & molles duxit in antra choros: 10
 Carmina nec superis, nec displicuere Tonanti;
 Cum teneris nossent congrua vota modis.
 Centauri, Faunique negant, quæ flectere Rhæton;
 Quæ rigidum poterant plectra movere Pholum.
 Septima lux aderat cœlo, totiesque renatus 15
 Viderat exactos Hesperus igne choros.

Tum Phœbus, quo saxa domat, quo pertrahit ornos,
Pectine tentavit nobiliore lyram:

Venturumque sacris fidibus jam spondet Achillem:

Jam Phrygias cædes, jam Simoenta canit.

10

Frondofo strepuit felix Hymenæus Olympo,

Reginam resonant Othrys & Ossa Thetin.

CL. CLAUDIANI

DE NUPTIIS

HONORII ET MARIÆ.

HAUSERAT insolitos promissæ virginis ignes
 Augustus, pronoque rudis flagraverat æstu :
 Nec novus unde calor , nec quid suspiria vellent
 Noverat incipiens , & adhuc ignarus amandi.
 Non illi venator equus , non spicula curæ :
 Non jaculum torquere libet. Mens omnis aberrat
 In vulnus , quod fixit Amor. Quam sæpe medullis
 Erupit gemitus ! quoties incanduit ore
 Confessus secreta rubor ! nomenque beatum
 Injussæ scripsere manus ! Jam munera nuptæ
 Præparat , & pulchros , Mariæ sed luce minores ,
 Eligit ornatus , quidquid venerabilis olim
 Livia , Divorumque nurus gessere superbæ.
 Incusat spes ægra moras , longique videntur
 Stare dies , segnemque rotam non flectere Phœbe.
 Scyria sic tenerum virgo flammabat Achillem ,
 Fraudis adhuc experts , bellatricesque docebat

5

10

15

Ducere fila manus, & mox, quos horruit Ide,
 Thessalicos roseo pectebat pollice crines.
 Hæc etiam queritur secum: Quonam usque verendus 20
 Cunctatur mea vota focer? quid jungere differt
 Quam pepigit, castasque preces implere recusat?
 Non ego, luxuriam regum, moremve secutus,
 Quæsi vultum tabulis, ut nuntia formæ
 Lena per innumeros iret pictura penates: 25
 Nec variis dubium thalamis lecturus amorem
 Ardua commisi falsæ connubia ceræ.
 Non rapio præceps alienæ fœdera tedæ,
 Sed quæ sponsa mihi pridem, patriisque relicta
 Mandatis, uno materni sanguinis ortu 30
 Communem partitur avum. Fastigia supplex
 Deposui, gessique procum. De limine sacro
 Oratum misi proceres, qui proxima nobis
 Jura tenent. Fateor, Stilicho, non parva poposci:
 Sed certe mereor princeps, hoc principe natus, 35
 Qui sibi te generum fraterna prole revinxit,
 Cui Mariam debes. Fœnus mihi solve paternum.
 Redde suos aulæ. Mater fortasse rogari
 Mollior. O patrui germen, cui nominis heres
 Successi, sublime decus torrentis lberi, 40
 Stirpe soror, pietate parens, tibi creditus infans,
 Inque tuo crevi gremio, partuque remoto
 Tu potius Flaccilla mihi. Quid dividis ergo
 Pignora? quid juveni natam non tradis alumno?
 Optatusne dies aderit? dabiturne jugalis 45
 Nox unquam? Tali solatur vulnere questu.

Risit Amor, placidæque volat trans æquora matris

Nuntius, & totas jaſtantior explicat alas.

Mons latus Eoum Cypri præruptis obumbrat;

Inuius humano grefſu, Phariumque cubile

50

Proteos, & ſeptem deſpectat cornua Nili.

Hunc neque canentes audent veſtire pruinæ;

Hunc venti pulſare timent; hunc lædere nimbi.

Luxuriæ Venerique vacat. Pars acrior anni

Exfulat. Æterni patet indulgentia veris.

55

In campum ſe fundit apex. Hunc aurea ſepes

Circuit, & fulvo defendit prata metallo.

Mulciber, ut perhibent, his oſcula conjugis emit

Mœnibus, & tales uxorius obtulit arces.

Intus rura micant, manibus quæ ſubdita nullis

60

Perpetuum florent, Zephyro contenta colono:

Umbroſumque nemus, quo non admittitur ales;

Ni probet ante ſuos Diva ſub iudice cantus.

Quæ placuit, fruitor ramis: quæ viſta, recedit:

Vivunt in Venerem frondes, omniſque viciffim

65

Felix arbor amat. Nutant ad mutua palmæ

Fœdera. Populeo ſuſpirat populus iſtu;

Et platani platanis, alnoque affubilat alnus.

Labuntur gemini fontes: hic dulcis, amarus

Alter, & infuſis corrumpunt mella venenis,

70

Unde Cupidineas armavit fama ſagittas.

Mille pharetrati ludunt in margine fratres;

Ore pares, ſimiles habitu, gens mollis Amorum.

Hos Nymphæ pariunt, illum Venus aurea ſolum

Edidit. Ille Deos cœlumque & ſidera cornu

75

Temperat, & ſummos dignatur figere reges.

Hî plebem feriunt. Nec cetera numina deſunt.

Hic habitat nullo constricta Licentia nodo ,
 Et flecti faciles Iræ , vinoque madentes
 Excubiæ , Lacrimæque rudes , & gratus amantum
 Pallor , & in primis titubans Audacia furtis ,
 Incundique Metus , & non secura Voluptas .

80

Et lasciva volant levibus Perjuria pennis .
 Hos inter petulans alta cervice Juventas
 Excludit Senium luco . Procul atria Divæ
 Permutant radios , silvaque obstante virescunt :
 Lemnius hæc etiam gemmis extruxit & auro ,
 Admiscens artem pretio , trabibusque smaragdis
 Supposuit cælas hyacinthi rupe columnas .

85

Beryllo paries , & jaspide lubrica surgunt
 Limina , despectusque solo calcatur achates :
 In medio glebis redolentibus area dives
 Præbet odoratas messes . Hic mitis amomi ,
 Hic casia matura seges , Panchaia turgent

90

Cinnama , nec sicca frondefcunt vimina costis ;
 Tardaque sudanti prorepunt balsama ligno .

95

Quo postquam delapsus Amor , longasque peregit
 Penna vias ; alacer , passusque superior intrat .
 Cæsariem tunc forte Venus subnixa corusco

Fingebat folio . Dextra lævaque sorores

100

Stabant Idaliæ . Largos hæc nectaris imbres

Irrigat : hæc morfu numerosi dentis eburno

Multifidum discrimen arat : sed tertia retro

Dat varios nexus , & iusto dividit orbes

Ordine , neglectam partem studiosa relinquens :

105

Plus error decuit : speculi nec vultus egebat

Judicio . Similis testis monstratur in omni ,

F 4

Et rapitur quocunque videt, dum singula cernit;
 Seque probat. Nati venientis conspicit umbram;
 Ambrosioque sinu puerum complexa ferocem, 110
 Quid tantum gavifus, ait? quæ proelia sudas,
 Improbe? quis jacuit telis? Iterumne Tonantem
 Inter Sidonias cogis mugire juventas?
 An Titana domas? an pastoralia Lunam
 Rursus in antra vocas? Durum magnumque videris 115
 Debellasse Deum. -- Suspensus in oscula matris
 Ille refert: Lætare, parens. Immane tropæum
 Rettulimus. Nostrum jam sentit Honorius arcum.
 Scis Mariam, patremque ducem, qui cuspide Gallos
 Italiamque fovet: nec te præclara Serenæ 120
 Fama latet. Propera. Regalibus annue votis.
 Junge toros. -- Gremio natum Cytherea removit:
 Et crines festina ligat, peplumque fluentem
 Allevat, & blando spirantem numine ceston
 Cingitur, impulsos pluviis quo mitigat amnes, 125
 Quo mare, quo ventos, irataque fulmina solvit.
 Ut stetit ad litus, parvis hæc fatur alumnis:
 Ecquis erit, pueri, vitreas qui lapsus in undas
 Huc rapidum Tritona vocet, quo vecta per altum
 Deferat? Haud unquam tanto mihi venerit usu. 130
 Sacri, quos petimus, thalami. Pernicius omnes
 Quærite, seu concha Libycum circumtonat æquor,
 Ogygias seu frangit aquas. Quicunque repertum
 Duxerit, aurata donabitur ille pharetra.
 Dixerat, & sparsa diversi plebe feruntur 135
 Exploratores. Pelagi sub fluctibus ibat
 Carpathii Triton, oblustantemque petebat

Cymothoen. Timet illa ferum, seseque sequenti
 Surripit, & duris elabitur uda lacertis.
 Heus, inquit speculatus Amor, num vestra sub imis 140
 Furta tegi potuere vadis? Accingere nostram
 Vesturus dominam. Pretium non vile laboris
 Cymothoen facilem, quæ nunc detrectat, habebis.
 Hac mercede veni. — Prorupit gurgité torvus
 Semifer. Undosi verrebant brachia crines, 145
 Hispida tendebat bifido vestigia cornu,
 Qua pristis commissa viro. Ter pectora movit.
 Jam quarto Paphias tractu sulcabat arenas.
 Umbratura Deam retro sinuatur in arcum
 Bellua. Tum vivo squalentia murice terga 150
 Purpureis mollita toris. Hoc navigat ostro
 Fulta Venus. Niveæ delibant æquora plantæ.
 Prosequitur volucrum late comitatus Amorum;
 Tranquillumque choris quatitur mare. Serta per omnem
 Neptuni dispersa domum. Cadmeia ludit 155
 Leucothoe, fregatque rosis delphina Palæmon.
 Alternas violis Nereus interferit algas.
 Canitiem Glaucus ligat immortalibus herbis.
 Nec non & variis vestæ Nereides ibant
 Audito rumore feris. Hanc pisce volutam 160
 Sublevat Oceani monstrum Tartessia tigris.
 Hanc timor Ægæi rupturus fronte carinas
 Trux aries. Hæc cæruleæ suspensa leænæ
 Innatat. Hæc viridem trahitur complexa juvenum.
 Certatimque novis onerant connubia donis. 165
 Cingula Cymothoe, rarum Galatea monile,
 Et gravibus Spatale baccis diadema ferebat

Intextum, rubro quas legerat ipsa profundo.

Mergit se subito, vellitque coralia Doto.

Vimen erat, dum stagna subit. Procefferat undis: 170

Gemma fuit. Nudæ Venerem cinxere catervæ,

Plaudentesque simul tali cum voce sequuntur:

Hos Mariæ cultus, hæc munera nostra precamur

Reginæ Regina feras. Dic talia nunquam

Promeruisse Thetin, nec cum soror Amphitrite 175

Nostro nupta Jovi. Devotum sentiat æquor,

Agnoscat famulum virgo Stilichonia pontum.

Vidtrices nos sæpe rates, classemque paternam

Veximus, attritis cum tenderet ultor Achivis.

Jam Ligurum terris spumantia pectora Triton 180

Appulerat, lassosque fretis extenderat orbes.

Continuo sublime volans ad moenia Gallis

Condita, lanigeri suis ostentantia pellem,

Pervenit. Adventu Veneris pulsata recedunt

Nubila. Clarescunt puris Aquilonibus Alpes. 185

Lætitiæ causas ignorat dicere miles,

Lætaturque tamen. Mavortia signa rubescunt

Floribus, & subitis animantur frondibus hastæ.

Illa sumum dictis affatur talibus agmen:

Gradivum, nostri comites, arcete parumper, 190

Ut soli vacet aula mihi. Procul igneus horror

Thoracum, gladiosque tegat vagina minaces.

Stent bellatrices aquilæ, sævique dracones.

Fas sit castra meis hodie succumbere signis.

Tibia pro lituis, & pro clangore tubarum 195

Molle lyræ, faustumque canant. Epulentur ad ipsas

Excubias. Mediis spirent crateres in armis.

Laxet terribiles majestas regia fastus,
 Et sociam plebem non indignata potestas
 Confundat turbæ procures. Solvantur habenis 200
 Gaudia: nec leges pudeat ridere severas.
 Tu festas, Hymenæe, faces; tu; Gratia, flores
 Elige; tu geminas, Concordia, nocte coronas.
 Vos, pennata cohors, quocunque vocaverit usus,
 Divisa properate manu, neu marceat ulla 205
 Segnities. Alii funalibus ordine ductis
 Plurima venturæ suspendite lumina nocti.
 Hi nostra nitidos postes obducere myrto
 Contendant: pars nectareis adspergere testâ
 Fontibus, & flamma lucos adolere Sabæos. 210
 Pars infecta croco velamina lutea sertim
 Pandite, Sidoniaeque solo prosternite vestes.
 Ast alii thalamum docto componite textu.
 Stamine gemmato, picturatisque columnis
 Ædificetur apex: qualem non Lydia dives 215
 Erexit Pelopi: nec quem struxere Lyæo
 Indorum spoliis & opaco palmitè Bacchæ.
 Illic exuvias omnes cumulate parentum:
 Quidquid avus senior Mauro vel Saxone victis;
 Quidquid ab innumeris socio Stilichone tremendus 220
 Quæsitivè genitor bellis: quodcunque Gelonus
 Armeniusve dedit: quantum crinita sagittis
 Attulit extremo Meroe circumflua Nilo:
 Misit Achæmenio quidquid de Tigride Medus,
 Cum supplex emeret Romanam Parthia pacem. 225
 Nobilibus gazis opibusque cubilia surgant
 Barbaricis. Omnes thalamo conferte triumphos.

Sic ait, & sponsæ petit improvisa penates.

Illâ autem, secura tori, tædæque parari
Nescia, divinæ fruitur sermone parentis, 230

Maternosque bibit mores, exemplaque discit

Prisca pudicitia: Latios nec volvere libros

Definit aut Grajos, ipsa genitrice magistra,

Mæonius quæcunque senex, aut Thracius Orpheus,
Aut Mitylenæo modulatur pectine Sappho: 235

(Sic Triviam Latona monet: sic mitis in antro

Mnemosyne docili tradit præcepta Thaliæ.)

Cum procul augeri nitor, & jucundior aer

Attonitam lustrare domum, fundique comarum

Gratus odor. Mox vera fides, numenque refulsit. 240

Cunctatur stupefacta Venus. Nunc ora puellæ,

Nunc flavo niveam miratur vertice matrem.

Hæc modo crescenti, plenæ par altera Lunæ:

Affurgit ceu forte minor sub matre virenti

Laurus, & ingentes ramos, olimque futuras 245

Promittit jam parva comas: vel flore sub uno

Ceu geminæ Pæstana rosæ per jugera regnant.

Hæc largo matura die, saturataque vernis

Roribus indulget spatio: latet altera nodo,

Nec teneris audet foliis admittere Soles. 250

Addiit, & blande Mariam Cytherea salutat:

Salve fidereæ proles Augusta Serenæ,

Magnum soboles Regum, parituraque Reges.

Te propter Paphias sedes, Cyprumque reliqui,

Te propter libuit tantos explere labores, 255

Et tantum tranasse maris, ne vilior ultra

Privatos paterere lares, neu tempore longo

Dilatos juvenis nutritur Honorius ignes.

Accipe fortunam generis, diadema resume,

Quod tribuas natis: & in hæc penetralia rursus, 160

Unde parens progressa, redi. Fac nulla subesse

Vincula cognatæ: quamvis aliena fuisses

Principibus, regnum poteras hoc ore mereri.

Quæ propior sceptris facies? quis dignior aula

Vultus erit? Non labra rosæ, non colla pruina, 165

Non crines æquant violæ, non lumina flammæ.

Quam juncto leviter sese discrimine confert

Umbra supercilii! miscet quam iusta ruborem

Temperies! nimio nec sanguine candor abundat.

Auroræ vincis digitos, humerosque Dianæ.

170

Ipsam jam superas matrem. Si Bacchus amator

Dotali potuit coelum signare Corona,

Cur nullis virgo redimitur pulchrior astris?

Jam tibi molitur stellantia ferta Bootes,

Inque decus Mariæ jam fidera parurit æther.

175

I digno nectenda viro, tantique per orbem

Confors imperii! Jam te venerabitur Ister.

Nomen adorabunt populi. Jam Rhenus, & Albis

Serviet. In medios ibis Regina Sicambros.

Quid numerem gentes, Atlanteosque recessus

180

Oceani? toto pariter dotabere mundo.

Dixit, & ornatus, dederant quos nuper ovantes

Nereides, collo membrisque micantibus aptat.

Ipsa caput distinguit acu, substringit amictus:

Flammea virgineis accommodat ipsa capillis.

185

Ante fores jam pompa sonat, pilentaque sacram

Præradiant ductura nuntum. Calet obvijs ire

Jam princeps, tardumque cupit discedere Solem.
 Nobilis haud aliter sonipes, quem primus amoris
 Sollicitavit odor, tumidus, quatiensque decoras 290
 Turbata cervice juba, Pharsalia rura
 Pervolat, & notos hinnitu flagitat ignes,
 Naribus accensis. Mulcet secunda magistrum
 Spes gregis, & pulchro gaudent armenta marito.
 Candidus interea positus exercitus armis 295
 Exsultat focerum circa: nec signifer ullus,
 Nec miles pluviae flores dispergere ritu
 Cessat, purpureoque ducem perfundere nimbo.
 Hæc quoque velati lauro myrtoque canebant:
 Dive parens, seu te complectitur axis Olympi, 300
 Seu colis Elyfias animarum præmia valles,
 En promissa tibi Stilicho jam vota peregit.
 Jam gratæ rediere vices. Cunabula pensat,
 Acceptum reddit thalamum, natoque reponit
 Quod dederas; genitor. Nunquam te, sancte, pigebit 305
 Judicii. Nec te pietas suprema fefellit.
 Dignus quem legeres, dignus cui pignora tanti
 Principis, & rerum commendarentur habenæ.
 Dicere nunc possem quæ proelia gesta sub Æmo,
 Quæque cruentarint fumantem Strymona pugna: 310
 Quam notus clipeo, quanta vi fulminet hostem,
 Nî prohiberet Hymen: quæ tempestitiva relatu,
 Nunc canimus. Quis consilio; quis juris & æqui
 Nosse modum melior? Quod semper diffidet, in te
 Convenit: ingenio robur, prudentia forti. 315
 Fronte quis æquali? quem sic Romana decerent
 Culmina? sufficerent quæ tantis pectora curis?

Stes licet in populo, clamet, quicunque videbit,
Hic est, hic Stilicho. Sic te testatur, & offert
Celsa potestatis species, non voce feroci,
Non alto simulata gradu, non improba gestu.
Affectant alii quidquid, fingique laborant,
Hoc donat natura tibi. Pudor emicat una,
Formosusque rigor, vultusque auctura verendos
Canities festina venit. Cum forte remotæ
Contingant gravitasque seni, viresque juventæ:
Utraque te cingit propriis insignibus ætas.
Ornatur fortuna viro. Non ulla nocendi
Tela, nec infecti jugulis civilibus enses.
Non odium terrore moves, nec frena resolvit
Gratia. Diligimus pariter, pariterque timemus.
Ipse metus te noster amat, iustissime legum
Arbiter, egregiæ custos fidissime pacis.
Optime ductorum, fortunatissime patrum;
Plus jam plus domino cuncti debere fatemur;
Quod gener est, invicte, tuus. Vincire corona:
Inserere te nostris contemto jure choreis.
Sic puer Eucherius superet virtute parentem:
Aurea sic videat similes Thermantia tedas:
Sic uterus crescat Mariæ: sic natus in ostro
Parvus Honoriades genibus confidat avitis.

320

325

330

335

340

XI
CL. CLAUDIANI
IN NUPTIAS
HONORII AUGUSTI
ET
MARIÆ FESCENNINA
ALCAICUM.

PRINCEPS corusco fidere pulchrior,
 Parthis sagittas tendere certior,
 Eques Gelonis imperiosior,
 Quæ digna mentis laus erit arduæ?
 Quæ digna formæ laus erit igneæ?
 Te Leda mallet quam dare Castorem.
 Præfert Achilli te proprio Thetis.
 Victum fatetur Delos Apollinem.
 Credit minorem Lydia Liberum.
 Tu cum per altas impiger ilices
 Præda citatum cornipedem reges;
 Ludentque ventis instabiles comæ;

Telis jacebunt sponte tuis feræ,
 Gaudensque sacris vulneribus leo
 Admittet hastam morte superbior. 15
 Venus reversum spernat Adonidem;
 Damnet reductum Cynthia Virbium.
 Cum post labores sub platani voles
 Virentis umbra, vel gelido specu
 Torrentiorem fallere Sirium, 20
 Et membra somno fessa resolveris:
 O quantus uret tum Dryadas calor?
 Quot æstuantem ancipiti gradu
 Furtiva carpent oscula Naides?
 Quis vero acerbis horridior Scythis? 25
 Quis belluarum corde furentior,
 Quis, cum micantem te prope viderit;
 Non optet ultro servitium pati?
 Quis non catenas arripiat libens,
 Colloque poscat vincula libero? 30
 Tu si nivalis per juga Caucaſi
 Sævas petisses pulcher Amazonas;
 Peltata pugnas defereret cohors,
 Sexu recepto: patris & immemor
 Inter frementes Hippolyte tubas 35
 Strictam securim languida poneret;
 Et seminudo pectore cingulum
 Forti negatum solveret Herculi;
 Bellumque solus conficeret decor.
 Beata, quæ te mox faciet virum,
 Primisque sese junget amoribus. 40

Cl. Claudianus.

G

XII

AGE cuncta nuptiali
 Redimita vere tellus
 Celebra toros heriles.
 Omne nemus cum fluviiis,
 Omne canat profundum.

5

Ligures favete campi,
 Veneri favete montes,
 Subitisque se rosetis
 Vestiat Alpinus apex,
 Et rubeant pruinae.

10

Athesis strepat choreis,
 Calamisque flexuosus
 Leve Mincius susurret,
 Et Padus electriferis
 Admoduletur alnis.

15

Epulisque jam repleto
 Resonet Quirite Tiberis,
 Dominique læta voris
 Aurea septemgeminas
 Roma coronet arces.

20

Procul audiant Iberi;
 Fluit unde semen aulae:
 Ubi plena laurearum,
 Imperio feta domus,
 Vix numerat triumphos.

25

F E S C E N N I N A .

99

Habet hinc patrem maritus ,
Habet hinc puella matrem ,
Geminaque parte ductum
Cæsareum flumineo
Stemma recurrit ortu.

39

Decorent vireta Bætin ,
Tagus intumescat auro ,
Generisque procreator
Sub vitreis Oceanus
Luxurietur antris :

35

Oriensque, regna fratrum ;
Simul Occidentisque plaudat.
Placidæ jocentur urbes ,
Quæque novo , quæque nitent
Deficiente Phœbo.

40

Aquiloniæ procellæ ;
Rabidi tacete Cori.
Taceat sonorus Auster.
Solus ovariantem Zephyrus
Perdominetur annum.

45

X I I I

SOLITAS galea fulgere comas ;
Stilicho , molli nectè corona.
Cessent litui , sævumque procul
Martem felix teda releget.

G 2

Tractus ab aula rursus in aulam
 Redeat sanguis patris officiis.
 Junge potenti pignora dextra.
 Gener Augusti pridem fueras,
 Nunc rursus eris focer Augusti.
 Quæ jam rabies livoris erit?
 Vel quis dabitur color invidiæ?
 Stilicho focer est, pater est Stilicho.

XIV

ATTOLLENS thalamis Idaliûm jubar;
 Dilectus Veneri nascitur Hesperus.
 Jam nuptæ trepidat sollicitus pudor.
 Jam produnt lacrimas flammea simplices.
 Ne cessa, juvenis, cominus aggredi,
 Impacata licet sæviat unguibus.
 Non quisquam fruitur veris odoribus,
 Hyblæos latebris nec spoliât favos,
 Si fronti caveat, si timeat rubos.
 Armat spina rosas, mella tegunt apes.
 Crescunt difficili gaudia jurgio,
 Accenditque magis, quæ refugit, Venus.
 Quod flenti tuleris, plus sapit, osculum.
 Dices o quoties, Hoc mihi dulcius,
 Quam flavos decies vincere Sarmatas!
 Adspirate novam pectoribus fidem,
 Mansuramque facem tradite sensibus.
 Tam junctis manibus neſcite vincula,

Quam frondens edera stringitur æsculus,
Quam lento premitur palmitè populus.
Et murmur querula blandius alite
Linguis assidui reddite mutuis.
Et labris animam conciliantibus,
Alternum rapiat somnus anhelitum.
Amplexu caleat purpura regio,
Et vestes Tyrio sanguine fulgidas
Alter virgineus nobilitet cruor.
Tum victor madido profiliis toro
Nocturni referens vulnera proclii
Ducant pervigiles carmina tibiæ,
Permissisque jocis turba licentior
Exsultet tetricis libera legibus.
Passim cum ducibus ludite, milites:
Passim cum pueris ludite, virgines.
Hæc vox ætheriis intonet axibus,
Hæc vox per populos, per mare transeat:
Formosus Mariam ducit Honorius.

20

25

30

35

X V

CL. CLAUDIANI

D E

BELLO GILDONICO

L I B E R.

REDDITUS imperiis Ausser, subiectaque rursum
 Alterius convexa poli. Rectore sub uno.
 Conspirat geminus frenis communibus orbis.
 Junximus Europen Libya. Concordia fratrum
 Plena redit. Patriis quod solum defuit armis, 5
 Tertius occubuit nati virtute tyrannus.
 Horret adhuc animus, manifestaue gaudia differt,
 Dum stupet, & tanto cunctatur credere voto.
 Nec dum Cinyphias exercitus attigit oras,
 Jam domitus Gildon. Nullis victoria nodis 10
 Hæsit, non terræ spatio, non objice ponti.
 Congressum, profugum, captum vox nuntiat una,
 Rumoremque sui prævenit laurea belli.
 Quo, precor, hæc effecta Deo? Robusta vetusque
 Tempore tam parvo potuit dementia vinci? 15

Quem veniens indixit hiems, ver perculit, hostem.

Exitii jam Roma timens, & fessa negatis

Frugibus, ad rapidi limen tendebat Olympi.

Non solito visu, nec qualis jura Britannis

Dividit, aut trepidos submitit fascibus Indos.

20

Vox tenuis, tardique gradus, oculique latent

Interius. Sedere genæ, jejuna lacertos

Exedit macies. Humeris vix sustinet ægris

Squalentem clipeum: laxata casside prodit

Canitiem, plenamque trahit rubiginis hastam.

25

Attigit ut tandem cœlum, genibusque Tonantis

Procubuit, tales orditur mœsta querelas:

Si mea mansuris meruerunt mœnia nasci,

Jupiter, auguriis; si stant immota Sibyllæ

Carmina; Tarpejas si necdum respuit arces:

30

Advenio supplex, non ut proculcet Araxem

Consul ovans, nostræ premant phætrata secures

Susa, nec ut rubris aquilas figamus arenis.

Hæc nobis, hæc ante dabas. Nunc pabula tantum

Roma precor. Miserere tuæ, pater optime, gentis.

35

Extremam defende famem. Satiavimus iram,

Si qua fuit. Lugenda Getis, & flenda Suevis

Hausimus. Ipsa meos exhorret Parthia casus.

Quid referam morbi ve litem, cumulosve repletos

Stragibus, & crebras corrupto sidere mortes?

40

Aut fluvium, per tecta vagum, summisque minantem

Collibus? Ingentes vixi submersa carinas,

Remorumque sonos, & Pyrrhæ secula sensi.

Hei mihi, quo Latæ vires, Urbisque potestas

Recidit? In qualem paulatim fluximus umbram?

45

G 4

Armato quondam populo, patriisque vigebam
 Consiliis. Domui terras, urbesque revinxi
 Legibus. Ad solem victrix utrumque cucurri.
 Postquam jura ferox in se communia Cæsar
 Transtulit, & lapsi mores, desuetaque priscis
 Artibus in gremium pacis servile recessi, 50
 Tot mihi pro meritis Libyam Nilumque dedere,
 Ut dominam plebem, bellatoremque senatum
 Classibus æstivis alerent, geminoque vicissim
 Litore diversi complerent horrea venti. 55
 Stabat certa salus. Memphis si forte negasset,
 Pensabam Pharium Gætulis messibus annum.
 Frugiferas certare rates, lateque videbam
 Punica Niliacis concurrere carbasa velis:
 Cum subiit par Roma mihi, divisaque sumsit 60
 Æquales Aurora togas: Ægyptia rura
 In partem cessere novam. Spes unica nobis
 Restabat Libye, quæ vix ægreque fovebat
 Solo ducta Noto, nunquam secura futuri,
 Sæmper inops ventique fidem poscebat, & anni. 65
 Hanc quoque nunc Gildon rapuit sub fine cadentis
 Autumni. Pavido metimur cærula voto,
 Puppis si qua venit, si quid fortasse potenti
 Vel pudor extorsit domino, vel prædo reliquit.
 Pascimur arbitrio Mauri, nec debita reddi, 70
 Sed sua concedi jactat, gaudetque diurnos,
 Ut famulæ, præbere cibos, vitamque famemque
 Librat barbarico fastu, vulgique superbit
 Fletibus, & tantæ suspendit fata ruinæ.
 Romuleas vendit segetes, & possidet arva 75

Vulneribus quæsitâ meis. Ideone tot annos
 Flebile cum tumida bellum Carthagine gessi ?
 Idcirco voluit contemta luce reverti
 Regulus ? hoc damnis , genitor , Cannensibus emi ?
 Incassum toties lituis navalibus arsit 80
 Hispanum Siculumque frerum ? vastataque tellus ,
 Totque duces cæsi , ruptaque emissus ab Alpe
 Pœnus , & attonitæ jam proximus Hannibal urbi ?
 Scilicet , ut domitis frueretur Barbarus Afris ,
 Muro sustinui Martem , noctesque cruentas 85
 Collina pro turre tuli ? Gildonis ad usum
 Carthago ter victa ruit ? Hoc mille gementis
 Italiæ clades , impensaue secula bello ,
 Hoc Fabius fortisque mihi Marcellus agebant ,
 Ut Gildo cumlaret opes ? Haurire venena 90
 Compulimus dirum Annibalem , fractumque Metello
 Traximus immanem Marii sub vincla Jugurtham ,
 Et Numidæ Gildonis erunt ? Proh funera tanta ,
 Proh labor ! In Bocchi regnum sudavit uterque
 Scipio. Romano vicistis sanguine Mauri. 95
 Ille diu miles populus , qui præfuit orbi ,
 Qui irabeas , & sceptrâ dabat , quem semper in armis
 Horribilem gentes , placidum sensere subactæ ,
 Nunc inhonorus , egens , perfert miserabile pacis
 Supplicium , nulloque palam circumdatus hoste , 100
 Obsessi discrimen habet. Per singula letum
 Impendet momenta mihi , dubitandaque pauci
 Præscribunt alimenta dies. Heu prospera fata ,
 Quid mihi septenos montes , turbamque dedisti ,
 Quæ parvo non posset ali ? Felicior essem 105

Angustis opibus. Mallem tolerare Sabinos,
 Et Vejós. Brevior duxi securius ævum.
 Ipsa nocet moles. Utinam remeare liceret
 Ad veteres fines, & mœnia pauperis Anci.
 Sufficerent Etrusca mihi, Campanaque culta, 110
 Et Quincti, Curiique seges, patriæque petenti
 Rusticus inferret proprias Dictator arillas.
 Nunc quid agam? Libyam Gildo tenet, altera Nilum.
 Ast ego, quæ terras humeris, Pontumque subegi,
 Deferor. Emeritæ jam præmia nulla senectæ. 115
 Di, quibus iratis crevi, succurrite tandem,
 Exorate patrem: tuque o, si sponte per altum
 Vesta Palatinis mutasti collibus Idam,
 Prælatoque lavas Phrygios Almone leones,
 Maternis natum precibus jam seste, Cybelle. 120
 Sin prohibent Parcæ, falsisque elusa vetustas
 Auspiciis, alio saltem prosternite casu,
 Et pœnæ mutate genus. Porfenna reducat
 Tarquinius. Renovet serales Allia pugnæ.
 Me potius sævi manibus permittite Pyrrhi. 125
 Me Senonum furiis, Brenni me reddite flammis.
 Cuncta fame leviora mihi. -- Sic fata, refusus
 Obtruncuit lacrimis. Mater Cytherea, parensque
 Flet Mavors, sanctæque memor Tritonia Vestæ.
 Nec sicco Cybele nec stabat lumine Juno. 130
 Mœrent Indigetes, & si quos Roma recepit
 Aut dedit ipsa Deos. Genitor jam corda remitti
 Cœperat, & sacrum dextra sedare tumultum:
 Cum procul infans quatiens ululatus axem,
 Et confusa genas, mediis apparet in astris 135

Africa. Rescissæ vestes, & spicea passim
 Serra jacent. Lacero crinales vertice dentes,
 Effractum pendebat ebur. Talique supernas
 Irrupit clamore fores: Quid magne moraris
 Jupiter, avulso nexu, pelagique solutis 140
 Legibus, iratum populis immittere fratrem?
 Mergi prima peto. Veniant prærupta Pachyno
 Æquora. Laxatis subsidant Syrtibus urbes.
 Si mihi Gildonem nequeunt abducere fata,
 Me ræpe Gildoni. Felicior illa peristæ 145
 Pars Libyæ, nimio quæ se munita calore
 Defendit, tantique vacat secura tyranni.
 Crescat zona rubens. Medius flagrantis Olympi
 Me quoque limes agat. Melius deserta jacebo
 Vomeris impatiens. Pulsis dominantur aristis 150
 Dipsades, & sitiens attollat gleba cerastas.
 Quid me temperies juvit? quid mitior æther?
 Gildoni secunda fui. Jam Solis habenæ
 Bis senas torquent hiemes, cervicibus ex quo
 Hæret triste jugum: nostris jam luctibus ille 155
 Consenuit, regnumque sibi tot vindicat annos:
 Atquæ utinam regnum! Privato jure tenetur,
 Exigui specie fundi, quod Nilus & Atlas
 Diffidet. Occiduis quod Gadibus arida Barce,
 Quodque Parætonio secedit litore Ganges, 160
 Hoc sibi transcripsit proprium. Pars tertia mundi
 Unius prædonis ager. Distantibus idem
 Inter se vitiis cinctus; quodcunque profunda
 Traxit avaritia, luxu pejore refundit.
 Instat terribilis vivis, morientibus heres, 165

Virginibus raptor, thalamis obscœnus adulter.
Nulla quies. Oritur præda cessante libido,
Divitibusque dies, & nox metuenda maritis.
Quisquis vel locuples vel pulchra conjuge notus,
Crimine pulsatur falso. Si crimina desint, 170
Accitus conviva perit. Mors nulla refugit
Artificem. Varios succos spumasque requirit
Serpentum virides, & adhuc ignota novercis
Gramina. Si quisquam vultu præsentia damnet,
Liberiusve gemat, dapibus crudelis in ipsis 175
Emicat ad nutum stricto mucrone minister.
Fixus quisque toro tacita formidine libat
Carnifices epulas, incertaque pocula pallens
Haurit, & intentos capiti circumspicit enses.
Splendet Tartareo furialis mensa paratu, 180
Cæde madens, atrox gladio, suspecta veneno.
Ut vino calefacta Venus, tum sævior ardet
Luxuries: mixtis redolent unguenta coronis.
Crinitos inter famulos pubemque canoram
Orbatas jubet ire nurus, nuperque peremtis 185
Arridere viris. Phalarin, tormentaue flammæ
Profuit, & Siculi mugitus ferre juvenci,
Quam tales audire choros. Nec damna pudoris
Turpia sufficiunt. Mauris clarissima quæque
Fastidita datur. Media Carthagine ductæ 190
Barbara Sidoniæ subeunt connubia matres.
Æthiopem nobis generum, Nasamona maritum
Ingerit. Exterret cunabula degener infans.
His fretus fociis, ipso jam principe major
Incedit. Peditum præcurrunt agmina longe. 195

Circumdant equitum turmæ, Regesque clientes,
 Quos nostris ditat spoliis. Proturbat avita
 Quemque domo, veteres detrudit rure colonos.
 Exsiliis dispersa feror. Nunquamne reverti
 Fas erit, errantesque solo jam reddere cives? 100

Iret adhuc in verba dolor, nisi Jupiter alto
 Cœpisset folio. Voces adamante notabat
 Atropos, & Lachesis jungebat stamina dictis.

Nec te, Roma, diu, nec te patiemur inultam,
 Africa. Communem prosterne Honorius hostem. 105
 Pergite securæ. Vestrum vis nulla tenorem
 Separat: & soli famulabitur Africa Romæ.

Dixit, & afflavit Romam meliore juventa.
 Continuo redit ille vigor, senique colorem
 Mutavere comæ. Solidatam crista resurgens 110
 Erexit galeam, clipeique recanduit orbis,
 Et levis excussa micuit rubigine cornus.

Humentes jam Noctis equos, Lethæaque Somnus
 Frena regens, tacito volvebat sidera curru.
 Jam duo Divorum procures, majorque minorque 115
 Theodosii pacem laturo gentibus ibant:

Qui Jovis arcanos monitus, mandataque ferrent
 Fratribus, & geminis sancirent fœdera regnis.
 Sic cum præcipites artem vicere procellæ,
 Assiduoque gemens undarum verbere nutat 120

Descensura ratis, cæca sub nocte vocati
 Naufraga Ledæi sustentant vela Lacones.
 Circulus ut patuit Lunæ, secuere meatus
 Diversos. Italas senior tendebat in oras.

At pater, intrantem Pontum qua Bosporus arctat, 125

Arcadii thalamis, urbique illapsus Eoæ.

Quem simul ac vidit natus: (nam clara nitebat

Cynthia:) permixto tremuerunt gaudia fletu,

Complexuque fovens, quos non speraverat, artus,

O mihi post Alpes nunc primum reddite, dixit,

230

Unde tuis optatus ades? Da tangere dextram,

Qua gentes cecidere feræ. Quis tale removit

Præsidium terris? Ut te mortalia pridem

Implorant, lugentque pinm, fortemque requirunt!

Cui pater in tales rupit suspiria voces:

235

Hoc erat? In fratres medio discordia Mauro

Nascitur, & mundus germanaque diffidet aula?

Gildonisne salus tanti sit palma furoris?

Scilicet egregius morum, magnoque tuendus,

Et cuius meritis pietas a fratre recedat.

240

In primo genitore, vide, civile calebat

Diffidium. Dubio stabant Romana sub ictu.

Quis procul Armenius, vel quis Mæotide ripa

Rex ignotus agit, qui me non juvit euntem?

Auxilio fovere Getæ, venere Geloni.

245

Solus at hic non puppe data, non milite misso,

Subsedit fluitante fide. Si signa tulisset

Obvia, detecto submissis hoste dolerem.

Restitit in speculis fati, turbaque reductus

Libravit geminas eventu iudice vires,

250

Ad rerum momenta cliens, seseque daturus

Victori. Fortuna simul cum Marte pependit.

Et si non cupidis essem præreptus ab astris,

Exemplum sequerer Tulli, laniandaque dumis

Impia diversis raptarem membra quadrigis.

255

Germani nunc usque tui responsa colebat.
 En iterum calcat. Tali te credere monstro
 Post patrem fratremque paras? Sed magna rependit,
 Inque tuam sortem numerosas transtulit urbes.
 Ergo fas pretio ceder? Mercede placebit 260
 Proditio? Taceo, læsi quod transfuga fratris,
 Quod levis ingenio. Quamvis discrimine summo
 Proditor apporet suspensa morte salutem,
 Nunquam gratus erit. Damnamus luce reperta
 Perfidiam: nec nos patimur committere tali 265
 Hoc genus emtori. Cives cum mœnibus offert?
 Hoc vendit patriam. Plerique in tempus abusi
 Mox odere ramentum. Tenuit sic Graia Philippus
 Oppida. Pellæo libertas concidit auro.
 Romani scelera semper sprevere ministros. 270
 Noxia pollicitum domino miscere venena
 Fabricius Regi nudata fraude remisit,
 In festo quem Marte petit, bellumque negavit
 Per famuli patrare nefas. Ductosque Camillus
 Trans murum pueros obsessæ reddidit urbi. 275
 Traduntur pœnis alii, cum prœlia solvant;
 Hic manet, ut moveat? Quem respuit alter in hostem,
 Suscipis in fratrem? Longi proh dedecus ævi!
 Cui placet, australes Gildo condonat habenas,
 Tantaque mutatos sequitur provincia mores. 280
 Quaslibet ad partes animus nutaverit anceps:
 Transfundit secum Libyam, refluxumque malignus
 Commodat imperium. Mauri fuit Africa munus.
 Tollite Massylas fraudes. Removete bilingues
 Insidias, & verba soli spirantia virus. 285

Ne confanguineis certetur cominus armis,
 Ne, precor. Hæc trucibus Thebis, hæc digna Mycenis;
 In Mauros hoc crimen eat. Quid noster iniquum
 Molitur Stilicho? Quando non ille iubenti
 Paruit? An quisquam nobis devotior exstat? 290
 Ut fileam varios, quos mecum gesserit, ætus,
 Quæ vidi post fata, loquar. Cum Divus abirem,
 Res incompositas, fateor, tumidasque reliqui.
 Stringebat vetitos etiamnum exercitus enses
 Alpînis odiis, alternaque jurgia victi 295
 Victoresque dabant. Vix hæc amentia nostris
 Excubiis, nedum puero rectore, quiesset.
 Heu quantum timui vobis, quid libera tanti
 Militis auderet moles, cum cæca remoto
 Ferveret jam læta metu. Dissensus acerbus, 300
 Sed gravior consensus erat. Tunc ipse paterna
 Successit pietate mihi, tenerumque rudemque
 Fovit, & in veros eduxit principis annos:
 Rufinumque tibi, quem tu tremuisse fateris,
 Depulit. Hunc solum memorem solumque fidelem 305
 Experior. Volui si quid, dum vita maneret,
 Aut visus voluisse, gerit: venerabilis illi
 Ceu numenque vocor præsens. Si tanta recusas,
 At focii reverere faces, at respice fratris
 Connubium, pignusque meæ regale Serenæ. 310
 Debueras etiam fraternis obviis ire
 Hostibus, ille tuis. Quæ gens, quis Rhenus & Ister
 Vos opibus junctos, conspirantesque tulissent?
 Sed tantum permittite, cadat. Nil poscimus ultra.
 Ille licet sese prætentis Syrtibus armet, 315

Oppositoque Atlante tegat: licet arva referta
 Anguibus, & Solis medios objecerit æstus:
 Novi consilium, novi Stilichonis in omnes
 Æqualem casus animum. Penetrabit arenas:
 Inveniet virtute viam. -- Sic Divus, & inde
 Sic natus: Jussis, genitor, parebitur ultro.
 Amplector præcepta lubens. Nec carior alter
 Cognato Stilichone mihi. Commissa profanus
 Ille luat. Redeat jam tutior Africa fratri.

340

Talia dum longo secum sermone retexunt,
 Hesperiam pervenit avus, castumque cubile
 Ingreditur, Tyrio quo fusus Honorius ostro
 Carpebat teneros Maria cum conjuge somnos.
 Assistit capiti. Tunc sic per somnia fatur:

345

Tantane devictos tenuit fiducia Mauros,
 Care nepos? Iterum post me conjurat in arma
 Progenies vesana Jubæ, bellumque resumit
 Victoris cum stirpe sui? Firmumne jacentem
 Obliti, Libyam nostro sudore receptam
 Rursus habent? Ausus Latio contendere Gildo?
 Germani nec fata timet? Nunc ire profecto
 Nunc vellem, notosque senex ostendere vultus.
 Nonne meam fugiet Maurus, cum viderit, umbram?
 Quid dubitas? Exsurge toris. Invade rebellem.
 Captivum mihi redde meum. Desiste morari.
 Hoc generi fatale tuo. Dum sanguis in orbe
 Noster erit, semper pallescit Regia Bocchi.
 Jungantur spoliis Firmi Gildonis opima.
 Exornet geminos Maurusia laurea currus.
 Una domus toties una de gente triumphet.

350

355

340

345

Cl. Claudianus.

H

Di, bene, quod tantis interlabentibus annis

Servati Firmusque mihi, fraterque nepoti.

Dixit, & afflatus vicino Sole refugit:

At juvenem stimulis immanibus æmula virtus

Exacuit. Jam puppe vehi, jam stagna secare 350

Fervet, & absentes invadere cuspide Mauros.

Tum jubet acciri socerum, dextramque vocato

Conferit, & quæ sit potior sententia, quærit:

Per somnos mihi, sancte pater, jam sæpe futura

Panduntur, mukæque canunt præsagia noctes. 355

Namque procul Libycos venatu cingere saltus,

Et juga rimari canibus Gætula videbar.

Mœrebat regio sævi vastata leonis

Incurfu. Pecudum strages, passimque juvenci

Semineces, & adhuc infecta mapalia tabo, 360

Sparsaque sanguineis pastorum funera campis.

Aggredior latebras monstri, mirumque relatu

Conspicio. Dilapsus honos. Cervice minaces

Defluxere jubæ. Fractos inglorius armos

Supposuit servile gemens, ingestaque vincla 365

Unguibus, & subitæ collo sonuere catenæ.

Nunc etiam paribus secum certare tropæis

Hortator me cogit avus. Quonam usque morati

Cunctamur? Decuit pridem complere biremes,

Et pelagi superare minas. Transmittere primus 370

Ipse paro. Quæcunque meo gens barbara nutu

Stringitur, adveniat. Germania cuncta feratur

Navibus, & socia comitentur classe Sicambri.

Pallida translatum jam sentiat Africa Rhenum.

An patiar tot probra sedens, juvenisque relinquam 375

Quæ tenui rexique puer ? Bis noster ad Alpes
 Alterius genitor defensum regna cucurrit.
 Nos prædæ faciles insultandique jacemus ?
 Finierat. Stilicho contra cui talia reddit :
 Adversine tubam , Princeps , dignabere Mauri ? 380
 An feret ignavus clari solatia fati ,
 Te bellante mori ? Decernet Honorius inde ,
 Hinc Gildo ? Prius astra Chaos miscebit Averno.
 Vindictam mandasse sat est. Plus nominis horror ,
 Quam tuus ensis , aget. Minuit præsentia famam. 385
 Qui stetit , æquatur campo , collataque nescit
 Majestatem acies. Sed quod magis utile factu ,
 Atque hosti gravius , sensus adverte , docebo.
 Est illi patribus , sed non & moribus , iisdem
 Mascezel ; fugiens qui dira piacula fratris 390
 Spesque suas , vitamque tuo commisit asylo.
 Hunc ubi tentatis frustra mactare nequivit
 Infidiis , patrias in pignora contulit iras ;
 Et quos ipse sinu parvos gestaverat , una
 Obtruncat juvenes , inhumataque corpora vulgo 395
 Dispulit , & tumulo cognatas arcuat umbras :
 Naturamque simul , fratremque , hominemque cruentus
 Exiit , & tenuem cæsis invidit arenam.
 Hoc facinus refugo damnavit Sole Mycenæ ,
 Avertitque diem. Sceleri sed reddidit Atreus 400
 Crimen , & infandas excusat conjuge mensas.
 Hic odium , non pœna fuit. Te prodita jura ,
 Te pater ultorem , te nudi pulvere Manes ,
 Te pietas polluta rogat. Si flentibus aram ,
 Et proprium miseris numen statuistis , Athenæ : 405

Si Pandionias planctu traxere phalanges
 Inachides, belloque rogos meruere maritis:
 Si mœstæ squalore comæ, lacrimisque Senatum
 In Numidas pulsus folio commovit Adherbal:
 Hunc quoque nunc Gildo, tanto quem funere meruit, 410
 Hunc doleat venisse ducem, seseque minorem
 Supplicibus sciat esse tuis. Quem sede fugavit,
 Hunc præceps fugiat: fregit quem clade, tremiscat;
 Agnoscatque suum, trahitur dum victima, fratrem.

Hæc ubi federunt genero; notissima Marti 415
 Robora, præcipuos electa pube maniplos
 Disponit, portuque rates instaurat Etrusco.
 Herculeam suos Alcides, Joviamque cohortem
 Rex ducit Superum; premitur nec signifer ullo
 Pondere: festinant adeo vexilla moveri. 420
 Nervius insequitur, meritusque vocabula Felix,
 Dictaque ab Augusto legio, nomenque probantes
 Invisi, clipeoque animosi teste Leones.
 Dictis ante tamen princeps confirmat ituros
 Aggere conspicuus. Stat circumfusa juvenus 425
 Nixa hastis, pronasque ferox accommodat aures.

Gildonem domitura manus, promissa minasque
 Tempus agi. Si quid pro me doluistis, in armis
 Ostentare mihi. Iusto magnoque triumpho
 Civiles abolete notas. Sciat orbis Eous, 430
 Sitque palam, Gallos causa, non robore, vinci.
 Nec vos, barbariem quamvis collegerit omnem,
 Terreat. An Mauri fremitum raucosque repulsus
 Umbonum, & vestros passuri cominus enses?
 Non contra clipeis tectos, galeisve micantes 435

Ibitis. In solis longe fiducia telis:
 Exarmatus erit, cum missile torserit, hostis.
 Dextro movet jaculum: prætentat pallia læva.
 Cetera nudus eques. Sonipes ignarus habenæ:
 Virga regit. Non ulla fides, non agminis ordo. 440
 Arma oneri, fuga præsidio. Connubia mille.
 Non ulli generis nexus, non pignora curæ;
 Sed numero languet pietas. Hæc copia vulgi.
 Umbratus dux ipse rosis, & marcidus ibit
 Unguentis, crudusque cibo, titubansque Lyæo: 445
 Confectus senio, morbis, stuprisque solutus.
 Excitet incestos turmalis buccina fomnos:
 Imploret citharas, cantatricesque choreas,
 Offensus stridore tubæ, discatque coactus,
 Quas vigilar Veneri, castris impendere noctes. 450
 Nonne mori satius, quam vitæ ferre pudorem?
 Nam quæ jam regio restat, si dedita Mauris
 Regibus, Illyricis accefferit Africa damnis?
 Jus Latium, quod tunc Meroe, rubroque solebat
 Oceano cingi, Tyrrhena clauditur unda. 455
 Et cui non Nilus, non intulit India metas,
 Romani jam finis erit Trinacria regni?
 Ite recepturi, prædo quem sustulit, axem,
 Ereptumque Notum. Caput insuperabile rerum.
 Aut ruet in vestris, aut stabit Roma lacertis. 460
 Tot mihi debetis populos, tot rura, tot urbes.
 Amissas. Uno Libyam defendite bello.
 Vestros imperium remos, & vestra sequatur

Carbasa. Despectas trans æquora ducite leges.
Tertia jam solito cervix mucrone rotetur,
Tandem funereis finem positura tyrannis.

465

Omina conveniunt dicto, fulvusque Tonantis
Armiger, ad liquidam cunctis spectantibus æthram,
Corruptum pedibus curvis innexuit hydrum.
Dumque reluctantem morfu partitur obunco,
Hæsit in ungue caput. Truncatus decedit anguis.
Ilicet auguriis alacres per saxa citati,
Torrentesque ruunt. Non mons, non silva retardat.
Pendula ceu parvis moturæ bella colonis
Ingenti clangore grues æstiva relinquunt
Thracia, cum tepido permutant Strymona Nilo.
Ordinibus variis per nubila textitur ales
Litera, pennarumque notis inscribitur aer.

470

475

Ut fluctus tetigere maris, tunc acrior arsit
Impetus. Arripiunt naves, ipsique rudentes
Expediunt, & vela ligant, & cornua fummis
Associant malis. Quatitur Tyrrena tumultu
Ora, nec Alpheæ capiunt navalia Pisæ.
Sic Agamemnoniam vindex cum Græcia classem
Solveret, innumeris servebat vocibus Aulis.
Non illos strepitus, impendentisque procellæ
Signa, nec adventus dubii deterruit Austri.

480

485

Vellite, proclamant, focii, jam vellite funem.
Per vada Gildonem quamvis adversa petamus.
Ad bellum nos truat hiems. Per devia Ponti
Quassatis cupio tellurem figere rostris.

490

Heu nimium segnes, cauta qui mente notatis,
 Si revolant, mergi, graditur si litore cornix.
 Ora licet maculis adaspererit occiduus Sol,
 Lunaque conceptis livescat turbida Goris, 493
 Et contusa vagos jaculentur sidera crines,
 Imbribus humescant Hædi, nimboſaque Taurum
 Ducat Hyas, totuſque fretis deſcendat Orion:
 Certa fides cœli, ſed major Honorius auſtor.
 Illius auſpiciis immenſa per æquora miles, 500
 Non Plauſtris, Arctove regor. Contemne Booten;
 Navita, turbinibus mediis perſitte carinas.
 Si mihi tempeſtas Libyam ventique negabunt,
 Auguſti Fortuna dabit. -- Jam claſſis in altum
 Provehitur. Dextra Ligures, Hetruria læva 505
 Linqutur, & cæcis vitatur Corſica ſaxis.
 Humanæ in ſpeciem plantæ ſe magna figurat
 Inſula. Sardoam veteres dixere coloni.
 Dives ager frugum. Pœnos Italosve petenti
 Opportuna ſitu. Quæ pars vicinior Afris, 510
 Plana ſolo, ratibus clemens. Quæ reſpicit Arcton,
 Immitis, ſcopuloſa, procax, ſubitiſque ſonora
 Fluctibus. Inſanos infamat navita montes.
 Hinc hominum, pecudumque lues, hinc peſtiſer aer
 Sæviti, & excluſis regnant Aquilonibus Auſtri. 515
 Quos ubi luſtatis procul effugere carinis;
 Per diverſa ruunt ſinuofæ litora terræ.
 Pars adit antiqua duſtos Carthagine Sulcos:
 Partem litoreo compleſtitur Olbia muro.

Urbs Libyam contra Tyrio fundata potenti 510

Tenditur in longum Caralis, tenuemque per undam

Obvia dimittit fracturum flamina collem.

Efficitur portus medium mare, tutaque ventis

Omnibus ingenti mansuescunt stagna recessu.

Hanc omni petiere manu, prorisque reductis 525

Suspensa Zephyros expectant classe faventes.



XVI

CL. CLAUDIANI

I N

FL. MALLII THEODORI

CONSULATUM

PROLOGUS.

AUDEBISNE , precor , doctæ subiecta catervæ

Inter tot proceres , nostra Thalia , loqui ?

Nec te fama vetat , vero quam celsius actam

Vel servasse labor , vel minuisse pudor ?

An tibi continuis crevit fiducia castris ,

Totaque jam vatis pectora miles habet ?

Culmina Romani majestatemque Senatus ,

Et , quibus exultat Gallia , cerne viros.

Omnibus audimur terris , mundique per aures

Ibimus. Ah nimius Consulis urget amor !

Jupiter , ut perhibent , spatium cum discere vellet

Naturæ , regni nescius ipse sui ,

5

10

Armigeros utrinque duos æqualibus alis

Misit ab Eois Occiduisque plagis.

Parnassus geminos fertur junxisse volatus;

15

Contulit alternas Pythius axis aves.

Princeps non aquilis terram cognoscere curat.

Certius in vobis æstimat imperium.

Hoc ego concilio collectum metior orbem:

Hoc video cœtu quidquid ubique micat.

20

XVII
CL. CLAUDIANI
DE CONSULATU
FL. MALLII THEODORI
PANEGYRIS.

IPSA quidem virtus pretium sibi, solaque late
 Fortunæ secura nitet, nec fastibus ullis
 Erigitur, plausuve petit clarescere vulgi.
 Nil opis externæ cupiens, nil indiga laudis,
 Divitiis animosa suis, immotaque cunctis
 Casibus ex alta mortalia despicit arce.
 Attamen invitam blande vestigat, & ultro
 Ambit Honos. Docuit toties a rure profectus
 Lictor, & in mediis quæsitus Consul aratris.
 Te quoque naturæ sacris mundique vacantem,
 Emeritum pridem, desudatisque remotum
 Judiciis, eadem rursus complexa potestas
 Evehit, & reducem notis imponit habenis.
 Accedunt trabes. Nil jam, Theodore, relictum;
 Quo virtus animo crescat, vel splendor honore.
 Culmen utrumque tenes, Talem te protinus anni

Formavere rudes, & dignum vita curuli
 Traxit iter, primæque senes cessere juventæ.
 Jam nunc canities animi, jam dulce loquendi
 Pondus, & attonitas sermo qui duceret aures, 20
 Mox undare foro victrix opulencia linguæ,
 Tutarique reos. Ipsa hæc amplissima fedes
 Orantem stupuit, bis laudatura regentem.
 Hinc te pars Libyæ moderantem jura probavit,
 Quæ nunc tota probat. Longi sed pignus amoris 25
 Exiguæ peperere moræ: populumque clientem
 Publica mansuris testantur vocibus æra.
 Inde tibi Macerum tellus, & credita Pellæ
 Moenia, quæ famulus quondam ditavit Hydaspes.
 Tantaque commissæ revocasti gaudia genti 30
 Miribus arbitriis, quantum bellante Philippo
 Floruit, aut nigri cecidit cum regia Pori.
 Sed non ulterius te præbuit urbibus aula:
 Maluit esse suum. Terris edicta daturus,
 Supplicibus responsa, venis. Oracula Regis 35
 Eloquentio crevere tuo, nec dignius unquam
 Majestas meminit sese Romana locutam.
 Hinc sacræ mandantur opes, orbisque tributa
 Possessi; quidquid fluviis evolvitur auri:
 Quidquid luce procul venas rimata sequaces 40
 Abdita pallentis fodit sollertia Bessi.
 Ac velut exsertus lentandis navita tonfis
 Præficitur lateri custos; hinc ardua proræ
 Temperat, & fluctus tempestatesque futuras
 Edocet: assiduo cum Dorida vicerit usu, 45
 Jam clavum totamque subit torquere carinam:

Sic cum clara diu rerum documenta dedisses,
Non te parte sui, sed in omni corpore, sumsit
Imperium, cunctaque dedit tellure regendos
Rectores. Hispana tibi Germanaque Tethys
Paruit, & nostro diducta Britannia mundo:
Diverſoque tuas coluerunt gurgite voces
Lentus Arar, Rhodanusque ferox, & dives Iberus.

O quoties doluit Rhenus, qua barbarus ibat,
Quod te non geminis frueretur iudice ripis!
Unius fit cura viri, quodcunque rubescit
Occasu, quodcunque dies devexior ambit.
Tam celer affiduos explevit cursus honores.
Una potestatum ſpatiis interfuit ætas,
Totque gradus fari juvenilibus intulit annis.

Postquam parta quies, & ſummum naſta cacumen,
Jam ſecura petit privatum gloria portum;
Ingenii redeunt fluctus, aliiſque labores:
Et vitæ pars nulla perit. Quodcunque recedit
Litibus, incumbit ſtudiis, animusque viciffim
Aut curam apponit populis, aut otia Muſis.
Omnia Cecropiæ relegis ſecreta ſeneſtæ,
Diſcutiens quod quiſque novum mandaverit ævo,
Quantaque diverſæ producant agmina ſectæ.
Namque aliis princeps rerum diſponitur aer:
Hic confidit aquis: hic procreat omnia flammis.
Alter, in Ætnæas caſurus ſponte favillas,
Diſpergit revocatque Deum, ruſſumque receptis
Neſcit amicitiiſ quidquid diſcordia ſolvit.
Corporis hic damnat ſenſus, verumque videri
Pernegat. Hic ſemper lapſuræ pondera terræ

Conatur rapido coeli fulcire rotatu,
 Accenditque diem prærupti turbine saxi.
 Ille ferox, unoque regi non passus Olympo,
 Immenſum per inane volat, finemque perofus
 Parturit innumeros anguſto pectore mundos.
 Hi vaga collidunt cæcis primordia plagis.
 Numina conſtituunt alii, caſuſque relegant.

80

Graiorum obſcuras Romanis floribus artes
 Irradias, vicibus gratis formare loquentes
 Suetus, & alterno verum contexere nodo.
 Quidquid Socratico manavit ab ordine, quidquid
 Docta Cleantheæ ſonuerunt atria turbæ,
 Inventum quodcunque tuo, Chryſippe, reſeſſu;
 Quidquid Democritus riſit, dixitque tacendo
 Pythagoras: uno ſe pectore cuncta vetuſtas
 Condidit, & major collectis viribus exit.
 Ornantur veteres, & nobiliore magiſtro
 In Latium ſpretis Academia migrat Athenis,
 Ut tandem propius diſcat, quo ſine beatum
 Dirigitur; quæ norma boni, qui limes honeſti;
 Quænam membra ſui virtus diſviſa domandis
 Objeſtet vitiis; quæ pars injuſta recidat,
 Quæ vincat ratione metus, quæ frenet amores.

85

90

95

Aut quoties elementa doces, ſemperque fluentis
 Materiæ cauſas: quæ viſ animaverit aſtra,
 Impuleritque choros: quo vivat machina motu.
 Sidera cur ſeptem retro nitantur in ortus
 Obluſtata polo: variisne meatibus idem
 Arbitèr, an geminæ convertant æthera mentes.
 Sitne color proprius rerum, lucisne repulſu

100

105

Eludant aciem. Tumidos quæ Luna recursus
 Nutriat Oceani: quo fracta tonitrua vento:
 Quid trahat imbriferas nubes; quo saxa creentur
 Grandinis. Unde rigor nivibus: quæ flamma per auras 110
 Excutiat rutilos tractus, aut fulmina velox
 Torqueat, aut tristem figat crinita cometen.

Jam tibi compositam fundaverat ancora puppim.
 Telluris jam certus eras. Fecunda placebant
 Quid. Nascentes ibant in secula libri. 115
 Cum subito liquida cessantem vidit ab æthra
 Justitia, & tanto viduatas judice leges.

Continuo frontem nimbo velata pudicam
 Deserit Autumnus portas, qua vergit in Austrum
 Signifer, & noctis reparant dispendia Chelæ. 120
 Pax avibus, quacunque volat; rabiemque frementes
 Deposuere feræ. Lætatur terra reverso
 Numine, quod prisca post tempora perdidit auri.

Illa per occultum Ligurum se mœnibus infert,
 Et castos levibus plantis ingressa Penates 125
 Invenit ætherios signantem pulvere cursus;
 Quos pia sollicito deprendit pollice Memphis:
 Quæ moveant momenta polum, quam certus in astris
 Error: quis tenebras Soli causisque meantem
 Defectum indicat numerus: quæ linea Phœben 130
 Damnet, & excluso pallentem fratre relinquat.
 Ut procul adspexit fulgentia virginis ora,
 Cognovitque Deam: vultus veneratus amicos
 Occurrit, scriptæque notas confundit arenæ.

Tunc sic Diva prior: Malli, sincera bonorum 135
 Congeries, in quo veteris vestigia recti,

Et ductos video mores meliore metallo:
 Jam satis indultum studiis; Musæque tot annos
 Eripuere mihi. Pridem te jura reposcunt.
 Aggredere, & nostro rursus te redde labori.
 Nec tibi sufficiat transmissæ gloria vitæ.

140

Humanum curare genus quis terminus unquam
 Præscripsit? Nullas recipit prudentia metas.
 Adde, quod hæc multis potuit contingere sedes.
 Sed meriti tantum redeunt, actusque priores
 Commendat repetitus honos, virtusque reducit,
 Quos fortuna legit. Melius magnoque petendum
 Credis, in abstrusa rerum ratione morari?

145

Scilicet illa tui patriam præcepta Platonis
 Erexere magis, quam qui responsa secutus
 Obruit Eoas classes, urbemque carinis
 Vexit, & arsuras Medo subduxit Athenas?
 Spartanis potuit robur præstare Lycurgus
 Matribus, & sexum leges vicere severæ:
 Civibus & veritis ignavo credere muro,
 Tutius objecit nudam Lacedæmona bellis.
 At non Pythagoræ monitus, annique silentes,
 Famosum Œbalii luxum pressere Tarenti.

150

155

Quis vero insignem tanto sub principe curam
 Respuat? Aut quando meritis majora patebunt
 Præmia? Quis demens adeo, qui jungere sensus
 Cum Stilichone neget? Similem quæ protulit ætas
 Consilio vel Marte virum? Nunc Brutus amaret
 Vivere sub regno. Tali succumberet aulæ
 Fabricius. Cuperent ipsi servire Catones.
 Nonne vides, ut nostra soror Clementia tristes

160

165

Obtundat gladios : fratresque amplexa serenos
 Assurgat Pietas : fractis ut lugeat armis
 Perfidia , & laceris morientes crinibus hydri
 Lambant invalido Furiarum vincla veneno ? 179
 Exultat cum Pace Fides. Jam sidera cunctæ
 Liquimus , & placidas inter discurremus urbes.
 Nobiscum , Theodore , redi. -- Subit ille loquentem
 Talibus : Agrestem dudum me , Diva , reverti
 Cogis ; & infectum longi rubigine ruris 175
 Ad tua signa vocas ? Nam quæ mihi cura tot annos
 Altera , quam duras sulcis molliré novalis ?
 Nosse soli vires , nemori quæ commoda rupes ,
 Quis felix oleæ tractus , quæ gleba faveret
 Frugibus , aut quales tegetet vindemia colles ? 180
 Terribiles rursus lituos veteranus adibo ,
 Et desueta vetus tentabo cærula vector ?
 Collectamque diu , & certis utcunque locatam
 Sedibus , in dubium patiar deponere famam ?
 Nec me , quid valeat natura fortior usus , 185
 Præterit , aut quantum neglectæ defluat arti.
 Desidis aurigæ non audit verbera currus :
 Nec manus agnoscit , quem non exercuit , arcum.
 Esse sed injustum fateor quodcunque negatur
 Justitiæ. Tu prima hominem silvestribus antris 190
 Elicis , & foedo detergis secula victu.
 Te propter colimus leges , animosque ferarum
 Exuimus. Nitidis quisquis te sensibus hausit ,
 Irruet intrepidus flammis , hiberna secabit
 Æquora : confertos hostes superabit inermis. 195
 Ille vel Æthiopum pluviis solabitur æstus :

Cl. Claudianus.

* I

Illum trans Scythiam vernus comitabitur aer.

Sic fatus, tradente Dea suscepit habenas

Quatuor ingenti Juris temone refusas.

Prima Padum Tiberimque ligat, crebrisque micantem 200

Urbibus Italiam: Lybias Pœnosque secunda

Temperat: Illyrico se tertia porrigit orbi:

Ultima Sardiniam, Cyrron, trifidamque retentat

Sicaniam, & quidquid Tyrrhena tunditur unda,

Vel gemit Ionia. Nec te molimina rerum, 205

Aut tantum turbavit onus. Sed ut altus Olympi

Vertex, qui spatio ventos hiemesque relinquit,

Perpetuum nulla temeratus nube serenum,

Celsior exsurgit pluviis, auditque ruentes

Sub pedibus nimbos, & rauca tonitrua calcat: 210

Sic patiens animi per tanta negotia liber

Emergit, similisque sui; justique tenorem

Flectere non odium cogit, non gratia suadet.

Nam spretas quis opes, intactaque pectora lucro

Commemoret? Fuerint aliis hæc forte decora: 215

Nulla potest laus esse tibi, quæ crimina purget.

Servat inoffensam divina modestia vocem.

Temperiem servant oculi. Nec lumina fervor

Asperat, aut rabidas suffundit sanguine venas.

Nullaque mutati tempestas proditur oris. 220

Quin etiam fontes expulsa corrigis ira,

Et placidus delicta domas. Nec dentibus unquam

Instrepis horrendum, fremitu nec verbera poscis.

Qui fruitur pœna, ferus est, legumque videtur

Vindictam præstare sibi: cum viscera felle 225

Canduerint; ardet stimulis, ferturque nocendi

Prodigus, ignarus causæ. Diis proximus ille,
Quem ratio, non ira, movet: qui, facta rependens,
Consilio punire potest. Mucrone cruento

Se jactent alii, studeant feritate timeri,
Addictoque hominum cumulent æraria censu.

230

Lene fluit Nilus, sed cunctis amnibus exstat
Utilior, nullas confessus murmure vires.

Acrior ac rapidus tacitas prætermeat ingens
Danubius ripas. Eadem clementia fani

235

Gurgitis immensum diducit in ostia Gangen:
Torrentes immane fremant, lassisque minentur
Pontibus: involvant spumoso vortice silvas.

Pax majora decet. Peragit tranquilla potestas
Quod violenta nequit; mandataque fortius urget

240

Imperiosa quies. Idem prædurus iniquas
Accepisse preces: rursus, quæ digna petitu,
Largiri facilis: nec, quæ comitatur honores,
Ausa tuam leviter tentare superbia mentem.

Frons privata manet. Nec se meruisse fatetur,
Qui crevisse putat: rigidi sed plena pudoris
Elucet gravitas fastu jucunda modesto.

245

Quæ non seditio, quæ non intinia vulgi
Te viso lenita cadat? quæ dissona ritu
Barbaries, medii quam non reverentia frangat?
Vel quis non sitiens sermonis mella politi
Deferat Orpheos blanda testudine cantus?

250

Qualem te legimus teneri primordia mundi
Scribentem, aut partes animæ per singula, talem
Cernimus, & similes agnoscit pagina mores.

255

Nec dilata tuis Augusto judice merces

Officiis. Illumque habitum, quo jungitur aulae
Curia, qui socio proceres cum principe necit,
Quem quater ipse gerit, perfecto detulit anno:
Deposuitque suas te succedente curules.

160

Crescite virtutes, secunda refloruit ætas:
Ingeniis patuit campus: certusque merenti
Stat favor. Ornatur propriis industria donis.
Surgite sopitæ, quas obruit ambitus, artes.
Nil licet invidiæ, Stilicho dum prospicit orbi,
Sidereusque gener. Non hic violata curulis,
Turpia non Latios incesant nomina fastos.
Fortibus hæc concessa viris, solisque gerenda
Patribus, & Romæ nunquam latura pudorem.

165

Nuntia votorum celeri jam fama volatu
Moverat Aonios audito Consule lucos.
Concinnuit felix Helicon, fluxitque Aganippe
Largior, & docti riserunt floribus amnes.
Uranie redimita comas, qua sæpe magistra
Mallius igniferos radio descripserat axes,
Sic alias hortata Deas: Patimurne, sorores,
Optato procul esse die? nec limina nostri
Consulis, & semper dilectas ædes?
Notior est Helicone domus. Gestare curules,
Et fasces subiisse libet. Miracula plebi
Colligite, & claris nomen celebrate theatris.
Tu Jovis æquorei submersam fluctibus aulam
Oratum volucres, Erato, jam perge quadrigas,
A quibus haud unquam palmam rapturus Arion.
Illustreret Circum sonipes, quicumque superbo
Perstrepit hinnitu Bætin, qui splendida potat

170

175

180

185

Stagna Tagi, madidoque júbās adspērgitur auro.

Calliope, liquidas Aleiden pōsce palæstras.

Cunāta Palæmoniis manus explorata coronis.

Adsit, & Eleo pubes laudata Tonanti.

290

Tu juga Taygeti, frondosaque Mænala, Clio;

I Triviæ supplex. Non aspernata rogantem

Amphitheatrali faveat Latonia pompæ.

Andaces legat ipsa viros, qui colla serarum:

Arte ligent, certoque premant venabula nifu:

295

Ipsa truces fetus, captivæque ducat ab antris

Prodigia, & cædis fuientem differat arcum.

Convenient urfi, magna quos mole rudentes

Torva Lycaoniis Helice miretur ab astris:

Perfossique ruant populo pallente leones,

300

Quales Mygdonio curru frenare Cybelle

Optet, & Herculei malint fregisse lacerti.

Obvia fulminei properent ad vulnera pardi

Semine permixto geniti, cum forte leænæ

Nobiliorem uterum viridis corrūpit adulter;

305

Hi maculis patres referunt, & robore matres.

Quidquid monstriferis nutrit Gætulia campis,

Alpina quidquid tegitur nive, Gallica quidquid

Silva timer, jaceat. Largo ditescat arena

Sanguinè. Consumant totos spectacula montes.

310

Nec molles egeant nota dulcedine ludi.

Qui lætis risum salibus movisse facetus,

Qui nutu manibusque loquax; cui tibia flatur,

Cui plectro pulsanda chelys, qui pulpita socco

Personat, aut alte graditur majore cothurno:

315

Et qui magna levi detrudens murmura tactu,

Innumeras voces segetis moderatus aenæ,
Intonet erranti digito, penitusque trabali
Vestæ laborantes in carmina concitet undas.

Vel qui more avium sese jaculentur in auras; 320
Corporaque ædificent celeri crescentia nexu,
Quorum compositam puer amentatus in arcem
Emicet, &, vinctus plantæ vel cruribus hærens,
Pendula librato figat vestigia saltu.

Mobile ponderibus descendat pegma reductis, 325
Inque chori speciem spargentes ardua flammæ
Scena rotet. Varios effingat Mulciber orbes
Per tabulas impune vagus, piæque citato
Ludant igne trabes, & non permessa morari
Fida per innocuas errent incendia turres. 330
Lascivæ subito confligant æquore lembi,
Stagnaque remigibus spument immissa canoris.

Consul per populos, idemque gravissimus auctor
Eloquii, duplici vita subnixus in ævum
Procedat, libris pariter fastisque legendus. 335
Accipiat patris exemplum, tribuatque nepoti
Filius, & cœptis ne desit fascibus heres.
Decurrat trabeata domus, tradatque secures
Mutua posteritas, servatoque ordine fati
Mælia continuo numeretur Consule proles. 340

XVIII
CL. CLAUDIANI
IN EUTROPIUM
LIBER I.

SEMIFEROS partus, metuendaque pignora matri;
Mœnibus & mediis auditum nocte luporum
Murmur, & attonito pecudes pastore locutas,
Et lapidum diras hiemes, nimboque minacem
Sanguineo rubuisse Jovem, puteosque cruore
Mutatos, visasque polo concurrere Lunas,
Et geminos Soles mirari definat orbis.
Omnia cesserunt eunuchō Consule monstra.

Heu cœli terræque pudor! Trabeata per urbes
Ostentatûr anus, titulumque effeminat anni.
Pandite, Pontifices, Cumanæ carmina vatis,
Fulmineos sollers Etruria consulat ignes,
Immersumque nefas fibris exploret haruspex.
Quæ nova portendunt Superi! Nilusne meatu
Devius, & nostri tentat jam transfuga mundi
Se rubro miscere mari? Ruptone Niphate

Rursum barbaricis Oriens vastabitur armis ?
 An morbi ventura lues ? an nulla colono
 Responfura seges ? Quæ tantas expiet iras
 Victima ? quo diras jugulo placabimus aras ? 20
 Consule lustrandi fasces , ipsoque litandum
 Prodigio : quodcunque parant hoc omine fata ;
 Eutropius cervice luat. Sic omnia volvis ?
 Hoc regni , Fortuna , tenes ? Quænam ista jocandi
 Sævitiæ ? Humanis quantum bacchabere rebus ? 25
 Si tibi servili placuit fœdare curules
 Crimine , procedat laxata compede Consul :
 Rupta Quirinales sumant ergastula cinctus.
 Da saltem quemcunque virum. Discrimina quædam
 Sunt famelis splendorque suus ; maculamque minorem 30
 Conditionis habet , domino qui vixerit uno.
 Si pelagi fluctus , Libyæ si discis arenas ,
 Eutropii numerabis heros. Quot jura , quot ille
 Mutavit tabulas , vel quanta vocabula vertit !
 Nudatus quoties , medicum dum consulit emtor , 35
 Ne qua per occultum lateat jactura dolorem !
 Omnes poenituit pretii : venumque redibat ,
 Dum vendi potuit. Postquam deformè cadaver
 Mansit , & in rugas totus defluxit aniles ;
 Jam specie doni certatim limine pellunt , 40
 Et fœdum ignaris properant obtrudere munus.
 Tot translata jugis summisit colla vetustum
 Servitium , semperque novum , nec destitit unquam :
 Sæpe tamen cœpit. Cunabula prima cruentis
 Dedita suppliciis. Rapitur castrandus ab ipso 45
 Ubere. Suscipiunt , matris post viscera , poenæ.

Advolat Armenius certo mucrone recisos
 Edoctus mollire mares, damnoque nefandum
 Auſturus pretium, ſecundum corporis ignem
 Sedibus exhaurit geminis, unoque ſub iſtu
 Eripit officium patris, nomenque mariti.
 Ambiguus vitæ jacuit, penitusque ſupremum
 In cerebrum ſecti traxerunt frigora nervi.
 Laudemusne manum, quæ vires abſtulit hoſti?

50

An potius fato cauſam tribuiſſe queramur?

55

Profueraſſe manſiſſe virum. Felicioſ exſtat
 Opprobrio. Serviret adhuc, ſi fortior eſſet.

Inde per Aſſyriæ trahitur commercia ripæ.

Hinc fora venalis Galata ductore frequentat,
 Permutatque domos varias. Quis nomina poſſit
 Tanta ſequi? Miles tabulis Ptolemæus in illis

60

Notior. Hic longo laſſatus pellicis uſu

Donat Arinthæo. Neque enim jam dignus haberi,

Nec maturus emi. Cum ſaſtiditus abiret,

Quam gemuit! quanto planxit divortia luctu!

65

Hæc erat heu, Ptolemæe, fides? Hoc profuit ætas

In gremio conſumta tuo, lectuſque jugalis,

Et ducti toties inter præſepia ſomni?

Libertas promiſſa perit: viduumne relinquis

Eutropium? tantaſque premunt oblivia noctes,

70

Crudelis? Generis proh ſors duriffima noſtri!

Femina cum ſenuit, retinet connubia partu,

Uxorifque decus matris reverentia penſat.

Nos Lucina fugit, nec pignore nitimur ullo.

Cum forma dilapſus amor. Deſloruit oris

75

Gratia. Qua miſeri ſcapulas tutabimur arte?

Qua placeam ratione senex? -- Sic fatus acutum

Aggreditur lenonis opus. Nec segnis ad artem

Mens erat, officiique capax, omnesque pudoris

Hauferat infidias. Custodia nulla tuendo

80

Fida toro. Nulli poterant excludere vestes.

Ille vel ærata Danaen in turre latentem

Eliceret. Fletus domini fingeat amantis:

Indomitasque mora, pretio lenibat avaras,

Lascivasque jocos. Non blandior ullus euntis

85

Ancillæ tetigisse latus, leviterque reductis

Vestibus occulto crimen mandare susurro:

Nec furtis quæsisse locum, nec fraude reperta

Cautior elusi fremitus vitare mariti.

Haud aliter juvenum flammis Ephyreia Lais

90

Et gemino dotata mari, cum ferta refundit

Canities, jam turba procax, noctisque recedit

Ambitus, & raro pulsatur janua tactu,

Seque reformidat speculo damnare senectus:

Stat tamen, atque alias succingit lena ministras,

95

Dilectumque diu quamvis longæva lupanar

Circuit, & retinent mores, quod perdidit ætas.

Hinc honor Eutropio; cumque omnibus unica virtus

Effet in eunuchis, thalamos servare pudicos,

Solus adulteriis crevit. Nec verbera tergo

100

Cessavere tamen, quoties decepta libido

Irati caluisset heri. Frustraque rogantem,

Jactantemque suos tot jam per lustra labores,

Dotalem genero nutritoremque puellæ

Tradidit. Eous rector Consulque futurus

105

Pestebat dominæ crines, & sæpe lavanti

Nudus in argento lympham gestabat alumna.

Et cum se rapido fessam projecerat æstu,

Patricius roseis pavonum ventilat alis.

Jamque ævo laxata cutis, fulcisque genarum
Corruerat passa facies rugosior uva.

110

Flava minus presso finduntur vomere rura:

Nec vento sic vela tremunt. Miserabile turpes

Exedere caput tineæ. Deserta patebant

Intervalla comæ: qualis sitientibus arvis

115

Arida jejunæ seges interlucet aristæ:

Vel qualis gelidis pluma labente pruinis

Arboris immoritur trunco brumalis hirundo.

Scilicet ut trabeis injuria cresceret olim,

Has in fronte notas, hoc dedecus addidit oris

120

Luxuriæ Fortuna suæ; cum pallida nudis

Offibus horrorem dominis præberet imago,

Decolor & macies occurso læderet omnes;

Aut pueris latura merus, aut tædia mensis,

Aut crimen famulis, aut procedentibus omen,

125

Et nihil exhausto caperent in stipite lucri.

Sternere quippe toros, vel cædere ligna culinæ,

Membra negant. Aurum, vestes, arcana tueri

Mens infida vetat. Quis enim committere vellet

Leæoni thalamum? Tandem ceu funus acerbum,

130

Infauftamque suis trusere penatibus umbram.

Contemptu jam liber erat. Sic pastor obesum

Lacte canem ferroque ligat, pascitque revinctum,

Dum validus servare gregem, vigilique rapaces

Latratu terrere lupos. Cum tardior idem

135

Jam scabie laceras dejecit fordidus aures,

Solvit, & exuto lucratur vincula collo.

Est ubi despectus nimius juvat. Undique pulso
Per cunctas licuit fraudes impune vagari,
Et satis aperire viam. Proh quisquis Olympi
Summa tenes, tantone libet mortalia risu
Vertere? Qui servi non est admissus in usum,
Suscipitur regnis, &, quem privata ministrum
Dedignata domus, moderantem sustinet aula.

140

Ut primum vetulam traxere Palatia vulpem;
Quis non ingemuit? Quis non irrepere sacris
Obsequiis doluit toties venale cadaver?
Ipsi quin etiam tali consorte fremebant
Regales famuli, quibus est illustrior ordo
Servitii, sociumque sibi sprevere superbi.

145

150

Cernite, quem Latii poscant annectere fastis:
Cujus & eunuchos puduit. Sed vilior ante
Obscuræ latuit pars ignotissima turbæ,
Donec Abundanti furiis, qui rebus Eois
Exitium, primoque sibi produxit, ab imis
Evectus thalamis summos invasit honores.

155

Quam bene dispositum terris, ut dignus iniqui
Fructus consilii primis auctoribus instet!

Sic multos fluvio vates arente per annos,
Hospite qui cæso monuit placare Tonantem,
Inventas primus Busiridis imbuat aras,
Et cecidit sævi, quod dixerat, hostia sacri:
Sic opifex tauri, tormentorumque repertor,
Qui funesta novo fabricaverat æra dolori,
Primus inexpertum Siculo cogente tyranno
Sensit opus, docuitque suum mugire juvencum.

160

165

Nullius Eutropius, quam qui se protulit, ante
 Direptas possedit opes, nullumque priorem
 Perculit exilio, solumque hoc rite peregit,
 Auctorem damnare suum. Postquam oblitus ævo
 Semivir excelsam rerum sublatus in arcem,
 Quod nec vota pati, nec fingere somnia possent,
 Vidit sub pedibus leges, subjectaque colla
 Nobilium, tantumque sibi permittere fata:
 Qui nihil optasset plus libertate mereri,
 Jam jam dissimulat dominos, alteque tumescunt
 Serviles animi. Procerum squalore repletus
 Carcer, & exsulis Meroe campique gemiscunt
 Æthiopum. Pœnis hominum plaga personat ardens.
 Marmaricus claris violatur cœdibus Ammon.

170

175

180

Asperius nihil est humili, cum surgit in altum:
 Cuncta ferit, dum cuncta timet: desævit in omnes,
 Ut se posse putent. Nec bellua retrior ulla
 Quam servi rabies in libera terga furentis.
 Agnoscit gemitus, & pœnæ parcere nescit
 Quam subiit, dominique memor, quem verberat, odit.
 Adde, quod eunuchus nulla pietate movetur,
 Nec generi nativæ cavet. Clementia cunctis
 In similes, animosque ligant consortia damni.
 Ille nec eunuchis placidus: sed pœus in aurum
 Æstuat. Hoc uno fruitur succisa libido.

185

190

Quid nervos secuisse juvat? Vis nulla cruentam
 Castrat avaritiam. Parvis exercita furtis
 Quæ vastare penum, neglectaque sueverat arcæ
 Claustra remoliri, nunc uberiore rapina
 Peccat in orbe manus. Quidquid se Tigris ab Æmo

195

Dividit, hoc certa proponit merce locandum
 Infitor imperii, caupo famosus honorum.
 Hic Asiam villa pactus regit. Ille redemit
 Conjugis ornatu Syriam. Dolet ille paterna
 Bithynos mutasse domo. Suffixa patenti
 Vestibulo pretiis distinguit regula gentes.
 Tot Galatæ, tot Pontus eat, tot Lydia nummis.
 Si Lyciam tenuisse velis, tot millia ponas:
 Si Phrygas, adde parum. Propriæ solatia forti
 Communes vult esse notas, & venditus ipse
 Vendere cuncta cupit. Certantum sæpe duorum
 Diversum suspendit onus: cum pondere iudex
 Vergit, & in geminas nutat provincia lances.

200

205

Non pudet heu, Süperi, populos venire sub hasta?
 Vendentis certe pudeat. Quid jure sepultum
 Mancipium, tot regna tenet, tot distrahit urbes?
 Pollentem folio Cræsum victoriâ Cyri
 Fregit, ut Euncho fluereut Pactolus & Hermus?
 Attalus heredem voluit te, Roma, relinqui,
 Restitit Antiochus præscripto margine Tauri,
 Indomitos curru Servilius egit Isauros,
 Et Pharos Augusto jacuit, vel Creta Metello,
 Ne non Eutropio quæstus numerosior esset?
 In mercem veniunt Cilices, Judæa, Sophene,
 Romanusque labor, Pompejanique triumphus.

210

215

220

Quo struis hos auri cumulos? Quæ pignora tantis
 Succedent opibus? Nubas ducasve licebit:
 Nunquam mater eris, nunquam pater. Hoc tibi ferrum;
 Hoc natura negat. Te grandibus India gemmis,
 Te foliis Arabes ditent, te vellere Seres:

225

Nullus inops adeo, nullum sic urget egestas,
Ut velit Eutropii fortunam & membra pacisci.

Jamque oblita sui, nec sobria divitiis mens,
In miseras leges, hominumque negotia ludit. 230

Judicat eunuchus. Quid jam de Consule miror?
Prodigium quodcumque gerit. Quæ pagina lites
Femineas meminit? Quibus unquam secula terris
Eunuchi videre forum? Sed ne qua vacaret
Pars ignominia, neu quid restaret inausum, 235

Arma etiam violare parat, portentaque monstros
Aggerat, & secum petulans amentia certat.
Erubuit Mavors, aversaque risit Enyo,
Dedecus Eoum: quoties intentis sagittis
Et pharetra fulgens anus exercetur Amazon: 240

Arbiter aut quoties belli, pacisque recurrit,
Alloquiturque Gétas. Gaudet, cum viderit, hostis,
Et sentit jam deesse viros. Incendia fumant.
Muris nulla fides. Squalent populatibus agri,
Et medio spes sola mari. Trans Phasin aguntur 245

Cappadocum matres, stabulisque abducta paternis
Caucasias captiva bibunt armenta pruinas,
Et Scythicis mutant Argei pabula filvis.
Extra Cimmericas, Taurorum claustra, paludes
Flos Syriæ servit: spoliis nec sufficit atrox 250

Barbarus. In cædem vertunt fastidia prædæ.
Ille tamen (quid enim servum, mollemque pudebit?
Aut quid in hoc poterit vultu flagrare ruboris?)
Pro victore redit. Peditum vexilla sequuntur,
Et turmæ similes, Eunuchorumque manipuli, 255

Hellespontiacis legio dignissima signis.

Obvius ire cliens, defensoreque reversum
 Complecti. Placet ipse sibi, laxasque laborat
 Distendisse genas, fistumque inflatus anhelat,
 Pulvere respersus tineas, & Solibus ora 260
 Pallidior, verbisque sonat plorabile quiddam
 Ultra nequitiam fractis, & proelia narrat,
 Perque suam tremula testatur voce sororem,
 Defecisse vagas ad publica commoda vires:
 Cedere livori, nec sustentare procellas 265
 Invidiæ, mergique fretis spumantibus orat.
 Exoretque utinam! Dum talia fatur, ineptas
 Detergit lacrimas, atque inter singula dicta
 Flebile suspirat. Qualis venit arida focrus
 Longinquam visura nurum: vix lassæ refedit,
 Et jam vina petit. Quid te, turpissima, bellis 270
 Inferis, aut sævi pertentas Pallada campi?
 Tu potes alterius studiis hære Minervæ;
 Tu telas, non tela, pati; tu stamina nescire;
 Tu segnes operum sollers urgere puellas, 275
 Et niveam dominæ pensis involvere lanam.
 Vel si sacra placent, habeas pro Marte Cybellæ.
 Rauca Celænæos ad tympana discæ furores.
 Cymbala ferre licet, pectusque illidere pinu,
 Inguinis & reliquum Phrygiis abscindere cultris. 280
 Arma relinque viris. Geminam quid dividis anlam,
 Conarisque pios odiis committere fratres?
 Te magis, ah demens, veterem si respicis artem,
 Conciliare decet. Gestis pro talibus annum
 Flagitat Eutropius, ne quid non polluat unus, 285
 Dux acies, judex prætoria, tempora Consul.



Nil adeo foedum, quod non exacta vetustas
 Ediderit, longique labor commiserit ævi.
 Œdipodes matrem, natam duxisse Thyestes
 Cantantur. Peperit fratres Jocasta marito, 190
 Et Pelopea sibi. Thebas ac funera Troiæ
 Tristis Erechthei deplorat scena theatri.
 In volucrem Tereus, Cadmus se vertit in anguem.
 Scylla novos mirata canes. Hunc arbore figit,
 Elevat hanc pluma, squamis hanc fabula vestit, 295
 Hanc solvit fluvio. Nusquam spado Consul in orbe,
 Nec iudex dūstorve fuit. Quodcunque virorum
 Est decus, eunuchis scelus est. Exempla creantur,
 Quæ focci superent risus, luctusque cothurni.
 Quam pulchre conspectus erat, cum tenderet artus 300
 Exsangues onerare toga cinctuque gravatos,
 Indutoque senex obscœnior iret in auro!
 Humani qualis simulator simius oris,
 Quem puer arridens pretioso stamine Serum
 Velavit, nudasque nates ac terga reliquit, 305
 Ludibrium mensis; erecto pectore dives
 Ambulat, & claro sese deformat amictu.
 Candida pollutos comitatur Curia fasces:
 Forfitan & dominus. Præbet miracula lictor
 Consule nobilior, libertatemque daturus, 310
 Quam necdum meruit, scandit sublime tribunal;
 Atque inter proprias laudes Ægyptia jactat
 Somnia, prostratosque canit se vate tyrannos.
 Scilicet in dubio vindex Bellona pependit,
 Dum spado Tirecias, enervatusque Melampus 315
 Reptat ab extremo referens oracula Nilo.

Cl. Claudianus.

K

Obstrepere avium voces. Exhorruit annus
 Nomen, & infanum gemino proclamat ab ore,
 Eunuchumque vetat fastis accedere Janus.
 Sumeret illicitos etenim si femina falces 320
 Effet turpe minus. Medis levibusque Sabæis
 Imperat hic sexus, reginarumque sub armis
 Barbariæ pars magna jacet. Gens nulla probatur,
 Eunuchi quæ sceptrâ ferat. Tritonia, Phœbe,
 Vesta, Ceres, Cybele, Juno, Latona coluntur. 325
 Eunuchi quæ templa Dei? quas vidimus aras?
 Inde sacerdotes: hæc intrat pectora Phœbus:
 Inde canunt Delphi. Trojanam sola Minervam
 Virginitas Vestalis adit, flammæque tuetur.
 Hi nullas meriti vittas, semperque profani. 330
 Nascitur ad fructum mulier, prolemque futuram.
 Hoc genus inventum est, ut serviat. Herculis arcu
 Concidit Hippolyte. Danai fugere bipennem
 Penthesilea, tuam. Claras Carthaginiæ arces
 Creditur, & centum portis Babylona superbam 335
 Feminens struxisse labor. Quid nobile gessit
 Eunuchus? quæ bella tulit? quas condidit urbes?
 Illas præterea rerum natura creavit:
 Hos fecere manus. Seu prima Semiramis astu
 Assyriis mentita virum, ne vocis acutæ 340
 Mollities, lævesve genæ se prodere possent,
 Hos sibi conjunxit similes: seu Parthica ferro
 Luxuries vetuit nasci lanuginis umbram,
 Servatoque diu puerili flore coegit
 Arte retardatam Veneri servire juventam. 345
 Fama prius falso similis, vanoque videri

Ficta joco. Levior volitare per oppida rumor,
 Riderique nefas: veluti nigrantibus alis
 Audiretur olor, corvo certante ligustris.
 Atque aliquis gravior morum, Si talibus, inquit,
 350 Creditur, & nimiis turgent mendacia monstis:
 Jam testudo volat, profert jam cornua vultur:
 Prona petunt retro fluvii jura: Gadibus ortum
 Carmani texere diem: jam frugibus aptum
 Æquor, & adveſtum ſilvis delphina videbo:
 355 Jam cochleis homines junctos, & quidquid inane
 Nutrit, Judaicis quæ pingitur India velis.

Subjicit & mixtis ſalibus laſcivior alter:
 Miraris? Nihil eſt, quod non in pectore magnum
 Concipit Eutropius. Semper nova, grandia ſemper
 360 Diligit, & celeri deguſtat ſingula ſenſu.
 Nil timet a tergo: vigilantibus undique curis
 Noſte dieque patet: lenis facilisque moveri
 Supplicibus, mediaque tamen molliſſimus ira,
 Nil negat, & ſeſe vel non poſcentibus offert.
 365 Quidlibet ingenio ſubigit, traditque fruendum.
 Quidquid amas, dabit illa manus. Communiter omni
 Fungitur officio, gaudetque potentia ſeſti.
 Hoc quoque conſiliis peperit meritoque laborum:
 Accipit & trabeas argutæ præmia dextræ.
 370

Poſtquam vera fides facinus vulgavit Eoum
 Gentibus, & Romæ jam certius impulit aures:
 Eutropiumne etiam noſtra dignabimur ira?
 Hic quoque Romani meruit pars eſſe doloris?
 Sic effata rapit cœli per inania curſum
 375 Diva potens, unoque Padum tranſlapſa volatu

Castra sui rectoris adit. Tum forte decorus
 Cum Stilichone gener pacem implorantibus ultro
 Germanis responsa dabat, legesque Caucis
 Arduus, & flavis signabat jura Suevis. 380
 His tribuit Reges, his obſide foedera sancit
 Indicto: bellorum alios transcribit in usus,
 Militet ut nostris detonsa Sicambria signis.
 Læta subit Romam pietas, & gaudia pæne
 Moverunt lacrimas, tantoque exultat alumno. 385
 Sic armenta suo jam defensione juvenco
 Celſius aſſurgunt erectæ cornua matri.
 Sic jam terribilem ſtabulis dominumque ferarum
 Crescere miratur genitrix Maſſyla leonem.
 Diſſipit nebulam, juvenique apparuit ingens. 390
 Tum ſic orſa loqui: Quantum te principe poſſim,
 Non longinqua docent, domito quod Saxone Tethys
 Mitior, aut fracto ſecurâ Britannia Piſto.
 Ante pedes humili Franco triſtique Suevo
 Perſuor, & noſtrum video, Germanice, Rhenum. 395
 Sed quid agam? Diſcors Oriens felicibus actis
 Invidet, aique alio Phœbi de cardine ſurgunt
 Crimina, ne toto conſpiret corpore regnum.
 Gildonis taceo magna cum laude receptam
 Perfidiam, & fretos Eoo robore Mauros. 400
 Quam ſuſpecta fames, quantum diſcriminis urbi!
 Ni tua vel ſoceri nunquam non provida virtus
 Auſtralem Arctoïs penſaſſet frugibus annum.
 Inveſtæ Rhodano Tiberina per oſtia claſſes,
 Cinyphiſque ſerax Araris ſuccceſſit ariſtis. 405
 Tentonicus vomer, Pyrenæique juvenci

Sudavere mihi. Segetes mirantur lberas
 Horrea: nec Libyæ senferunt damna rebellis
 Jam Transalpina contenti messe Quirites.
 Ille quidem solvit meritas, scit Tabraca, poenas, 410
 Ut pereat quicumque tuis conflixerit armis.
 Ecce recens clades ab eisdem partibus exit,
 Terrorisque minus, sed plus habitura pudoris,
 Eutropius Consul. Pridem tolerare faremur
 Hoc genus, Arsacio postquam se regia fastu 415
 Sustulit, & nostros corrumpit Parthia mores.
 Præfetti sed adhuc gemmis, vestique dabantur
 Custodes, sacroque adhibere silentia somno.
 Militia eunuchi nunquam transgressa cubile,
 Non vita spondente fidem; sed inertia tutum 420
 Mentis pignus erat. Secreta monilia servant,
 Ornatus curent Tyrios: a fronte recedant
 Imperii. Tenero tractari pectore nescit
 Publica majestas. Nunquam vel in æquore puppim
 Vidimus eunuchi clavo parere magistri. 425
 Nos adeo sperni faciles? orbisque carina
 Vilior? Auroram certe, quæ talia ferre
 Gaudet, & assuetas sceptris muliebribus urbes
 Possideant. Quid belliferam communibus urunt
 Italiam maculis, nocituraque probra severis. 430
 Admiscent populis? Peregrina piacula forti
 Pellantur longe Latio, nec transeat Alpes
 Dedecus. In solis, quibus exstitit, hæreat arvis.
 Scribat Halys, famæ scribat contemtor Orontes.
 Per te, perque tuos obrestor, Roma, triumphos, 435
 Nesciat hoc Tibris, nunquam poscentibus olim

Qui dare Dentatis annos Fabiisque solebat.
 Martius eunuchi reperet suffragia campus?
 Æmilios inter, servatoresque Camillos
 Eutropius? Jam Chrysogonis tua, Brute, potestas; 440
 Narcissisque datur? Natos hoc dedere poenæ
 Profuit, & misero civem præponere patri?
 Hoc mihi Janiculo positis Etruria castris
 Quæsit, & tantum fluvio Porcenna remotus?
 Hoc meruit vel ponte Cocles, vel Mucius igne? 445
 Visceribus frustra castum Lucretia ferrum
 Merfit, & attonitum tranavit Clælia Tibrim?
 Entropio fasces adservabantur ademti
 Tarquiniis? Quemcunque meæ vexere curules,
 Laxato veniat socii spectator Averno. 450
 Impensi sacris, Decii, prorumpite bustis,
 Torquatique truces, animosæque pauperis umbra
 Fabricii, tuque o si forte inferna piorum
 Jugera & Elyfias scindis, Serrane, novales.
 Pœno Scipiadæ, Pœno præclare Lutati, 455
 Sicania Marcelle ferox, gens Claudia surgat,
 Et Curii series; & qui sub jure negasti
 Vivere Cæsareo, parvo procede sepulcro,
 Eutropium passure Cato. Remeate tenebris
 Agmina Brutorum, Corvinorumque catervæ. 460
 Eunuchi vestros habitus, insignia sumunt
 Ambigui Romana mares. Rapuere tremendas
 Hannibali Pyrrhoque togas. Flabella perosi
 Adspirant trabeis. Jam non umbracula gestant
 Virginibus, Latias ausi vibrare secures. 465
 Linquite femineas, infelix turba, latebras,

Alter quos pepulit sexus, nec suscipit alter;
 Exsecti Veneris stimulos, & vulnere casti;
 Mixta duplex ætas; inter puerumque senemque
 Nil medium. Falsi complete sedilia patres. 470
 Ite, novi proceres, infecundoque senatu
 Eutropium stipate ducem. Celebrate tribunal
 Pro thalamis. Verso jam discite more curules,
 Non matrum pilenta sequi. Neu prisca revolvam;
 Neu numerem: quantis injuria mille per annos 475
 Fit retro ducibus? quanti scœdabitur ævi
 Canities? unam subeunt quot secula culpam?
 Inter Arinthei fastus, & nomen herile,
 Servus erit, dominoque suos æqualis honores
 Inferet. Heu, semper Ptolemæi noxia mundo 480
 Mancipia! En alio lædior graviore Pothino,
 Et patior majus Phario scelus. Ille cruorem
 Consulis unius Pellæis ensibus hausit.
 Inquinat hic omnes. Si nil privata movebunt,
 At tu principibus, vestræ tu prospice causæ, 485
 Regalesque averte notas. Hunc aspicit unum
 Aula magistratum. Vobis patribusque recurrit
 Hic alternus honos. In crimen euntibus annis
 Parce, quater Consul. Contagia fascibus, oro,
 Defendas ignava tuis, neu tradita libris 490
 Nomina, vestitusque meos, quibus omne, quod ambit
 Oceanus, domui, tanta caligine mergi
 Calcarique sinas. Nam quæ jam bella geramus
 Mollibus auspicis? Quæ jam connubia prolem,
 Vel frugem latura seges? Quid fertile terris, 495
 Quid plenum sterili possit sub Consule nasci?

Eunuchi si jura dabunt, legesque tenebunt,
 Ducant pensa viri, mutatoque ordine rerum
 Vivat Amazonio confusa licentia ritu.

Quid trahor ulterius? Stilicho, quid vincere differs, 500
 Dum certare pudet? Nescis quod turpior hostis
 Lætitia majore cadit? Piratica Magnum
 Erigit: illustrat servilis laurea Crassum.
 Annis. Agnosco fremitum, quo palluit Eurus,
 Quo Mauri Gildoque ruit. Quid Martia signa 505
 Sollicitas? Non est jaculis, hastisve petendus.
 Conscia succumbent audito verberare terga.
 Ut Scytha post multos rediens exercitus annos;
 Cum sibi servilis pro finibus obvia pubes
 Iret, & arceret dominos tellure reverbos, 510
 Armatarum ostensis aciem fudere flagellis.
 Notus ab inceptis ignobile reppulit horror
 Vulgus, & adductus sub verbera torpuit ensis.

XIX
CL. CLAUDIANI
IN LIBRUM II
IN EUTRÓPIUM
PROLOGUS.

Qui modo sublimes rerum flectebat habenas
 Patricius, rursus verbera nota timet,
 Et solitos tardæ passurus compedis orbes,
 In dominos vanas luget abisse minas.
 Culmine dejectum vitæ fortuna priori
 Reddidit, insano jam satiata joco.
 Scindere nunc alia meditatur ligna securi;
 Fascibus & tandem vapulat ipse suis.
 Illatas Consul pœnas se Consule solvit.
 Annus qui trabeas, hic dedit exilium.
 Infaustum populis in se quoque vertitur omen:
 Sævit in auctorem prodigiosus honos.
 Ablato penitus respirant nomine fasti,
 Maturamque luem sanior aula vomit.

5

10

Diffimulant focii, conjuratique recedunt. 15
Procumbunt pariter cum duce tota cohors;
Non acie victi, non obsidione subacti,
Ne pereant ritu, quo periere viri.
Concidit exiguae dementia vulnere chartæ.
Confecit sævum litera Martis opus. 20
Mollis feminea detruditur arce tyrannus,
Et thalamo pulsus perdidit imperium.
Sic juvenis nutante fide, veterique reducta
Pellice, defletam linquit amica domum.
Canitiem largo raram de pulvere turpat, 25
Et lacrimis rugas implet anile gemens:
Suppliciterque pius humilis prostratus ad aras
Mitigat iratas voce tremente nurus.
Innumeri glomerantur heri, sibi quisque petentes
Mancipium solis utile suppliciis. 30
Quamvis foedus enim, mentemque obscœnior ore,
Ira dabit pretium. Pœna meretur emi.
Quas, spado, nunc terras, aut quem transibis in axem?
Cingeris hinc odiis, inde recessit amor.
Utraque te gemino sub fidere regia damnat. 35
Hesperius nunquam, jam nec Eous eris.
Miror cur, aliis qui pandere fata solebas,
Ad propriam cladem, cæca Sibylla, taces?
Jam tibi nulla videt fallax insomnia Nilus:
Pervigilant vates nec, miserande, tui. 40
Quid foror? Audebit tecum conscendere puppem,
Et veniet longum per mare fida comes?
An fortasse toros eunuchi pauperis odit,
Et te nunc inopem dives amare negat?

- Eunuchi jugulum primus secuisse fateris. 45
 Sed tamen exemplo non feriere tuo.
 Vive pudor fatis. En quém tremuere tot urbes !
 Et cujus populi sustinere jugum !
 Direptas quid plangis opes , quas natus habebit ?
 Non aliter poteras principis esse pater. 50
 Improbe , quid pulsas muliebribus astra querelis ,
 Quod tibi sub Cypri litore parta quies ?
 Omnia barbarico per te concussa tumultu.
 Crede mihi , terris tutius æquor erat.
 Jam non Armenios jaculis terrebis & arcu ; 55
 Per campos volucrem non agitabis equum.
 Dilecto caruit Byzantius ore senatus ,
 Curia consiliis æstuat orba tuis.
 Emeritam suspende togam , suspende pharetram.
 Ad Veneris partes ingeniumque redi. 60
 Non bene Gradivo lenonia dextera servit.
 Suscipiet famulum te Cytherea libens
 Insula læta choris , blandorum mater amorum.
 Nulla pudicitia cura placere potest.
 Prospectant Paphia celsa de rupe puellæ , 65
 Sollicitæ , salvam dum ferat unda ratem.
 Sed vereor ne te teneant Tritones in alto
 Lascivas doctum fallere Nereidas :
 Aut iidem cupiant pelago te mergere venti ,
 Gildonis nuper qui tenuere fugam. 70
 Inclita captivo memoratur Tabraca Mauro.
 Naufragio Cyprus sit memoranda tuo.

Vesturum moriens frustra delphina vocabis.

Ad terram solos devehit ille viros.

Quisquis adhuc similes eunuchus tendit in actus;

75

Respiciens Cyprum definat esse ferox.

XX

CL. CLAUDIANI
IN EUTROPIUM

LIBER II.

MYGDONII cineres, & si quid restat Eoi,
 Quod pereat, regni, certæ non augure falso
 Prodigii patuere minæ, frustra que peracto
 Vulnere monstriferi præfagia discitis anni.
 Cautior ante tamen violentum navita Corum
 Prospicit, & tumidæ subducit vela procellæ.
 Quid juvat errorem merfa jam puppe fateri?
 Quid lacrimæ delicta levant? Stant omnia vestri
 Consulis. Immotis hæfere piacula fatis.
 Tunc decuit sentire nefas, tunc ire recentes
 Deterfum maculas. Veteri post obruta morbo
 Corpora, Pæonias nequidquam admoveris herbas.
 Ulcera possessis alte suffusa medullis,
 Non leviori manu, ferro sanantur, & igni,
 Ne coeat frustra mox eruptura cicatrix.
 Ad vivum penetrant flammæ, quo funditus humor

Defluat, & vacuis corrupto sanguine venis
 Arescat fons ille mali. Truncantur & artus,
 Ut liceat reliquis securum degere membris.
 At vos egregie purgatam creditis aulam, 20
 Eutropium si Cypros habet, vindictaque mundi
 Semivir exful erit. Quis vos lustrare valebit
 Oceanus? tantum facinus quæ diluet ætas?
 Induerat necdum trabeas: mugitus ab alto
 Redditus. Infernas rabies arcana cavernas 25
 Vibrat, & alterno configunt culmina lapsu.
 Bacchatus per opera tremor Chalcedona movit;
 Pronus & in geminas nutavit Bosporus urbes.
 Concurrere freti fauces. Radice revulsa
 Virant instabilem rursus Symplegada nautæ. 30
 Scilicet hæc Stygiæ præmittunt signa sorores,
 Et sibi jam tradi populos hoc Consule gaudent.
 Mox oritur diversa lues. Hinc Mulciber ignes
 Sparserat, hinc victa proruperat obijce Nereus.
 Hæc flagrant, hæc testæ natant. Quam, Numina, pœnam 35
 Servatis sceleri, cujus tot cladibus omen
 Constitit? Incumbas utinam, Neptune, tridenti:
 Pollutumque solum toto cum crimine mergas!
 Unam pro mundo Furiis concedimus urbem.
 Utque semel patuit monstris iter, omnia tempus 40
 Nacta suum properant. Nasci tum decolor imber,
 Infantumque novi vultus, & dissona partu
 Semina. Tum lapidum fletus, armenta que vulgo
 Ausa loqui, mediisque feræ se credere muris.
 Tum vates sine more rapi, lymphataque passim 45
 Pectora terrifici stimulis ignescere Phœbi.

Fac nullos cecinisse Deos. Adeone retusi
Quisquam cordis erit, dubitet qui partibus illis
Affore fatalem castrati Consulis annum?

Sed quam cæcus inest vitiis amor! Omne futurum
Despicitur, suadentque brevem præsentia fructum,
Et ruit in vetitum damni secura libido,
Dum mora supplicii lucro, serumque, quod instat,
Creditor. Haud equidem contra tot signa Camillo
Detulerim fasces; nedum, proh sexus! inerti
Mancipio, cui cuncta licet responsa juberent,
Hortantesque licet sponderent prospera Divi,
Turpe fuit cessisse viros. Exquirite retro
Crimina, continui lætis annalibus ævi.

50

55

60

Prisca recensitis evolvite secula fastis.
Quid senis infandi Capræ, quid scena Neronis
Tale ferunt? Spado Romuleo succinctus amictu
Sedit in Augustis laribus. Vulgata patebat
Aula salutantum studiis. Huc plebe senatus
Permixa, trepidique duces, omnisque potestas
Confluit. Advolvi genibus, contingere dextram
Ambitus: & votum deformibus oscula rugis
Figere. Præsidium legum, genitorque vocatur
Principis, & famulum dignatur regia patrem.

65

Posteritas, admitte fidem. Monumenta petuntur
Dedecoris, multisque gemunt incudibus æra
Formatura nefas. Hæc judicis, illa togati.
Hic nitet armati species: numerosus ubique
Fulget eques: præfert eunuchi Curia vultus.
Ac veluti caveant, ne quo consistere virtus
Possit pura loco, cunctas hoc ore laborant

70

75

Incessare vias. Maneant immota precamur,
 Certaue perpetui sint argumenta pudoris!
 Subter adulantes tituli, nimiaeque leguntur
 Vel maribus laudes: claro quod nobilis ortu;
 Cum vivant domini? quod maxima proelia solus
 Impleat; & patitur miles? quod tertius urbis
 Conditor; hoc Byzas, Constantinusque videbunt?
 Inter quæ tumidus leno producere coenas
 In lucem, foetere mero, dispergere plausum
 Emturas in vulgus opes, totosque theatris
 Indulgere dies, alieni prodigus auri.

At soror, & si quid portentis creditur, uxor
 Mulcebat matres epulis, & more pudicæ
 Conjugis eunuchi celebrabat vota mariti.
 Hanc amat, hanc summa de re, vel pace vel armis,
 Consulit, huic curas & clausa palatia mandat,
 Ceu stabulum vacuamque domum. Sic magna tueri
 Regna nihil? patiensque jugi deluditur orbis?
 Mitior alternum Zephyri jam bruma teporem
 Senferat, & primi laxabant germina flores.
 Jamque iter in gremio pacis solenne parabant
 Ad muros, Aneyra, tuos, auctore repertum
 Eutropio, pelagi ne tædia longa subirent,
 Sed vaga lascivis flueret discursibus æstas:
 Unde tamen tanta sublimes mole redibant,
 Ceu vinctos traherent Medos, Indumque bibissent.

Ecce autem flavis Gradivus ab usque Gelonis
 Arva cruentato repetebat Thracia curru.
 Subsidunt Pangæa rotis, altæque sonoro
 Stridunt axe nives; ut verrice constitit Æmi,

Femeasque togas pressis conspexit habenis.
 Subrisit crudele pater, cristisque micantem
 Quassabat galeam. Tunc implacabile numen
 Bellonam alloquitur, quæ sanguine sordida vestem 110
 Illyricis pingues pestebat stragibus hydros :
 Nec dum mollitiæ, nec dum, germana, mederi
 Possumus Eoæ? Nunquam corrupta rigescunt
 Secula? Cappadocum tepidis Argæus acervis
 Æstuat. Infelix etiamnum pallet Orontes. 115
 Dum pereunt, meminere mali. Si corda parumper
 Respirare sinas, nullo tot funera sensu
 Prætereunt, tantique levis iactura cruoris.
 Adspicis obscœnum facinus? Quid crinibus ora
 Protegis? En quales sese diffundat in ætus 120
 Parva quies! Quantum nocuerunt otia ferri!
 Qui caruit bellis, eunuchus traditur annus.
 Actum de trabeis esset, si partibus una
 Mens foret Hesperiiis: rueret derisa vetustas;
 Nullaque calcati starent vestigia juris, 125
 Ni memor imperii Stilicho, morumve priorum,
 Turpe relegasset defenso Tibride nomen,
 Intactamque novo servasset crimine Romam.
 Ille dedit portum, quo se pulsata referret
 Majestas Latii, deformatæque secures. 130
 Ille dedit fastos, ad quos Oriente relicto
 Confugeret sparsum maculis servilibus ævum.
 Quam similes hæc aula viros! Ad mœnia visus
 Dirige. Num saltem tacita formidine mussant?
 Num damnant animo? Plaudentem cerne Senatum; 135
 Et Byzantinis procures Græjosque Quirites.

Cl. Claudianus.

L

O patribus plebes, o digni Consule patres !
 Quid, quod & armati cessant, & nulla virilem
 Inter tot gladios sexum reminiscitur ira?
 Huccine nostrorum cinctus abiire nepotum? 140
 Sic Bruti despectus honos? Ignosce parenti,
 Romule, quod serus temeratis fascibus ultor
 Advenio. Jam jam largis hæc gaudia faxo
 Compensent lacrimis. Quid dudum inflare moraris
 Tartaream, Bellona, tubam? quid stringere falcem, 145
 Qua populos a stirpe metas? Molire tumultus,
 Excute delicias. Thracum Macetumque ruinæ
 Tædet, & in gentes iterum sævire sepultas.
 Damna minus consueta movent. Trans æquora sævas
 Verte faces: aliis exordia fume rapinis. 150
 Non tibi Rhipæis hostis quærendus ab oris.
 Non per Caucasias accito turbine valles
 Est opus. Ostrogothis colitur mixtisque Gruthungis
 Phryx ager. Hos parvæ poterunt impellere causæ
 In scelus. Ad mores facilis natura reverti. 155
 Sic eat: in nostro quando jam milite robur
 Torpuit, & molli didicit parere magistro:
 Vindicet Arctous violatas advena leges.
 Barbara Romano succurrant arma pudori.
 Sic fatus, clipeo, quantum vix ipse Deorum 160
 Arbitr, infesto cum percutit ægida nimbo,
 Intonuit. Responsat Athos, Æmusque remugit;
 Ingeminat raucum Rhodope concussa fragorem.
 Cornua cana gelu mirantibus extulit undis
 Hebrus, & exanguem glacie timor alligat Istrum. 165
 Tunc adamante gravem nodisque rigentibus hastam,

Telum ingens nullique Deo jaculabile, torfit.
 Fit late ruptis via nubibus. Illa per auras
 Tot freta, tot montes, uno contenta volatu
 Tranfilit, & Phrygiæ mediis affligitur arvis. 170
 Sensit humus. Gemuit Nysæo palmite felix
 Hermus, & aurata Pactolus inhorruit urna:
 Totaque submissis fleverunt Dindyma filvis.
 Nec Dea præmissæ stridorem segnius hastæ
 Consequitur, centumque vias meditata nocendi, 175
 Tandem Targibilum (Geticæ dux improbus alæ
 Hic erat) aggreditur. Viso tum forte redibat
 Eutropio vacuus donis, feritasque dolore
 Creverat, &, teneris etiam quæ crimina suadet
 Ingeniis, Scythicum pectus flammabat egestas. 180
 Huic sese vultu simulatæ conjugis offert,
 Mentitoque ferox incedens barbara gressu,
 Carbaseos induta sinus. Post terga reductas
 Uberibus propior mordebat fibula vestes:
 Inque orbem tereti mitra redimente capillum 185
 Struxerat, & virides flavescere jusserat angues.
 Advolat, ac niveis reducem complectitur ulnis,
 Infunditque animo furiale per oscula virus.
 Principe quam largo veniat, quas inde reportet
 Divitias, astu rabiem motura requirit. 190
 Ille iter ingratum, vanos deslere labores:
 Quos super eunuchi fastus, quæ probra tulisset.
 Continuo secat ungue genas, & tempore pandit
 Arrepto gemitus: I nunc, devotus aratris
 Scinde solum, positoque tuos mucrone sodales 195
 Ad rastros sudare doce, Bene rura Gruthungus

Excolet, & certo disponet fidere vites.
 Felices aliæ, quas debellata maritis
 Oppida, quas magnis quæsitæ viribus ornant
 Exuvix: quibus Argivæ pulchræve ministrant 200
 Theſſalides, famulas & quæ meruere Lacænas!
 Me nimium timido, nimium junxere remiſſo
 Fata viro, totum qui degener exiit Iſtrum,
 Qui refugit patriæ ritus, quem detinet æqui
 Gloria, conceſſoque cupit vixiſſe colonus, 205
 Quam dominus raptō. Quid pulchra vocabula pigris
 Prætentas vitiis? Probitatis inertia nomen,
 Juſtitix formido ſubit. Tolerabis iniquam
 Pauperiem, cum tela geras? & flebis inultus,
 Cum pateant tantæ nullis cuſtodibus urbes? 210
 Quippe metus poenæ? Pridem mos ille vige-
 bat, Ut meritos colerent, impacatiſque rebelles
 Urgerent odiis. At nunc, qui ſœdera rumpit,
 Ditur: qui ſervat, eget. Vaſtator Achivæ
 Gentis, & Epirum nuper populatus inultam 215
 Præſidet Illyrico. Jam, quos obſedit, amicus
 Ingreditur muros, illis reſponſa daturus,
 Quorum conjugibus potitur, natoſque peremit.
 Sic hoſtes punire ſolent. Hæc præmia ſolvunt
 Exciſiis. Cunctariſ adhuc? numerumque tuorum 220
 Reſpicis, exiguamque manum? Tu rumpe quietem.
 Bella dabunt ſocios. Nec te tam prona monerem,
 Si contra paterere viros. Nunc alter in armis
 Sexus, & eunuchis ſe deſenſoribus orbis
 Credidit. Hoſ Aquilæ Romanæque ſigna ſequuntur. 225
 Incipe barbaricæ tandem te reddere vitæ.

Te quoque jam timeant, admirenturque nocentem,
 Quem sprevere pium. Spoliis prædaque repletus,
 Cum libeat, Romanus eris. -- Sic fata, repente
 In diram se vertit avem, rostroque recurvo.
 Turpis, & infernis tenebris obscurior alas.
 Auspicium veteri sedit ferale sepulcro.

230

Ille, pavor postquam resoluta corde quievit,
 Et rigida sedere comæ, non distulit atrox
 Jussa Deæ: sociis, quæ viderit, ordine pandit;
 Invitatque sequi. Conjurat barbara pubes
 Nacta ducem, Latiisque palam descivit ab armis.
 Pars Phrygiæ, Scythicis quæcunque Trionibus alget
 Proxima, Bithynos: Solem quæ condit, Ionas:
 Quæ levat, attingit Galatas: utrinque propinqui
 Finibus obliquis Lydi, Pisidæque feroces.
 Continuant australe latus: gens una fuere
 Tot quondam populi, priscum cognomen & unum;
 Appellata Phryges: sed quid non longa valebit
 Permutare dies? dicti post Mæona regem
 Mæones. Ægæos insedit Græcia portus.
 Thyni Thraces arant, quæ nunc Bithynia fertur.
 Nuper ab Oceano Gallorum exercitus ingens.
 Illis ante vagus tandem regionibus hæsit,
 Gesaque deposuit jam Grajo mitis amictus;
 Pro Rheno poturus Halyn. Dat cuncta vetustas
 Principium Phrygibus; nec rex Ægyptius ultra
 Restitit, humani postquam puer uberis expers
 In Phrygiam primum laxavit murmura vocem.
 Hic cecidit Libycis jactata paludibus olim
 Tibia, foedatam cum reddidit umbra Minervam.

235

240

245

250

255

L 2

Hic & Apollinea victus testudine pastor
 Suspensa memores illustrat pelle Celænas.
 Quatuor hinc magnis procedunt fontibus amnes
 Auriferi: nec miror aquas radiare metallo, 160
 Quæ toties lavere Midan. Diversus ad Austrum
 Cursus & Arctoum fluviis mare. Dindyma fundunt
 Sangarium, vitrei qui puro gurgite Galli
 Ausus Amazonii deferitur ad ostia Ponti.
 Icarium pelagus Mycalæaque litora iuncti 165
 Marfya Mæanderque petunt: sed Marfya velox
 Dum suus est, flexuque carens, jam flumine mixtus
 Mollitur, Mæandre, tuo, contraria passus,
 Quam Rhodano stimulus Arar: quos inter aprica
 Planities Cererique favet, densisque ligatur 170
 Vitiibus, & glaucæ fructus attollit olivæ,
 Dives equi, felix pecorum, pretiosaque picto
 Marmore, purpureis cui cedit Synnada venis.
 Talem tum Phrygiam Geticis populatibus uri
 Permiserunt Dei. Securas barbarus urbes 175
 Irrumpit, facilesque capi. Spes nulla salutis:
 Nulla fugæ. Putribus jam propugnacula saxi
 Longo corruerant ævo, pacisque senecta.
 Interea gelidæ seceris rupibus Idæ
 Dum sedet, & thiasos spectat de more, Cybelle; 180
 Curetumque alacres ad tympana fuscitat enses;
 Aurea sanctarum decus immortale comarum
 Defluxit capiti turris, summoque volutus
 Vertice crinalis violatur pulvere murus.
 Obstupere truces omen Corybantes, & uno 185
 Fixa metu tacitas prefferunt Orgia buxos.

Indoluit genitrix. Tunc sic commota profatur :

Hoc mihi jam pridem Lachesis grandæva canebat
 Augurium : Phrygiæ casus venisse supremos
 Delapsus testatur apex. Heu , sanguine qualis 290
 Ibit Sangarius , quantasque cadavera lenti
 Mæandri passura moras ! Immobiles hæret
 Terminus. Hæc dudum nato placuere Tonanti.
 Par & finitimis luctus : frustra que Lyæi
 Non defensuros implorat Lydia thyrsos. 295
 Jamque vale , Phrygiæ tellus , perituraque flammis ,
 Moenia , conspicuas quæ nunc attollitis arces ,
 Mox campi nudumque solum. Dilecta valet
 Flumina ; non vestris ultra bacchabor in antris :
 Nec juga sulcabit noster Berecynthia currus. 300

Dixit , & ad tristes convertit tympana planctus.
 Labentem patriam sacris ululatibus Atys
 Personat , & lacrimis torvi maduere leones.

Eutropius , quamvis nequeat metuenda taceri
 Clades , & trepidus vulgaverit omnia rumor , 305
 Ignorare tamen fingit , regnique ruinas
 Dissimulat. Parvam latronum errare catervam :
 Ad fontes tormenta magis , quam tela ; parari ,
 Nec duce frangendas jactat , sed iudice , vires.
 Vassa velut Libyæ venantum vocibus ales 310
 Cum premitur , calidas cursu transmittit arenas ,
 Inque modum veli sinuatis flamine pennis
 Pulverulenta volat ; si jam vestigia retro
 Clara sonent , oblita fugæ stat lumine clauso
 Ridendum revoluta caput , creditque latere , 315
 Quem non ipsa videt. Furtim tamen ardua mittit

Cum donis promissa novis, si forte rogatus
 Definat. Ille semel notæ dulcedine prædæ
 Se famulo servire negat: nec grata timentum
 Munera. Militiam nullam, nec prima superbus
 Cingula dignari: nam quis non Consule tali
 Vilis honos? Postquam precibus mitescere nullis;
 Non auro cessisse, videt, creberque recurrit
 Nuntius incassum, nec spes jam foederis exstat:
 Tandem concilium belli confessus agendi,
 Ad sua testæ vocat. Juvenes venire protervi,
 Lascivique senes, quibus est insignis edendi
 Gloria, corruptasque dapes variasse decorum:
 Qui ventrem invitant pretio, traduntque palato
 Sidereas Junonis aves, & si qua loquendi
 Gnara coloratis viridis defertur ab Indis,
 Quæsitos trans regna cibos: quorumque profundam
 Ingluviem non Ægæus, non alta Propontis,
 Non freta longinquis Mæotia piscibus æquent.
 Vestis adornatæ studium, laus maxima risum
 Per vanos movisse sales, minimeque viriles
 Munditiæ, comiti vultus, onerique vel ipsa
 Serica. Si Chunus feriat, si Sarmata portas,
 Solliciti scenæ, Romam contemnere sueti,
 Mirarique suas, quas Bosporus alluit, ædes:
 Saltandi dociles, aurigandique periti.
 Pars humili de plebe duces: pars compede furas;
 Cruraque signati nigro liventia ferro,
 Jura regunt, facies quamvis inscripta repugnet,
 Seque suo prodat titulo. Sed prima potestas
 Eutropium præfert, Hosio subnixa secundo.

- Dulcior hic sane cunctis, prudensque movendi
 Juris, & admoto qui temperet omnia fumo
 Fervidus; accensam sed qui bene decoquat iram.
 Confidunt apices gemini ditionis Eoæ, 350
 Hic coquus, hic leno, defessi verberare terga,
 Servitio, non arte, pares. Hic sæpius emtus,
 Alter ad Hispanos nutritus verna penates.
 Ergo ubi collecti procures, qui rebus in arctis
 Consularent, tantisque darent solatia morbis; 355
 Obliti subito Phrygiæ, belloque relicto
 Ad solitos cœpere jocos, & jurgia Circi
 Tendere. Nequidquam magna configitur ira,
 Quis melius vibrata puer vertigine molli
 Membra rotet? verrat quis marmora crine supino? 360
 Quis magis enodes laterum detorqueat arcus?
 Quis voci digitos, oculos quis moribus aptet?
 Hi tragicos meminere modos: his fabula Tereus,
 His nec dum commissa choro cantatur Agave.
 Increpat Eutropius: Non hæc spectacula tempus 365
 Poscere: nunc alias armorum incumbere curas.
 Se satis Armenio fessum pro limite cingi,
 Nec tantis unum subsistere posse periclis.
 Ignoscant senio: juvenes ad prælia mittant. --
 Qualis pauperibus nutrix invisâ puellis 370
 Assidet, & tela communem quærere victum
 Ranca monet. Festis illæ luisse diebus
 Orant, & positis æquævas visere pensis,
 Iratæque operi jam lasso pollice fila
 Turbant, & teneros detergunt flamine fletus. 375
 Emicat extemplo cunctis trepidantibus audax

Crassa mole Leo, quem vix Cyclopia solum
 Æquatura fames, quem non jejuna Celæno
 Vinceret. Hinc nomen fertur meruisse Leonis.
 Acer in absentes linguæ, jactator, abundans 380
 Corporis, exiguusque animi, doctissimus artis
 Quondam lanificæ, moderator pectinis unci.
 Non alius lanam purgatis sordibus æque
 Præbuerit calathis: similis nec pingua quisquam
 Vellera per tennes ferri producere rimas. 385
 Tunc Ajax erat Eutropii, lateque fremebat,
 Non septem vasto quatiens umbone juencos:
 Sed, quam perpetuis dapibus pigroque sedili
 Inter anus interque colos oneraverat, alvum.
 Exsurgit tandem, vocemque expromit anhelam: 390
 Quis novus hic torpor, socii? Quonam usque sedemus
 Femineis clausi thalamis, patimurque periculum
 Gliscere defidia? Graviorum turba malorum
 Texitur, ignavis trahimus dum tempora votis.
 Me petit hic sudor. Nunquam mea dextera segnis 395
 Ad ferrum. Faveat tantum Tritonia cœptis,
 Inceptum peragetur opus. Jam cuncta furore
 Qui gravat, efficiam leviolem pondere lanæ
 Targibilum tumidum, desertoresque Gruthungos
 Ut miseras populabor oves, & pace relata 400
 Pristina restituam Phrygias ad stamena matres.
 His dictis iterum sedit. Fit plausus, & ingens
 Concilii clamor. Qualis resonantibus olim
 Exoritur caveis, quoties crinitus ephebus
 Aut rigidam Nioben, aut flentem Troada, fuggit. 405
 Protinus excitis iter irremeabile signis

Arripit, infaustoque jubet bubone moveri
 Agmina, Mygdonias mox impletura volucres.
 Pulcher & urbanæ cupiens exercitus umbræ,
 Assiduus ludis, avidus splendere lavacris, 410
 Nec soles imbresve pati, multumque priori
 Dispar, sub clipeo Thracum qui ferre pruinas,
 Dum Stilicho regeret, nudoque hiemare sub axe
 Sueverat, & duris haurire bipennibus Hebrum.

Cum duce mutata vires. Byzantia robur 415
 Fregit luxuries, Ancyranique triumphii.
 Non peditem præcedit eques: non commoda castris
 Eligitur regio. Vicibus custodia nullis
 Advigilat vallo. Non explorantur eundæ
 Vitandæque viæ. Nullo se cornua flectunt 420
 Ordine. Confusi passim per opaca vagantur
 Lustra, per ignotas angusto tramite valles.

Sic vacui rectoris equi, sic orba magistro
 Fertur in abruptum casu, non fidere, puppis.
 Sic ruit in rupes amisso pisce sodali 425
 Bellua, sulcandas qui præviis edocet undas,
 Immensumque pecus parvæ moderamine caudæ
 Temperat, & tanto conjungit foedera monstro.
 Illa natat rationis inops, & cæca profundi
 Jam brevibus deprensa vadis, ignara reverti 430
 Palpitat, & vanos scopulis illidit hiatus.
 Targibilus simulare fugam, flatuque Leonis
 Spe nutrire leves, improvisusque repente,
 Dum gravibus marcent epulis, hostique catenas
 Inter vina crepant, largo sopita Lyæo 435
 Castra subit. Pereunt alii, dum membra cubili

Tarda levant: alii leto junxere soporem:
 Ast alios vicina palus sine more ruentes
 Excipit, & cumulis immanibus aggerat undas:
 Ipse Leo dama cervoque fugacior ibat 440
 Sudanti tremebundus equo: qui pondere postquam
 Decidit implicitus limo, cunctantia pronus
 Per vada reptabat coeno subnixa tenaci.
 Mergitur, & pingui suspirat corpore moles;
 More suis; dapibus quæ jam devota futuris 445
 Turpe gemit, quoties Hosius mucrone corusco
 Armatur, cingitque sinus, secumque volutat,
 Quas figat verubus partes, quæ frustra calenti
 Mandet aquæ, quantoque cutem distendat echino:
 Flagrat opus: crebro pulsatus perstrepat ictu. 450
 Contextit varius penetrans Chalcedona nidor.
 Ecce levis frondes a tergo concutit aura:
 Credit tela Leo. Valuit pro vulnere terror,
 Implevitque vicem jaculi, vitamque nocentem
 Integer, & sola formidine saucius, efflat. 455
 Quis tibi tractandos pro pestine, degener, enses,
 Quis folio campum præponere suasit avito?
 Quam bene textentum laudabas carmina tutus,
 Et matutinis pellebas frigora pensis!
 Hic miserande jaces: hic, dum tua vellera vitas, 460
 Tandem fila tibi neverunt ultima Parcæ.
 Jam vaga pallentem densis terroribus aulam
 Fama quatit: stratas acies, deleta canebat
 Agmina, Mæonios foedari cædibus agros,
 Pamphylos Pisidasque rapi. Metuendus ab omni 465
 Targibilus regione tonat. Modo tendere cursum

In Galatas, modo Bithynis incumbere fertur.
 Sunt qui per Cilicas rupto descendere Tauro,
 Sunt qui correptis ratibus, terraque marique
 Adventare ferant. Geminantur vera pavoris 470
 Ingenio. Longe spectari e puppibus urbes
 Accensas, lucere fretum, ventoque citatas
 Omnibus in pelago velis hæere favillas.

Hos inter strepitus funestior advolat alter
 Nuntius, armatam rursus Babylona minari 475
 Rege novo: refides Parthos ignava perofos
 Otia Romanæ jam finem quærere paci.

Rarus apud Medos regum cruor, unaque cuncto
 Poena manet generi, quamvis crudelibus æque
 Paretur dominis. Sed quid non audeat annus 480

Eutropii? Socium nobis fidumque Saporem
 Perculit, & Persas in regia vulnera movit;
 Rupturasque fidem, leto pars ne qua vacaret,
 Eumenidum tædas trans flumina Tigridis egit.

Tum vero cecidere animi, tantisque procellis 485
 Deficiunt, septi latrantibus undique bellis

Infenfos tandem Superos, & Consulis omen
 Agnovere sui. Nec jam revocabile damnum
 Eventu rerum stolidi didicere magistro.

Namque ferunt geminos uno de semine fratres 490

Japetionidas generis primordia nostri

Diffimili finxisse manu. Quosunque Prometheus

Excoluit, multumque innexuit æthera limo,

Hi longe ventura notant, dubiisque parati

Casibus occurrunt fabro meliore politi. 495

Deteriore luto pravus quos condidit auctor,

Quem merito Graji perhibent Epimethea vates,
 Et nihil ætherii sparfit per membra vigoris,
 Hii pecudum ritu non impendunt vitant,
 Nec res ante vident: accepta clade queruntur, 500
 Et feri transacta gemunt. Jam sola renidet
 In Stilichone salus, & cuius semper acerbum,
 Ingratumque sibi factorum conscius horror
 Credidit adventum; quem, si procedere tantum
 Alpibus audissent, mortem pœnasque tremebant; 505
 Jam cuncti venisse volunt, scelerumque priorum
 Pœnitet; hunc tantis bellorum fidus in undis
 Sperant, hunc pariter iusti fontesque precantur.
 Ceu pueri, quibus alta pater trans æquora merces
 Devehit, intenti ludo, studiisque soluti, 510
 Lætiùs amoto passim custode vagantur.
 Si gravis auxilio vacuas invaserit aedes
 Vicinus, laribusque suis proturbet inultos,
 Tum demum patrem implorant, & nomen inani
 Voce cient, frustra que oculos ad litora tendunt. 515
 Omnes supplicio dignos letoque fatentur,
 Qui se tradiderint famulis, Stilichone relicto.
 Mutati stupere diu, sensuque reducto
 Paulatim proprii mirantur monstra furoris,
 Avertuntque oculos. Projectis fascibus horret 520
 Lictor, & infames labuntur sponte secures.
 Quales Aonio Thebas de monte reversæ
 Mænades, infectis Pentheo sanguine thyrsis,
 Cum patuit venatus atrox, matrique rotatum
 Conspectere caput, gressus caligine figunt, 525
 Et rabiem defuisse dolent. Quin protinus ipsa

Tendit ad Italiam supplex Aurora potentem,
 Non radiis redimita comam, nec flammea vultum,
 Nec croceum vestita diem. Stat livida luctu:
 Qualis erat, Phrygio tegeter cum Memnōna busto. 530
 Quam simul agnovit Stilicho, nec causa latebat,
 Restitit. Illa manum victricem amplexa moratur,
 Altaque vix lacrimans inter suspiria fatur:

Tantane te nostri ceperunt tædia mundi?
 Sic me ludibrium famulis risumque relinquis, 535
 Dux quondam rectorque meus, solamque tueris
 Hesperiam? domiti nec te post bella tyranni
 Cernere jam licuit? Sic te victoria nobis
 Eripuit, Gallisque dedit? Rufinus origo
 Prima mali. Geminas inter discordia partes 540
 Hoc auctore fuit. Sed jam majora moventi
 Occurrit iusta rediens exercitus ira,

Fortis adhuc, ferrique memor. Brevis inde reluxit,
 Falsaque libertas. Rursum Stilichonis habenis
 Sperabam me posse regi. Proh cæcæ futuri 545
 Gaudia! Fraterno conjungi cœperat orbis
 Imperio, (quis enim tanto terrore recentis
 Exempli paribus sese committeret ausis?)
 Cum subito monstrosa lues, turpisque relatu
 Fabula, Rufini castratus proflit heres: 550

Et similes iterum luctus fortuna reduxit,
 Ut solum domini sexum mutasse viderer.
 Hic primum thalami claustris delicta tegebat;
 Clam timideque jubens. Erat invidiosa potestas,
 Sed tamen eunuchi. Necdum sibi publica jura 555
 Sumere, nec totas audebat vertere leges.

At postquam pulsisque bonis & sæce retenta
 Pejores legit socios, dignusque satelles
 Hinc Hofius stetit, inde Leo: fiducia crevit,
 Regnandique palam flagravit aperta libido, 560
 Patricius Consul maculat, quos vendit, honores:
 Plus maculat, quos ipse gerit. Jam signa tubæque
 Mollescunt. Ipsos ignavia fluxit in enses.
 Insultant merito gentes, facilisque volentum
 Præda sumus. Jam Bistoniiis Æmoque nivali 565
 Vastior expulsis oriens squalebit aratris.

Hei mihi, quas urbes, & quanto tempore Martis
 Ignaras, uno rapuerunt prælia cursu!
 Nuper ab extremo veniens equitatus Araxe
 Terruit Antiochi muros, ipsumque decoræ 570
 Pæne caput Syriæ flammis hostilibus arsit.
 Utque gravis spoliis, nulloque obstante profunda
 Lætus cæde redit, sequitur mucrone secundo
 Continuum vulnus. Nec jam mihi Caucasus hostes;
 Nec mittit gelidus Phasis: nascuntur in ipso 575
 Bella sinu. Legio pridem Romana Grnthingi,
 Jura quibus victis dedimus, quibus arva domosque
 Præbimus, Lydos Asiæque uberrima vastant.
 Ignibus & si quid tempestas prima reliquit,
 Nec duce, nec numero, freti: sed inertia nutrit, 580
 Proditioque ducum, quorum per crimina miles
 Captivis dat terga suis, quos teste subegit
 Danubio, partemque timet, qui reppulit omnes.

Aula choris epulisque vacat, nec perdita curant;
 Dum superest aliquid. Ne quid tamen orbe reciso 585
 Venditor amittat, provincia quæque superstes

Dividitur, geminumque duplex passura tribunal
 Cogitur alterius pretium sarcire peremtæ.
 Sic mihi restituant populos. Hac arte reperta
 Restorum numerum terris pereuntibus augment. 590
 In te jam spes una mihi. Pro fronde Minervæ
 Has tibi protendo lacrimas. Succurre ruenti.
 Eripe me tandem servilibus, eripe, regnis.
 Neve adeo cunctos paucorum crimine damnes:
 Nec nova tot meritis offensa prioribus obster. 595
 Jam jam flecte animum. Suprema pericula semper
 Dant veniam culpæ. Quamvis iratus & exsul
 Pro patriæ flammis non distulit arma Camillus:
 Non te subtrahimus Latio: defensor utrique
 Sufficis. Armorum liceat splendore tuorum 600
 In commune frui: clipeus nos protegat idem;
 Unaque pro gemino defudet cardine virtus.

X X I

CL. CLAUDIANI

D E

LAUDIBUS STILICHONIS

L I B E R I.

CONTINUANT Superi pleno Romana favore
 Gaudia, successusque novis successibus urgent.
 Connubii necdum festivos regia cantus
 Sopierat, cecinit fuso Gildone triumphos,
 Et calidis thalami successit laurea fertis,
 Sumeret ut pariter princeps nomenque mariti,
 Victorisque decus. Libyæ post prælia crimen
 Concidit Eoëm, rursusque, Oriente subacto,
 Consule defensæ surgunt Stilichone secures.
 Ordine vota meant. Equidem si carmen in unum
 Tantarum sperem cumulos advolvere rerum,
 Promptius imponam glaciali Pelion Ossæ.
 Si partem tacuisse velim, quodcunque relinquam;
 Majus erit. Veteres actus, primamque juventura

5

10

Prosequar ? Ad sese mentem præsentia ducunt. 15
 Nârrem justitiam ? Resplendet gloria Martis.
 Armati referam vires ? Plus egit inermis :
 Quod floret Latium , Latio quod reddita servit
 Africa , vicinum quod nescit Iberia Maurum ,
 Tuta quod imbellem miratur Gallia Rhenum. 20
 An gelidam Thracen decertatosque labores ,
 Hebro teste , canam ? Magnum mihi panditur æquor ,
 Ipsaque Pierios lassant proclivia currus
 Laudibus innumeris. Etenim mortalibus ex quo
 Tellus cœpta coli , nunquam sincera bonorum 25
 Sors uni concessa viro. Quem vultus honestat ,
 Dedecorant mores : animus quem pulchrior ornat ,
 Corpus destituit. Bellis insignior ille ,
 Sed pacem foëdat vitiis. Hic publica felix ,
 Sed privata minus. Partitum singula quemque 30
 Nobilitant. Hunc forma decens , hunc robur in armis ,
 Hunc rigor , hunc pietas , illum sollertia juris ,
 Hunc soboles castique tori. Sparguntur in omnes :
 In te mixta fluunt , & , quæ divisa beatos
 Efficiunt , collecta tenes. Quid facta revolvam 35
 Militiamque patris ? cujus producere famam ,
 Si nihil egisset clarum , nec fida Valenti
 Dextera duxisset rutilantes crinibus alas ,
 Sufficeret natus Stilicho. Mens ardua semper
 A puero , tenerisque & jam fulgebat in annis 40
 Fortunæ majoris honos. Erectus & acer ,
 Nil breve moliri , nullis hædere potentum
 Liminibus , satisque loqui jam digna futuris.
 Jam tum conspicuus , jam tum venerabilis , ibas :

Spondebatque ducem celsi nitor igneus oris , 45
 Membrorumque modus , qualem nec carmina fingunt
 Semideis. Quacunque alte gradereris in urbe ,
 Cedentes spatiis assurgentisque videbas ,
 Quamvis miles adhuc. Taciti suffragia vulgi
 Jam tibi detulerant quidquid mox debuit aula. 50

Vix primævus eras , paci cum mitteris auctor
 Assyriæ. Tanta foedus cum gente ferire
 Commissum juveni. Tigrin transgressus & altum
 Euphraten , Babylona petis. Stupere severi
 Parthorum procures , & plebs pharetrata videndi 55
 Flagravit studio , defixæque hospite pulchro
 Perfides arcanum suspiravere calorem.
 Thuris odorata cumulis & messe Sabæ
 Pacem conciliant aræ. Penetralibus ignem
 Sacratum rapuere adytis , rituque juvencos 60
 Chaldæo stravere Magi. Rex ipse micantem
 Inclinat dextra pateram , secretaque Beli ,
 Et vaga testatur volventem fidera Mithram.
 Si quando sociis tecum venatibus ibant ,
 Quis Stilichone prior ferro penetrare leones 65
 Cominus , aut longe virgatas figere tigres ?
 Flectenti faciles Medus tibi cessit habenas.
 Torquebas refugum Parthis mirantibus arcum.

Nubilis interea maturæ virginis ætas
 Urgebat patrias suspenso principe curas : 70
 Quem simul imperioque ducem , nataque maritum
 Prospiceret , dubius toto quærebat ab axe
 Dignum conjugio generum , thalamisque Serenæ.
 Judicium virtutis erat. Per castra , per urbes ,

Per populos, animi cunctantis libra cucurrit. 75

Tu legeris, tantosque viros, quos obtulit orbis,

Intra consilium vincis sensumque legentis,

Et gener Augustis, olim focer ipse futurus,

Accedis. Radiis auri Tyriaque superbit.

Majestate torus. Comitata parentibus exit 80

Purpureis virgo. Stabat pater inde tropæis

Inclitus: inde pium matris Regina regebat

Obsequium, gravibus subnectens flammea gemmis.

Tunc & Solis equos, tunc exultasse choreis

Astra ferunt, mellisque lacus, & flumina lactis 85

Erupisse solo, cum floribus æquora vernis

Bosporus indueret, roseisque evincta coronis

Certantes Asiæ tedas Europa levaret.

Felix arbitrii princeps, qui congrua mundo

Judicat, & primus censet quod cernimus omnes: 90

Talem quippe virum natæque adjunxit & aulæ,

Cui neque luxuries bello, nec blanda periclis

Otia, nec lucis fructus pretiosior unquam

Laude fuit. Quis enim Mysos in plaustra feroces.

Reppulit, aut sæva Promoti cæde tumentes. 95

Bastarnas una potuit delere ruina?

Pallantis jugulum Turno moriente piavit

Æneas, tractusque rotis ultricibus Hector.

Irato vindicta fuit vel quæstus Achilli.

Tu neque vesano raptas venalia curru 100

Funera, nec vanam corpus meditatus in unum

Sævitiâ, turmas equitum peditumque catervas,

Hostilesque globos tumulo prosternis amici.

Inferiis gens tota datur. Nec Mulciber auctor

M 3

Mendacis clipei, fabricataque vatibus arma, 105
 Conatus juvere tuos. Tot barbara solus
 Millia jam pridem miseram vastantia Thracen
 Finibus exiguæ vallis conclusa tenebas.
 Non te terrisonus stridor venientis Alani,
 Nec vaga Chumorum feritas, non falce Gelonus, 110
 Non arcu pepulere Getæ, non Sarmata conto.
 Exstinctique forent penitus, ni more maligno
 Falleret Augustas occultus proditor aures,
 Obstrueretque moras, strictumque reconderet enssem,
 Solveret obsessos, præberet foedera captis. 115
 Affiduus castris aderat, rarissimus urbi,
 Si quando trepida princeps pietate vocaret:
 Vixque salutatis Laribus, vix conjuge visa,
 Deterso nec dum repetebat sanguine campum.
 Nec stetit, Eucherii dum carperet oscula saltem 120
 Per galeam. Patris stimulos ignesque mariti
 Vincit cura ducis. Quoties sub pellibus egit
 Edonas hiemes, & tardi flabra Bootæ
 Sub dio Rhipæa tulit! cumque igne propinquo
 Frigora vix ferrent alii, tunc triste rigentem 125
 Danubium calcabat eques, nivibusque profundum
 Scandebat cristatus Athon, lateque corusco
 Curvatas glacie filvas umbone ruebat.
 Nunc prope Cimmerii tendebat litora Ponti:
 Nunc dabat hibernum Rhodope nimbose cubile. 130
 Vos Hæmi gelidæ valles, quas sæpe cruentis
 Stragibus æquavit Stilicho, vos Thracia testor
 Flumina, quæ largo mutastis sanguine fluctus.
 Dicite Bisaltæ, vel qui Pangæa juvencis

Scinditis, offenso quantæ sub vomere putres

135

Diffiliant glebis galeæ, vel qualia rastris

Ossa peremtorum resonent immania Regum.

Singula complecti cuperem: sed densior instat

Gestorum series, laudumque sequentibus undis

Obruimur. Genitor cæsi post bella tyranni

140

Jam tibi commissis conscenderat æthera terris.

Ancipites rerum ruituro culmine lapsus

Æquali cervice subis. Sic Hercule quondam

Sustentante polum, melius librata pendit

Machina, nec dubiis titubavit signifer astris,

245

Perpetuaque senex subductus mole parumper

Obstupuit proprii spectator ponderis Atlas.

Nulli barbariæ motus, nil turbida rupto

Ordine tentavit novitas, tantoque remoto

Principe mutatas orbis non sensit habenas.

250

Nil inter geminas acies, ceu libera frenis,

Ausa manus certe. Nec tantis dissona linguis

Turba, nec armorum cultu diversior unquam

Confluxit populus. Totam pater undique secum

Moverat Auroram. Mixtis hic Colchus Iberis,

255

Hic mitra velatus Arabs, hic crine decoro

Armenius, hic picta Saces, fucataque Medus,

Hic gemmata niger tentoria fixerat Indus.

Hic Rhodani procera cohors, hic miles alumnus.

Oceani. Ductor Stilicho tot gentibus unus,

160

Quot vel progrediens vel conspicit occiduus Sol.

In quo tam vario vocum generumque tumultu

Tanta quies, jurisque metus servator honesti

Te moderante fuit, nullis ut vinea furtis,

M 4

Vel seges erepta fraudarit messe colonum : 165
 Ut nihil aut sævum rabies , aut turpe libido
 Suaderent : placidi servirent legibus enses.
 Scilicet in vulgus manant exempla regentum :
 Utque ducum lituos , sic mores , castra sequuntur.
 Denique viâtrices aquilas quocunque moveres , 170
 Arebant tantis epoti millibus amnes.
 Illyricum peteres , campi montesque latebant.
 Vexillum navale dares , sub puppibus ibat
 Ionium. Nullis succincta Ceraunia nimbis ,
 Nec juga Leucataë seriens spumantia fluctu 175
 Deterrebat hiems. Tu si glaciale juberis
 Vestigare fretum , securo milite ducti
 Stagna reluctantes quaterent Saturnia remi.
 Si deserta Noti , fontem si quærere Nili ,
 Æthiopum medios penetrassent vela vapores. 180
 Te memor Eurotas , te rustica Musa Lycæi ,
 Te pastoralis modulantur Mænala cantu ,
 Partheniumque nemus , quod te pugnante resurgens
 Ægra caput mediis erexit Græcia flammis.
 Plurima Parrhasius tunc inter corpora Ladon 185
 Hæsit : & Alpheus Geticis angustus acervis
 Tardior ad Sículos etiam num pergit amores.
 Miramur rabidis hostem succumbere bellis ,
 Cum solo terrore ruant ? Num classica Francis
 Intulimus ? Jacuere tamen. Num Marte Suëvos 190
 Contudimus , quis jura damus ? Quis credere possit ?
 Ante tubam nobis audax Germania servit.
 Cedant , Druse , tui , cedant , Trajane , labores.
 Vestra manus dubio quidquid discrimine gessit ,

Transcurrens egit Stilicho, totidemque diebus 195
 Edomuit Rhenum, quot vos potuistis in annis.
 Quem ferro, alloquiis, quem vos cum milite, solus
 Impiger a primo descendens fluminis ortu
 Ad bifidos tractus, & juncta paludibus ora,
 Fulmineum perstrinxit iter. Ducis impetus undas 200
 Vincebat celeres, & pax a fonte profecta
 Cum Rheni crescebat aquis. Ingentia quondam
 Nomina, crinigero flaventes vertice Reges,
 Qui nec principibus, donis precibusve vocati,
 Paruerant, jussi properant, segnique verentur 205
 Offendisse mora. Transvecti lintribus amnem
 Occursant ubicunque velis. Nec fama sefellit
 Justitiæ. Videre pium, videre fidelem,
 Quem veniens timuit, rediens Germanus amavit.
 Illi terribiles, quibus otia vendere semper 210
 Mos erat; & foeda requiem mercede pacisci;
 Natis obsidibus pacem tam supplice vultu
 Captivoque rogant, quam si post terga revincti
 Tarpeias pressis subeant cervicibus arces.
 Omne, quod Oceanum fontefque interjacet lſtri, 215
 Unius incurſu tremuit. Sine cæde subactus
 Servitio Boreas, exarmatique Triones.
 Tempore tam parvo tot proelia sanguine nullo
 Perficis, & Luna nuper nascente profectus,
 Ante redis, quam plena fuit; Rhenumque minacem 220
 Cornibus infractis adeo mitescere cogis,
 Ut Salius jam rura colat, flexosque Sicambri
 In falcem curvent gladios, geminasque viator
 Cum videat ripas, quæ sit Romana requirat:

Ut jam trans fluvium non indignante Cæico 225
 Pascat Belga pecus, mediumque ingressa per Albin
 Gallica Francorum montes armenta pererrent:

Ut procul Hercyniæ per vasta silentia silvæ
 Venari tuto liceat, lucosque vetusta
 Religione truces, & robora Numinis instar 230
 Barbarici nostræ feriant impune bipennes.

Utro quin etiam devota mente tuentur,
 Victoriq̃ue favent. Quoties sociare catervas
 Oravit, jungique tuis Alamania signis!
 Nec doluit contempta tamen, spretoque recessit 235
 Auxilio laudata fides. Provincia missos

Expellet citius fasces, quam Francia Reges,
 Quos dederis. Acie nec jam pulsare rebelles,
 Sed vinclis punire licet. Sub iudice nostro
 Regia Romanus disquirit crimina carcer. 240

Marcomeres, Sonnoque, docent. Quorum alter Etruscum
 Pertulit exsilium: cum se promitteret alter
 Exfulis ultorem, jacuit mucrone suorum:
 Res avidi concire novas, odioque furentes
 Pacis, & ingenio scelerumque cupidine fratres. 245

Post domitas Arctos alio prorumpit ab axe
 Tempestas, & ne qua tuis intacta tropæis
 Pars foret, Australis sonuit tuba. Moverat amens
 Maurorum Gildo populos, quibus imminet Atlas,
 Et quos interior nimio plaga sole relegat: 250
 Quos vagus humectat Cinyps, & proximus hortis
 Hesperidum Triton, & Gir notissimus amnis
 Æthiopum, simili mentitus gurgite Nilum.
 Venerat & parvis redimitus Nuba sagittis,

Et velox Garamas: nec quamvis tristibus Ammon 255
 Responsis alacrem potuit Nasamona morari.
 Stripantur Numidæ campi: stant pulvere Syrtis
 Gætulæ: Pœnus jaculis obtexitur aer.
 Hi virga moderantur equos; his fulva leones
 Velamenta dabant, ignotarumque ferarum 260
 Exuviæ, vastis Meroe quas nutrit arenis.
 Serpentum gestant patulos pro casside rictus.
 Splendent vipereæ squamosa pelle pharetræ.
 Non sic intremuit Simois, cum montibus Idæ
 Nigra coloratus produceret agmina Memnon: 265
 Non Ganges, cum, tela procul vibrantibus Indis,
 Immanis medium vestaret bellua Porum.
 Porus Alexandro, Memnon prostratus Achilli;
 Gildo nempe tibi. Nec solum fervidus Austrum,
 Sed partes etiam Mavors agitabat Eoas, 270
 Quamvis obstreperet pietas. His ille regendæ
 Transfulerat nomen Libyæ, scelerique profano
 Fallax legitimam regni prætenderat umbram.
 Surgebat varia geminum formidine bellum.
 Hoc armis, hoc triste dolis, hoc Africa sævis 275
 Cinxerat auxiliis, hoc conjuratus alebat
 Infidiis Oriens. Illinc edicta meabant
 Corruptura duces: hinc frugibus atra negatis
 Urgebat, trepidamque fames obsederat urbem.
 Exitiale palam Libycum; civile pudoris 280
 Obtentu tacitum. Tales utrinque procellæ
 Cum fremerent, lacerumque alternis ictibus anceps
 Imperium pulsaret hiems, nil fessa remisit
 Officii virtus, contraque minantia fata

Pervigil, eventusque sibi latura secundos, 285
 Major in adversis micuit. Velut arbiter alni,
 Nubilus Ægæo quam turbine vexat Orion,
 Exiguo clavi flexu declinat aquarum
 Verbera, nunc recta, nunc obliquante carina,
 Callidus, & pelagi coelique obnititur iræ. 290

Quid primum mirer, Stilicho? Quod cautus ad omnes

Restiteris fraudes, ut te nec noxia furto
 Litera, nec pretio manus inflammata laterent?
 Quod nihil in tanto rerum terrore locutus
 Indignum Latio? Responso quod ardua semper 295
 Eois dederis, quæ mox effecta probasti?

Securus, quamvis & opes, & rura tenerent,
 Insignesque domos. Levis hæc jactura: nec unquam
 Publica privatæ cesserunt commoda causæ.

Dividis ingentes curas, teque omnibus unum 300

Objicis, inveniens animo quæ mente gerenda;
 Efficiens patranda manu. Dictare paratus,
 Quæ scriptis peragenda forent. Quæ brachia centum;

Quis Briareus aliis numero crescente lacertis
 Tot simul objectis possent configere rebus? 305

Evitare dolos: veteres firmare cohortes;
 Explorare novas: duplices disponere classes,
 Quæ fruges vel bella ferant, aulæque tumultum,

Et Romæ lenire famem? Quot nube soporis
 Immunes oculi, per tot discurrere partes, 310

Tot loca sufficerent, & tam longinqua tueri?

Argum fama canit centeno lumine centum

Corporis excubiis unam servasse juvencam.

Unde tot allatæ segetes? Quæ silva carinas

Texuit? Unde rudis tanto tirone juvenus 315
 Emicuit, senioque iterum vernante resumfit
 Gallia bis fractas Alpino vulnere vires?
 Non ego delectu, Tyrii sed vomere Cadmi
 Tam subitas acies concepto dente draconis
 Exsiluisse reor. Dircaëis qualis in arvis 320
 Messis cum proprio mox bellatura colono
 Cognatos strinxit gladios, cum semine jacto
 Terrigenæ galea matrem nascente ferirent,
 Armiger & viridi floreret milite sulcus.
 Hoc quoque non parva fas est cum laude relinqui, 325
 Quod non ante fretis exercitus adstitit ultor,
 Ordine quam prisco censeret bella Senatus.
 Neglectum Stilicho per tot jam secula morem
 Rettulit, ut ducibus mandarent proelia Patres,
 Decretoque togæ felix legionibus iret 330
 Tessera. Romuleas leges remeasse fatemur,
 Cum procerum jussis famulantia cernimus arma.
 Tyrrenum poteras junctis transmittere signis,
 Et ratibus Syrtes, Libyam complere manipulis.
 Consilio stetit ira minor; ne territus ille 335
 Te duce, suspecto Martis graviore paratu,
 Aut in arenosos æstus zonamque rubentem
 Tonderet, aut Solis fugiens transfret in ortus:
 Missurusve sibi certæ solatia mortis,
 Oppida dirueret flammis. Res mira relatu: 340
 Ne timeare, times; & , quem vindicta manebat,
 Desperare vetas. Quantum fiducia nobis
 Profuit hostilis! Salvæ Carthaginis arces,
 Illæsis Tyrii gaudent cultoribus agri,

Quos potuit vastare fuga: spe captus inani, 345
 Nec se surripuit pœnæ, nostrisque pepercit
 Demens: qui numero tantum, non robore, mensus
 Romanos, rapidis ibat ceu prorinus omnes
 Calcaturus equis; &, quod iactare solebat,
 Solibus effeto mersurus pulvere Gallos. 350
 Sed didicit non Æthiopum geminata venenis
 Vulnera, non fufum crebris hastilibus imbrem,
 Non equitum Latiis nimbos obfistere pilis.
 Sternitur ignavus Nasamon. Nec spicula supplex
 Jam torquet Garamas. Repetunt deserta fugaces 355
 Autololes. Pavidus projectat missile Mazax.
 Cornipedem Maurus nequidquam hortatur anhelum.
 Prædonem lembo profugum, ventisque repulsum,
 Suscepit merito fatalis Tabraca portu:
 Expertum, quod nulla tuis elementa paterent 360
 Hostibus, & lætæ passurum iurgia plebis,
 Fracturumque reos humili sub iudice vultus.
 Nil tribuat fortuna sibi, sic prospera semper
 Illa quidem. Sed non uni certamina pugnae
 Credidimus, totis nec constitit alea castris 365
 Nutatura semel. Si quid licuisset iniquis
 Casibus, instabant aliæ post terga biremes.
 Ventrus dux major erat. Victoria nulla
 Clarior, aut hominum votis optatior unquam
 Contigit. An quisquam Tigranen, armaque Ponti, 370
 Vel Pyrrhum, Antiochique fugam, vel vincla Ingurthæ
 Conferat, aut Persen debellatumque Philippum?
 Hi propagandi ruerant pro limite regni:
 Hic stabat Romana salus, ibi tempora tutas

Traxerunt dilata moras : hic vincere tarde 375
Vinci pæne fuit. Discrimine Roma supremo
Inter supplicium populi deforme pependit ;
Et tanto Libyam fructu majore recepit ,
Quam pøperit , quanto graviozem amiffa dolorem ,
Quam necdum quæfita , movent. Quis Punica gefta , 380
Quis vos , Scipiadae , quis te jam , Regule , noffet :
Quis lentum caneret Fabium , fi jure peremto
Infultaret atrox famula Carthagine Maurus ?
Hæc omnes veterum revocavit adorea laurus.
Reftituit Stilicho cunctos tibi , Roma , triumphos. 385

X X I I

CL. CLAUDIANI

D E

LAUDIBUS STILICHONIS

L I B E R I I.

HACTENUS armatæ laudes. Nunc qualibus orbem
 Moribus, & quanto frenet metuendus amore,
 Quo tandem flexus trabeas auctore rogantes
 Induerit, fastisque suum concefferit annum,
 Mitior incipiat fidibus jam Musa remissis. 5

Principio magni custos Clementia mundi;
 Quæ Jovis incoluit zonam, quæ temperat æthram
 Frigoris & flammæ mediam, quæ maxima natu
 Cælicolum, (nam prima Chaos Clementia solvit
 Congeriem miserata rudem, vultuque sereno 10
 Discussis tenebris in lucem secula fudit.)
 Hæc Dea pro templis, & thure calentibus aris
 Te fruitur, posuitque suas hoc pectore fedes.
 Hæc docet, ut poenis hominum vel sanguine pasci

Turpe ferumque putes : ut ferrum Marte cruentum , 15
 Siccum pace , feras : ut non infensus alendis
 Materiem præstes odiis : ut fontibus ultro
 Ignovisse velis : deponas ocios iram ,
 Quam moveas : precibus nunquam implacabilis obstes :
 Obvia prosterias , prostrataque more leonum 20
 Despicias , alacres ardent qui frangere tauros ,
 Transiliunt prædas humiles. Hac ipse magistra
 Das veniam victis. Hac exorante calores
 Horrificos , & quæ nunquam nocitura timentur
 Jurgia , contentus solo terrore , coerces ; 25
 Ætherii patris exemplo : qui cuncta sonoro
 Concutiens tonitru , Cyclopum spicula differt
 In scopulos & monstra maris , nostrique cruoris
 Parcus in Ætæis exercet fulmina silvis.
 Huic Divæ germana Fides , eademque sorori , 30
 Corde tuo delubra tenens , sese omnibus actis
 Inferit. Hæc nullo docuit livefcere fuco :
 Nunquam falsa loqui , nunquam promissa morari :
 Invisos odisse palam : non virus in alto
 Condere , non lætam speciem prætendere frandi ; 35
 Sed certum mentique parem componere vultum.
 Occulto sævire vetat , prodesse remittit.
 Hæc & amicitias longo plus tempore firmat ,
 Mansuroque adamante ligat : nec mobile mutat
 Ingenium ; parvæ strepitu nec vincula noxæ 40
 Dissolvi patitur ; nec fastidire priorem
 Allicitur veniente novo : benefacta tenere ,
 Respuere offensas facilis , pariterque minoris
 Officii magnique memor , superare laborat :

Cl. Claudianus.

N

Utque hostes armis, meritis sic vincit amicos.
Hæc fovet absentes; hæc longe sola remotis
Consult; hæc nullis avidam rumoribus aurem
Pandit, ut ignarum nunquam læsura clientem
Insidiosa tuos alienent murmura sensus.

45

Nec vivis annexus amor meminisse sepultos
Definit: in prolem transcurrit gratia patrum.

50

Hac tu Theodosium, tenuit dum sceptrâ, colebas:

Hac etiam post fata colis: nec pignora curas
Plus tua, quam natos, dederat quos ille monendos
Tutandosque tibi. Justos nimiumque fideles
Fama putat, qui, cum possint commissa negare,
Maluerunt nullo violati reddere quæstu.

55

At Stilicho non divitias, aurique relictum
Pondus, sed geminos axes, tantumque reservat
Depositum teneris, quantum Sol igneus ambit.

60

Quid non intrepidus credas, cui regia tuto
Creditur? Hoc clipeo munitus Honorius altum
Non genuit patrem; vitæque & lucis in ipso
Limine, contemptus nunquam dat jura subactis
Gentibus, & secum sentit crevisse triumphos.

65

Quem tu sic placida formas, sic mente severa;
Ut neque desidiæ tradas, dum pronus ad omne,
Quod libet, obsequeris; nec contra nixus ovantem
Confringas animum; secretus consona regno
Ceu juvenem doceas, moles quid publica poscat;
Ceu sanctum venerere senem, patriisque gubernes
Imperium monitis, dominum submissus adores;
Obsequiis moderere ducem, pietate parentem.

70

Hinc fuit, ut primos in conjuge disceret ignes;

Ordiri que virum non luxuriante juventa , 75
Sed cum lege tori , casto cum foedere , vellet.

Principe tu felix genero : felicior ille
Te socero. Fratrem levior nec cura tuetur
Arcadium : nec , si quid iners atque impia turba , 80
Præ tendens proprio nomen regale furori ,

Audeat , adscribis juveni. Discordia quippe
Cum fremeret , nunquam Stilicho sic canduit ira ,
Sæpe lacessitus probris , gladiisque petitus ,
Ut bello furias ultum , quas pertulit , iret 85
Illicito , causamque daret civilibus armis.

Hujus fulta fide mediis dissensibus aulæ
Intemeratorum stabat reverentia fratrum.

Quin & Sidonias chlamydes , & cingula baccis
Aspera , gemmataque togas , viridesque smaragdo
Loricæ , galeasque renidentes hyacinthis , 90
Gestatosque patri capulis radiantibus enses ,

Et vario lapidum distinctas igne coronas ,
Dividis ex æquo ; ne non Augusta supellex ,
Ornatusque pares geminis heredibus essent.

Mittitur & miles , quamvis certamine partes 95
Jam tumeant. Hostem muniri robore mavis ,
Quam peccare fidem : permittis iusta petenti ,
Idque negas solum , cujus mox ipse repulsa
Gaudeat , & quidquid fuerat deforme mereri.

Omnes præterea , puro quæ crimina pellunt 100
Ore Deæ , junxere choros , unoque receptæ
Pectore diversos tecum cinguntur in usus.
Justitia utilibus rectum præponere suadet ,
Communesque sequi leges , injustaque nunquam

Largiri sociis: durum Patientia corpus 105
 Instruit, ut nulli cupiat cessisse labori:
 Temperies, ut casta petas: Prudentia, ne quid
 Inconsultus agas: Constantia, futile ne quid
 Infirmumque geras. Procul importuna fugantur
 Numina, monstriferis quæ Tartarus edidit antris. 110
 Ac primam scelerum matrem, quæ semper habendo
 Plus sitiens patulis rimatur faucibus aurum,
 Trudis Avaritiam: cujus fidissima nutrix
 Ambitio, quæ vestibulis foribusque potentum
 Excubat, & pretiis commercia pascit honorum, 115
 Pulsa simul. Nec te gurgēs corruptior ævi
 Traxit ad exemplum: qui jam firmaverat annis
 Crimen, & in legem rapiendi verterat usum.
 Denique non dives sub te pro rure paterno,
 Vel laribus pallet: non infidiator oberrat 120
 Facturus quemcunque reum: non obruta virtus
 Paupertate latet. Lectos ex omnibus oris
 Evehis, & meritum, non quæ cunabula, quæris;
 Et qualis, non unde satus. Sub teste benigno
 Vivitur: egregios invitant præmia mores. 125
 Hinc priscae redeunt artes: felicibus inde
 Ingeniis aperitur iter, despectaque Musæ
 Colla levant; opibusque fluens, & pauper eodem
 Nititur ad fructum studio, cum cernat uterque,
 Quod nec inops jaceat probitas, nec inertia surgat 130
 Divitiis. Nec te jucunda fronte fefellit
 Luxuries prædulce malum, quæ dedita semper
 Corporis arbitriis hebetat caligine sensus,
 Membraque Circæis effeminat acrius herbis,

Blanda quidem vultus, sed qua non tetrius ulla
 Ultrices fucata genas, & amicta dolosis 135
 Illecebris torvos auro circumlinit hydros.
 Illa voluptatum multos innexuit hamis:
 Te nunquam conata capit, Non prava libido
 Stupris advigilat: non tempora somnus agendi 140
 Frustratur: nullo citharæ convivia cantu,
 Non pueris lasciva sonant. Quis cernere curis
 Te vacuum potuit? quis tota mente remissum,
 Aut indulgentem dapibus, ni causa juberet
 Lætitia? Non indecores æraria lassant 145
 Expensæ: parvo non improba litera libro
 Absentum condonat opes. A milite parcus
 Diligeris: neque enim neglectas pace cohortes
 Tunc ditas, cum bella fremunt. Scis nulla placere
 Munera, quæ metuens illis, quos spreverit, offert 150
 Serus, & incassum servati prodigus auri.
 Antevenis tempus, non expectantibus ultro
 Munificus, mensæque adhibes, & nomine quæmque
 Compellas clari, quod sub te gesserit olim,
 Admonitor facti; figendaque sensibus addis 155
 Verba, quibus magni geminatur gratia doni.
 Nec si quid tribuas, jactatum sæpius idem
 Exprobrare soles: nec quos promoveris, alto
 Turgidus alloqueris fastu: nec prospera status
 Attollunt nimios. Quin ipsa superbia longe 160
 Discessit, vitium rebus solemne secundis,
 Virtutumque ingrata comes. Contingere passim;
 Affarique licet. Non inter pocula sermo
 Captatur, pura sed libertate loquendi

- Seria quisque joci nulla formidine miscet. 165
 Quem videt Augusti focerum regnique parentem ;
 Miratur conviva parem ; cum tanta potestas
 Civem lenis agat. Te doctus prisca loquentem ;
 Te matura senex audit , te fortia miles ,
 Adspersis salibus , quibus haud Amphiona quisquam 170
 Præferat Aonios meditantem carmine muros ,
 Nec velit Orpheo migrantes pestine filvas.
 Hinc amor , hinc veris & non fallacibus omnes
 Pro te solliciti votis : hinc nomen ubique
 Plaustibus , auratis celebrant hinc ora figuris. 175
 Quæ non incudes streperent ? quæ flamma vacaret
 Fabrilis ? quantis fluereant fornacibus æra
 Effigies ductura tuas ? quis devius esset
 Angulus , aut regio , quæ non pro numine vultus
 Dilectos colerent , talem ni semper honorem 180
 Respueris ? Decus hoc rapiat , quem falsa timentum
 Munera decipiunt , qui se diffidit amari.
 Hoc solus sprevisse potest , qui jure meretur.
 Undique legati properant , generique sub ore
 In tua centenas optant præconia voces. 185
 Grates Gallus agit , quod limite tutus inermi ,
 Et metuens hostile nihil , nova culmina totis
 Ædificet ripis , & sævum gentibus amnem
 Tibridis in morem domibus prævelet amœnis.
 Hinc Pœni cumulant laudes , quod rura tyranno 190
 Libera possideant : hinc obsidione solutus
 Pannonius , potorque Savi , quod clausa tot annis
 Oppida laxatis ausus jam pandere portis
 Rursum cote novat nigras rubigine falces ,

Exeſosque ſitu cogit ſplendere ligones ,
 Agnoſcitque caſas , & collibus oſcula notis
 Figit , & impreſſo glebis non credit aratro.
 Exſectis , inculta dabant quas ſecula , ſilvis
 Reſtituit terras , & opacum vitibus Iſtrum
 Conſerit : & patrium veſtigal ſolvere gaudet ;
 Immunis qui clade fuit. Te ſoſpitem fas eſt
 Vexatum laceri corpus juveneſcere regni.
 Sub tot principibus quæcunque amiſimus olim
 Tu reddis. Solo poterit Stilichone medente
 Creſcere Romanum vulnus teſtura cicatrix ,
 Inque ſuos tandem fines redeunte colono ,
 Illyricis iterum ditabitur aula tributis.

Nec tamen humano cedit cœleſte favori
 Judicium. Cingunt Superi concordibus unum
 Præſidiis , hoſtesque tuos aut litore produnt ,
 Aut totum oppoſiti claudunt fugientibus æquor ,
 Aut in ſe vertunt furiis , aut militis enſe
 Bacchati laniant Pentheo corpora ritu :
 Inſidias retegunt , & in ipſa cubilia fraudum
 Ducunt , cœu tenera venantem nare Moloffi.
 Ominibus ventura notant , aut alite monſtrant ,
 Aut monitos certa dignantur imagine ſomnos.
 Pro quibus innumeræ trabearum inſignia terræ
 Certatim petiere tibi. Poſcentibus ipſe
 Reſtiteras , & mens aliorum prona favori ,
 Iudex dura ſui , ſacibus ſuccenſa pudoris ,
 Tarda verecundis excuſat præmia cauſis.
 Ergo avidæ , tantosque novi ſpe Conſulis annos
 Eluſæ , dominæ pergunt ad limina Romæ :

Si minus annueris precibus, vel cogere certæ
 Cunctantem, votoque moras auferre paratæ,
 Conveniunt ad tecta Deæ, quæ candida lucent
 Monte Palatino. Glaciis tum prima Minervæ
 Nexa comam foliis, fulvaque intexta micantem
 Veste Tagum, tales profert Hispania voces: 230

Cuncta mihi semper Stilicho, quæcunque poposci,
 Concessit, tantumque suos invidit honores.
 Augusti potuit focii contemnere fasces:
 Jam negat & genero. Si non ut ductor, ab orbe,
 Quem regit, accipiat saltem cognatus ab aula. 235
 Exiguumne putet, quod sic amplexus Iberam
 Progeniem nostros immoto jure nepotes
 Sustinet, ut patrium commendet purpura Bætin?
 Quod pulchro Mariæ fecundet germine regnum?
 Quod dominis speratur avus? — Tum flava repexo 240
 Gallia crine ferox, evinctaque torque decoro,
 Binaque gesa tenens, animoso pectore fatur:
 Qui mihi Germanos solus Francosque subegit,
 Cur nondum legitur fastis? Cur pagina tantum
 Nescit adhuc nomen, quod jam numerare decebat? 245
 Usque adeone levis pacati gloria Rheni?

Inde Caledonio velata Britannia monstro,
 Ferro picta genas, cujus vestigia verrit
 Cæculus, Oceanique æstus mentitur amictus;
 Me quoque vicinis pereuntem gentibus, inquit, 250
 Me jovit Stilicho, totam cum Scotus Iernen
 Movit, & infesto spumavit remige Tethys.
 Illius effectum curis, ne tela timerem
 Scythica, ne Picum tremere, ne litore tuto

- Prospicerem dubiis venturum Saxona ventis. -- 255
 Tum spicis & dente comas illustris eburno,
 Et calido rubicunda die, sic Africa saturo:
 Sperabam nullas trabeis Gildone perempto
 Nasci posse moras. Etiam nunc ille repugnat;
 Et tanto dubitat fasces præbere triumpho? 260
 Qui mihi Maurorum penitus lacrimabile nomen
 Ignorare dedit. -- Post has Enotria lentis
 Vitibus intorquens ederas, & palmite largo
 Vina fluens, Si vos adeo Stilichone curules
 Augeri flagratis, ait, quas sola juvare 265
 Fama potest: quanto me dignius incitet ardor;
 Ut præsentem fruar, conscendentemque tribunal
 Prosequar, atque anni pandentem claustra salutem?
 Talibus alternant studiis, Romamque precantes
 Pro cunctis hortantur eat. Nec segnius illa 270
 Paruit officio, sed raptis protinus armis
 Ocior excusso per nubila fidere tendit.
 Transvehitur Tuscos, Apenninusque volatu
 Stringitur: Eridanus clipei jam fulgurat umbra:
 Constitit ante ducem, tetrica nec Pallade vultum 275
 Deterior, nec Marte minor. Tremat orbe corusco
 Jam domus, & summæ tergunt laquearia cristæ.
 Tum prior attonitum gratis affata querelis:
 Servatas, Stilicho, per te, venerande, curules;
 Ornatas nec dum, fateor. Quid profuit anni 280
 Servilem pepulisse notam? Defendis honorem;
 Quem fugis; & spernis, tanta quem mole tueris;
 Respuis oblatum, pro quo labente resistis?
 Quænam causa moræ? Quo me cunctabere rursus

Ingenio? Nullus Boreæ metus, omnis & Austri	285
Ora flet, cecidit Maurus, Germania cessit,	
Et Janum pax alta ligat. Te Consule nec dum	
Digna feror? Titulumne levem, parvique nitoris	
Credimus, Angusti quo se decorare fatentur?	
Sub juga quo gentes captivis Regibus egi?	290
Num, si prodigiis casus natura fururos	
Signat, pollumur macula? Quod reris, Eois	
Omen erat. Quanquam nullis mihi cognita rebus	
Fabula. Vix tanto risit de crimine rumor.	
Opprobrii stat nulla fides, nec litera venit	295
Vulgatura nefas: in quo vel maxima virtus	
Est tua, quod, nostros qui consulis omnia Patres,	
De monstis taceas. Pellendi denique nulla	
Dedecoris sanctum violant oracula cœtum,	
Nec mea funestum versavit Curia nomen.	300
Pars sceleris dubitasse fuit. Quæcunque profana	
Pagina de primo venisset limite Phœbi,	
Ante fretum deleta mihi, ne turpia castis	
Auribus Italiæ fatorum exempla nocerent.	
Publicus ille furor (quantum tua cura peregit!)	305
Secretum meruit. Lætetur quisquis Eous	
Scribere desierit: fastos portenta Gabinos	
Ista latent. Propriam labem tersisse laborent.	
Cur ego, quem nunquam didici sensive creatum,	
Gratuler exemptum? Delicti poenitet illos:	310
Nos nec credidimus. Fuerit tamen omnibus unum	
Crimen, & ad nostras manaverit usque secures:	
Plus ideo sumenda tibi fastigia juris,	
Ne pereat tam priscus honos, qui portus honorum	

Semper erat. Nullo farciri Consule damnum,
 Excepto Stilichone, potest. Bene præcia tempus
 Mens tua distulerat. Titulo tunc crescere posses;
 Nunc per te titulus. Consul succurre gravatis
 Consulibus, quicumque fuit, quicumque futurus.
 Annum redde tuum, quem mox secuta sequatur
 Posteritas, nec jam doleat defensa vetustas.
 Sit trabeis ultor Stilicho, Brutusque repertor.
 Libertas populi primo tunc Consule Brutto
 Reddita per fasces: hic fascibus expulit ipfis
 Servitium: instituit sublimem Brutus honorem:
 Afferuit Stilicho. Plus est servasse repertum,
 Quam quæsisse novum. Quid tardius ore rubenti
 Annis, & solitus frontem circumfluit ignis?
 Tandem vince tuum, qui vincis cuncta, pudorem.
 Hos etiam, quamvis corrumpi munere nullo
 Te certum est, mirare, libens ac suscipe cinctus,
 Quos tibi divino mecum Tritonia duxit
 Pectine. Tincta simul repetito murice fila
 Contulimus penfis, & eodem nevimus auro,
 Aurea quo Lachesis sub te mihi secula texit.
 Hic ego promissam sobolem, sperataque mundo
 Pignora prælusi. Veram mox ipse probabis
 Me vatem, nostræque fidem venientia telæ
 Fata dabunt. -- Dixit, gremioque rigentia profert
 Dona, graves auro trabeas. Insigne Minervam
 Spirat opus. Rutilis hic pingitur aula columnis,
 Et sacri Mariæ partus. Lucina labores
 Solarur: refidet fulgente puerpera lecto.
 Sollicitæ juxta pallefcunt gaudia matris.

Susceptum puerum redimitæ tempora Nymphæ
 Auri fonte lavant. Teneros in flamine risus, 345
 Vagitusque audire putes. Jam creverat infans
 Ore ferens patrem: sed avus maturior ævi
 Martia recturo tradit præcepta nepoti.
 Parte alia spumis fucantem Serica frena 350
 Sanguineis, primæ signatus flore juventæ
 Eucherius flestebat equum, jaculisque vel arcu
 Aurea purpureos tollentes cornua cervos
 Aureus ipse ferit. Venus hic investa columbis
 Tertia regali jungit connubia nexu, 355
 Pennatique nurum circum stipantur Amores
 Progenitam Augustis, Augustorumque sororem:
 Eucherius trepido jam flammea sublevat ore
 Virginis: arridet læto Thermantia fratri.
 Nam domus hæc utroque petit diademata sexu; 360
 Reginasque parit, Reginarumque maritos.
 Talibus invitat donis, dextræque gerendum
 Diva simul porrexit ebur. Sollennibus urnam
 Commovet auspiciis, avibusque incepta secundat.
 Tunc habiles armis humeros Dea vestibus ambit 365
 Romuleis. Latii federunt pectore cultus,
 Loricæque locum decuit toga. Talis ab Istro,
 Vel Scythico victor rediens Gradivus ab axe,
 Deposito mitis clipeo, candentibus urbem
 Ingressitur trabeatus equis: spatiosa Quirinus 370
 Frena regit: currumque patris Bellona cruentum
 Ditibus exuviis, tendens ad sidera quercum,
 Præcedit: listorque Metus cum fratre Pavore
 Barbara ferratis innectunt colla catenis,

Velati galeas lauro : propiusque jugales 375
Formido ingentem vibrat succincta securim.

Vidit ut optato se Consule Roma potitam;

Nunc, ait, Elyfii locos irrumpere campi,
Nunc libet; ut tanti Curii miracula voti 380
Fabriciisque feram, famæ qui vulnere nuper

Calcatam flevit togam. Jam prata choreis

Pulsent, nec rigidos pudeat luisse Catones.

Audiat hoc senior Brutus, Pœnisque tremendi

Scipiadæ, geminis tandem quod libera damnis

Unius auxilio fasces Libyamque recepi. 385

Quod superest, unum precibus, fortissime Consul,

Adde meis, Urbique tuum largire parumper,

Quem rogat, adventum : quam tu belloque fameque

Depulsam terris iterum regnare dedisti.

Splendida suscipiant alium te Rostra Camillum. 390

Ultorem videant servatoremque Quirites,

Et populus, quem ductor ames : quibus Africa per te,

Nec prius auditas Rhodanus jam donat aristas :

Ut mihi vel Massyla Ceres, vel Gallica profit

Fertilitas, messesque vehant nunc humidus Auster, 395

Nunc Aquilo : cunctis direfcant horrea ventis.

Quæ tunc Flaminiam stipabunt millia vulgi !

Fallax o quoties pulvis deludet amorem

Suspensum, veniens omni dum crederis hora !

Spectabunt cupidæ matres, spargentur & omnes 400

Floræ viæ, superes cum Pythia culmina Consul

Arduus, antiqui species Romana Senatus.

Pompejana dabunt quantos proscenia plausus !

Ad cœlum quoties vallis tibi Murcia ducet

Nomen, Aventino Pallanteoque recessu ! 405
 Nunc te conspiciam castris, permitte, relictis,
 Mox & cum genero trabeis visura secundis.

Hæc dum Roma refert, jam fama loquacibus ales
 Pervolat Oceanum linguis, & mille citatos
 Festinare jubet proceres: nullique senectus, 410
 Non iter, hibernis obstant nec flatibus Alpes.
 Vincit amor meriti pridem, clarique vetustis
 Fascibus ad focii properant & vindicis annum.

Sic ubi secunda reparavit morte juventam,
 Et patrios idem cineres, collectaque portat 415
 Unguibus ossa piis, Nilique ad litora tendens
 Unicus extremo Phœnix procedit ab Euro;
 Conveniunt aquilæ, cunctæque ex orbe volucres,
 Ut Solis mirentur avem. Procul ignea lucet
 Ales, odorati redolent cui cinnama busti. 420
 Nec minor in cœlo chorus est, exultat uterque
 Theodosius, Divique tui. Sol ipse quadrigis
 Vere coronatis dignum tibi præparat annum.

Est ignota procul, nostræque impervia menti
 Vix adenda Deis, annorum squalida mater, 425
 Immensi spelunca ævi, quæ tempora vasto
 Suppeditat revocatque sinu. Complectitur antrum,
 Omnia qui placido consumit numine, serpens,
 Perpetuumque viret squamis, caudamque reducto.
 Ore vorat, tacito relegens exordia lapsu. 430
 Vestibuli custos vultu longæva decoro
 Ante fores Natura sedet, cunctisque volantes
 Dependunt membris animæ. Mansura verendus
 Scribit jura senex, numeros qui dividit altris,

Et cursus stabilesque moras, quibus omnia vivunt 435

Ac pereunt fixis cum legibus. Ille recenset

Incertum quid Martis iter, certumque Tonantis

Proficiat mundo; quid velox semita Lunæ,

Pigraque Saturni: quantum Cytherea sereno

Curriculo, Phœbique comes Cyllenius, erret. 440

Illius ut Phœbus ad limen constitit antri,

Occurrit Natura potens, seniorque superbis

Canitiem inclinat radiis. Tunc sponte reclusos

Laxavit postes adamas. Penetrare profundum

Panditur, & sedes ævique arcana patescunt. 445

Hic habitant vario faciem distincta metallo

Secula cæta locis: illic glomerantur aena.

Hic ferrata rigent, illic argentea cudent.

Eximia regione domus, contingere terris

Difficiles, stabant rutili, grex aureus, anni: 450

Quorum præcipuum pretioso corpore Titan

Signandum Stilichone legit. Tunc imperat omnes

Pone sequi; dictisque simul compellat euntes:

En, cui distulimus melioris secla metalli,

Consul adest. Ite optati mortalibus anni. 455

Ducite virtutes, hominum florescite rursus

Ingeniis, hilares Baccho frugumque feraces.

Non inter geminos anguis glaciale Triones

Sibilet, immodico nec frigore sæviat Urfa.

Non torvo fremit igne Leo, nec brachia Cancri 460

Urat atrox æstas, madidæ nec prodigus urnæ

Semina prærupto dissolvat Aquarius imbre.

Phrixæus roseo producat fertile cornu

Ver Aries: pingues nec grandine tundat olivas

Scorpius. Autumni maturet germina Virgo. 468
 Lenior & gravidis allatret Sirius uvis.

Sic fatus, croceis rorantes ignibus hortos
 Ingreditur, vallemque suam, quam flammeus ambit
 Rivus, & irriguis largum jubar ingerit herbis,
 Quas Solis pascuntur equi. Fragrantibus inde 470
 Cæsariem fertis, & lutea lora jubaſque
 Subligat alipedum: gelidas hinc Lucifer ornat;
 Hinc aurora comas: juxtaque arridet habenis
 Aureus, & nomen prætendit Consulis, Annus:
 Inque novos iterum revoluto cardine cursus 475
 Scribunt æthereis Stilichonem fidera fastis.

X XIII
CL. CLAUDIANI
IN LIBRUM III
D E
CONSULATU
STILICHONIS
P R Æ F A T I O:

MAJOR Scipiades, Italis qui solus ab oris
 In proprium vertit Punica bella caput,
 Non sine Pieriis exercuit artibus arma:
 Semper erat vatum maxima cura duci.
 Gaudet enim virtus testes sibi jungere Musas:
 Carmen amat, quisquis carmine digna gerit.
 Ergo seu patriis primævus manibus ultor
 Subderet Hispanum legibus Oceanum,
 Seu Tyrias certa fracturus cuspide vires
 Inferret Libyco signa tremenda mari;
 Hærebat doctus lateri, castrisque solebat
 Omnibus in medias Ennius ire tubas.
Cl. Claudianus.

5

10

O

210 *CLAUD. DE CONS. STIL. L. III. PRÆF.*

Illi post lituos pedites favere canenti,
Laudavitque nova cæde cruentus eques.
Cumque triumpharet gemina Carthagine victa, 15
(Hanc vindex parris vicerat, hanc patriæ)
Cum longi Libyam tandem post funera belli
Ante suas mœstam cogeret ire rotas;
Advexit reduces secum Victoria Musas,
Et sertum vati Martia laurus erat. 20
Noster Scipiades Stilicho, quo concidit alter
Hannibal, antiquo sævior Hannibale.
Te mihi post quinos annorum, Roma, recursus
Reddidit, & votis jussit adesse suis.

XXIV

CL. CLAUDIANI

DE

CONSULATU

STILICHONIS

LIBER III.

QUEM populi plausu, procerum quem voce petebas;
 Adspice, Roma, virum. Jam tempora desine longæ
 Dinumerare viæ, visoque assurgere semper
 Pulvere. Non dubiis ultra torquere votis.
 Totus adest oculis, aderat qui mentibus olim;
 Spe major, fama melior. Venerare curulem,
 Quæ tibi restituit fasces. Complectere dextram;
 Sub juga quæ Pœnos iterum Romana redegit.
 Excipe magnanimum pectus, quo frena reguntur
 Imperii, cujus libratur sensibus orbis.
 Os sacrum, quod in ære colis, miraris in auro,
 Cerae libens. Hic est felix bellator ubique,

5

10

O 2

Defensor Libyæ, Rheni pacator & Istri.

Ostentare suos prisco si more labores,
Et gentes cuperet vulgo monstrare subactas: 15

Certarent utroque pares a cardine laurus.

Hæc Alamanorum spoliis, Australibus illa

Ditior exuviis. Illinc flavente Sicambri

Cæsarie, nigris hinc Mauri crinibus irent.

Ipse albis veheretur equis, currumque secutus 20

Laurigerum, festo fremuisset carmine, miles.

Hi famulos traherent Reges: hi facta metallo

Oppida, vel montes captivæque flumina ferrent.

Hinc Libyci fractis lugerent cornibus amnes:

Inde catenato gemeret Germania Rheno. 25

Sed non immodicus proprii jactator honoris

Consul, Roma, tuus. Non illum præmia tantum,

Quam labor ipse juvat. Strepitus fastidit inanes,

Inque animis hominum pompa meliore triumphat.

Non alium certe Romanæ clarius arces 30

Suscipere ducem, nec cum cedente rediret

Fabritius Pyrrho, nec cum Capitolia curru

Pellææ domitor Paullus conscenderet aulæ.

Nec similis Latias patefecit gloria portas,

Post Numidas Mario, post classica Martis Eoi 35

Pompejo. Nulli pars æmula defuit unquam,

Quæ gravis obstreperet laudes; stimulisque malignis

Facta sequebatur, quamvis ingentia, livor.

Solus hic invidiæ fines virtute reliquit,

Humanumque modum. Quis enim livescere possit; 40

Quod nunquam pereant stellæ? quod Jupiter altum

Possideat cælum? quod noverit omnia Phœbus?

Est aliquod meriti spatium, quod nulla furentis
 Invidiæ mensura capit. Ductoribus illis
 Præterea divisus erat favor. Æquior ille 45
 Patribus, invisus plebi: popularibus illi
 Munito studiis languebat gratia Patrum.
 Omnis in hoc uno variis discordia cessit
 Ordinibus. Lætatur Eques, plauditque Senator;
 Votaque patricio certant plebeja favori. 50

O felix, servata vocat quem Roma parentem:
 O mundi communis amor, cui militat omnis
 Gallia, quem Regum thalamis Hispania nectit,
 Cujus & adventum crebris petiere Quirites
 Vocibus, & genero meruit præstante Senarus? 55
 Non sic virginibus flores, non frugibus imbres,
 Prospera non lassis optantur flamina nautis,
 Ut tuus adspectus populo. Quæ numine tanto
 Litora fatidicas attollunt Delia lauros,
 Venturi quoties affulget Apollinis arcus? 60
 Quæ sic aurifero Pactoli fonte tumescit
 Lydia, cum domitis apparuit Evius Indis?
 Nonne vides, & plebe vias, & testâ latere
 Matribus? Hic, Stilicho, cunctis inopina reluxit.
 Te victore salus! Septem circumspice montes, 65
 Qui Solis radios auri fulgore laceffunt,
 Indutosque arcus spoliis, æquataque templa.
 Nubibus, & quidquid tanti struxere triumphi.
 Quantum profueris, quantam servaveris urbem,
 Attonitis metire oculis. Hæc fabula certe 70
 Cuncta forent, si Poenus adhuc incumberet Austro.

Mos erat in veterum castris, ut tempora quæron

Velaret; validis qui fuso viribus hoste
 Cafurum morti potuit subducere civem.
 At tibi quæ poterit pro tantis civica reddi
 Moenibus? aut quantæ pensabunt facta coronæ?
 Nec solam populi vitam debere fatetur
 Armis Roma tuis; sed, quo jucundior esset
 Lucis honoratæ fructus, venerabile famæ
 Pondus, & amissas vires & regna recepit. 75
 Jam non prætumidi supplex Orientis ademtam
 Legatis poscit Libyam, famulosve precatur,
 Dictu turpe, suos: sed robore freta Gabino
 Te duce Romana tandem se vindicat ira.
 Ipsa jubet signis, bellaturoque togatus 85
 Imperat, expectant aquilæ decreta Senatus.
 Ipsa tibi trabeas ultro dedit: ipsa curulem
 Obrulit. Hæc ultro fastos ornare coegit.
 Nil perdit decoris prisci, nec libera quærit
 Secula, cum donet fasces, cum prælia mandet. 90
 Seque etiam crevisse videt. Quis Gallica rura,
 Quis meminit Latio Senonum servisse ligones?
 Aut quibus exemplis secunda Tibris ab Arcto
 Vexit Lingonico sudatas vomere messes?
 Illa seges non auxilium modo præbuit Urbi, 95
 Sed fuit indicio, quantum tibi, Roma, liceret.
 Admonuit Dominæ gentes, instarque tropæi
 Rettulit ignotum gelidis vestigal ab oris.
 Hoc quoque majestas auget plena Quirini,
 Rectores Libyæ populo quod iudice pallent; 100
 Et post emeritas moderator quisque secures
 Discrimen letale subit: quid Pœnus arator

Intulerit, madidus quantum trans miserit Auster.
 Ardua qui late terris responsa dedere,
 Hinc trepidant humiles. Tremuit quos Africa nuper, 105
 Cernunt Rostra reos. Cui virtutibus ævi
 Materiem pandit Stilicho, populumque vetusti
 Culminis immemorem dominandi rursus in usum
 Excitat, ut magnos calceet metuendus honores,
 Pendat iustitia crimen, pietate remittat 110
 Errorem, purosque probet, damnetque nocentes,
 Et patrias iterum clemens exerceat artes.
 Fallitur, egregio quisquis sub principe credit
 Servitium. Nunquam libertas gratior exstat,
 Quam sub Rege pio. Quos præficit ipse regendis 115
 Rebus, ad arbitrium plebis patrumque reducit:
 Conceditque libens, meritis seu præmia poscant,
 Seu punire velint. Posito jam purpura fastu
 De se iudicium non indignatur haberi.
 Sic docuit regnare focer: sic cauta iuventæ 120
 Frena dedit: teneros his moribus induit annos
 Verior Augusti genitor, fiducia belli,
 Pacis consilium; per quem squalore remoto
 Pristina Romuleis in floruit arcibus ætas:
 Per quem fracta diu, translataque pæne potestas, 125
 Non oblita sui, servilibus exsulat arvis;
 In proprium sed ducta Larem, victricia reddit
 Fata solo, fruiturque iterum, quibus hæserat olim,
 Auspiciis, capique errantia membra reponit.
 Proxime Dis Consul, qui tantæ prospicis Urbi, 130
 Qua nihil in terris complectitur altius æther:
 Cujus nec spatium visus, nec corda decorem,

Nec laudem vox ulla capit : quæ luce metalli
 Æmula vicinis fastigia conferit astris :
 Quæ septem scopulis zonas imitatur Olympi , 135
 Armorum legumque parens : quæ fundit in omnes
 Imperium , primique dedit cunabula juris.
 Hæc est , exiguis quæ finibus orta tetendit
 In geminos axes , parvaque a sede profectas
 Disperfit cum Sole manus. Hæc obvia fatis , 140
 Innumeras uno gereret cum tempore pugnas ;
 Hispanas caperet , Siculas obsideret urbes ,
 Et Gallum terris prosterneret , æquore Pœnum ;
 Nunquam succubuit damnis , & territa nullo
 Vulnere , post Cannas major Trebiamque fremebat : 145
 Et cum jam premerent flammæ , murumque feriret
 Hostis , in extremos aciem mittebat Iberos.
 Nec stetit Oceano : remisque ingressa profundum
 Vincendos alio quæsit in orbe Britannos.
 Hæc est , in gremium victos quæ sola recepit , 150
 Humanumque genus communi nomine fovit ,
 Matris , non dominæ , ritu : civesque vocavit ,
 Quos domuit , nexuque pio longinqua revinxit.
 Hujus pacificis debemus moribus omnes ,
 Quod veluti patriis regionibus utitur hospes : 155
 Quod sedem mutare licet : quod cernere Thulen
 Lusus , & horrendos quondam penetrare recessus :
 Quod bibimus passim Rhodanum , potamus Orontem ;
 Quod cuncti gens una sumus. Nec terminus unquam
 Rômanæ ditionis erit. Nam cetera regna 160
 Luxuries vitiis , odiisque superbia , vertit.
 Sic male sublimes fregit Spartanus Athenas :

Atque idem Thebis cecidit. Sic Medus ademit
 Assyrio, Medoque tulit moderamina Perles.
 Subjecit Macedo Persen, cessurus & ipse 165
 Romanis. Hæc auguriis firmata Sibyllæ,
 Hæc sacris animata Numæ: huic fulmina vibrat
 Jupiter: hanc tota Tritonia Gorgone velat.
 Arcanas huc Vesta faces, huc Orgia Bacchus
 Transtulit, & Phrygios genitrix turrita leones. 170
 Huc defensurus morbos Epidaurius hospes
 Reptavit placido tractu, vestumque per undas
 Insula Pæonium texit Tiberina draconem.

Hanc tu cum Superis, Stilicho præclare, tueris.
 Protegis hanc clipeo matrem regumque ducumque, 175
 Præcipueque tuam. Dedit hæc exordia lucis
 Eucherio, puerumque ferens hic regia mater
 Augusto monstravit avo: lætatus at ille
 Sustulit in Tyria reptantem veste nepotem.
 Romaque venturi gaudebat præscia fati, 180
 Quod te jam tanto meruisset pignore civem.

Nec tamen ingratum, nec qui benefacta referre
 Nesciat, hunc credas populum. Si volvere præcos
 Annales libeat, quoties hic prælia sumsit
 Pro sociis, quoties dono concessit amicis 185
 Regibus Ausonio quæsitæ sanguine terras!
 Publica sed nunquam tanto se gratia fudit
 Assensu. Quis enim princeps hoc omnibus egit
 Obsequiis, dominum sese patremque vocari,
 Quod tibi continuis resonant convexa diebus? 190
 Macte novis Consul titulis. Mavortia plebes
 Te dominum, Bruto non indignante, fatetur.

Et quod adhuc nullo potuit terrore subacta
 Libertas Romana pati, Stilichonis amori
 Detulit. Exsultant avidi quocunque decorus
 195 Conspiciare loco, nomenque ad sidera tollunt.
 Nec vaga dilecto satiantur lumina vultu :
 Seu circum trabeis fulgentibus aureus intres :
 Seu celebres ludos : folio seu fultus eburno
 200 Cingas jure forum : densi seu turbine vulgi
 Circumfusa tuæ conscendant Rostra secures.
 Quæ vero procerum voces, quam certa fuere
 Gaudia, cum totis exsurgens ardua pennis
 Ipsa duci sacras Victoria panderet alas !
 205 O palma viridi gaudens, & amicta tropæis,
 Custos imperii virgo, quæ sola mederis
 Vulneribus, nullumque doces sentire laborem :
 Seu tibi Dictææ placuerunt astra Coronæ:
 Seu magis æstivo sedes vicina Leoni :
 Seu sceptrum sublime Jovis, seu Pallados ambis
 210 Ægida : seu fessi mulces suspiria Martis :
 Adsis perpetuum Latio, votisque Senatus
 Annue, Diva, tui. Stilicho tua sæpius ornet
 Limina, teque simul rediens in castra reducat,
 Hunc bellis comitare favens : hunc redde togatum
 215 Consiliis. Semper placidis te moribus egit,
 Servavitque piam victis, nec polluit unquam
 Laurum sævitia, cives nec fronte superba
 Despicit, aut trepidam vexat legionibus Urbem.
 Sed verus patriæ Consul, cessantibus armis,
 220 Contentus lictore venit, nec inutile quærit
 Ferri præsidium, solo munitus amore :

Magnarum nec parvus opum geminare profundas
 Distulit impensas : sed post miracula castris
 Edita vel genero , Romæ majora reservat. 215
 Auratos Rhodiis imbres , nascente Minerva ,
 Indulxisse Jovem perhibent : Bacchoque paternum
 Jam pulsante semur , mutatus palluit Hermus
 In pretium : votique famem passurus avari
 Ditabat rutilo , quidquid Mida tangeret , auro : 230
 Fabula , seu verum , canitur ; tua copia vincit
 Fontem Hermi , tactumque Midæ , pluviamque Tonantis.
 Obscurat veteres , obscurabitque futuras
 Par donis armisque manus. Si solveret ignis ,
 Quas dedit immanes vili sub pondere , massas : 235
 Argenti potuere lacus & flumina fundi.
 Nec tibi , quæ pariter silvis dominaris & astris ,
 Exiguam Stilicho movit , Latonia , curam.
 Tu quoque nobilibus spectacula nostra laboras
 Illustrare seris , summoque in vertice rupis 240
 Alpinæ socias arcu cessante pudicas ,
 Et pharetratarum comitum inviolabile cogis
 Concilium. Veniunt humeros & brachia nudæ ,
 Armatæque manus jaculis , & terga sagittis ;
 Incomtæ , pulchræque tamen. Sudoribus ora 245
 Pulverulenta rubent : sexum nec cruda fatetur
 Virginitas : sine lege comæ : duo cingula vestem
 Crure tenus pendere vetant. Præcedit amicas
 Flava Leontodame. Sequitur nutrita Lyceo
 Nebrophone , telisque domat quæ Mænala Thero. 250
 Ignea Cretæa properat Britomartis ab Ida ,
 Et cursu Zephyris nunquam cessura Lycaste.

Jungunt se geminæ, metuenda feris Hecæerge:
 Et foror, optatum numen venantibus, Opis,
 Progenies Scythiæ. Divas nemorumque potentes 255
 Fecit Hyperboreis Delos prælata pruinis.

Hæ septem venere duces. Exercitus alter
 Nympharum incedunt, acies formosa Dianæ,
 Centum Taygeti, centum de vertice Cynthi,
 Et totidem casto genuit quas flumine Ladon. 260
 Has ubi collectas vidit, sic Delia cœpit:

O focia, mecum thalami quæ jura perosa
 Virgineo gelidos percurritis agmine montes,
 Cernitis ut Latio Superi communibus ornent
 Hunc annum studiis? quantos Neptunus equorum 265
 Donet ab orbe greges; laudi quam nulla canendæ
 Fratrís plectra vacent? Nostram quoque sentiat idem,
 Quam meritis debemus, opem. Non spicula poscit
 Ille labor; maneant clausis nunc sicca pharetris:
 Omnis & a solitis noster venatibus arcus 270

Temperet, in solam cruor hic servetur arenam.
 Retibus, & clathris dilata morte tenendæ
 Ducendæque feræ. Cupidas arcete sagittas.
 Consulis in plausum casuris parcite monstis.
 Acceleret divisa manus: mihi cursus anhelas 275
 Tenditur ad Syrtes. Mecum Dictæa Lycaste
 Et comes Opis eat. Steriles juvat ire per æstus.

Namque feras aliis tellus Maurusia donum
 Præbuit: huic soli debet, ceu victa, tributum.
 Dum nos horribiles Libyæ scrutamur alumnos, 280
 Europæ vos interea perquirite saltus,
 Et scopulos. Posita ludat formidine pastor,

Securisque canat Stilichonem fistula filvis.

Pacet muneribus montes qui legibus urbes.

Dixit, & exemplo frondosa fertur ab Alpe 285

Trans pelagus. Cervi currum subiere jugales,

Quos decus esse Deæ primi sub limine cœli

Roscida secundis concepit Luna cavernis.

Par nitor intactis nivibus. Frons discolor auro

Germinat, & spatio summas æquantia fagos 290

Cornua ramofo surgunt procera metallo.

Opis frena tenet, fert retia rara Lycaste,

Auratasque plagas: immortalesque Molossi

Latrantes mediis circum juga nubibus ibant.

Quinque aliæ paribus (Phœbe sic jusserat) armis 295

Diversa regione ruunt; ducuntque cohortem

Quæque suam. Variæ formis & gente sequuntur

Ingenioque canes: illæ gravioribus aptæ

Morsibus, hæ pedibus celeres, hæ nare sagaces:

Hirsutæque fremunt Cressæ, tenuesque Lacænæ, 300

Magnaque taurorum fracturæ colla Britannæ.

Dalmatiæ lucos abruptaque brachia Pindi

Sparsa comam Britomartis agit. Tu Gallica cingis

Lustra, Leontodame, Germanorumque paludes

Eruis, & si quis defensus arundine Rheni 305

Vastus aper nimio dentes curvaverit ævo.

Nubiferas Alpes, Apenninique recessus,

Garganique nives Hecærge promta fatigat.

Speluncas canibus Thero rimatur lberas,

Informesque cavis urfos detrudit ab antris, 310

Quorum sæpe Tagus manantes sanguine rictus

Non fatiavit aquis, & quos jam frigore segnes

Pyrenæa tegit latebrofis frondibus ilex.
 Cyrneis Siculisque jugis venata virago
 Nebrophone, cervos aliasque in vincula cogit 315
 Non sævas pecudes, sed luxuriantis arenæ
 Delicias, pompam nemorum. Quodcunque tremendum
 Dentibus, aut insigne jubis, aut nobile cornu,
 Aut rigidum setis, capitur: decus omne timorque
 Silvarum. Non cauta latent: non mole resistunt 320
 Fortia: non volucris fugiunt pernicia cursu.
 Hæc laqueis innexa gemunt: hæc clausa feruntur
 Ilignis domibus. Fabri nec tigna polire
 Sufficiunt. Rudibus sagis texuntur & ornīs
 Frondentes cavæ. Ratibus pars ibat onustis 315
 Per freta, vel fluvios. Exsanguis dextera torpet
 Remigis, & propriam metuebat navita mercem.
 Per terram pars ducta rotis, longoque morantur
 Ordine plaustra vias, montani plena triumphī.
 Et fera sollicitis vehitur captiva juvenis, 330
 Explebat quibus ante famem: quotiesque reflexi
 Conspexere boves, pavidi temone recedunt.
 Jamque pererratis Libyæ flagrantibus oris,
 Legerat eximios Phœbi germana leones,
 Hesperidas qui sæpe fugant, ventoque citatis 335
 Terrificant Atlanta jubis, armenta longe
 Vastant Æthiopum, quorumque impune fragosa
 Murmura pastorum nunquam venere per aures.
 Non illos tædæ ardentes, non strata superne
 Lapsuro virgulta solo, non vocibus hædi 340
 Pendentis stimolata fames, non fossa sefellit.
 Ulro se voluere capi, gaudentque videri

Tantæ præda Deæ. Respirant pascua tandem.
 Agricolæ referant jam tuta mapalia Mauri.
 Tum virides pardos, & cetera colligit Austri 345
 Prodigia, immanesque simul Latonia dentes,
 Qui secti ferro in tabulas, auroque micantes,
 Inscripti rutilum cælato Consule nomen
 Per proceres & vulgus eant. Stupor omnibus Indis
 Plurimus, ereptis elephas inglorius errat 350
 Dentibus. Infedit nigra cervice gementum,
 Et fixum Dea quassat ebur, penitusque cruentis
 Stirpibus avulsis patulos exarmat hiatus.
 Ipsos quin etiam nobis miracula vellet
 Ducere; sed pigra cunctari mole veretur. 355
 Tyrrhenas fetus Libycos amplexa per undas
 Classica turba sonat: caudamque a puppe retorquens
 In proram jacet usque leo. Vix sublevar unum
 Tarda ratis. Fremus stagnis auditur in imis,
 Cunctaque profiliunt cete, terrenaque Nereus 360
 Confert monstra suis: & non æquare fatetur.
 Æquora sic victor quoties per rubra Lyæus
 Navigat, intorquet clavum Silenus, & acres
 Insudant tonsis Satyri, taurinaque pulsu
 Baccharum Bromios invitant tympana remos. 365
 Transtra ligant ederæ: malum circumflua vestit
 Pampinus: antennis illabatur ebria serpens,
 Perque mero madidos currunt saliantque rudentes
 Lynces, & insolitæ mirantur carbasæ tigres.

X X V

CL. CLAUDIANI
IN LIBRUM
DE BELLO GETICO
PRÆFATIO.

POST refides annos longo velut excita somno ..
 Romanis fruitur nostra Thalia choris.
 Optatos renovant eadem mihi culmina coetus,
 Personat & noto Pythia vate domus.
 Consulis hic fasces cecini, Libyamque receptam. 5
 Hic mihi prostratis bella canenda Getis.
 Sed prior effigiem tribuit successus ahenam,
 Oraque patricius nostra dicavit honos.
 Annuit hunc princeps titulum poscente Senatu,
 Respice; judicium quam grave, Musa, subis! 10
 Ingenio minuit merces properata favorem.
 Carminibus veniam præmia tanta negant:
 Et magis intento studium censore laborat,
 Quod legimur medio conspiciamurque foro.

CLAUD. DE BELLO GETICO PRÆF. 225.

Materies tamen ipsa juvat, solitumque timoris

19

Dicturo magna sedula parte levat.

Nam mihi conciliat gratas impensus aures

Vel meritum belli, vel Stilichonis amor:

Cl. Claudianus.

* P

XXVI

CL. CLAUDIANI

D. E.

BELLO GETICO

LIBER.

INTACTI cum claustra freti coeuntibus æquor
 Armatum scopulis audax irrumperet Argo,
 Ætnam Colchosque petens; propiore periclo
 Omnibus attonitis solus post numina Tiphys
 Incolumem tenui damno servasse carinam
 Fertur, & ancipitem montis vitasse ruinam,
 Déceptoque vagæ concursu rupis in altum
 Viſtricem duxiſſe ratem. Stupuere superbæ
 Arte viri domitæ Symplegades; & nova paſſæ
 Jura ſoli, cunctis faciles jam puppibus hærent,
 Ut vinci didicere ſemel. Quod ſi ardua Tiphyn
 Navis ob innocuæ meritum ſic gloria vexit:
 Quæ tibi pro tanti pulſo discrimine regni
 Sufficiant laudes, Stilicho? Licet omnia vates

In majus celebrata ferant, ipsamque secandis 15
 Argois trabibus jaſcent ſudaffe Minervam;
 Nec nemoris tantum junxiſſe carentia ſenſu
 Robora, ſed cæſo Tmarii Jovis augure luco;
 Arbore præſaga tabulas animaffe loquaces.
 Plurima ſed quamvis variis miracula monſtris 20
 Ingeminent teneras vincturo carmine mentes;
 Harpyiasque truces, inſopitiſque reſuſum
 Traſtibus aurati cuſtodem velleris anguem,
 Et juga taurorum rapidis ambuſta favillis,
 Et virides galeis fulcos, ſetaſque novales 25
 Martis, & in ſegetem creſcentis ſemina belli:
 Nil veris æquale dabunt. Prohibere rapaces
 Scilicet Harpyias, unaque excludere menſa
 Nobilior titulus, quam tot potuiſſe paratas
 In Latii prædam Geticas avertere fauces? 30

Anne ego terrigenas potius mirabor in ipſis
 Procubuiſſe ſatis, vitæ quibus attulit idem
 Principium finemque dies; quam cæſa Getarum
 Agmina, quos tantis aluit Bellona tropæis,
 Totaque ſub galeis Mavortia canuit ætas? 35

Per te namque unum mediis exuta tenebris
 Imperio ſua forma redit, clauſtrisque ſolutæ
 Triſtibus exſanguis audent procedere leges.
 Jamque poteſtates præſcus diſcriminat ordo
 Juſtitia, quas ante pares effecerat una 40
 Nube timor. Tua nos urgenti dextera leto
 Eripuit; teſtisque ſuis redduntur & agris
 Damnati fato populi, virtute renati.

Jam non in pecorum morem formidine clauſi

Prospicimus sævos campis ardentibus ignes: 45
 Alta nec incertis metimur flumina votis
 Excidio latura moram: non poscimus amnes
 Undosam servare fidem, nubefque fugaces,
 Aut conjuratum querimur splendere serenum.
 Ipsa quoque interius furiis exercita plebis 50
 Securas jam Roma levat tranquillior arces.
 Surge, precor, veneranda parens, & certa secundis
 Fide Deis, humilemque metum depone senectæ,
 Urbs æquæva polo. Tum demum ferrea sumet 55
 Ius in te Lachesis, cum sic mutaverit axem
 Federibus natura novis, ut flumine verso
 Irriget Ægyptum Tanais, Mæotida Nilus,
 Eurus ob occasu, Zephyrus se prodat ab Indis;
 Caucasique jugis calido nigrantibus Austro
 Gerulas Aquilo glacie constringat arenas. 60
 Fatales hucusque manus, crebrisque notatæ
 Prodigijs abiere minæ: nec fidera pacem
 Semper habent, ipsumque Jovem turbante Typhæo;
 Si fas est, tremuisse ferunt, cum brachia centum
 Montibus armaret totidem, spiramque retorquens 65
 Lamberet attonitas erectis anguibus Arctos.
 Quid mirum, si regna labor mortalia vexat?
 Cum gemini fratres, genuit quos asper Alceus,
 Martem subdiderint vinclis, & in altra negatas
 Tentarint munire vias, steteritque revulsis 70
 Pæne tribus scopulis cœlesti machina bello.
 Sed caret eventu nimius furor: improba nunquam
 Spes lætata diu: nec pervenere juventæ
 Robur Aloïdæ. Dum vellere Pelion Otus

Nititur, occubuit Phoebo; moriensque Ephialtes
In latus obliquam projecit languidus Ossam. 75

Adspice, Roma, tuum jam vertice celsior hostem:
Adspice, quam rarum referens inglorius agmen
Italia detrusus eat, quantumque priori
Dissimilis, qui cuncta sibi cessura ruenti 80

Pollicitus patrii numen juraverat Istri,
Non nisi calcatis loricam ponere Rostris.
O rerum fatique vices! Qui foeda parabat
Romanas ad supra nurus, sua pignora vidit
Conjugibus permixta trahi. Qui mente profunda. 85

Hauferat Urbis opes, ultro victoribus ipse
Præda fuit. Nostri quondam qui militis auro
Aggressus tentare fidem, desertus ab omni
Gente sua, manibusque redit truncatus & armis.

Hoc quoque quod veniam leti valere mereri,
Si possitis pendas odiis, ignoscere pulchrum.
Jam misero, poenæque genus vidisse precantem.

Quæ vindicta prior, quam cum formido superbos
Flestit, & assuetum spoliis affligit egestas?

Sed magis ex aliis fluxit clementia causis,
Consulitur dum, Roma, tibi. Tua cura coegit. 95

Inclusis aperire fugam, ne peior in arcto
Sæviret rabies venturæ conscia mortis.

Nec tanti nomen stirpemque abolere Getarum,
Ut propius peterere, fuit. Procul arceat altus. 100

Jupiter, ut delubra Numæ, sedemque Quirini
Barbaries oculis saltem temerare profanis

Possit, & arcanum tanti deprendere regni.

Quamquam, si veterum certamina rite recordor,

- Tunc etiam, pulchra cum libertate vigerent, 105
 Et proprio late florent milite Patres,
 Semper ab his famæ petiere insignia bellis,
 Quæ diversa procul tuto trans æquora vires
 Exercere dabant. Currus regumque catervæ
 Inter abundantis fati ludibria ductæ. 110
 At vero Italiam quoties circumstetit atrox
 Tempestas, ipsumque caput læsura pendit;
 Non illis vani ratio ventosa favoris,
 Sed graviter spectata salus, ductorque placebat,
 Non qui præcipiti traheret simul omnia casu, 115
 Sed qui maturo vel læta vel aspera rerum
 Consilio momenta regens, nec tristibus impar,
 Nec pro successu nimius, spatiumque morandi,
 Vincendique modum mutatis nosset habenis.
 Cautius ingentes morbos, & proxima cordi 120
 Ulcera Pæoniæ tractat solertia curæ,
 Parcendoque secat, ferro ne largius acto
 Irrevocandus ear seclis vitalibus error.
 Sublimi certe Curium canit ore vetustas,
 Æaciden Italo pepulit qui litore Pyrrhum. 125
 Nec magis insignis Pauli Mariique triumphus,
 Qui captos niveis reges egere quadrigis.
 Plus fuga laudatur Pyrrhi, quam vincla Jugurthæ.
 Et quamvis gemina fessum jam clade fugarit,
 Post Decii lituos, & nulli pervia culpæ 130
 Pectora Fabricii, donis invicta vel armis,
 Plena datur Curio pulsi victoria Pyrrhi.
 Quanto majus opus solo Stilichone peractum
 Cernimus! Hic validam gentem, quam dura nivosis

DE BELLO GETICO.

Educat Urſa plagis, non Chaonas atque Moloffos, 238
 Quos Epirus alit, nec Dodonæa ſubegit 239
 Agmina, fatidicam fruſtra jaſtantia quercum.
 Primus fulmineum lento luctamine Pœnum
 Compreſſit Fabius: campo poſt auſus aperto
 Marcellus vinci docuit: ſed tertia virtus 240
 Scipiadæ Latiis tandem deterruit oris.
 Unus in hoc Stilicho diverſis artibus hoſte
 Tres potuit ſuperare duces, fregitque furentem
 Cunctando, vicitque manu, victumque relegat.
 Atque hæc tanta brevi miſcentem incendia Pyrrhum 243
 Suſtinuit toto mœrens Œnotria luſtro,
 Et prope ter ſenas Itali per graminis herbas
 Maſſylus Pœno ſonipes vaſtante cucurrit,
 Hannibalemque ſenem vix ad ſua reppulit arva
 Vindex ſera patrum poſt bellum nata juventus. 250
 Hic celer effecit, bruma ne longior una
 Eſſet hiems rerum, primis ſed meſſibus æſtas
 Temperiem cœlo pariter belloque referret.
 Sed quid ego Hannibalem contra, Pyrrhumque tot annis
 Certatum memorem? cum illis Spartacus omne 255
 Per laſus Italiæ ferro bacchatus & igni,
 Conſulibusque palam toties congreſſus, inertes
 Exuerit caſtris dominos, & ſtrage pudenda
 Fuderit imbelles aquilas ſervilibus armis.
 Nos terrorum expers, & luxu mollior ætas 260
 Deficimus queruli, ſi bos abductus aratro,
 Si libata ſeges. Non hanc ergaſtula nobis
 Immiſere manum, nec conjurantis arenæ
 Turba fuit. Qualem Stilicho dejeçit hoſtem,

Thraces & Æmonii poterunt Mœsique fateri. 165
 Frigida ter decies nudatum frondibus Æmum
 Tendit hiems vestire gelu; totidemque solutis
 Ver nivibus viridem monti reparavit amictum,
 Ex quo jam patrios gens hæc oblita Triones,
 Atque Istrum transvecta semel vestigia fixit 170
 Threicio funesta solo; seu fata vocabant,
 Seu gravis ira Deum, seriem meditata ruinis.
 Ex illo, quocunque vagos impegit Erinnyes,
 Grandinis aut morbi ritu per devia rerum
 Præcipites per clausa ruunt. Nec contigit ullis 175
 Amnibus, aut scopulis proprias defendere terras.
 Nil Rhodope, nil vastus Athos, nil profuit Æmus
 Odrysiis. Facili contemptum Strymona saltu,
 Et frustra rapidum damnant Aliacmona Bessi.
 Nubibus intactum Macedo miratur Olympum 180
 More pererratum campi. Gemit irrita Tempe
 Thessalus, & domitis irrisam cautibus Æten.
 Sperchiusque, & virginibus dilectus Enipeus,
 Barbaricas lavere comas. Non obijce Pindi
 Servati Dryopes; nec nubifer Asia texit 185
 Litora Leucates. Ipsæ, qua durius olim
 Resisterant Medis, primo conamine ruptæ
 Thermopylæ. Vallata mari Scironia rupes,
 Et duo continuo connectens æquora muro
 Isthmos, & angusti patuerunt claustra Lechæi. 190
 Nec tibi Parrhasios licuit munire colonos
 Frondosis, Erymanthe, jugis: equitataque summi
 Culmina Taygeti trepidæ vidistis Amyclæ.
 Tandem supplicium cunctis pro montibus Alpes

- Exegere Getis: tot tandem flumina victor
 Vindicat Eridanus. Docuit nunc exitus, alte
 Fatorum secreta tegi. Quisquamne reclusis
 Alpibus ulterius Latii fore credidit umbram?
 Nonne velut capta rumor miserabilis urbe
 Trans freta, trans Gallos, Pyrenæumque cucurrit;
 Famaque nigrantes succincta pavoribus alas
 Secum cuncta trahens a Gadibus usque Britannum
 Terruit Oceanum, & nostro procul axe remotam
 Insolito belli tremefecit murmure Thulen?
 Mandemusne Noti flabris, quoscumque timores
 Pertulimus, festæ doleant ne tristibus aures?
 An potius meminisse juvat, semperque vicissim
 Gaudia præmissi cumulant inopina dolores?
 Utque sub occidua jactatis Pleiade navis
 Commendat placidum maris inclementia portum;
 Sic mihi tunc major Stilicho, cum læta periclis
 Metior, atque illi redeunt in corda tumultus
 Nonne videbantur, quamvis adamante rigentes,
 Turribus invalidis fragiles procumbere muri,
 Ferratæque Getis ultro se pandere portæ?
 Nec vallum densæque sudes arcere volantes
 Cornipedum saltus. Jam jam conscendere puppes,
 Sardoosque habitare sinus, & inhospita Cyni
 Saxa parant, vitamque freto spumante tueri.
 Ipsa etiam diffisa brevi Trinacria ponto,
 Si rerum natura finat, discedere longe
 Optet, & Ionium refugo laxare Peloro.
 Fultaque despiciens auro laquearia dives,
 Tutior Æoliis mallet vixisse cavernis.

195

200

205

210

215

220

Jamque oneri creduntur opes, tandemque libido
Hæsit avaritiæ gravioribus obruta curis.

225

Utque est ingenioque loquax, & plurima fingi
Permittens credique timor; tum somnia vulgo
Narrari; tum monstra Deûm, monitusque sinistri:
Quid meditentur aves, quid cum mortalibus æther
Fulmineo velit igne loqui, quid carmine poscat
Fatidico custos Romani carbasus ævi.

230

Territat assiduus Lunæ labor, atraque Phœbe
Noctibus ærisonas crebris ululata per urbes.

Nec credunt vetito fraudatam Sole sororem

235

Telluris subeunte globo: sed castra secutas

Barbara Theſſalidas patriis lunare venenis

Incestare jubar. Tunc anni signa prioris,

Et si quod fortasse quies neglexerit omen,

240

Addit cura novis: lapidosos grandinis ictus,

Molitasque examen apes, passimque crematas

Perbacchata domos nullis incendia causis,

Et nunquam cœlo spectatum impune cometen,

Qui primum roseo Phœbi prolatus ab ortu,

Qua micat astrigera senior cum conjuge Cepheus,

245

Inde Lycaonia paulatim expulsus ab Arcto

Crine vago Getici foedavit sidera plauſtri,

Donec in exiguum moriens vanesceret ignem.

Sed gravius mentes cæſorum ostenta luporum

Horrificant. Duo quippe lupi sub principis ora,

250

Dum campis exercet equos, violenter adorti

Agmen, & excepti telis, immane relatu

Prodigium, miramque notam duxere futuri.

Nam simul humano geminas de corpore palmas

DE BELLO GETICO.

Utraque perfoſſis emiſit bellua coſtis : 235
 Illo læva tremens , hoc dextera , ventre latebant
 Intentis ambæ digitis , & ſanguine vivo. 255
 Scrutari ſi vera velis , fera nuntia Martis
 Ora ſub Auguſti caſurum prodidit hoſtem.
 Utque manus utero virides paruere reſecto , 260
 Romula poſt ruptas ſic virtus emicat Alpes.
 Sed malus interpres rerum metus omne trahebat
 Augurium pejore via , truncataque membra ,
 Nutricemque lupam , Romæ regnoque minari.
 Tunc reputant annos , interceptoque volatu 265
 Vulturis , incidunt properatis ſecula metis.
 Solus erat Stilicho , qui deſperantibus augur
 Sponderet meliora manu : dubiæque ſalutis
 Dux idem vateſque fuit. Durate parumper ,
 Inquit , & excuſſis muliebribus ore querelis 270
 Fatorum toleremus onus. Nil nautica proſunt
 Turbatæ lamenta rati : nec ſegnibus undæ
 Planctibus , aut vanis miteſcunt flamina votis.
 Nunc inſtare manu , toto nunc robore niti
 Communi pro luce decet ; ſuccurrere velis , 275
 Exhaustire fretum , varios aptare rudentes ,
 Omnibus & docti juiſſis parere magiſtri.
 Non , ſi perfidia naſti penetrabile tempus
 Irrupere Getæ , noſtras dum Rhætia vires
 Occupat , atque alio deſudant Marte cohortes , 280
 Idcirco ſpes omnis abit. Mirabile poſſet
 Eſſe mihi , ſi fraude nova , vel calle reperto
 Barbarus ignotas invaderet inſcius Alpes.
 Nunc vero geminis clades repetita tyrannis

Famofum vulgavit iter. Nec nota fefellit 285
 Semita præſtructum bellis civilibus hoſtem.
 Per ſolitas venere vias, adituſque ſequendos
 Barbarico Romana dedit diſcordia bello.
 Sed nec præteritis hæc res incognita ſeculis.
 Sæpe laceſſitam, ſed non impune, fatemur 290
 Auſoniam. Hæc Senonum reſtinxit ſanguine flammas.
 Hæc & Teutonico quondam pateſacta furori
 Colla catenati vidit ſqualentia Cimbri.
 Vile decus, quod non erexit prævius horror.
 Ingentes geminant diſcrimina magna triumphos. 295
 Quid turpes jam mente fugas, quid Gallica rura
 Reſpicitis, Latioque libet poſt terga relictæ
 Longinquum profugis Ararin præcingere caſtris?
 Scilicet Arctoïſ conceſſa gentibus Urbe
 Conſidet regnum Rhodano, capitiſque ſuperſtes 300
 Truncus erit. Veſtros ſtimulant ſi pignora ſenſus;
 Me quoque non impar naturæ cura remordet.
 Nec ferro ſic corda rigent, ut noſſe recuſem,
 Quam ſanctum ſoceri nomen, quam dulce mariti;
 Quantus proliſ amor. Sed nunquam oblita decoris. 305
 Obſcœnam latebram pietas ignava requirer.
 Nec vobis fortis monitor, mihi cautior uni.
 Hic conjux, hic progenies, hic carior omni
 Luce gener. Pars nulla mei ſubducta procellæ.
 Accipe tu noſtræ, tellus Œnotria, mentis 310
 Vincula, communes tecum ſubeuntia caſus,
 Exigamque moram muris impende tuendis,
 Dum redeo leſtum referens in clafſica robur.
 His dictis pavidi firmavit inertia vulgi

Pectora, migrantisque fugam compescuit aulæ.
 Ausaque tum primum tenebris emergere pulsus
 Hesperia, ut secum junxisse pericula vidit
 Augustum, tantoque sui stetit obside fati.

315

Protinus, umbrosa vestit qua litus oliva
 Larius, & dulci mentitur Nerea fluctu,

320

Parva puppe lacum prætervolat. Ocius inde
 Scandit inaccessos brumali fidere montes,

Nil hiemis cœlive memor. Sic ille relinquens
 Jejunos antro catulos immanior exit

Hiberna sub nocte leo, tacitusque per altas
 Incedit furiale nives. Stant colla pruinis

325

Aspera. Flavescentes adstringit stiria seras.

Nec meminit leti, nimboſve aut frigora curat;
 Dum natis alimenta paret. Sublimis in Arcton

Prominet Hercyniæ confinis Rhætia silvæ:

330

Quæ se Danubii jactat Rhenique parentem,

Utraque Romuleo prætendens flumina regno.

Primo fonte breves, alto mox gurgite regnant,

Et fluvios cogunt unda coeunte minores

In nomen transire suum. Te Cimbrica Tethys

335

Divisum bifido consumit, Rhene, meatu.

Thracia quinque vadis Istrum vorat Amphitrite:

Ambo habiles remis, ambo glacialia festi

Terga rotis; ambo Boreæ Martique sodales.

Sed latus, Hesperia quo Rhætia jungitur oræ,

340

Præruptis ferit astra jugis, panditque terendam

Vix æstate viam. Multi ceu Gorgone visa

Obriguere gelu. Multos hausere profundæ

Vastâ mole nives, cumque ipsis sæpe juvenis

- Naufraga candenti merguntur plaustra barathro. 345
 Interdum glacie subitam labente ruinam
 Mons dedit, & repidis fundamina subruit Austris
 Pendenti malefida solo. Per talia tendit
 Frigoribus mediis Silicho loca. Nulla Lyæi
 Pocula; rara Ceres: raptos contentus in armis 350
 Delibasse cibos, madidoque oneratus amictu
 Argentem pulsabat equum. Nec mollia fesso
 Strata dedere torum. Tenebris si cæca repressit
 Nox iter, aut spelæa subit metuenda ferarum,
 Aut pastoralis jacuit sub culmine fultus 355
 Cervicem clipeo. Stat pallidus hospite magno
 Pastor, & ignoto præclarum nomine vultum
 Rustica sordenti genitrix ostendit alumno.
 Illa sub horrendis prædura cubilia filvis,
 Illi sub nivibus somni, curæque laborque 360
 Pervigil, hanc requiem terris, hæc otia rebus
 Insperata dabant. Illæ tibi, Roma, salutem
 Alpinæ peperere casæ. Jam fœdera gentes
 Exuerant, Latique audita clade feroces
 Vindelicos saltus, & Norica rura tenebant. 365
 Ac veluti famuli, mendax quos mortis herilis
 Nuntius in luxum falso rumore resolvit,
 Dum marcent epulis, atque inter vina chorosque
 Persultat vacuis effrena licentia testis;
 Si reducem dominum fors improvisa revexit, 370
 Hærent attoniti, libertatemque perosus
 Conscia servilis præcordia concutit horror:
 Sic ducis adspectu cuncti stupere rebelles,
 Inque uno princeps Latiumque & tota refulsit

Roma viro. Frons læta parum, non tristior æquo, 375

Non dejecta malis, mixta sed nobilis ira:

Qualis in Herculeo, quoties infanda jubebat

Eurystheus, fuit ore dolor: vel qualis in atram

Sollicitus nubem mæsto Jove cogitur æther.

Tantane vos, inquit, Getici fiducia belli 380

Erigit? Hinc animo frustra tumuistis inani?

Non ita Romanum fati violentia nomen

Opprimit, ut vestros nequeant punire tumultus

Parte sui. Neu vos longe sermone petito

Demorer, exemplum veteris cognoscite facti. 385

Cum ferus Ausonias perfringeret Hannibal arces,

Et Trebiam sævo geminassent funere Cannæ,

Nequidquam Emathium pepulit spes vana Philippum,

Ut velut afflictos ferro tentaret inert.

Romanos commovit atrox injuria Patres, 390

Urgerent majora licet: graviterque tulere

Urbibus inter se claris de culmine rerum

Congressis, aliquid gentes audere minores.

Nec poenam differre placet; sed bella gerenti

Punica Levino Regis quoque proelia mandant. 395

Paruit imperiis Consul; fufusque Philippus

(Vilia dum gravibus populis interferit arma,)

Prætereunte manu, didicit non esse potentum

Tentandas, mediis quamvis in luctibus, iras.

Hoc monitu pariter nascentia bella repressit, 400

Et bello quæsit opes, legitque precantes

Auxilio, mensus numerum, qui congruus esset,

Nec gravis Italiæ, formidandusve regenti.

Nec minus accepto nostræ rumore cohortes

(Sic ducis urget amor) properantibus undique signis 405
 Conveniunt; visoque animi Stilichone recepti,
 Singultus varios lacrimosaque gaudia miscet.
 Sic armenta boum, quæ vastis turbida silvis
 Spargit hiems, cantus ac sibilis nota magistri
 Certatim repetunt, & avitæ pascua vallis; 410
 Inque vicem se voce rogant, gaudentque fideles
 Reddere mugitus; & qua sonus attingit aurem,
 Rara per obscuras apparent cornua frondes.
 Accurrit vicina manus, quam Rhætia nuper
 Vindelicis auctam spoliis defensa probavit. 415
 Venit & extremis legio prætenta Britannis,
 Quæ Scoto dat frena truci, ferroque notatas
 Perlegit exsangues Picto moriente figuras.
 Agmina quin etiam flavis objecta Sicambriis,
 Quæque domant Cattos, immanesque Cheruscos, 420
 Huc omnes vertere minas, tutumque remotis
 Excubiis Rhenum solo terrore relinquunt.
 Ullane posteritas credet? Germania quondam
 Illa ferox populis, quæ vix instantibus olim
 Principibus tota poterat cum mole teneri, 425
 Tam sese placidam præstat Stilichonis habenis,
 Ut nec præfidiis nudato limite tentet
 Expositum calcare solum, nec transeat amnem;
 Incustoditam metuens attingere ripam.
 Celsior o cunctis, unique æquande Camillo 430
 Vestris namque armis Alarici fracta quievit
 Ac Brenni rabies. Consulis rebus uterque
 Divinam tribuistis opem: sed tardior ille
 Jam captæ vindex patriæ; tu sospitis ultor.

Q. quantum mutata tuo fortuna regressu!

435

Ut sese pariter diffudit in omnia regni

Membra vigor, vivusque redit color urbibus ægris!

Creditur Herculeis lucem renovasse lacertis

Femina dilecti fatis impensa mariti.

Et juvenem sprete laniatum fraude novercæ

440

Non sine Ciræis Latonia reddidit herbis.

Cretaque, si verax narratur fabula, vidit

Minoum rupto puerum prodire sepulcro:

Quem senior vates avium clangore repertum

Gramine restituit; miræ nam munere fortis

445

Dulcia mella necem, vitam dedit horridus anguis.

At tuus adventus non unum corpus ab umbris,

Sed tot communi populos sub morte jacentes,

Totaque Tartareis e faucibus oppida traxit.

Ipso Roma die, nec adhuc ostenditur auctor;

450

Personuit venisse ducem, lætisque Quirites

Vocibus auspicium certi plausere triumphi,

Muniti Stilichone suo. Quis gaudia vero

Principis, amplexus alacris quis disserat aulæ?

Pulveris ambiguum nubem speculamur ab altis

455

Tarribus, incerti, socios apportet an hostes

Ille globus: mentem suspensa silentia librant,

Donec pulvereo sub turbine fideris instat

Emicuit Stilichonis apex, & cognita fulsit

Canities. Gavisa repens per mœnia clamor

460

Tollitur, Ipse venit! Portas secuta per omnes

Turba salutatis effunditur obvia signis.

Non jam delectus miseri, nec falce per agros

Deposita jaculum vibrans ignobile messor:

Cl. Claudianus.

Q

Nec tentat clipeum projectis sumere rastris 465
 Bellona ridente Ceres, humilisque novorum
 Seditio clamosa ducum: sed vera juvenus,
 Verus ductor adest, & vivida Martis imago.

Prospera sed quantum nostræ spes addita menti,
 Tantum exemta Getæ: qui vertice proximus astris 470
 Post Alpes jam cuncta sibi promissit apertas,

Nil superesse ratus. Postquam tot flumina pulsus,
 Cinctaque fluminibus crebris tot mœnia cernit,
 Tot subitos pedites, equitum tot conspicit alas,
 Seque velut clausum laqueis, sub pectore furtim 475

Æstuat, & nimium pronò servore petitæ
 Jam piget Italiæ, sperataque Roma teneri
 Visa procul. Magni subeunt jam tædia cœpti.

Occultat tamen ore metum, primosque suorum
 Consultare jubet bellis annisque verendos. 480

Crinigeri sedere patres, pellita Getarum
 Curia: quos plagis decorat numerosa cicatrix;
 Et tremulos regit hasta gradus, & nititur altis
 Pro baculo contis non exarmata senectus.

Hic aliquis gravior natu, cui plurima dicti 485
 Consiliique fides, defixus lumina terræ,

Concutiensque comam, capuloque acclinis eburno,

Si numero non fallor, ait, tricesima currit
 Bruma fere, rapidum postquam tranavimus Istrum,
 Romanamque manum tantis elusimus annis. 490

Sed nunquam Mavors adeo constrinxit in arctum

Res, Alarice, tuas. Per tot certamina ducto

Crede seni, qui te tenero vice patris ab ævo

Gestatum parva solitus donare pharetra.

Atque aptare breves humeris puerilibus arcus. 495
 Sæpe quidem frustra monui, servator ut isti
 Fœderis Emathia tutus tellure maneres.
 Sed quoniam calidæ rapuit te flamma juventæ,
 Nunc saltem, si cura tibi manet ulla tuorum,
 His claustris evade præcor: dumque agmina longe; 500
 Dum licet, Hesperius præceps elabere terris,
 Ne nova prædari cupiens, & pæta reponas,
 Pastorique lupus scelerum delicta priorum
 Intra septa luas. Quid palmitis uber Etrusci,
 Quid mihi nescio quam proprio cum Tibride Romam 505
 Semper in ore geris? Referunt vera parentes,
 Hanc urbem infano nullus qui Marte petivit
 Lætatus violasse redit. Nec Numina sedem
 Desituunt. Jactata procul dicuntur in hostem
 Fulmina, divinique volant pro moenibus ignes: 510
 Seu cœlum, seu Roma, tonat. Si temnis Olympum,
 A magno Stilichone cave, qui semper iniquos
 Fortuna famulante premit. Scis ipse, perosis
 Arcadiæ quam densa jugis cumulaverit ossa:
 Sanguine quam largo Grajos calefecerit amnes. 515
 Exstinctusque fores, ni te sub nomine legum
 Prodirio regnique favor texisset Eoi.

Talia grandævum flammata fronte loquentem
 Obliquisque tuens oculis non pertulit ultra;
 Sed rupit rabidas accensa superbia voces: 520

Si non mentis inops fraudataque sensibus ætas
 Præberet veniam, nunquam hæc opprobria linguæ
 Turpia Danubius me sospite ferret inultus.
 Anne, tor Augustos Hebro qui teste fugavi,

Q 2.

Te patiar suadente fugam, cum cesserit omnis 525
 Obsequiis natura meis? Subfidere nostris
 Sub pedibus montes, arescere vidimus amnes.
 Non ita Di Getici faxint Manesque parentum,
 Ut mea converso relegam vestigia cursu.
 Hanc ego vel victor regno, vel morte tenebo 530
 Victus humum. Per tot populos urbesque cucurri,
 Fregi Alpes, galeisque Padum victricibus hausi.
 Quid restat nisi Roma mihi? Gens robore nostra
 Tunc quoque pollebat, nullis cum fideret armis.
 At nunc Illyrici postquam mihi tradita jura, 535
 Meque suum fecere ducem, tot tela, tot enses,
 Tot galeas multo Thracum sudore parari,
 Inque meos usus vestigal vertere ferri
 Oppida legitimo jussu Romana coegi.
 Sic me fata foveant. Ipsi, quos omnibus annis 540
 Vastabam, servire dati. Nocitura gementes
 Arma dabant, flammisque diu mollitus & arte
 In sua damna chalybs fabro lugente rubebat.
 Hortantes his adde Deos. Non somnia nobis,
 Nec volucres, sed clara palam vox edita luco est: 545
 Rumpe omnes, Alarice, moras. Hoc impiger anno
 Alpibus Italiae ruptis penetrabis ad Urbem.
 Huc iter usque datur. Quis jam post talia segnis
 Ambigat, aut cœlo dubitet parere vocanti?
 Sic ait, hortatusque suos belloque viæque 550
 Instruit. Attollunt vanos oracula fastus.
 O semper tacita sortes ambage malignæ,
 Eventuque patens & nescia vatibus ipsis
 Veri fera fides! Ligurum regione suprema

Pervenit ad fluvium (miri cognominis) Urbem; 355

Atque illic domitus vix tandem interprete casu

Agnovit dubiis illusa vocabula fatis.

Nec non & Scilicho pugnam poscentia movit

Pleno castra gradu, dictisque instigat euntes:

Nunc, o nunc, Socii, temeratae sumite tandem 360

Italiae poenas. Obseſſi Principis armis

Excusate nefas, deploratumque Timavo

Vulnus, & Alpinum gladiis abolete pudorem.

Hic est, quem toties campis fudiſtis Achivis;

Quem discors odiisque anceps civilibus orbis. 365

Non sua vis tutata diu, dum foedera fallax

Ludit, & alternæ perjuriam venditat aulæ.

Credite nunc omnes, quas dira Britannia, gentes,

Quas Iſter, quas Rhenus, alit, pendere paratas

In speculis. Uno tot prælia vincite bello. 370

Romanum reparate decus, molemque labantis.

Imperii fulcite humeris. Hic omnia campus

Vindicat: hæc mundo pacem victoria sancit.

Non in Threiciis Æmi decernimus oris:

Nec super Alpæas umbrantia Mænala ripas. 375

Conſtitimus. Non hic Tegæen Argosque tuemur:

Visceribus mediis, ipſoque in corde videtis

Bella geri. Patrem clipeis defendite Tibrin.

Talia, nunc pediti, turmæ nunc mixtus equeſtri,

Diſſa dabat: ſimul externis præcepta ferebat. 380

Auxiliis. Ibat pariens ditionis Alanus,

Qua noſtræ juſſere tubæ: mortemque petendam

Pro Latio docuit gentis prælatus Alanæ;

Cui natura breves animis ingentibus artus

Finxerat, immanique oculos infecerat ira. 585
 Vulneribus pars nulla vacat, rescissaque contis
 Gloria sædatis splendet jactantior oris.
 Ille tamen mandante procul Stilichone citatis
 Acceleravit equis, Italamque momordit arenam;
 Felix, Elysiisque plagis & carmine dignus, 590
 Qui male suspectam nobis impensius arsit
 Vel leto purgare fidem: qui iudice ferro
 Diluit immeritum laudato sanguine crimen.
 Morte viri turbatus eques flectebat habenas:
 Totaque præciso nutassent agmina cornu, 595
 Ni celer instructa Stilicho legione secutus
 Subsidiis peditum pugnam instaurasset equestrem.
 Quis Mævis ipsoque licet Pæane recepto
 Enarrare queat, quantum Gradivus in illa
 Luce suæ dederit fundator originis urbi? 600
 Alius haud unquam toto descendimus ense
 In jugulum Scythiæ: tanta nec clade superbum
 Contudimus Tanain, vel cornua fregimus litri.
 Invisum miles sitiens haurire cruorem
 Per varias vestes, onerataque plaustra metallo 605
 Transsit, & argenti cumulos; & cædis avarus
 Contemptas proculcat opes. Pretiosior auro
 Sanguis erat. Passim neglecti prodiga lucri
 Ira furens strictis odium mucronibus explet.
 Purpureos cultus, absuntque igne Valentis 610
 Exuvias, miserisque graves crateras ab Argis,
 Raptaque flagranti spirantia signa Corintho,
 Callidus ante pedes venientibus objicit hostis
 Incassum: neque enim feralis præda moratur,

Sed iustos præbent stimulos monumenta doloris. 615

Afferitur ferro captivum vulgus, & omnes
 Diversæ vocis populi, quos traxerat hostis
 Servitio, tandem dominorum strage redempti.
 Blanda cruentatis affigunt oscula dextris,
 Desertoque Lares & pignora læta revivunt. 620
 Miratur sua quemque domus, cladesque renarrant
 Ordine, tum grati referunt miracula belli.

Quis tibi nunc, Alarice, dolor, cum Marte perirent
 Divitiæ, spoliisque diu quæsitæ supellex,
 Pulsaretque tuas ululatus conjugis aures; 625
 Conjugis invictæ quæ dudum freta marito
 Demens Aufonidum gemmata monilia matrum,
 Romanasque alta famulas cervice petebat?
 Scilicet Argolicas Ephyreiadasque puellas.
 Cœperat & pulchras jam fastidire Lacænas. 630
 Sed Dea quæ nimis obstat Rhamnusia votis
 Ingemuit, flexitque rotam. Domat aspera victos
 Pauperies, unoque die Romana rependit
 Quidquid ter denis acies amisimus annis.

O celebranda mihi cunctis Pollentia seclis! 635
 O meritum nomen felicibus apta triumphis!
 Virtutis fatale solum; memorabile bustum
 Barbariæ! Nam sæpe locis ac fœdibus illis
 Plena laceffito rediit vindicta Quirino.
 Illic Oceani flammis excita supremis 640
 Cimbrica tempestas, aliasque immissa per Alpes
 Isdem procubuit campis. Jam protinus ætas

Adveniens geminæ gentis permisceat ossa,
Et duplices signet titulos, commune tropæum :

Hic Cimbros fortesque Getas, Stilichone peremitos 645

Et Mario, claris ducibus, tegit Itala tellus.

Discite vesanæ Romam non temnere gentes.

XXVII
CL. CLAUDIANI
IN VI CONSULATUM
HONORII AUGUSTI
P R Æ F A T I O.

OMNIA quæ sensuvolvuntur vota diurno,
 Pectore sopito reddit amica quies.
 Venator defessa toro cum membra reponit,
 Mens tamen ad silvas & sua lustra redit.
 Judicibus lites, aurigæ somnia currus,
 Vanaque nocturnis meta cavetur equis.
 Furto gaudet amans, permutat navita merces,
 Et vigil elapsas quærit avarus opes.
 Blandaque largitur frustra sitientibus ægris
 Irriguus gelido pocula fonte sopor.
 Me quoque Musarum studium sub nocte silenti
 Artibus affuetis sollicitare solet.
 Namque poli media stellantis in arce videbar
 Ante pedes summi carmina ferre Jovis.

5

10

Utque favet somnus, plaudebant numina dictis, 15
 Et circumfusi sacra corona chori.
 Enceladus mihi carmen erat, victusque Typhoeus:
 Hic subit Inarimen, hunc gravis Ætna domat.
 Quam lætū post bella Jovem susceperit æther, 20
 Phlegrææ referens præmia militiæ.
 Additur ecce fides, nec me mea lusi imago,
 Irrita nec falsum somnia misit ebur.
 En Princeps, en orbis apex æquatus Olympo.
 En, quales memini, turba verenda, Deos.
 Fingere nil majus potuit sopor; altaque vati 25
 Convantum cœlo præbuit aula parem.

XXVIII

CL. CLAUDIANI

DE SEXTO CONSULATU

HONORII AUGUSTI

PANEGRYSIS.

AUREA Fortunæ Reduci si templa priores
 Ob reditum vovere ducum, num dignius unquam
 Hæc Dea pro meritis amplas sibi posceret ædes,
 Quam sua cum pariter trabeis reparatur & Urbi
 Majestas? Nec enim campus sollennis & urna
 Luditur in morem: species nec dissona coetu,
 Aut peregrina nitet simulati juris imago.
 Indigenas habitus nativa Palatia sumunt,
 Et, patriis plebem castris sociante Quirino,
 Mars augusta sui renovat suffragia campi.
 Qualis erit terris, quem mons Evandrius offert
 Romanis avibus, quem Tibris inaugurat, annus?
 Quanquam omnes, quicumque tui cognominis, anni
 Semper inoffensum dederint successibus omen,

Sintque tropæa tuas semper comitata secures : 15
 Hic tamen ante omnes miro promittitur ortu
 Urbis & Augusti geminato nomine felix.
 Namque velut stellas Babylonia cura salubres,
 Optima tunc spondet mortalibus edere fata , 20
 Cœlicolæ cum celsa tenent , summoque feruntur
 Cardine , nec radios humili statione retundunt :
 Haud aliter Lariæ sublimis signifer aulæ ,
 Imperii fidus propria cum sede locavit ,
 Auger spes Italas : & certius omina surgunt ,
 Victrici concepta solo. Cum pulcher Apollo 25
 Lustrat Hyperboreas Delphis cessantibus aras ,
 Nil tum Castaliæ rivis communibus undæ
 Dissimiles , vili nec discrepat arbore laurus ;
 Antraque mœsta silent , inconsultique recessus.
 At si Phœbus adest , & frenis grypha jugalem 30
 Riphæo tripodas repetens detorsit ab axe ,
 Tunc silvæ , tunc antra loqui , tunc vivere fontes ,
 Tunc facer horror aquis , adytisque effunditur Echo
 Clarior , & doctæ spirant prælagia rupes.
 Ecce Palatino crevit reverentia monti , 35
 Exsultatque habitante Deo , potioraque Delphis
 Supplicibus late populis oracula pandit ,
 Atque suas ad signa jubet revirescere laurus.
 Non alium certe decuit rectoribus orbis
 Esse larem , nulloque magis se colle potestas 40
 Æstimat , & summi sentit fastigia juris.
 Attollens apicem subjectis Regia Rostris ,
 Tot circum delubra videt , tantisque Deorum
 Cingitur excubiis. Juvat infra tecta Tonantis

Cernere Tarpeja pendentes rupe Gigantes , 45
 Cælataſque forēs , mediſque volantia ſigna
 Nubibus , & denſum ſtipanibus æthera templis ,
 Æraque veſtitis numeroſa puppe columnis
 Conſita , ſubnixæque jugis immanibus ædes ,
 Naturam cumulante manu ; ſpoliisque micantes 50
 Innumeros arcus. Acies ſtupet igne metalli ,
 Et circumfuſo trepidans obtunditur auro.
 Agnoſciſne tuos , Princeps venerande , Penates ?
 Hæc ſunt , quæ primis olim miratus in annis ,
 Patre pio monſtrante , petis. Nil optimus ille 55
 Divorum toto meruit felicius ævo ,
 Quam quod Romuleis victor ſub moenibus egit
 Te conſorte dies , cum ſe melioribus addens
 Exemplis , civem gereret terrore remoto ,
 Alternos cum plebe jocos dilectaſque paſſus 60
 Jurgia , patriciaſque domos , privataſque paſſim
 Viſere depoſito dignatus limina faſtu.
 Publicus hinc ardeſcit amor , cum moribus æquis
 Inclinat populo regale moeſtia culmen ,
 Teque rudem vitæ , quamvis diademate necdum 65
 Cingebare comas , ſocium ſumebat honorum ,
 Purpureo ſotum gremio , parvumque triumphis
 Induit , & magnis docuit præluſdere fatiſ.
 Te linguis variæ gentes , miſſique rogatum
 Fœdera Perſarum proceres , cum patre ſedentem 70
 Hac quondam videre domo , poſitoque tiam
 Submiſere genu. Tecum prælarga vocavit
 Ditandas ad dona tribus : fulgentia tecum
 Colleſti trabeatus adit delubra Sênatus ,

Romano puerum gaudens offerre favori, 75
 Ut novus imperio jam tunc assuesceret heres.
 Hinc tibi concreta radice tenacius hæsit,
 Et penitus totis inolevit Roma medullis,
 Dilectæque urbis tenero conceptus ab ungue
 Tecum crevit amor: nec te mutare reversum 80
 Evaluit propria nutritor Bosphorus arce.
 Et quoties optare tibi, quæ moenia mallet,
 Alludens genitor regni pro parte dedisset,
 Divitis Auroræ solium sortemque paratam
 Sponte remittebas fratri. Regat ille volentes 85
 Assyrios: habeat Pharium cum Tigride Nilum:
 Contingat mea Roma mihi! Nec vota sefellit
 Eventus. Fortuna, novum molita tyrannum,
 Jam tibi quærebat Latium; belloque secundo
 Protinus Eoa velox accitus ab aula 90
 Inscepis Hesperiam patrio bis Marte receptam.
 Ipsa per Illyricas urbes Oriente relicto
 Ire Serena comes, nullo deterrita casu,
 Materna te mente fovens, Latioque futurum
 Rectorem, generumque sibi. Seniore supernas 95
 Jam repetente plagas, illo sub cardine rerum
 Sedula servatum per tot discrimina pignus
 Restituit sceptris patrui, castrisque mariti.
 Certavit pietate domus, fidæque reductum
 Conjugis officio Stilichonis cura recepit. 100
 Felix ille parens, qui te securus Olympum
 Succedente petit. Quam lætus ab æthere cernit
 Se factis crevisse tuis! Duo namque fuere
 Europæ Libyæque hostes. Maurusius Atlas

Gildonis furias, Alaricum barbara Peuce 105

Nutrierat: qui sæpe tuum sprevere profana

Mente patrem. Thracum venientem finibus alter

Hebri clausit aquis; alter præcepta vocantis

Respuit; auxiliisque ad proxima bella negatis

Abjurata palam Libyæ possederat arva. 110

Quorum nunc meritam repetens non immemor iram

Suppliciis fruitur, natoque ultore triumphat.

Ense Thyestiadæ poenas exegit Orestes:

Sed mixtum pietate nefas; dubitandaque cædis

Gloria, materno laudem cum crimine pensat. 115

Pavit Iuleos inviso sanguine Manes

Augustus. Sed falsa pii præconia sumsit

In luctum patriæ civili strage parentans.

At tibi causa patris rerum conjuncta saluti

Bellorum duplicat lanros, isdemque tropæis 120

Reddita libertas orbi, vindicta parenti.

Sed mihi jam pridem captum Parnassia Maurum

Pieriis egit fidibus chelys. Arma Getarum

Nuper apud socerum plectro celebrata recenti.

Adventus nunc sacra tui libet edere Musis, 125

Grataque patris exordia sumere bellis.

Jam Pollentini tenuatus funere campi,

Concessaque sibi (rerum sic admonet usus)

Luce, tot amissis sociis, atque omnibus una

Direptis opibus, Latio discedere jussus 130

Hostis, & immensi revolutus culmine fati,

Turpe retexit iter. Qualis piratica puppis,

Quæ, cunctis infensa fretis, scelorumque referta

Divitiis, multasque diu populata carinas,

Incidit in magnam bellatricemque triremem; 135
Dum prædam de more parat, viduataque cæsis
Remigibus, scissis velorum debilis alis,
Orba gubernaculis, antennis faucibus fractis,
Ludibrium pelagi vento jactatur & unda,
Vastato tandem pœnas luitura profundo. 140
Talis ab Urbe minas retro flestebat inanes
Italiam fugiens: & quæ venientibus ante
Prona fuit, jam difficilis, jam dura reversis.
Clausula putat sibi cuncta pavor, retroque relictos,
Quos modo temnebat, rediens exhorruit amnes. 145
Undosa tum forte domo vitreisque sub antris
Rerum ignarus adhuc ingentes pectore curas
Volvebat pater Eridanus: quis bella maneret
Exitus: imperiumne Jovi, legesque placerent,
Et vitæ Romana quies, an jura perosus 150
Ad præscos pecudum damnaret secula ritus.
Talia dum secum movet anxius, advolat una
Naiadum, resoluta comam; complexaque patrem,
En Alaricus, ait, non qualem nuper ovantem
Vidimus. Exsangues, genitor, mirabere vultus. 155
Perconsere manum, tantaque ex gente juvabit
Reliquias numerasse breves. Jam desine mœsta
Fronte queri, Nymphasque choris jam redde sorores.
Dixerat. Ille caput placidis sublime fluentis
Extulit, & totis lucem spargentia, ripis 160
Aurea roranti micuerunt cornua vultu.
Non illi madidum vulgaris arundine crinem
Velat honos. Rami caput umbravere virentes
Heliadum, totisque fluunt electra capillis.

Palla tegit latos humeros, curruque paterno
 Intextus Phaethon glaucos incendit amictus.
 Fultaque sub gremio cœlatis nobilis astris
 Æthereum probat urna decus. Namque omnia luctus
 Argumenta sui Titan signavit Olympo,
 Mutatumque senem plumis, & fronde, sorores
 Et fluvium, nati qui vulnera lavit anhel.
 Stat gelidis auriga plagis: vestigia fratris
 Germanæ servant Hyades, Cycnique sodalis
 Læteus extentas aspergit circulus alas.
 Stelliger Eridanus sinuatis flexibus errans
 Clara Noti convexa rigat, gladioque tremendum
 Gurgite fidereo subterluit Oriona.

165

170

175

Hoc Deus effulgens habitu prospectat euntes
 Dejecta cervice Getas. Tunc talia fatur:

Siccine mutatis properas, Alarice, reverti
 Consiliis? Italæ sic te jam pœnitet oræ?
 Nec jam cornipedem Tiberino gramine pascis;
 Ut rebare, tuum? Tuscis nec figis aratrum
 Collibus? O cunctis Erebi dignissime pœnis,
 Tune Giganteis urbem tentare Deorum
 Aggressus furiis? Nec te meus, improbe, saltem
 Terruit exemplo Phaethon, qui fulmina præceps
 In nostris efflavit aquis, dum flammea cœli
 Flectere terrenis meditatur frena lacertis,
 Mortalique diem sperat diffundere vultu?
 Crede mihi, simili bacchatur crimine, quisquis
 Adspirat Romæ spoliis, aut Solis habenis.
 Sic fatus, Ligures Venetosque erectior amnes
 Magna voce ciet. Frondentibus humida ripis

180

185

190

Cl. Claudianus.

R

Colla levant, pulcher Ticinus, & Addua visu 195
 Cærulus, & velox Athesis, tardusque meatu
 Mincius, inque novem consurgens ora Timavus.
 Insultant omnes profugo, pacataque lætum
 Invitant ad prata pecus. Jam Pana Lycæum,
 Jam Dryadas revocant, jam rustica numina Faunos. 200
 Tu quoque non parvum Getico, Verona, triumpho
 Adjungis cumulum: nec plus Pollentia rebus
 Contulit Aufoniis, aut moenia vindicis Astæ.
 Hic rursus, dum pacta movet, damnisque coactus
 Extremo mutare parat præsentia casu, 205
 Nil sibi perjurum sensit prodesse furorem,
 Converti nec fata loco; multisque suorum
 Diras pavit aves, inimicaque corpora volvens
 Ionios Athesis mutavit sanguine fluctus.
 Oblatum Stilicho violato fœdere Martem 210
 Omnibus arripuit votis, ubi Roma periclo
 Jam procul, & belli medio Padus arbiter ibat.
 Jamque opportunam motu strepuisse rebelli
 Gaudet perfidiam. Præbensque exempla labori
 Sustinet accensos æstivo pulvere soles. 215
 Ipse manu metuendus adest, inopinaque cunctis
 Instruit arma locis, & , qua vocat usus, ab omni
 Parte venit. Fessio si deficit agmine miles,
 Uritur auxiliis, damni securus, & astu
 Debilitat sævum cognatis viribus Istrum, 220
 Et duplici lucro committens prælia, vertit
 In se barbariem nobis utrinque cadentem.
 Ipsum te caperet, letoque, Alarice, dedisset,
 Ni calor incauti male festinatus Alani

Dispositum turbasset opus. Prope captus anhelum
Verbere cogis equum. Nec te vitasse dolemus.

225

I potius genti reliquus, tantisque superstes
Danubii populis, i, nostrum vive tropæum.

Non tamen ingenium tantis se cladibus atrox

Dejicit: occulto tentabat tramite montes,

230

Si qua per scopulos subitas exquirere posset

In Rhætos Gallosque vias. Sed fortior obstat

Cura ducis. Quis enim divinum fallere pectus

Possit, & excubiis vigilantia lumina regni?

Cujus consilium non unquam repperit hostis,

235

Nec potuit texisse suum. Secreta Getarum

Nosse prior, celerique dolis occurrere sensu.

Omnibus exclusus cœptis confidit in uno

Colle tremens: frondesque licet depastus amaras

Arboreo figat sonipes in cortice morsus;

240

Et tetris collecta cibis annique vapore

Sæviat aucta lues, & miles probra superbus

Ingerat obfesso, captivæque pignora monstrat:

Non tamen aut morbi tabes, aut omne periculum

Docta subire fames, aut prædæ luctus ademtæ,

245

Aut pudor, aut dictis movere procacibus iræ,

Ut male tentato toties se credere campo

Cominus auderet. Nulla est victoria major,

Quam quæ confessos animo quoque subjugat hostes.

Jamque frequens rarum decerpere transfuga robur

250

Cœperat, inque dies numerus decrescere castris;

Nec jam seditio paucis occulta parari,

Sed cunei totæque palam discedere turmæ.

Consequitur, vanoque fremens clamore retentat,

Cumque suis jam bella gerit : mox nomina supplex 255
 Cum fletu precibusque ciet , veterumque laborum
 Admonet , & frustra jugulum parcentibus offert :
 Defixoque malis animo sua membra suasque
 Cernit abire manus. Qualis Cybeleia quassans
 Hyblæus procul æra senex revocare fugaces 260
 Tinnitu conatur apes , quæ sponte relictis
 Descivere favis ; sonituque exhaustus inani
 Raptas mellis opes , solitæque oblita latebræ
 Perfida deplorat vacuis examina ceris.
 Ergo ubi præclusæ voci laxata remisit 265
 Frena dolor , notas oculis humentibus Alpes
 Adspicit , & nimium diversi flamine fati
 Præsentis reditus , fortunatosque revolvit
 Ingressus. Solo peragens tum murmure bellum ;
 Provento leviter frangebat mœnia conto , 270
 Irridens scopulos : nunc desolatus & exspes
 Debita pulsato reddit spectacula monti.
 Tunc sic Ausonium respectans æthera fatur :
 Heu regio funesta Getis , heu terra sinistris
 Anguriis calcata mihi , satiare nocentum 275
 Cladibus , & tandem nostris inflectere pœnis !
 En ego , qui toto sublimior orbe ferebar ,
 Ante tuum felix aditum , ceu legibus exsul ,
 Addictusque reus flatu propiore sequentum
 Terga premor. Quæ prima miser , quæ funera dictis 280
 Posteriores querar ? Non me Pollentia tantum ,
 Nec captæ cruciastis opes. Hoc aspera fati
 Sors tulerit , Martisque vices. Non funditus armis
 Concideram. Stipatus adhuc , equitumque catervis

Integer, ad montes reliquo cum robore cessi,
 Quos Apenninum perhibent. Hunc esse ferebat
 Incola, qui Siculum porrectus adusque Pelorum
 Finibus ab Ligurum populos complectitur omnes
 Italiæ, geminumque latus stringentia longe
 Utraque perpetuo discriminat æquora tractu.

285

290

Huc ego continuum si per juga tendere cursum,
 (Ut prior iratæ fuerat sententia mentis,)
 Jam desperata valuissem luce, quid ultra?
 Omnibus oppeterem fama maiore perustis:

Et certe moriens propius te, Roma, viderem.

295

Ipsaque per cultas segetes mors nostra secuto

Victori damnosa foret. Sed pignora nobis

Romanus, carasque nurus prædamque, tenebat.

Hoc magis exsertum raperem succinctior agmen.

Heu, quibus infidiis, qua me circumdedit arte

300

Fatalis semper Stilicho! Dum parcere fingit,

Rettudit hostiles animos, bellumque remenso

Evaluit transferre Pado. Proh fœdera sævo

Deteriora jugo! Tunc vis extincta Getarum:

Tunc mihi, tunc letum pepigi. Violentior armis

305

Omnibus expugnat nostram clementia gentem.

Mars gravior sub pace latet, capiorque vicissim

Fraudibus ipse meis. Quis jam solatia fesso

Consiliumve ferat? Socius suspectior hoste.

Atque utinam cunctos licuisset perdere bello!

310

Nam quisquis duro cecidit certamine, nunquam

Defuit esse meus. Melius mucrone perirent,

Auferretque mihi luctu leviore sodales

Victa manus, quam læsa fides. Nullusne clientum

R 3.

- Permanet? Inſenſi comites : odere propinqui. 315
 Quid moror inviſam lucem? Quà ſede recondam
 Naufragii fragmenta mei? quæve arva requiram ,
 In quibus haud unquam Stilicho , nimumque potētis
 Italiæ noſtras nomen circumſonet aures ?
 Hæc memorans inſtante fugam Stilichone terendit 320
 Expertas horrens aquilas. Comitatur euntem
 Pallor , & atra Fames , & ſaucia lividus ora
 Luſtus , & inferno ſtridentes agmine Morbi.
 Luſtralem ſic rite facem , cui lumen odorum
 Sulfure cæruleo nigroque bitumine fumat , 325
 Circum membra rotat doctus purganda ſacerdos ,
 Rore pio ſpargens , & dira fugantibus herbis ,
 Numina purificumque Jovem Triviamque precatus ;
 Trans caput averſis manibus jaculatur in Auſtrum
 Secum rapturas cantata piacula tædas. 330
 Acrior interea viſendi Principis ardor
 Accendit cum plebe patres , & ſæpe negatum
 Flagitat adventum. Nec tali publica vota
 Conſenſu tradunt atavi caluiſſe per Urbem ,
 Dacica bellipotens cum fregerat Ulpius arma , 335
 Atque indignantes in jura redegerat Aſctos ,
 Cum falces cinxere Hypanin , mirataque leges
 Romanum ſtupuit Mæotia terra tribunal.
 Nec tantis patriæ ſtudiis ad templa vocatus ,
 Clemens Marce , redis , cum gentibus undique cinctam 340
 Exiit Hesperiam paribus Fortuna periclis.
 Laus ibi nulla ducum : nam flammeus imber in hoſtem
 Decidit : hunc dorſo trepidum ſtammante ferebat
 Ambuſtus ſonipes : hic tabeſcente ſolutus

Subsidit galea , liquefactaque fulgure cuspis 345

Canduit , & subitis fluxere vaporibus enses.

Tunc contenta polo mortalis nescia teli

Pugna fuit: Chaldaea mago seu carmina ritu

Armavere Deos: seu , quod reor , omne Tonantis

Obsequium Marci mores potuere mereri. 350

Nunc quoque praesidium Latjo non deesset Olympi ,

Deficeret si nostra manus. Sed providus aether

Noluit humano titulos auferre labori ,

Ne tibi jam , Princeps , soceri sudore paratam ,

Quam meruit virtus , ambirent fulmina laurum. 355

Jam toties missi proceres responsa morandi

Rettulerant , donec differri longius Urbis

Communes non passa preces penetralibus altis

Prosiluit , vultusque palam confessa coruscus

Impulit ipsa suis cunctantem Roma querelis: 360

Diffimulata diu tristes in amore repulsas

Vestra parens , Auguste , queror. Quonam usque tenebit

Prælatas mea vota Ligus , vetitumque propinqua

Luce frui , spatiis discernens gaudia parvis ,

Torquebit Rubicon vicino numine Tibrin? 365

Nonne semel sprevisse sat est , cum reddita bellis

Africa venturi ludit spe Principis Urbem?

Nec duras tantis precibus permovimus aures?

Ast ego frenabam geminos , quibus altior ires ,

Electi candoris equos , & nominis arcum 370

Jam molita tui , per quem radiante decorus

Ingrederere toga , pugnae monumenta dicabam ,

Defensam titulo Libyam testata perenni.

Jamque parabantur pompæ simulacra futuræ

Tarpejo spectanda Jovi, cælata metallo 375
 Classis ut aurato fulcaret remige fluctus,
 Ut Massyla tuos anteirent oppida currus,
 Palladiaque comas innexus arundine Triton
 Edomitis veheretur equis: & in ære trementem
 Succinctæ famulum ferrent Atlanta cohortes. 380
 Ipse Jugurthinam subiturus carcere pœnam
 Præberet fera colla jugo, vi captus & armis,
 Non Bocchi Syllæve dolis. Sed prima remitto.
 Num præsens etiam Getici me laurea belli
 Declinare potest? Sedesne capacior ulla 385
 Tantæ laudis erit? Tua te benefacta morantem
 Conveniunt, meritisque tuis obnoxia virtus
 Quos servavit amat. Jam flavescentia centum
 Messibus æstivæ detondent Gargara falces,
 Spectandosque iterum nulli celebrantia ludos 390
 Circumflexa rapit centenus secula consul.
 His annis, qui lustra mihi bis dena recensent,
 Nostra ter Angustos intra pomoeria vidi,
 Temporibus variis: eadem sed causa tropæis
 Civilis dissensus erat. Venere superbi, 395
 Scilicet ut Latio resperfos sanguine currus
 Adspicerem? Quisquamne piæ lætanda parenti
 Natorum lamenta putet? Periere tyranni,
 Sed nobis periere tamen. Cum Gallica vulgo
 Prœlia jactaret, tacuit Pharsalica, Cæsar. 400
 Namque inter socias acies cognataque signa
 Ut vinci miserum, nunquam vicisse decorum.
 Restituat priscum per te jam gloria morem
 Verior, & fructum sinceræ laudis ab hoste

Desuetum jam redde mihi, iustisque furoris

405

Externi spoliis fontes absolve triumphos.

Quem precor ad finem Laribus sejuncta potestas

Exsulat, imperiumque suis a sedibus errat?

Cur mea quæ cunctis tribuere Palatia nomen

Neglecto squalent senio? nec creditur orbis

410

Illinc posse regi? Medium non deserit unquam

Cœli Phœbus iter, radiis tamen omnia lustrat.

Segnius an veteres Istrum Rhenumque tenebant,

Qui nostram coluere domum? Leviusne tremebant

Tigris & Euphrates, cum fœdera Medus & Indus

415

Hinc peteret, pacemque mea speraret ab arce?

Hic illi mansere viri, quos mutua virtus

Legit, & in nomen Romanis rebus adoptans

Judicio pulchram seriem, non sanguine, duxit.

Hic proles atavum deducens Ælia Nervam,

420

Tranquillique Pii, bellatoresque Severi.

Hunc civis dignare chorum, conspectaque quidum

Ora refer, pompam recolens ut mente priorem,

Quem tenero patris comitem susceperat ævo,

Nunc duce cum focero juvenem te Tibris adoret.

425

Orantem medio Princeps sermone refovit:

Nunquam aliquid frustra per me voluisse dolebis,

O Dea, nec legum fas est occurrere matri.

Sed nec post Libyam (falsis ne perge querelis

Incusare tuos) patriæ mandata vocantis

430

Sprevimus. Advestæ misso Stilichone enrules,

Ut nostras tibi, Roma, vices pro principe consul

Impleret, generoque focer. Vidistis in illo

Me quoque. Sic credit pietas; non sanguine solo;

Sed claris potius factis, experta parentem. 435
 Cuncta quidem centum nequeam perstringere linguis,
 Quæ pro me mundoque gerit: sed ab omnibus unum,
 Si fama necdum patuit, te, Roma, docebo,
 Subjectum nostris oculis, & cujus agendi
 Spectator vel causa fui. Populator Achivæ 440
 Bistonisæque plagæ, crebris successibus amens,
 Et ruptas animis spirans immanibus Alpes,
 Jam Ligurum trepidis admoverat agmina muris,
 Tutior auxilio brumæ, (quod gentibus illis
 Sidere consuetis favet inclementia cœli) 445
 Meque minabarur calcato obsidere vallo,
 Spem vano terrore fovens, si forte, remotis
 Præsidis, urgente metu, qua vellet, obirem
 Conditione fidem. Nec me timor impulit ullus,
 Et duce venturo fretum, memoremque tuorum, 450
 Roma, ducum, quibus haud unquam vel morte parata
 Foedus lucis amor pepigit dispendia famæ.

Nox erat, & late stellarum more videbam
 Barbaricos ardere focos: jam classica primos
 Excierant vigiles, gelida cum pulcher ab Arcto 455
 Adventat Stilicho. Medius sed clauserat hostis
 Inter me focerumque viam, pontemque tenebat,
 Addua quo scissas spumosior incitat undas.
 Quid faceret? Differret iter? Discrimina nullas
 Nostra dabant adeunda moras. Perrumperet agmen? 460
 Sed paucis comitatus erat. Nam plurima retro,
 Dum nobis properat succurrere, liquerat arma
 Extera, vel nostras acies. Hoc ille locatus
 Ancipiti, longum socias tardumque putavit

Exspectasse manus, & nostra pericula tendit
 Posthabitis pulsare suis, mediumque per hostem
 Flammatus virtute pia, propriæque salutis
 Immemor, & strieto prosternens obvia ferro,
 Barbara fulmineo secuit tentoria cursu.

465

Nunc mihi Tydiden attollant carmina vatum,
 Quod juncto fidens Ithaco patefacta Dolonis
 Indicio, dapibusque simul, religataque somno
 Thracia sopiti penetraverit agmina Rhefi,
 Grajaque rettulerit captos ad castra jugales,
 Quorum, si qua fides augentibus omnia Musis,
 Impetus excessit Zephyros, candorque pruinas.
 Ecce virum, taciti qui nulla fraude soporis
 Ense palam sibi pandit iter, remeatque cruentus,
 Et Diomedeis tantum præclarior ausis,
 Quantum lux tenebris, manifesta que prælia furtis.

470

475

480

Adde quod & ripis steterat munitior hostis,
 Et cui nec vigilem fas est componere Rhenum,
 Thrax erat; hic Thracum domitor. Non tela retardant,
 Objice non hæsit fluvii. Sic ille minacem
 Tyrrenam labente manum pro ponte repellens
 Trajecit clipeo Tibrin, quo texerat Urbem
 Tarquinio mirante Cocles, mediisque superbus
 Porfennam respexit aquis. Celer Addua nostro
 Sulcatus focero. Sed cum tranaret, Etruscis
 Ille dabat tergum, Geticis hic pectora, bellis.

485

490

Exfere nunc doctos tantæ certamina laudis
 Roma choros, & quanta tuis facundia pollet
 Ingeniis, nostrum digno sonet ore parentem.

Dixit, & antiquæ muros egressa Ravennæ

Signa movet; jamque ora Padi, portusque relinquit Flumineos, certis ubi legibus advena Nereus Æstuat, & pronas puppes nunc amne secundo, Nunc redeunte, vehit: nudataque litora fluctu Deferit, Oceani lunaribus æmula damnis. Lætior hinc Fano recipit Fortuna vetusto, Despiciturque vagus prærupta valle Metaurus, Qua mons arte patens vivo se perforat arcu, Admittitque viam sectæ per viscera rupis, Exsuperans delubra Jovis, saxoque minantes Apenninigenis cultas pastoribus aras. Quin & Clitumni sacras victoribus undas, Candida quæ Latiis præbent armenta triumphis, Visere cura fuit. Nec te miracula fontis Prætereunt: tacito passu quem si quis adiret, Lentus erat: si voce gradum majore citasset, Commotis fervebat aquis. Cumque omnibus una Sit natura vadis, similes ut corporis umbras Ostendant: hæc sola novam instantia sortem Humanos properant imitari flumina mores. Celsa dehinc patulum prospectans Narnia campum Regali calcatur equo, rarique coloris Non procul amnis abest, urbi qui nominis auctor, Illice sub densa silvis arctatus opacis, Inter utrumque jugum tortis anfractibus albet. Inde, salutato libatis Tibride lymphis, Excipiunt arcus, operosaque semita vastis Molibus, & quidquid tantæ præmittitur urbi. Ac velut officiis trepidantibus ora puellæ Spe propiore tori mater sollemior ornat	495 500 505 510 515 520
--	--

Adveniente proco, vestesque & cingula comit . 525

Sæpe manu, viridique angustat jaspide pectus,

Substringitque comam gemmis, & colla monili

Circuit, & baccis onerat candentibus aures:

Sic oculis placitura tuis, insignior auctis

Collibus, & nota major se Roma videndam 530

Obtulit. Addebant pulchrum nova moenia vultum,

Audito perfecta recens rumore Getarum.

Profecitque opifex decori timor, &, vice mira,

Quam pax intulerat, bello discussa senectus;

Erexit subitas turres, cinctosque coegit 535

Septem continuo montes juvenescere muro.

Ipse favens votis, solitoque decentior aer,

Quamvis affiduo noctem coedaverit imbri,

Principis & Solis radiis deterfa removit

Nubila. Namque ideo pluviis turbaverat omnes 540

Ante dies, lunamque rudem madefecerat Austro,

Ut tibi servatum scirent convexa serenum.

Omne, Palatino quod pons a colle recedit

Mulvius, & quantum licuit consurgere testis,

Una replet turbæ facies: undare videres 545

Ima viris, altas effulgere matribus ædes.

Exsultant juvenes æquævi Principis annis:

Temnunt prisca senes, & in hunc sibi prospera fati

Gratantur durasse diem. Moderataque laudant

Tempora, quod clemens aditu, quod pectore, solus 550

Romanos vetuit currum præcedere Patres:

Cum tamen Eucherius, cui regius undique sanguis,

Atque Augusta soror, fratri præberet ovanti

Militis obsequium: sic illum dura parentis

Instituit pietas in se vel pignora parci;

555

Quique neget nato, procerum quod præster honori.

Hæc sibi cura senum, maturaque comprobata ætas:

Idque inter veteris speciem præsentis & aulæ

Judicat, hunc civem, domino's venisse priores.

Conspicuas tum flore genas, diademate crinem,

560

Membraque gemmato trabæ viridantia cinctu,

Et fortes humeros, & certatura Lyæo

Inter Erythræas surgentia colla smaragdos

Mirari sine fine nurus: ignaraque virgo,

Cui simplex calet ore pudor, per singula cernens

565

Nutricem consultat anum, Quid fixa draconum

Ora velint? Ventis fluitent, an vera minentur

Sibila suspensum rapturi faucibus hostem?

Ut chalybem indutos equites, & in ære latentes

Vidit cornipedes; Quanam de gente, rogabat,

570

Ferrati venere viri? Quæ terra metallo

Nascentes informat equos? Num Lemnius auctor

Addidit hinnitum ferro, simulacraque bellis

Viva dedit? Gaudet metuens, & pollice monstrat,

Quod picturatas galeæ Junonia cristas

575

Ornet avis, vel quod rigidos vibrata per armos

Rubra subaurato crispentur serica dorso.

Tum tibi magnorum mercem Fortuna laborum

Perfolvit, Stilichô; curru cum vestus eodem

Urbe triumphantem generum florente juventa

580

Conspiceres, illumque diem sub corde referres,

Quo tibi confusa dubiis formidine rebus

Infantem genitor moriens commisit alendum.

Virtutes variæ fructus sensere receptos:

DE VI CONS. HONOR. 271

Depositum servasse, Fides: Constantia, parvum	385
Præfecisse orbi: Pietas, fovisse propinquum.	
Hic est ille puer, qui nunc ad Rostra Quirites	
Evocat: & folio fultus genitoris eburno	
Gestorum Patribus causas ex ordine rerum,	
Eventusque refert: veterumque exempla secutus	590
Digerit imperii sub iudice fata Senatu.	
Nil cumulat, verbisque nihil fiducia celat.	
Fucati sermonis opem mens conscia laudis	
Abnuit. Agnoscunt procures, habituque Gabino	
Principis, & ducibus circumstipata togatis	595
Jure paludatæ jam curia militat aulæ.	
Adfuit ipsa suis ales Victoria templis	
Romanæ tutela togæ: quæ divite pompa	
Patricii reverenda fovet sacraria cœtus,	
Castrorumque eadem comes indefessa tuorum;	600
Nunc tandem fruitur junctis, atque omne futurum	
Te Romæ seseque tibi promittit in ævum.	
Hinc te jam patriis Laribus via nomine vero	
Sacra refert. Flagrat studiis concordia vulgi,	
Quam non illecebris dispersi colligis auri;	605
Nec tibi venales captant æraria plausus	
Corruptura fidem. Meritis offertur inemptus	
Pura mente favor. Nam munere cærior omni	
Obstringit sua quemque salus. Procul ambitus erret.	
Non quærat pretium, vitam qui debet amor.	610
O quantum populo secreti numinis addit	
Imperii præsens genius, quantamque rependit	
Majestas alterna vicem, cum regia Circi	
Convexum gradibus veneratur purpura vulgus,	

Affensuque cavæ sublatu in æthera vallis
 Plebis adoratæ reboat fragor, unaque totis
 Intonat Augustum septenis arcibus Echo.
 Nec solis hic cursus equis: assueta quadrigis
 Cingunt arva trabes, subitæque adspectus arenæ
 Diffundit Libycos aliena valle cruores. 615
 Hæc & belligeros exercuit area lusus.
 Armatos hic sæpe choros, certaue vagandi
 Textas lege fugas, inconfusosque recurfus,
 Et pulchras errorum acies, jucundaue Martis
 Cernimus: insonuit cum verbere signa magister, 625
 Mutatosque edunt pariter tot pectora motus,
 In latus allisis clipeis, aut rursus in altum
 Vibratis. Grave parma sonat mucronis acuri
 Murmure, & umbonum pulsu modulante resultans
 Ferreus alterno concentus clauditur ense. 630
 Una omnis submissa phalanx, tantæque salutant
 Te, Princeps, galeæ. Partitis inde catervis
 In varios docto discurritur ordine gyros,
 Quos neque semiferi Gortynia testâ juvenci,
 Flumina nec crebro vincant Mæandria flexu. 635
 Discreto revoluta gradu torquentur in orbes
 Agmina, perpetuisque immoto cardine claustris
 Janus bella premens, lætæ sub imagine pugnæ,
 Armorum innocuos Paci largitur honores.
 Jamque novum fastis aperit felicibus annum 640
 Ore coronatus gemino. Jam Tiberis in uno
 Et Bruti cernit trabes, & scepra Quirini.
 Consule lætatur post plurima secula viso
 Pallanteus apex. Agnoscunt Rostro curules

DE VI CONS. HONOR. 273

Auditas quondam proavis, desuetaque cingit	645
Regius auratis fora fascibus Ulpia liſtor :	
Et sextas Getica prævelans fronde secures	
Colla triumphati proculcat Honorius Iſtri.	
Exeat in populos cunctis illuſtrior annus,	
Natus fonte ſuo : quem non aliena per arva	650
Induit hoſpes honos : cujus cunabula fovit	
Curia : quem primi tandem videre Quirites :	
Quem domitis auſpex peperit Victoria bellis.	
Hunc & privati titulis famulantibus anni,	
Et quos armipotens genitor, retroque priores	655
Diverſis geſſere locis, ceu Numen, adorent.	
Hunc & quinque tui, vel quos habiturus in Urbe	
Post alios, Auguſte, colant : licet unus in omnes	
Conſul eas, magno ſextus tamen iſte ſuperbit	
Nomine, præteritis melior, venientibus auſtor.	660

XXIX

CL. CLAUDIANI

LAUS SERENÆ REGINÆ

UXORIS STILICHONIS.

DIC, mea Calliope, cur tanto tempore differs
 Pietio meritam sermo redimire Serenam?
 Vile putas donum, solitam consurgere gemmis;
 Et rubro radiare mari, si floribus ornes
 Reginæ Regina comam? si floribus illis, 5
 Quos neque frigoribus Boreas, nec Sirius urit
 Æstibus, æterno sed veris honore rubentes
 Fons Aganippea Permessus educat unda:
 Unde piæ pascuntur apes, & prata legentes
 Transmittunt seclis Heliconia mella futuris. 10
 Dignius an vates alios exercuit unum
 Femineæ virtutis opus? Conforte redempto
 Casta maritali successit Theffala fato,
 Inque suos migrare virum non abnuat annos:
 Hoc Graji memorant. Latiis movet ora Camœnis 15
 Præcia fatorum Tanaquil, rediensque per undas

Clœlia Tibrinas, & eodem flumine ducens
 Claudia virgineo cunctantem crine Cybellen.
 Anne aliud toto molitur carminis actu
 Mæonii mens alta senis? Quod stagna Charybdis 20
 Armarit, quod Scylla canes, quod pocula Circe:
 Antiphatæ vitata fames, surdoque carina
 Remige Sirenum cantus transvesta tenaces:
 Lumine fraudatus Cyclops, contemta Calypso:
 Penelopæ decus est, atque uni tanta paratur 25
 Scena pudicitæ: terræ pelagique labores,
 Et toridem sævi bellis, quot fluctibus, anni;
 Conjugii docuere fidem. Sit Claudia felix
 Teste Dea, castosque probet sub numine mores;
 Absolvens puppisque moras crimenque pudoris: 30
 Penelope trahat arte procos, fallatque furentes
 Stamina nocturnæ relegens sollertia telæ:
 Non tamen audebunt titulis certare Serenæ.
 Quod si nobilitas cunctis exordia pandit
 Landibus, atque omnes redeunt in semina causæ; 35
 Quis venerabilior sanguis? quæ major origo,
 Quam regalis, erit? Non hoc privata dedere
 Limina, nec tantum poterat contingere numen
 Angustis Laribus. Patruo te Principe cellam
 Bellipotens illustrat avus: qui signa Britanno 40
 Intulit Oceano, Gætulaque reppulit arma.
 Claram Scipiadum taceat Cornelia gentem;
 Seque minus jactet Libycis dotata tropæis.
 Cardine tu gemino lauros prætendis avitas.
 Inde Caledoniis, Australibus inde parentum 45
 Cingeris exuviis. Necdum moderamina mundi

Sumferat illa domus, cum te Lucina beatis

Ederet astrorum radiis. O maxima rerum

Gloria! post genitā didicit regnare Serenam.

Quid dignum memorare tuis, Hispania, terris

50

Vox humana valet? Primo levat æquore Solem

India: tu fessos exacta luce jugales

Proluis, inque tuo respirant sidera fluctu.

Dives equis, frugum facilis, pretiosa metallis,

Principibus secunda piis. Tibi secula debent

55

Trajanum: series his fontibus Ælia fluxit.

Hinc senior pater; hinc juvenum diademata fratrum.

Namque aliæ gentes, quas fœdere Roma recepit,

Aut armis domuit, varios aptantur in usus

Imperii: Phariæ segetes, & Punica messis

60

Castroꝝ devota cibo: dat Gallia robur

Militis: Illyricis sudant equitatibus alæ.

Sola novum Latiis vestigal Iberia rebus

Contulit, Augustos. Fruges, æraria, miles

Undique conveniunt, totoque ex orbe leguntur:

65

Hæc generat, qui cuncta regant. Nec laude virorum

Censeri contenta fuit, nisi matribus æque

Vinceret, &, gemino certatim splendida sexu,

Flaccillam Mariamque daret pulchramque Serenam.

70

Te nascente serunt per pinguia culta tumentem

Divitiis undasse Tagum. Callæcia risit

Floribus, & roseis formosus Duria ripis

Vellera purpureo passim mutavit ovili.

Cantaber Oceanus vicino litore gemmas

Exspuit: effossis nec pallidus Astur oberrat

75

Montibus. Oblatum sacris natalibus aurum

Vulgo vena vomit. Pirenæisque sub antris
Ignea flumineæ legere Ceraunia nymphæ.
Quæque relabentes undas æstumque secutæ
In refluos venerè palam Nereides amnes;
Confessæ plausu dominam, cecinere futuris
Auspicium thalamis. Alio tum parvus in axe
Crescebat Stilicho, votique ignarus agebat,
Debita cui longè conjux, penitusque remoto.
Orbe parabatur tanti concordia fati.

80

85

Nec tua mortalis meruit cunabula nutrix.
Ubera prima dabant gremiis redolentibus Horæ;
Ternaque te nudis innectens Gratia membris
Afflavit, docuitque loqui. Quacunque per herbam
Reptares, fluxere rosæ: candentia nasci
Lilia. Si placido cessissent lumina somno,
Purpura surgebat violæ, factura cubile
Gramineum, vernansque tori regalis imago.

90

Omina non audet genitrix tam magna fateri;
Successusque suos arcani conscia voti
Spe trepidante tegit. Gestabat Honorius arcto
Te pater amplexu. Quoties ad limina princeps
Theodosius privatus adhuc fraterna veniret,
Oscula libabat, teque ad sua tecta ferebat
Lætiôr. In matrem teneris conversa querelis,
Quid me de propriis auferre Penatibus, inquis;
Imperat hic semper? Præfagia luserat error,
Et dedit augurium regnis infantia linguæ.

95

100

Defuncto genitore tuo sublimis adoptat
Te patruus, magnique animo solatia luctus
Restituens, propius, quam si genuisset, amavit

105

Defuncti fratris sobolem. Nec carior olim
 Mutuâ Ledæos devinxit cura Laconas.
 Addidit & proprio germana vocabula nato;
 Quaque datur, fratris speciem sibi reddit ademti. 110
 Denique cum rerum summas electus habenas
 Susciperet, non ante suis impendit amorem.
 Pignoribus, quam te pariter fidamque sororem
 Litus ad Eoum terris acciret Iberis.
 Deferitur jam ripa Tagi, Zephyrique relictis 115
 Sedibus, Auroræ famulas properatur in urbes.
 Incedunt geminæ proles fraterna puellæ;
 Inde Serena minor, prior hinc Thermantia natu;
 Expertes thalami, quarum Cythereia nec dum
 Sub juga cervices niveas Hymenæus adegit. 120
 Utraque luminibus tumidum micat: utraque pulchras
 Excitat ore faces. Qualis Latonia virgo,
 Et solo Jove nata soror: cum forte revisunt
 Æquorei sortem patrui, spumantia cedunt
 Æquora, castarum gressus venerata Dearum. 125
 Non ludit Galatea procax, non improbus audet
 Tangere Cymothoen Triton, totoque severos
 Indicit mores pelago pudor, ipsaque Proteus
 Arcet ab amplexu turpi Neptunia monstra.
 Tales sceptriferi visuræ testâ parentis 130
 Limen Honoriades penetrant regale sorores:
 Ambas ille quidem patrio complexus amore:
 Sed merito pietas in te proclivior ibat.
 Et quoties, rerum moles ut publica cogit;
 Tristior, aut ira tumidus flagrante redibat, 135
 Cum patrem nati fugerent, atque ipsa timeret

Commotum Flaccilla virum, tu sola frementem
 Frangere, tu blando poteris sermone mederi.
 Alloquiis hæere tuis: secreta, fidelis:
 Prisca puellares reverentia transilit annos. 140
 Non talem Triviæ confert laudator Homerus
 Alcinoë genitam: quæ, dum per litora vestes
 Explicat, & famulas exercet læta choreas,
 Auratam jaculata pilam, post naufraga somni
 Oria progressum foliis expavit Ulysses. 145
 Pierius labor, & veterum tibi carmina vatium
 Ludus erant: quos Smyrna dedit, quos Mantua, libros
 Percurrens, damnas Helenen, nec parcis Elissæ.
 Nobiliora tenent animos exempla pudicos.
 Laodamia sequens remeantem rursus ad umbras 150
 Phylaciden, & prona ruens Capaneia conjux
 Communes ardente viro mixtura favillas,
 Et gravis incumbens casto Lucretia ferro,
 Vulnere quæ proprio, facinus testata tyranni
 Armavit patriæ justos in bella dolores, 155
 Exsule Tarquinio; memorandaque concidit uno
 Ulta pudicitiam libertatemque cruore.
 Talia facta libens non tu virtute minori,
 Sed fato meliore, legis. Jam nubilus ætas
 Principe sollicito votis erexerat aulam 160
 Incertis, quem tanta tori fortuna maneret:
 Antiquos loquitur Musarum pagina reges;
 Quod dira sub lege procos certare juberent,
 Emturos thalamum dubii discrimine leti,
 Et sua crudeles gauderent pignora mortis 165
 Ambitione peti. Curru Pisæa marino

Fugit tela Pelops. Nam perfidus objice regis
 Prodidit Œnomaï deceptum Myrtilus axem.
 Hippomenes trepidus cursu ferroque secutam
 Aurato volucrem flexit Schœneïda pomo. 170
 Herculeas vidit fluvio luctante palæstras
 Mœnibus ex altis Calydon, pretiumque labori
 Deïanira fuit, cum pectore victor anhelò
 Alcides premeret, retroque Acheloïus iret
 Decolor. Attonitæ stringebant vulnera Nymphæ. 175
 Saucia truncato pallebant flumina cornu.
 Te non Hesperidum pomis, non amne subactò;
 Non focerum fallente rota, sed iudice dignus
 Augusto, variis Stilicho spectatus in armis
 Accipit, & regni dotes virtute paravit. 180
 Sæpe duces meritis bello tribuere coronas.
 Hunc cingit muralis honos: hunc civica quercus
 Nexuit: hunc domitis ambit rostrata carinis.
 Solus militiæ mira mercede jugalem
 Promeruit Stilicho, focero referente, coronam. 185
 Agnovit patrui similem Thermantia curam:
 Nupsit & illa duci. Sed longe fata fororis
 Inferiora tuis. Alio tibi lumine tædas
 Accendit Romana Salus, magnisque coronis
 Conjugium fit cura tuum. Dilectus equorum, 190
 Quos Phrygiæ matres, Argeaque gramina pastæ.
 Semine Cappadocum sacris præsepibus edunt,
 Primus honos. Gémino mox idem culmine duxit
 Agmina: commissosque labor sic gessit honores,
 Ut semper merito princeps cum magna dedisset, 195
 Deberet majora tamen. Si bellica nubes

Ingrueret, quamvis annis & jure minori
 Cedere grandævos equitum peditumque Magistros
 Adspiceres, totumque palam permittere Martem.
 Nec gradus ætatisve pudor senioribus obstat, 200
 Ne juveni parere velint. Ceu flamine molli,
 Tranquillisque fretis, clavum sibi quisque regendum
 Vindicat: incumbat si turbidus Anster, & unda
 Pulsset utrumque latus; posito certamine nautæ
 Contenti meliore manu, seseque ratemque 205
 Unius imperiis tradunt, artemque pavore
 Confessis finem studiis fecere procellæ.
 Haud aliter Silicho, fremuit cum Thracia belli
 Tempestas, cunctis pariter cedentibus, unus
 Eligitur ductor. Suffragia quippe peregit 210
 Judex vera timor. Victus ratione salutis
 Ambitus, & pulsus tacuit formidine livor.

Quis tibi tunc per membra tremor, quantæque cadebant
 Uberrim lacrimæ, cum sæva vocantibus arma
 Jam lituis, madido respectans limina vultu, 215
 Optares reducem, galeæque inserta minaci
 Oscula cristati raperes festina mariti?
 Gaudia quæ rursus, cum post victricia tandem
 Classica fidereas ferratum pectus in ulnas
 Exciperes: castæ tuto per dulcia noctis 220
 Otia pugnarum seriem narrare juberet?

Non illo nitidos unquam bellante capillos
 Comere: non solitos gemmarum fumero cultus.
 Numinibus votisve vacas, & supplice crine
 Verris humum. Teritur neglectæ gratia formæ 225
 Cum proprio reditura viro. Nec deside cura

Segnis marcet amor. Laudem prudentia belli
 Feminea pro parte subit. Dum gentibus ille
 Confligit, vigili tu prospicis omnia sensu :
 Ne quid in absentem virtutibus obvia semper
 Audeat invidiæ rabies, neu rumor iniquus ;
 Ne qua procul positis furto subsederit armis
 Calliditas nocitura domi. Tu sedula quondam
 Rufino meditante nefas, cum quæreret artes
 In ducis exitium, conjuratosque foveret
 Contra pila Getas, motus rimata latentes ;
 Mandatis tremebunda virum scriptisque monebas :

230

235

RELIQUA DESIDERANTUR

XXX
 CL. CLAUDIANI
 EPITHALAMIUM
 DICTUM
 PALLADIO
 V. C. TRIBUNO ET NOTARIO
 ET
 CELERINÆ.

P R Æ F A T I O.

CARMINA per thalamum, quamvis festina, negare
 Nec volui genero, nec potui focero.
 Hic socius, dux ille mihi; nostrique per aulam
 Ordinis hic consors emicat, ille prior,
 Hunc mihi conjungit studiis communibus ætas;
 Hunc mihi præponit vel senium, vel honos.
 Carmen amor generi, focii reverentia poscit,
 Officio vatis, militis obsequio.

XXXI

EPITHALAMIUM

FORTE Venus blando quæsitum frigore somnos
 Vitibus intexti gremio successerat antri,
 Densaque sidereos per gramina fuderat artus,
 Acclinis florum cumulo. Crispatur opaca
 Pampinus, & mites undatim ventilat uvas.
 Ora decet neglecta sopor, fastidit amictum
 Æstus, & exuto translucent pectore frondes.
 Idaliæ juxta famulæ, triplexque vicissim
 Nexa sub ingenti requiescit Gratia quercu.
 Pennati passim pueri, quo quemque vocavit
 Umbra, jacent. Fluitant arcus, ramisque propinquis.
 Pendentes placido suspirant igne pharetræ.
 Pars vigilēs ludunt, aut per virgulta vagantur;
 Scrutantur nidos avium, vel roscida læti
 Mala legunt donum Veneris, flexusque sequuntur
 Palmitis, & summas pennis librantur in ulmos.
 Defendunt alii lucum; Dryadasque procaces
 Spectandi cupidas, & rustica Numina pellunt,
 Silvestresque Deos: longeque tuentibus antrum.
 Flammea lascivis intendunt spicula Faunis.
 Cum subito varius vicina clamor ab urbe,

Et fausti juvenum plausus, mixtæque choreis
 Audita per rura lyræ. Celerina per omnes
 Italiæ canitur montes, omnisque maritum
 Palladium resonabat ager. Pervenit ad aures 25
 Vox jucunda Deæ, strepituque excita resedit,
 Et reliquum nitido deterfit pollice somnū.
 Utque erat indigesta comas, turbata capillos,
 Mollibus exsurgit stratis, Hymenæon & omne
 Agmen, & innumeros Hymenæum poscit Amores. 30

Hunc Musa genitum legit Cytherea, ducemque
 Præfecit thalamis. Nullum junxisse cubile
 Hoc sine, nec primas fas est attollere tædas.

Conspicitur tandem. Platano namque ille sub alta
 Fusus inæquales cera texebat avenas, 35
 Mænaliisque modos, & pastoralia labris
 Murmura tentabat relegens, orisque recursu
 Dissimilem tenui variabat arundine ventum.
 Restitit, ut vidit Venerem, digitisque remissis
 Ad terram tacito defluxit fistula lapsu. 40
 Dulce micant oculi. Niveas infecerat igni
 Solque pudorque genas: dubiam lanuginis umbram
 Cæsaries intonsa tegit. Prior ipsa silentem
 Compellat: Nunquamne, puer, dilecta relinques
 Carmina? Maternis nunquam satiabere donis, 45
 Dedite Musarum studio, nimiumque parentis
 Æmule? Quid medio tecum modularis in æstu?
 Jamne tibi sordent citharæ? Jam lustra Lycei,
 Atque pecus cordi, redituraque rupibus Echo?
 Huc ades, & tantæ nobis ediffere causas 50
 Lætitia. Cui pompa toro tam clara resultat,

Quæ nova dotetur virgo , patriamque genusque
 Pande , quibus terris orti , quo semine ducti.
 Haud ignarus enim : nec te connubia fallunt
 Ulla. Tuo primæ libantur fœdere noctes. 55
 Ille refert : Equidem dudum te , Diva , morantem
 Mirabar , quid adhuc tanti secura maneres
 Conjugii. Non parva tibi mandatur origo.
 Fascibus infiges , & legum culmine fultæ
 Convenere domus , & qui lætissimus orbi 60
 Sanguis erat. Rubris quæ fluctibus insula latrat ?
 Quis locus Æthiopum ? Quæ sic impervia famæ
 Secessit regio , quo non rumore secundo
 Palladii penetravit amor , mentisque benigna
 Temperies , doctique sales , & grata senectus ? 65
 Per cunctos iit ille gradus , aulæque labores
 Emensus , tenuit summæ fastigia sedis ,
 Eoum stabili moderatus jure Senatum.
 Hic splendor juveni. Cunabula prima puellæ
 Danubius , veteresque Tomi. Mavortia matris 70
 Nobilitas spoliis armisque exultat avitis ,
 Immensamque trahit Celerini robore lucem ;
 Qui quondam Meroen jussus Nilumque tueri ;
 Cum sibi post domitas ad Parthica flumina Carras
 Sceptra daret miles , rebusque imponere vellet , 75
 Despexit fremitus , & prætulit otia regno.
 Respuit ingestum , quod vi , quod poscere ferro
 Posthabita pietate solent. Tum purpura primum
 Inferior virtute fuit , meruitque repulsam
 Obvia majestas. Doluit Fortuna minorem 80
 Se confessa viro. Magnum delata potestas ;

Majorem contemta probat. Cognomina sumsit
 Plena ducum genitor. Paulatim vestus ad altum
 Princeps militiæ, qua non illustrior exstat
 Altera: cunctorum tabulas assignat honorum; 85
 Regnorum tractat numeros, constringit in unum
 Sparsas imperii vires, cuneosque recentet
 Dispositos: quæ Sarmaticis custodia ripis;
 Quæ sævis objecta Getis, quæ Saxona frenat
 Vel Scotum legio. Quantæ cinxere cohortes 90
 Oceanum: quanto pacatur milite Rhenus.
 Casta domus, sincera fides, industria sollers:
 Elegit Stilicho. Nihil ultra laudibus addi
 Judiciove potest. Tali nubente puella
 Nonne tibi cessare nefas? Duc protinus omnes; 95
 Duc age. Marcentes cupio quassare coronas,
 Et vibrare faces, & noctem ducere ludo.
 Hæc quoque non vilem mihi fistula commodat usum;
 Responsura choris. — Vix hæc Hymenæus. At illa
 Fontibus abluitur gelidis, legemque capillo 100
 Reddit, & ornatum formæ: prelisque solutæ
 Mira Dioneæ sumit velamina telæ.
 Floribus exstruitur currus: juga floribus halant:
 Florea purpureas adnectunt frena columbas.
 Undique concurrunt volucres, quæcunque fremente 105
 Permulcent Athesin cantu, quas Larius audit,
 Quas Benacus alit, quas excipit amne quieto
 Mincius. Ereptis obmutuit unda querelis.
 Eridani ripas, & raucæ stagna Padusæ

Diffugiens nudavit olor. Lætantur Amores,
 Frenatisque truces avibus per nubila vestî
 Ostentant se quisque Deæ, magnoque tumultu
 Confligunt; pronique manus in verbera tendunt;
 Atque impune cadunt. Lapsus meliore volatu
 Consequitur, vincitque suos auriga jugales.

110

115

Ut thalami tetigere fores, tum vere rubentes
 Desuper invertunt calathos, largosque rosarum
 Imbres, & violas plenîs sparsere pharetris,
 Collectas Veneris prato, quibus ipse pepercit
 Sirius, & teneras clementi fidere fovit.

120

Gemmatis alii per totum balsama tectum
 Effudere cadis, duro quæ faucius ungue
 Niliacus pingui defudat vulnere cortex.
 Aggreditur Cytherea nurum, flentemque pudico
 Detrahit matris gremio. Matura tumescit
 Virginitas, superatque nives ac lilia candor,
 Et patrium flavis testatur crinibus Istrum.

125

Tum dextram complexa viri, dextramque puellæ
 Tradit, & his ultro sancit connubia dictis:

Vivite concordēs, & nostrum discite munus.

130

Oscula mille sonent. Livescant brachia nexu,
 Labra ligent animas. Neu tu virtute paterna
 Confidas, juvenis. Non est terrore domanda,
 Sed precibus pacanda tibi. Concede marito

Tu quoque, neu Scythicas infensis unguibus iras
 Exercere velis. Vinci patiare rogamus.

135

Sic uxor, sic mater eris. Quid lumina tingis,

EPITHAL. PALL. ET CELER. 189

Virgo? Crede mihi, quem nunc horrefcis, amabis.

Dixit: & aligera geminos arcuque manuque

Præstantes e plebè vocat. Puer ilicet Æthon, 140

Et Pyrois rutilas resperſu murice plumas

Proſiliunt, puroque imbutis melle ſagittis;

Hic nuptam petit, ille virum. Sonuere reducta

Cornua. Certa Notos pariter ſulcavit arundo;

Et pariter fixis hæſerunt tela medullis. 145

Cl. Claudianus;

T

XXXII

CL. CLAUDIANI

IN LIBRUM I

DE

RAPTU PROSERPINÆ

PRÆFATIO.

INVENTA secuit qui primus nave profundum,
 Et rudibus remis sollicitavit aquas:
 Qui dubiis ausus committere flatibus alnum,
 Quas natura negat, præbuit arte vias.
 Tranquillis primum trepidus se credidit undis,
 Litora securo tramite summa legens:
 Mox longos tentare sinus, & linquere terras,
 Et leni cœpit pandere vela Noto.
 Ast ubi paulatim præceps audacia crevit,
 Cordaque languentem dedidicere metum:
 Jam vagus exsultat pelago, cœlumque secutus
 Ægæas hiemes, Ioniumque domat.

5

10

XXXIII

CL. CLAUDIANI

DE

RAPTU PROSERPINÆ

LIBER I.

INFERNI raptoris equos, afflataque curru
 Sidera Tænario, caligantesque profundæ
 Junonis thalamos audaci prodere cantu
 Mens congesta jubet. Gressus remove, profani.
 Jam furor humanos nostro de pectore sensus
 Expulit, & totum spirant præcordia Phœbum.
 Jam mihi cernuntur trepidis delubra moveri
 Sedibus, & claram dispergere culmina lucem,
 Adventum testata Dei. Jam magnus ab imis
 Auditur fremitus terris, templumque remugit
 Cecropium, sanctasque faces attollit Eleusin.
 Angues Triptolemi stridunt, & squamea curvis
 Colla levant attrita jugis, lapsuque sereno
 Erecti roseas tendunt ad carmina cristas.

T 2

Ecce procul ternas Hecate variata figuras
 Exoritur, lenisque simul procedit Iacchus
 Crinali florens edera, quem Parthica velat
 Tigris, & auratos in nodum colligit unguis.
 Ebria Mæonius firmat vestigia thyrsus.

15

Di, quibus in numerum vacui famulantur Averni
 Vulgus iners, opibus quorum donatur avaris
 Quidquid in orbe perit, quos Styx viventibus ambit
 Interfusa vadis, & quos fumantia torquens
 Æquora vorticibus Phlegethon perlustrat anhelis;
 Vos mihi sacrarum penetralia pandite rerum,
 Et vestri secreta poli: Qua lampade Ditem
 Flexit Amor, quo ducta ferox Proserpina raptu
 Possedit dotale Chaos, quantasque per oras
 Sollicito genitrix erraverit anxia cursu:
 Unde datæ populis leges, & glande relicta
 Cesserit inventis Dodonia quercus arstis.

20

25

30

Dux Erebi quondam tumidas exarsit in iras
 Prælia moturus Superis, quod solus egeret
 Connubii, sterileque diu consumeret annos;
 Impatiens nescire torum, nullasque mariti
 Illecebras, nec dulce patris cognoscere nomen.
 Jam quæcunque latent ferali monstra barathro
 In turmas aciemque ruunt, contraque Tonantem
 Conjurant Furæ: crinitaque fontibus hydri
 Tisiphone, quatiens insausto lumine pinum,
 Armatos ad castra vocat pallentia Manes.

35

40

Pæne reluctatis iterum pugnantia rebus
 Rupissent elementa fidem, penitusque revulso
 Carcere, laxatis pubes Titania vinclis,

Vidisset cœleste jubar, rursusque cruentus 45

Ægæon positis arcto de corpore nodis

Obvia centeno vexasset fulmina motu.

Sed Parcæ vetuere minas, orbique timentes

Ante pedes soliumque ducis fudere severam

Canitiem, genibusque suas cum supplice vultu 50

Admovere manus, quarum sub jure tenentur

Omnia, quæ seriem fatorum pollice ducunt,

Longaque ferratis evolvunt secula pensis.

Prima fero Lachesis clamabat talia regi,

Incultas dispersa comas: O maxime noctis 55

Arbiter, umbrarumque potens, cui nostra laborant

Stamina; qui finem cunctis & semina præbes,

Nascendique vices alterna morte rependis;

Qui vitam letumque regis: (nam quidquid ubique 60

Gignit materies, hoc te donante creatur,

Debeturque tibi, certisque ambagibus ævi

Rursus corporeos animæ mittuntur in ortus:)

Ne pete firmatas pacis dissolvere leges,

Quas dedimus, nevitque colus: neu fœdera fratrum

Civili converte tuba. Cur impia tollis 65

Signa? Quid incestis aperis Titanibus auras?

Posce Jovem, dabitur conjux. — Vix illa: pepercit,

Erubuitque preces, animisque relanguit atrox,

Quamvis indocilis flecti. Ceu turbine rauco

Cum gravis armatur Boreas, glacieque nivali 70

Hispidus & Getica concretus grandine pennas,

Bella cupit, pelagus, silvas, camposque sonore

Flamine rapturus: si forte adversus aenos

Æolus objecit postes, vanescit inanis.

Impetus, & fractæ redeunt in claustra procellæ.	75
Tum Maja genitum, qui fervida dicta reportet,	
Imperat acciri. Cyllenius adstirrit ales,	
Somniferam quatiens virgam, tectusque galero.	
Ipse rudi fultus folio, nigraque verendus	
Majestate sedet. Squalent immania foedo	80
Sceptra situ; sublimè caput inæstissima nubes	
Asperat, & diræ riget inclementia formæ.	
Terrorem dolor augebat. Tunc talia cello	
Ore tonat: (tremefacta silent dicente tyranno	
Atria; latratum triplicem compescuit ingens	85
Ianitor, & presso lacrimarum fonte resedit	
Cocytos, tacitisque Acheron obmutuit undis,	
Et Phlegethontæ requierunt murmura ripæ:)	
Atlantis Tegeæ nepos, commune profundis	
Et superis numen, qui fas per limen utrumque	90
Solus habes, geminoque facis commercia mundo,	
I, celeres proscinde Notos, & iussa superbo	
Redde Jovi. Tantumne tibi, sævissime fratrum,	
In me juris erit? Sic nobis noxia vires	
Cum cœlo Fortuna tulit? Num robur & arma	95
Perdidimus, si rapta dies? An forte jacentes	
Ignavosque putas, quod non Cyclopia tela	
Stringimus, aut vanas tonitru deludimus aures?	
Nonne satis visum, quod grati luminis experts	
Tertia supremæ patior dispendia fortis,	100
Informesque plagas; cum te lætissimus ornet	
Signifer, & vario cingant splendore Triones?	
Sed thalamis etiam prohibes? Nereia glauco	
Neptunum gremio complectitur Amphitrite.	

Tē consanguineo recipit post fulmina fessum 105

Juno sinu. Quid enim narrem Latonia furta?

Quid Cererem, magnamque Themis? Tibi tanta creandi

Copia: te felix natorum turba coronat.

Ast ego deserta mœrens inglorius aula

Implacidas nullo solabor pignore curas? 110

Non adeo toleranda quies. Primordia testor

Noctis, & horrendæ stagna intemerata paludis;

Si dicto parere negas, patefacta ciebo

Tartara: Saturni veteres laxabo catenas:

Obducam tenebris lucem: compage soluta 115

Fulgidus umbroso miscebitur axis Averno.

Vix ea fatus erat, jam nuntius astra tenebat.

Audierat mandata pater, secumque volutat

Diversos ducens animos, quæ tale sequatur

Conjugium, Stygiosve velit pro Sole recessus. 120

Certa requirenti tandem sententia sedit.

Hennæ Cereri proles optata virebat

Unica; nec tribuit sobolem Lucina secundam;

Fessaque post primos hæserunt viscera partus

Infecunda quidem; sed cunctis altior exstat 125

Matribus, & numeri damnum Proserpina pensat.

Hanc fovet, hanc sequitur. Vitulam non blandius ambit

Torva parens; pedibus quæ nondum proterit arva,

Nec nova lunatæ curvavit germina frontis.

Jam matura toro plenis adoleverat annis 130

Virginitas: tenerum jam pronuba flamma pudorem

Sollicitat: mixtaque tremit formidine votum.

Personat aula procis. Pariter pro virgine certant

Mars clipeo melior, Phœbus præstantior arcu.

Mars donat Rhodopen, Phoebus largitur Amyclas; 135
 Et Delon Clariosque lares. Hinc æmula Juno,
 Hinc poscit Latona surum. Despexit utramque
 Flava Ceres; raptusque timens (heu cæca futuri!)
 Commendat Siculis furtim sua gaudia terris,
 [Infidis natam laribus commisit alendam 140
 Æthera deseruit, Siculasque relegat in oras]
 Ingenio confisa loci. Trinacria quondam
 Italiæ pars una fuit: sed pontus & ætus
 Mutavere situm. Rupit confinia Nereus
 Victor, & abscissos interluit æquore montes: 145
 Parvaque cognatas prohibent discrimina terras.
 Nunc illam socia raptam tellure trifulcam
 Opponit natura mari. Caput inde Pachyni
 Respuit Ionias prætentis rupibus iras.
 Hinc latrat Gætula Thetis, Lilybæaque pulsat 150
 Brachia confurgens; hinc dedignata teneri
 Concutit objectum rabies Tyrrhena Pelarum.
 In medio scopulis se porrigit Ætna perustis:
 Ætna Giganteos nunquam tacitura triumphos,
 Enceladi bustum, qui saucia terga revinctus 155
 Spirat inexhaustum flagranti pectore sulphur.
 Et quoties detrectat onus cervice rebelli
 In dextrum, lævumve latus: tunc insula fundo
 Vellitur, & dubiæ nutant cum mœnibus urbes.
 Ætnæos apices solo cognoscere visu, 160
 Non aditu tentare, licet. Pars cetera frondet
 Arboribus: teritur nullo cultore cacumen.
 Nunc vomit indigenas nimbos, picæaque gravatum
 Fœdat nube diem: nunc molibus astra laceffit

Terrificis, damnisque suis incendia nutrit. 165

Sed, quamvis nimio servens exuberet aestu;

Scit nivibus servare fidem, pariterque favillis

Durescit glacies tanti secura vaporis,

Arcano defensa gelu, fumoque fideli

Lambit contiguas innoxia flamma pruinas. 170

Quæ scopulos tormenta rotant? Quæ tanta procellas

Vis glomerat? Quo fonte ruit Volcanius amnis?

Sive quod objicibus discurrens ventus opertis,

Offenso per saxa furit rimosa meatu,

Dum scrutatur iter, libertatemque reposcens 175

Putria multivagis populatur flatibus antra.

Seu mare sulfurei ductum per viscera montis

Oppressis ignescit aquis, & pondera librat.

Hic ubi servandum mater fidissima pignus

Abdidit, ad Phrygios tendit secura penates, 180

Turrigeramque petit Cybelen, sinuosa draconum

Membra regens, volucris qui pervia nubila tractu

Signant, & placidis humectant frena venenis.

Frontem crista tegit: pingunt maculosa virentes

Terga notæ: rutilum squamis intermicat aurum. 185

Nunc spiris Zephyros tranant: nunc arva volatu

Inferiora secant. Cano rota pulvere labens

Sulcatam fecundat humum. Flavescit aristis

Orbita. Surgentes condunt vestigia culmi.

Vestit iter comitata seges. Jam linquitur Ætna, 190

Totaque decrescit refugo Trinacria visu.

Heu quoties præfaga mali violavit oborto

Rore genas! Quoties oculos ad tecta retorshit

Talia voce movens! Salve, gratissima tellus,

Quam nos prætulimus cœlo : tibi gaudia nostri
 Sanguinis, & caros uteri commendo labores.
 Præmia digna manent. Nullos patiere ligones,
 Et nullo rigidi versabere vomeris ictu.
 Sponte tuus florebit ager. Cessante juvenco
 Ditiior oblatas mirabitur incola messes.

195

200

Sic ait, & fulvis serpentibus attingit Iden.
 Hic ædes augusta Deæ, templique colendi
 Religiosa flex, densis quam pinus opacat
 Frondibus, &, nulla lucos agitante procella,
 Stridula coniferis modulatur carmina ramis.
 Terribiles intus thias, vesanaque mixto
 Concentu delubra gemunt. Ulularibus Ide
 Bacchatur. Timidas inclinant Gargara silvas.

205

Postquam visa Ceres, mugitum tympana frenant.
 Conticuere chori. Corybas non impulit ensen.
 Non buxus, non æra sonant : blandasque leones
 Summisere jubas. Adytis gavisa Cybelle
 Exfilii, & propas intendit ad oscula turre.

210

Viderat hæc dudum summa speculatus ab arce
 Jupiter, ac Veneri mentis penetralia nudat.
 Curarum secreta tibi, Cytherea, fatebor.
 Candida Tartareo nuptum Proserpina regi
 Jam dudum decreta dari. Sic Atropos urget :
 Sic cecinit longæva Themis. Nunc matre remota
 (Rem peragi tempus) fines invade Sicanos,
 Et Cereris prolem patulis illudere campis,
 Crastina puniceos cum lux detexerit ortus,
 Coge tuis armata dolis; quibus urere cuncta,
 Me quoque sæpè, soles. Cur ultima regna quiescunt?

215

220

Nulla sit immunis regio, nullumque sub umbris 225
Pectus inaccensum Veneri. Jam tristis Erinny
Sentiat ardores: Acheron, Ditisque severi
Ferreæ lascivis mollescant corda sagittis.

Accelerat præcepta Venus: jussuque parentis 230
Pallas, & inflexo quæ terret Mænala cornu,
Addunt se comites. Divino semita gressu
Claruit. Augurium qualis laturus iniquum
Præpes sanguineo dilabitur igne cometes
Prodigiale rubens, Non illum navita tuto,
Non impune vident populi: sed, crine minaci 235
Nuntiat aut ratibus ventos, aut urbibus hostes.

Devenere locum, Cereris quo testa nitebant
Cyclopus firmata manu. Stant ardua ferro
Mœnia; ferrati postes: immensaque nectit 240
Claustra chalybs. Nullum tanto sudore Pyracmon,
Nec Steropes, construxit opus: nec talibus unquam
Spiravere notis animæ: nec flumine tanto
Incoctum maduit lassa fornace metallum.
Atria vestit ebur: trabibus solidatur aenis
Culmen, & in celsas furgunt electra columnas. 245

Ipsa domum tenero mulcens Proserpina cantu
Irrita texebat redituræ munera matri.
Hic elementorum seriem sedesque paternas
Insignibat acu: veterem qua lege tumultum
Discrevit Natura parens, & semina jussis 250
Discessere locis. Quidquid leve, fertur in altum:
In medium graviora cadunt: incanduit æther:
Egit flamma polum: fluxit mare: terra pependit.
Nec color unus inest. Stellæ accendit in auro,

Ostro fundit aquas, attollit litora gemmis, 254
 Filaque mentitos jam jam cœlantia fluctus
 Arte tument. Credas illidi cantibus algam,
 Et raucum bibulis insperpere murmur arenis.
 Addit quinque plagas. Mediam subtemine rubro
 Obsessam fervore notat. Squalebat adustus 260
 Limes, & assiduo sitiebant stamina sole.
 Vitales utrinque duas; quas mitis oberrat
 Temperies, habitanda viris. Tum sine supremo
 Torpentes traxit geminas, brumaque perenni
 Fœdat, & æterno contristat frigore telas. 265

Nec non & patrui pingit sacraria Diis,
 Fatalesque sibi Manes. Nec defuit omen.
 Præscia nam subitis maduerunt fletibus ora.

Cœperat & vitreis summo jam margine texti
 Oceanum sinuare vadis: sed cardine verso 270
 Sensit adesse Deas, imperfectumque laborem.
 Deferit, & niveos infecit purpura vultus
 Per liquidas succensa genas: castæque pudoris
 Illuxere faces. Non sic decus ardet eburnum,
 Lydia Sidonio quod femina tiuxerit ostro. 275
 Merferat unda diem. Sparso nox humida somno
 Languida cæruleis invexerat otia bigis.

Jamque viam Pluton superas molitur ad auras
 Germani monitu. Torvos invisa jugales
 Alesto temone ligat, qui pascua mandunt 280
 Cocyti, spatiiisque Erebi nigrantibus errant,
 Stagnaque tranquillæ potantes marcida Lethes
 Ægra soporatis spumant oblivis linguis.
 Orphnæus crudele micans, Æthonque sagitta

Ocior, & Stygii sublimis gloria Nycteus 285

Armenti, Ditisque nota signatus Alastor,

Stabant ante fores juncti, sævumque fremebant

Craffina venturæ spectantes gaudia prædæ.

XXXIV
CL. CLAUDIANI
IN LIBRUM II
DE RAPTU PROSERPINÆ
AD
FLORENTINUM
P R Æ F A T I O.

OTIA sopitis ageret cum cantibus Orpheus;
 Neglectumque diu sepelisset ebur;
 Lugebant erepta sibi solatia Nymphæ,
 Lugebant dulces flumina mœsta modos.
 Sæva feris natura redit, metuensque leonum
 Implorat citharæ vacca tacentis opem.
 Illius & duri flevire silentia montes,
 Silvaeque Bistoniam sæpe secuta chelyn.
 Sed postquam Inachiis Alcides missus ab Argis
 Thracia pacifero contigit arva pede,
 Diraque sanguinei vertit præsepia Regis,
 Et Diomedeos gramine pavit equos:

Tum patriæ festo lætatus tempore vates
 Desuetæ repetit fila corona lyræ,
 Et resides levi modularus pectine nervos 15
 Pollice festino mobile duxit ebur.
 Vix auditus erat : venti frenantur & undæ.
 Pigrior adstrictis torpuit Hebrus aquis.
 Porrexit Rhodope sitientes carmina rupes,
 Excussit gelidas pronior Ossa nives. 20
 Ardua nudato descendit populus Æro,
 Et comitem quercum pinus amica trahit.
 Cirrhæasque Dei quamvis despexerit artes,
 Orpheis laurus vocibus acta venit.
 Securus blandi leporem fovere Molossi, 25
 Vicinumque lupo præbuit agna latus.
 Concordes varia ludunt cum tigride damæ,
 Massylam cervi non timuere jubam.
 Ille novercales stimulos actusque canebat
 Herculis, & forti monstra subacta manu, 30
 Qui timidæ matri pressos ostenderit angues,
 Intrepidusque fero riserit ore puer.
 Te neque Dictæas quatiens mugitibus urbes
 Taurus, nec Stygii terruit ira canis:
 Non leo fidereos cœli rediturus ad axes, 35
 Non Erymanthei gloria montis aper.
 Solvis Amazonios cinctus, Stympthalidas arcu
 Appetis, occiduo ducis ab orbe greges:
 Tergeminique ducis numerosos dejicis artus,
 Et toties uno victor ab hoste redis. 40
 Non cadere Antæo, non crescere profuit Hydræ:
 Non cervam volucres eripuerunt pedes.

Caci flamma perit : rubuit Busrīde Nilus :
Prostratis rubuit Nubigenis Pholoe.
Te Libyci stupere sinus : te maximus Atlas
Horruit , imposito cum premerere polo.
Firmior Herculeā mundus cervice pependit :
Lustrarunt humeros Phœbus & astra tuos.
Thracius hæc vates. Sed tu Tyrinthius alter ,
Florentine , mihi : tu mea plectra moves ,
Antraque Musarum longo torpentia somno
Excutis , & placito ducis ab ore sonos.

45

50



XXXV

CL. CLAUDIANI

DE

RAPTU PROSERPINÆ

LIBER II.

IMPULIT Ionios præmisso lumine fluctus
 Nondum pura dies : tremulis vibravit in undis
 Ardor , & errantes ludunt per cæula flammæ.
 Jamque audax animi , fidæque oblita parentis ,
 Fraude Dionæa rignos Proserpina saltus
 (Sic Parcæ volvere) petit. Ter cardine verso
 Præfagum cecinere fores. Ter conscia fati
 Flebile terrificis gemuit mugitibus Henna.
 Nullis illa tamen monstis , nulloque tenetur
 Prodigio. Comites gressum junxere sorores.
 Prima dolo gaudens , & tanti callida voti ,
 It Venus , & raptus metitur corde futuros ,
 Jam durum flexura Chaos , jam , Dite subactis ,
 Ingenti famulos Manes ductura triumpho.

Cl. Claudianus.

* V

Illi multifidos crinis sinuatur in orbes 15
 Idalia divisus acu. Sudata marito
 Fibula purpureos gemma suspendit amictus.

Candida Parrhasii post hanc regina Lycæi,
 Et Pandionias quæ cuspide protegit arces,
 Utraque virgo, ruunt: hæc tristibus aspera bellis; 20
 Hæc metuenda feris. Tritonia casside fulva
 Cælatum Typhona gerit, qui, summa peremptus,
 Imma parte viget, moriens & parte superstes.
 Hastaque terribili surgens per nubila gyro
 Instar habet silvæ. Tantum stridentia colla 25
 Gorgonis obtentu pallæ fulgentis inumbrat.

At Triviæ lenis species, & multus in ore
 Frater erat, Phœbique genas & lumina Phœbi
 Esse putes, solusque dabat discrimina sexus.
 Brachia nuda nitent: levibus projecerat auris 30
 Indociles errare comas, arcuque remisso
 Oria nervus agit. Pendent post terga sagittæ.
 Crispæur gemino vestis Gortynia cinctu
 Poplite fusa tenus, motoque in stamine Delos
 Errat, & aurato trahitur circumflua ponto. 35

Quas inter Cereris proles, nunc gloria matris,
 Mox dolor, æquali tendit per gramina passu,
 Nec membris nec honore minor; potuitque videri
 Pallas, si clipeum, si ferret spicula, Phœbe.
 Collectæ tereti nodantur jaspide vestes. 40
 Pectinis ingenio nunquam felicior arti
 Contigit eventus. Nullæ sic consona telæ
 Fila, nec in tantum veri duxere figuram.
 Hic Hyperionio Solem de semine nasci

Fecerat, & pariter, sed forma dispare, Lunam, 45

Auroræ nostrisque duces. Cunabula Tethys

Præbet, & infantes gremio solatur anhelos,

Cæruleusque sinus roseis radiatur alumnis.

Invalidum dextro portat Titana lacerto

Nondum luce gravem, nec pubescentibus alte 50

Cristatum radiis. Primo clementior ævo

Fingitur, & tenerum vagitu despuit ignem.

Læva parte soror vitrei libamina potat

Uberis, & parvo signatur tempora cornu.

Tali luxuriat cultu. Comitantur euntem

Naiades, & socia stipant utrinque corona, 55

Quæ fontes Crinise tuos, & saxa rotantem

Pantagiam, nomenque Gelan qui præbuit urbi,

Concelebrant: quas pigra vado Camerina palustri,

Quas Arethusæi latices, quas advena nutrit 60

Alpheus. Cyane totum supereminet agmen.

Qualis Amazonidum peltis exultat aduncis

Pulchra cohors, quoties Arcton populata virago

Hippolyte niveas ducit post prælia turmas;

Seu flavos stravere Getas, seu forte rigentem 65

Thermodontiaca Tanain fregere securi.

Aut quales referunt Baccho solennia Nymphæ

Mæoniæ, quas Hermus alit, ripasque paternas

Percurrunt auro madidæ; lætatur in antro

Amnis, & undantem declinat prodigus utnam. 70

Viderat herbofo sacrum de vertice vulgus

Henna parens florum, curvaque in valle sedentem

Compellat Zephyrum: Pater o gratissime veris,

Qui mea lascivo regnas per prata meatu

Semper, & assiduis irroras flatibus annum,
 Respice Nympharum cœtus, & celsa Tonantis
 Germina, per nostros dignantia ludere campos.
 Nunc adis faveasque, precor: nunc omnia fetu
 Pubescant virgulta velis, ut fertilis Hybla
 Invideat, vincique suos non abnuat hortos.
 Quidquid turiferis spirat Panchaia filvis,
 Quidquid odoratus longe blanditur Hydaspes,
 Quidquid ab extremis ales longæva Sabæis
 Colligit, optato repetens exordia busto,
 In venas disperge meas, & flamine largo
 Rura fove: merear divino pollice carpi,
 Et nostris cupiant ornari numina fertis.

75

80

85

Dixerat. Ille novo madidantes nectare pennas
 Concutit, & glebas secundo rore maritat,
 Quaque volat, vernus sequitur rubor. Omnis in herbas
 Turget humus, medioque patent convexa sereno:
 Sanguineo splendore rosas, vaccinia nigro
 Induit, & dulci violas ferrugine pingit.
 Parthica quæ tantis variantur cingula gemmis
 Regales vinctura sinus? Quæ vellera tantum
 Ditibus Assyrii spem fucantur aeni?
 Non tales volucer pandit Junonius alas:
 Nec sic innumeros arcu mutante colores
 Incipiens redimitur hiems, cum tramite flexo
 Semita discretis interviret humida nimbis.

90

95

100

Forma loci superat flores: curvata tumore
 Parvo planities, & mollibus edita clivis
 Creverat in collem. Vivo de pumice fontes
 Roscida mobilibus lambabant gramina rivis.

Silvaeque torrentes ramorum frigore soles 105
 Temperat, & medio brumam sibi vindicat æstu:
 Aptæ fretis abies, bellis accommoda cornus,
 Quercus amica Jovi, tumulos tectura cupressus,
 Ilex plena favis, venturi præscia laurus.
 Fluctuat hic denso crispata cacumine buxus, 110
 Hic ederae serpunt, hic pampinus induit ulmos.
 Haud procul inde lacus (Pergum dixere Sieani)
 Paaditur, & nemorum frondoso margine cinctus.
 Vicinis pallefcit aquis. Admittit in altum
 Cernentes oculos, & late pervius humor 115
 Ducit inoffensos liquido sub gurgite visus,
 Imaque perspicui prodit secreta profundi.
 Huc elapsa cohors gaudent per florea rura.
 Hortatur Cytherea legant. Nunc ite, sorores,
 Dum matutinis præfudat solibus aer: 120
 Dum meus humectat flaventes Lucifer agros,
 Roranti prævestus equo. Sic fata, doloris
 Carpit signa sui. Varios tum cetera saltus
 Invasere cohors. Credas examina fundi
 Hyblæum raptura thymum, cum cerea reges. 125
 Castra movent, fagique cava demissus ab alvo
 Mellifer electis exercitus obstreper herbis.
 Pratorum spoliatur honos. Hæc lilia fuscis
 Intexit violis: hanc mollis amaracus ornat:
 Hæc graditur stellata rosis; hæc alba ligustris. 130
 Te quoque flebilibus, moerens, Hyacinthe, figuris,
 Narcissumque metunt, nunc inclita germina veris,
 Præstantes olim pueros. Tu natus Amyclis:
 Hunc Helicon genuit. Te disci perculit error:

Hunc fontis decepit amor. Te fronte retusa
Delius, hunc fracta Cephissus arundine luget.

135

Æstuat ante alias avido fervore legendi
Frugiferæ spes una Deæ. Nunc vimine texto
Ridentes calathos spoliis agrestibus implet:
Nunc sociat flores, seseque ignara coronat,
Augurium fatale tori. Quin ipsa tubarum
Armorumque potens, dextram, qua fortia turbat
Agmina, qua stabiles portas & mœnia vellit,
Jam levibus laxat studiis, hastamque reponit,
Infoliisque docet galeam mitescere fertis,
Ferratus lascivit apex, horrorque recessit
Martius, & cristæ pacato fulgure vernant.
Nec, quæ Parthenium canibus scrutatur odorem,
Aspernata choros, libertatemque comarum.
Insecta tantum voluit frenare corona.

140

145

150

Talia virgineo passim dum more geruntur,
Ecce repens mugire fragor, configere turres,
Pronaque vibratis radicibus oppida verti.
Causa latet. Dubios agnovit sola tumultus
Diva Paphi, mixtoque metu perterrita gaudet.
Jamque per anfractus animarum rector opacos
Sub terris quærebat iter, gravibusque gementem
Enceladum calcabat equis. Immania findunt
Membra rotæ, pressaque gigas cervice laborat
Sicaniam cum Dite ferens, tentatque moveri
Debilis, & fessis serpentibus impedit axem.
Fumida sulfureo prælabitur orbita dorso.
Ac velut occultus securum prodit in hostem
Milès, & effossi subter fundamina campi

155

160

Transiit elusus arcano limite muros, 165

Turbaque deceptas victrix erumpit in arces,

Terrigenas imitata viros: sic tertius heres

Saturni latebrofa vagis rimatur habenis

Devia, fraternum cupiens exire sub orbem.

Janua nulla patet. Prohibebant undique rupes 170

Oppositæ, duraque Deum compage tenebant.

Non tulit ille moras, indignatusque trabali
Saxa ferit sceptro. Siculæ tonuere cavernæ.

Turbatur Lipare. Stupuit fornace relicta

Mulciber, & trepidus dejecit fulmina Cyclops. 175

Audiit, & si quem glacies Alpina coerces,

Et quæ te, Latiis nondum præcincte tropæis

Tibri, natat, missamque Pado qui remigat alnum.

Sic, cum Thessaliæ scopulis inclusa teneret

Peneo stagnante palus, & mersa negarent 180

Arva coli, trifida Neptunus cuspide montes

Impulit adversos. Tum forti saucius ictu

Diffiluit gelido vertex Ossæus Olympo.

Carceribus laxantur aquæ, fractoque meatu.

Redduntur fluviusque mari tellusque colonis. 185

Postquam victa manu duros Trinacria nexus

Solvit, & immenso late discessit hiatu:

Apparet subitus cælo timor. Astra viarum

Mutavere fidem. Vetito se proluit Arctos

Æquore. Præcipitat pigrum formido Booten. 190

Horruit Orion. Audito palluit Atlas

Hinnitu. Rutilos obscurat anhelitus axes

Discolor; & longa solitos caligine pasci

Terruit orbis equos. Pressus hædere lupatis

Attoniti meliore polo ; rursusque verendum

195

In Chaos obliquo pugnant temone reverti.

Mox ubi pulsato senserunt verbera tergo ,

Et solem didicere pati : torrentius amne

Hiberno , tortaque ruunt pernicious hasta.

Quantum non jaculum Parthi , non impetus Austri ,

200

Non leve sollicitæ mentis discurret acumen.

Sanguine frena calent : corrumpit spiritus auras

Letifer : infectæ spumis vitiantur arenæ.

Diffugiunt Nymphæ : rapitur Proserpina curru ,

Imploratque Deas. Jam Gorgonos ora revelat

205

Pallas , & intento festinat Delia cornu :

Nec patruo cedunt. Stimulat communis in arma

Virginitas , crimenque feri raptoris acerbatur.

Ille , velut stabuli decus armentique juveneam

Cum leo possedit , nudataque viscera fodit

210

Unguibus , & rabiem totos exegit in armos ,

Stat crassa turpis sanie , nodosque jubarum

Excutit , & viles pastorum despicit iras.

Ignavi domitor vulgi , teterrime fratrum ,

Pallas ait , quæ te stimulis facibusque profanis

215

Eumenides movere ? Tua cur sede relicta

Audes Tartareis cœlum incestare quadrigis ?

Sunt tibi deformes Diræ : sunt altera Lethes

Numina : sunt tristes Furia te conjuge dignæ.

Fratris linque domos : alienam deferere sortem :

220

Nocte tua contentus abi. Quid viva sepultis

Admises ? Nostrum quid proteris advena mundum ?

Talia vociferans avidos transire minaci

Cornipedes umbone ferit , clipeique retardat

DE RAPTU PROSERP. L. II. 313

Objice, Gorgoneisque premens affibilat hydrys, 225

Prætentasque aperit cristas. Libratur in ictum

Fraxinus, & nigros illuminat obvia currus.

Missaque pæne foret, ni Jupiter æthere vulso

Pacificas rubri torfisset fulminis alas,

Confessus focerum. Nimbis Hymenæus hiulcis 230

Intonat, & testes firmant connubia flammæ.

Invitæ cessere Deæ. Compescuit arcum

Cum gemitu, talesque dedit Latonia voces:

Sis memor, o, longumque vale. Reverentia patris

Obstitit auxilio. Nec nos defendere contra 235

Possumus. Imperio vinci majore fatemur.

In te conjurat genitor, populoque silenti

Traderis, heu, cupidas non adspectura sorores;

Æqualemque chorum. Quæ te fortuna supernis

Abstulit, & tanto damnavit sidera luctu? 240

Jam neque Partheniis innectere retia lustris,

Nec pharetram gestare libet. Securus ubique

Spumet aper, sævumque fremant impune leones.

Te juga Taygeti, posito te Mænala flebunt

Venatu, mœstoque diu lugebere Cyntho. 245

Delphica quin etiam fratris delubra tacebunt.

Interea volucris fertur Proserpina curru

Cæsariem diffusa Noto, planctuque lacertos

Verberat, & questus ad nubila rumpit inanes.

Cur non torfisti manibus fabricata Cyclopum. 250

In nos tela, pater? Sic me crudelibus umbris

Tradere, sic toto placuit depellere mundo?

Nullane te flebit pietas? Nihilumne paternæ

Mentis inest? Tantas quo crimine movimus iras?

- Non ego , cum rapido sæviret Phlegra tumultu ,
 Signa Deis adversa tuli : non robore nostro
 Ossa pruinofum vexit glacialis Olympum.
 Quod conata nefas , aut cujus conscia noxæ
 Exsul ad immanes Erebi detrudor hiatus ?
 O fortunatas , alii quascunque tulere
 Raptores ! Saltem communi sole fruuntur.
 Sed mihi virginitas pariter cœlumque negatur :
 Eripitur cum luce pudor : terrisque relictis
 Servitum Stygio ducor captiva tyranno.
 O male dilecti flores , despeſtaque matris
 Conſilia : o Veneris deprenſæ ſerius artes !
 Mater , io , ſeu te Phrygiis in vallibus Idæ
 Mygdonio buxus circumſonat horrida cantu ,
 Seu tu ſanguineis ululantia Dindyma Gallis
 Incolis , & ſtriſtos Curetum reſpicias enſes ,
 Exitio ſuccurre meo : compesce furentem :
 Comprime ferales torvi prædonis habenas.
 Talibus ille ferox dictis fletuque decoro
 Vincitur , & primi ſuſpiria ſentit amoris.
 Tunc ferrugineo lacrimas detergit amiſtu ,
 Et placida mœſtum ſolatur voce dolorem :
 Define funeſtis animum , Proſerpina , curis ,
 Et vano vexare metu. Majora dabuntur
 Sceptra , nec indigni tædas patiere mariti.
 Ille ego Saturni proles , cui machina rerum
 Servit , & immenſum tendit per inane poteſtas.
 Amiſſum ne crede diem. Sunt altera nobis
 Sidera ; ſunt orbes alii ; lumenque videbis
 Purius , Elyſumque magis mirabere ſolem ,

258

260

261

270

275

280

Cultoresque pios. Illic pretiosior ætas, 285
 Aurea progenies, habitant, semperque tenemus;
 Quod Superi meruere semel. Nec mollia defunt
 Prata tibi. Zephyxis illic melioribus hālant
 Perpetui flores, quos nec tua protulit Henna.
 Est etiam lucis arbor prædives opacis, 290
 Fulgentes viridi ramos curvata metallo.

Hæc tibi sacra datur. Fortunatumque tenebis
 Autumnum, & fulvis semper ditabere pomis:
 Parva loquor. Quidquid liquidus complectitur aer,
 Quidquid alit tellus, quidquid salis æquora verrunt, 295
 Quod fluvii volvunt, quod nutrivere paludes,
 Cuncta tuis pariter cedent animalia regnis,
 Lunari subjecta globo, qui septimus auras
 Ambit, & æternis mortalia separat astris.

Sub tua purpurei venient vestigia reges, 300
 Deposito luxu, turba cum paupere mixti.
 Omnia mors æquat. Tu damnatura nocentes:
 Tu requiem latura piis: te iudice fontes
 Improbæ cogentur vitæ commissa fateri.
 Accipe Lethæo famulas cum gurgite Parcas. 305
 Sit fatum quodcunque voles. — Hæc fatus ovantes
 Exhortatur equos, & Tænara mitior intrat.

Conveniunt animæ, quantas truculentior Ausfer
 Decutit arboribus frondes, aut nubibus imbres
 Colligit, aut frangit fluctus, aut torquet arenas. 310
 Cunctaque præcipiti stipantur secula cursu
 Insignem visura nurum. Mox ipse serenus
 Ingreditur, facili passus mollescere risu,
 Dissimilisque sui. Dominis intrantibus ingens

Affurgit Phlegethon. Flagrantibus hispida rivis

315

Barba madet, totoque fluunt incendia vultu.

Occurrunt properi lecta de plebe ministri.

Pars altos revocant currus, frenisque solutis

Vertunt emeritos ad pascua nota jugales.

Pars aulae tenent. Alii praetexere ramis

320

Limina, & in thalamum cultas extollere vestes.

Reginam casto cinxerunt agmine matres

Elysiae, teneroque levant sermone timores,

Et sparsos religant crines, & vultibus addunt

Flammea, sollicitum praelatura pudorem.

325

Pallida laetatur regio, gentesque sepulchrae

Luxuriant, epulisque vacant genialibus Umbrae.

Grata coronati peragunt convivia Manes.

Rumpunt insoliti tenebrosa silentia cantus.

Sedantur gemitus. Erebi se sponte relaxat

330

Squalor, & aeternam patitur rarefcere noctem.

Urna nec incertas versat Minoia sortes.

Verbera nulla sonant, nulloque frementia luctu

Impia dilatis respirant Tartara poenis.

Non rota suspensum praecipex Ixiona torquet:

335

Non aqua Tantaleis subducitur invida labris.

[Solvitur Ixion: invenit Tantalus undas.]

Et Tityos tandem spatiosos erigit artus:

Squalentisque novem detexit jugera campi.

Tantus erat. Laterisque piger sulcator opaci

340

Invitus trahitur lassus de pectore vultus,

Abreptasque dolet jam non sibi crescere fibras.

Oblitae scelerum formidatque furoris

Eumenides cratera parant, & vina feroci

Crine bibunt. Flexisque minis jam lene canentes 345
Extendunt socios ad pocula plena cerastas,
Ac festas alio succendunt lumine tædas.

Tunc & pestiferi pacatum flumen Averni
Innocuæ transistis aves, statumque repressit 350
Amsanctus: tacuit fixo torrente vorago.

Tunc Acheronteos mutato gurgite fontes
Lacte novo tumuisse ferunt, ederisque virentem
Coccyton dulci perhibent nudasse Lyæo.

Stamina nec rupit Lachesis, nec turbida sacris
Obstreptant lamenta choris. Mors nulla vagatur 355
In terris, nullæque rogum planxere parentes.

Navita non moritur fluctu, non cuspidè miles.
Oppida funerei pollent immunia leti.

Impexamque senex velavit arundine frontem
Portitor, & vacuos egit cum carmine remos. 360
Jam suus inferno processerat Hesperus orbi.

Ducitur in thalamum virgo. Stat pronuba juxta
Stellantes Nox picta sinns, tangensque cubile
Omina perpetuo genitalia foedere sancit.

Exsultant cum voce pii, Ditisque sub aula 365
Talìa pervigili sumunt exordia plausu :

Nostra parens Juno, tuque o germane Tonantis
Et gener, unanimi consortia discite somni,
Mutuaque alternis innectite colla lacertis.

Jam felix oritur proles: jam læta futuros 370
Exspectat Natura Deos. Nova numina rebus
Addite, & optatos Cereri proferte nepotes.

X X X V I
 C L . C L A U D I A N I
 D E
 R A P T U P R O S E R P I N Æ
 L I B E R I I I .

JUPITER interea cinctam Thaumantida nimbis
 Ire juber, totoque Deos arcessere mundo.
 Illa colorato Zephyros prælapſa volatu
 Numina conclamat pelagi, Nymphasque morantes
 Increpat, & fluvios humentibus evocat antris.
 Ancipites trepidique ruunt, quæ causa quietos
 Excierit, tanto quæ res agitanda tumultu.
 Ut patuit stellara domus, confidere jussi.
 Nec confusus honos. Cœlestibus ordine sedes
 Prima datur. Tractum proceres tenuere secundum
 Æquorei, placidus Nereus, & lucida Phorci
 Canities. Glaucum series extrema biformem
 Accipit, & certo mansurum Protea vultu.
 Nec non & senibus fluvii concessa sedendi.

10

Gloria. Plebejo fiat cetera more juvenus,
Mille amnes. Liquidis incumbunt patribus udæ
Nāides, & taciti mirantur fidera Fauni. 15

Tum gravis ex alto genitor sic orsus Olympo:
Adduxere meas iterum mortalia curas,
Jam pridem neglecta mihi, Saturnia postquam
Otia & ignavi senium cognovimus ævi; 20
Sopitosque diu populos torpore paterno
Sollicitæ placuit stimulis impellere vitæ,
Incultis ne sponte seges grandesceret arvis,
Undaret neu silva favis, neu vina tumerent 25
Fontibus, & totæ fremerent in pocula ripæ.
Haud equidem invidéo; (nec enim livescere fas est,
Vel nocuisse Deos) sed quid dissuasor honesti
Luxus, & humanas oblimat copia mentes?
Provocet ut segnes animos, rerumque remotas 30
Ingeniosa vias paulatim exploret egestas!
Utque artes pariat sollertia, nutriat usus!

Nunc mihi cum magnis instat Natura querelis;
Humanum relevare genus, durumque tyrannum
Immitemque vocat, regnataque secula patri 35
Commemorat, parcumque Jovem se divite clamat.
Cūr campos horrere situ, dumisque repleti
Rura velim, & nullis exornem fructibus annum?
Se jam, quæ genitrix mortalibus ante fuisset,
In diræ subito mores transisse novercæ. 40
Quid mentem traxisse polo, quid profuit altum
Erexisse caput, pecudum si more pererrant
Avia, si frangunt communia pabula glandes?
Hæccine vita juvat silvestribus abdita lustris,

Indiscreta feris? Tales cum sæpe parentis
 Pertulerim questus, tandem clementior orbi
 Chaonio statui gentes avertere victu.
 Atque adeo Cererem, quæ nunc ignara malorum
 Verberat Idæos torva cum matre leones,
 Per mare, per terras avido discurrere luctu
 Decretum, natæ donec lætata repertæ
 Indicio, tribuat fruges, currusque feratur
 Avitis, ignotas populis sparsurus aristas,
 Et juga cærulei subeant Actææ dracones.
 Quod si quis Cereri raptorem prodere Divum
 Audeat: imperii molem, pacemque profundam
 Obtestor rerum, natus licet ille, sororve,
 Vel conjux fuerit, natarumve agminis una,
 Se licet ille meo conceptum vertice jaceret,
 Sentiet iratam procul ægida, sentiet ictum
 Fulminis, & genitum divina sorte pigebit,
 Optabitque mori: tunc vulnere languidus ipsi
 Tradetur genero, passurus prodita regna,
 Et sciet an propriæ conspirent Tartara causæ.
 Hoc sanctum. Mansura fluant hoc ordine fata.
 Dixit, & horrendo concussit sidera nutu.
 At procul armifoni Cererem sub rupibus antri
 Securam placidamque diu jam certa peracti
 Terrebant simulacra mali, noctesque timorem
 Ingeminant, omnique perit Proserpina somno.
 Namque modo adversis invadi viscera telis,
 Nunc sibi mutatas horret nigrescere vestes,
 Nunc steriles mediis frondere penatibus ornos.
 Stabat præterea luco dilectior omni

45

50

55

60

65

70

Lætur, virgineos quæ quondam fronde pudica 75

Umbrabat thalamos. Hanc ima stirpe recisam

Vidit, & incommotos fœdari pulvere ramos.

Quærentique nefas Dryades dixere gementes,

Tartarea furias debellavisse bipenni.

Sed tunc ipsa, sui jam non ambagibus ullis 80

Nuntia, materno facies ingesta sopori.

Namque videbatur tenebroso oblecta recessu

Carceris, & lævis Proserpina vincta catenis,

Non qualem Siculis olim mandaverat arvis,

Nec qualem roseis nuper convallibus Hennæ 85

Suspexere Deæ. Squalebat pulchrior auro

Cæsaries, & nox oculorum infecerat ignes.

Exhaustusque gelu pallet rubor. Ille superbi

Flammeus oris honos, & non cessura pruinis

Membra colorantur picei caligine regni. 90

Ergo hanc ut dubio vix tandem agnoscere visu

Evaluit: Cujus tot pœnæ criminis? inquit.

Unde hæc informis macies? Cui tanta facultas

In me sævitæ est? Rigidi cur vincula ferri

Vix aptanda feris molles meruere lacerti? 95

Tu, mea tu proles? An vana fallimur umbra?

Ille refert: Heu dira parens, natæque preemtæ.

Immemor, heu fulvas animo transgressa lænas,

Tantane te nostri tenuere oblivia? Tantum

Unica despicior? Certe Proserpina nomen 100

Dulce tibi, tali quæ nunc, ut cernis, hiatu

Suppliciis inclusa terror. Tu sæva choreis

Indulges, Phrygiæque etiamnum interstrepis urbes.

Quod si non omnem pepulisti pectore matrem,

Cl. Claudianus.

X

Si tu nota Ceres, & non me Caspia tigris 105
 Edidit: his oro miseram defende cavernis,
 Inque superna refer. Prohibent si fata reverti;
 Vel saltem visura veni. -- Sic fata trementes
 Tendere conatur palmas. Vis improba ferri
 Impedit, & motæ somnum excussere catenæ. 110
 Obrigit visis. Gaudet non vera fuisse,
 Complexu caruisse dolet. Penetralibus amens
 Profilit, & tali compellat vocē Cybellen:
 Jam non ulterius Phrygia tellure morabor,
 Sancta parens. Revocat tandem custodia cari 115
 Pignoris, & cunctis objecti fraudibus anni.
 Non mihi, Cyclopum quamvis exstructa caminis,
 Culmina fida fatis. Timeo, ne fama latebras
 Prodiderit, leviusque meum Trinacria celet
 Depositum. Terret nimium vulgata locorum 120
 Nobilitas. Aliis sedes obscurior oris
 Exquirenda mihi. Gemitu flammisque propinquis
 Enceladi nequeunt umbracula nostra taceri.
 Somnia quin etiam variis infausta figuris
 Sæpe monent, nullusque dies non triste minatur 125
 Angurium. Quoties flaventia ferta comarum
 Sponte cadunt: quoties exsudat ab ubere sanguis;
 Larga vel invito prorumpunt flumina vultu,
 Injussæque manus mirantia pectora tundunt!
 Si buxos inflare velim, ferale gemiscunt: 130
 Tympana si quatiā, planctus mihi tympana reddunt.
 Ah vereor, ne quid portendant omina veri!
 Heu longæ nocuere moræ! -- Procul irrita venti
 Dicta ferant, subicit Cybele: non tanta Tonanti

Segnities, ut non pro pignore fulmina mittat. 135
I tamen, & nullo turbata revertere casu.

Hæc ubi; digreditur templis. Sed nulla ruenti
Mobilitas. Tardos queritur non ire jugales:
Immeritasque movens alterno verbere pinnas
Sicaniam quærit, cum neq̃ dum absconderit Iden. 140

Cuncta pavet, speratque nihil. Sic æstuat ales,
Quæ teneros humili fetus commiserit orno
Allatura cibos, & plurima cogitat absens:
Ne fragilem ventus discusserit arbore nidum:
Ne furtum pateant homini, neu præda colubris. 145

Ut domus excubiis incustodita remotis,
Et resupinati neglecto cardine postes,
Flebilis & tacitæ species apparuit aulæ;
Non expectato respectu cladis, amiæsus
Conscidit, & fractas cum crine avellit aristas. 150

Hæserunt lacrimæ: non vox, non spiritus oris
Redditur, atque imis vibrat tremor ossa medullis.
Succidui titubant gressus, foribusque reclusis,
Dum vacuas sedes & desolata pererrat

Atria, semirutas confuso stamine telas, 155
Atque interceptas agnoscit pectinis artes.

Divinus perit ille labor, spatiumque relictum
Audax sacrilego supplebat aranea textu.

Nec deslet, plangitve malum: tantum oscula telæ
Figit, & abruptis mutas in fila querelas. 160

Attritosque manu radios, projectaque pensa;
Cunctaque virgineo sparsa oblectamina ludo,
Ceu natam, pressat gremio: castumque cubile
Desertosque toros, &, sicubi sederit olim,

Perlegit. Attonitus stabulo ceu pastor inani , 165
 Cui pecus aut rabies Pœnorum inopina leonum ,
 Aut populatrices infestaverę catervæ :
 Serus at ille redit , vastataque pascua lustrant
 Non responsuros ciet imploratque juvencos.

Atque ibi secreta testorum in parte jacentem 170
 Adspicit Electram , natæ quæ sedula nutrix
 Oceani prisca inter notissima Nymphas.
 Par Cereri pietas. Hæc post cunabula dulci
 Ferre sinu , summoque Jovi deducere parvam
 Sueverat , & genibus ludentem aptare paternis. 175
 Hæc comes , hæc custos , hæc proxima mater haberi.
 Tum laceras effusa comas , & pulvere canos
 Sordida , fidereæ raptus lugebat alumnae.

Hanc aggressa Ceres , postquam suspiria tandem
 Laxavit frenosque dolor , Quod cernimus , inquit , 180
 Excidium ? Cui præda feror ? Regnatne maritus ?
 An cœlum Titanes habent ? Quæ talia vivo
 Ausa tonante manus ? Rupitne Typhœia cervix
 Inarimen ? Fractane jugi compage Vesevi
 Alcioneus per stagna pedes Tyrrhena cucurrit ? 185
 An vicina mihi quassatis faucibus Ætna
 Protulit Enceladum ? Nostros an forte penates
 Appetiit centum Briareia turba lacertis ?
 Heu , ubi nunc , ubi nata mihi ? Quo mille ministræ ,
 Quo Cyane ? Volucres quæ vis Sirenas abegit ? 190
 Hæccine vestra fides ? Sic fas aliena tueri
 Pignora ? — Contremuit nutrix , mœrorque pudori
 Cessit , & aspectus miseræ non ferre parentis
 Emtum morte velit , longumque immota moratur

Auctorem dubium certumque expromere funus. 195

Vix tamen hæc: Acies utinam vesana Gigantum

Hanc dederit cladem! Levius communia tangunt:

Sed Divæ, multoque minus quod rere, sorores

In nostras nimium conjuravere ruinas.

Insidias Superùm; cognatæ vulnera cernis 200

Invidiæ. Phlegra nobis infensior æther.

Florebat tranquilla domus, nec limina virgo

Linquere, nec virides audebat visere saltus

Præceptis obstricta tuis: Telæ labor illi,

Sirenes requies; sermonum gratia mecum; 205

Mecum somnus erat, cautique per atria ludi.

Cum subito (quonam dubium monstrante latebras

Rescierit) Cytherea venit, suspectaque nobis

Ne foret, hinc Phœben: comites hinc Pallada junxit.

Protinus effuso lætam se fingere risu. 210

Nec semel amplecti, nomenque iterare sororis,

Et dura de matre queri, quæ tale recessu

Maluerit damnare decus, vetitoque Dearum

Colloquio patriisque procul mandaverit astris.

Nostri rudis gaudere malis, & nectare largo 215

Instaurare dapes. Nunc arma habitumque Dianæ

Induitur, digitisque attineat mollibus arcum.

Nunc crinita jubis galeam, laudante Minerva,

Implet, & ingentem clipeum gestare laborat.

Prima Venus campos Hennæaque rura maligno 220

Ingerit affatu. Vicinos callida flores

Ingeminat, meritumque loci, velut infcia, quærit.

Nec credit, quod bruma rosas innoxia servet,

Quod gelidi rubeant alieno germine menses,

Verna nec iratum timeant virgulta Booten. 225
 Dum loca miratur, studio dum flagrat eundi,
 Persuadet. Teneris, heu, lubrica moribus ætas!
 Quos ego nequidquam planctus, quas irrita fudit
 Ore preces? Ruit illa tamen confisa sororum
 Præsidio. Famulæ longo post ordine Nymphæ. 230
 Itur in æterno vestitos gramine campos,
 Et prima sub luce legunt, cum rore serenus
 Albet ager, sparsoque bibunt violaria succos.
 Sed postquam medio sol instittit altior axi,
 Ecce polum nox fœda rapit, tremefactaque nutat. 235
 Insula cornipedum strepitu, pulsuque rotarum.
 Nosse nec aurigam licuit: seu mortifer æstus,
 Seu mors ipsa fuit. Luror permanat in herbas.
 Deficiunt rivi. Squalent rubigine prata,
 Et nihil afflatum vivit. Pallere ligustra, 240
 Exspirare rosas, decrescere lilia vidi.
 Ut rauco reduces tractu detorsit habenas,
 Nox sua prosequitur currum; lux redditur orbi,
 Persephone nusquam. Voto rediere peracto,
 Nec mansere Deæ. Mediis invenimus arvis 245
 Exanimem Cyanen. Cervix redimita jacebat,
 Et caligantes marcebant fronte coronæ.
 Aggredimur subitæ, & casus scitamus heriles,
 (Nam proprior cladi steterat) quis vultus equorum?
 Quis regat? Illa nihil: tacito sed læsa veneno 250
 Solvitur in laticem. Subrepsit crinibus humor.
 Liquitur, in roremque pedes & brachia manant,
 Nostrique mox lambit vestigia perspicuus fons.
 Discedunt aliæ. Rapidis Acheloides alis

Sublatæ Siculi latus obfedere Pelori, 255
 Accenfæque malo jam non impune canoras
 In peftem vertere lyras. Vox blanda carinas
 Alligat. Audito frenantur carmine remi.
 Sola domi luftu fenium tractura relinquitur.
 Hæret adhuc fufpenfa Ceres, & fingula demens; 260
 Ceu nondum tranfacta timet: mox lumina torquens
 Ultro in cœlicolas furiato peftore fertur.
 Arduus Hyrcana quatitur fic matre Niphates,
 Cujus Achæmenio regi ludibria natos
 Avexit tremebundus eques. Fremit illa marito 265
 Mobilior Zephyro, totamque virentibus iram
 Difpergit maculis, jamjamque haufura profundo
 Ore virum, vitreæ tardatur imagine formæ.
 Haud aliter toto genitrix bacchatur Olympo;
 Reddite, vociferans: non me vagus edidit amnis: 270
 Non Dryadum de plebe fumus: turrata Cybelle
 Me quoque Saturno genuit. Quo jura Deorum,
 Quo leges abiere poli? Quid vivere recte
 Proderit? En audet noti Cytherea pudoris.
 Oftentare fuos poft Lemnia vincula vultus. 275
 Hos animos bonus ille fopôr caftumque cubile
 Præbuit? Amplexus hoc prômeruere pudici?
 Nec mirum, fi turpe nihil poft talia ducit.
 Quid vos expertes thalami? Tantumne relictus.
 Virginitatis honos? Tantum mutata voluntas? 280
 Jam Veneri, & fociis jûnctæ raptoribus itis?
 O templis Scythiæ, atque hominum fitientibus aris.
 Utraque digna coli. Tanti quæ caufa furoris?
 Quam mea vel dicto tenui Proferpina læfit?

Scilicet aut caris pepulit te, Delia, filvis: 285
 Aut tibi commissas rapuit, Tritonia, pugnās.
 An gravis alloquio? Vestros an forte petebat
 Importuna choros? Atqui Trinacria longe,
 Effet ne vobis oneri, deserta colebat.
 Quid latuisse juvat? Rabiem livoris acerbi 290
 Nulla potest placare quies. — His increpat omnes
 Vocibus. Ast illæ (prohibet reverentia patris)
 Aut reticent, aut nosse negant, responsaque matri
 Dant lacrimas. Quid agat? Rursus se victa remittit,
 Inque humiles demissa preces, Ignoscite, si quid 295
 Intumuit pietas: si quid flagrantius actum,
 Quam decuit miseram. Supplex, dejectaque vestris
 Advolvor genibus. Liceat cognoscere sortem.
 Hoc tantum: liceat certos habuisse dolores.
 Scire peto quæ forma mali: quamcunque dedistis 300
 Fortunam, si nota, feram, fatumque putabo,
 Non scelus. Adspectum precor indulgete parenti.
 Non repetam. Quæsitæ manu securus habeto,
 Quisquis es. Affirmo prædam. Desiste vereri.
 Quod si nos aliquo prævenit foedere raptor; 305
 Tu certe, Latona, refer. Confessa Diana
 Forte tibi. Nosti quid sit Lucina, quis horror
 Pro genitis, & quantus amor: partusque tulisti
 Tu geminos: hæc una mihi. Sic crine fruaris
 Semper Apollineo, sic me felicior ævum 310
 Mater agas. — Largis tunc imbris ora madescunt. —
 Quid? tantum dignum fieri, dignumque taceri?
 Hei mihi, discedunt omnes. Quid vana moraris
 Ulterius? Non bella palam cœlestia sentis?

Quin potius natam pelago terrisque requiris? 315

Accingar lustrare diem: per devia rerum

Indefessa ferar: nulla cessabitur hora.

Non requies, non somnus erit, dum pignus ademtum

Inveniam, gremio quamvis mergatur Iberæ

Tethyos, & rubro jaceat vallata profundo. 320

Non Rheni glacies, non me Rhipæa tenebunt

Frigora: non dubio Syris cunctabitur æstu.

Stat fines penetrare Noti, Boreæque nivalem

Vestigare domum. Primo calcabitur Atlas

Occasu, facibusque meis lucebit Hydaspes. 325

Impius errantem videat per rura per urbes

Jupiter. Exstincta satietur pellice Juno.

Insultate mihi: cœlo regnate superbi.

Ducite præclarum Cereris de stirpe triumphum.

Sic satur, notæque jugis illabitur Ætnæ, 330

Noctivago tedas informatura labori.

Lucus erat prope flavum Acin, quem candida præfert

Sæpe mari, pulchroque secat Galatea natatu:

Densus, & innexis Ætnæa cacumina ramis,

Qua libet usque, tegens. Illic posuisse cruentam 335

Ægida, captivamque pater post prælia prædam

Advexisse datur. Phlegræis silva superbit

Exuviis, totumque nemus victoria vestit.

Hic patuli rictus: hic prodigiosa Gigantum

Tergora dependent, & adhuc crudele minantur 340

Affixæ truncis facies, immaniaque ossa

Serpentum passim cumulis exsanguibus albes,

Et rigidæ multo suspirant fulmine pelles,

Nullaque non magni se jactat nominis arbor.

Hæc centungemini strictos Ægeonis enses 345
 Curvata vix fronte levat. Liventibus illa
 Exsultat Cœi spoliis. Hæc arma Mimantis
 Sustinet. Hos onerat ramos exutus Ophion:
 Altior at cunctis abies umbrosa que late
 Ipse Enceladi fumantia gestat opima 350
 Summi terrigenum Regis, caderetque gravata
 Pondere, ni lassam fulcitet proxima quercus.
 Inde timor numenque loco, nemorisque senectæ
 Parcitur, ætheriisque nefas nocuisse tropæis.
 Pascere nullus oves, nec robora lædere Cyclops 355
 Audet, & ipse fugit sacra Polyphemus. ab umbra.

Non tamen hoc tardata Ceres. Accenditur ultro
 Religione loci, vibratque incerta securim,
 Ipsum etiam petitura Jovem. Succidere pinus,
 Et magis enodes properat prosternere cedros, 360
 Exploratque obiens truncos, restique tenorem
 Stripitis, & certo prætentat brachia nisu.

Sic qui vecturam longinqua per æquora merces
 Moliur tellure ratem, vitamque procellis
 Obiectare parat, fagos metitur & alnos, 365
 Et varium rudibus silvis accommodat usum.
 Quæ longa est, tumidis præbebit cornua velis:
 Quæ fortis, malo potior: quæ lenta, favebit
 Remigio: stagni patiens aptanda carinæ.

Tollebant geminæ capita inviolata cupressus. 370
 Cespite vicino; quales non rupibus Idæ
 Miratur Simois; quales non divite ripa
 Lambit Apollinei nemoris nutritor Orontes.
 Germanas adeo credas: sic frontibus æquis

Adstant, & socio despectant vertice lucum. 375

Hæ placuere faces. Pernix invadit utramque

Cincta sinus, exserta manus, armata bipenni:

Alternasque ferit, totisque obnixa trementes

Viribus impellit. Pariter traxere ruinam,

Et pariter posuere comam; campoque recumbunt; 380

Faunorum Dryadumque dolor. Complectitur ambas,

Sicut erant, alteque levat, retroque solutis

Crinibus adscendit fastigia montis anhelis,

Exsuperatque æstus, & nulli pervia saxa;

Atque indignantes vestigia calcat arenas. 385

Qualis pestiferas animare ad crimina taxos

Torva Megæra ruit; Cadmi seu moenia poscat;

Sive Thyesteis properet sævire Mycenis:

Dant tenebræ Manesque locum, planisque resulant

Tartara ferratis: donec Phlegethontis ad undam 390

Constitit, & plenos excepit lampade fluctus.

Postquam perventum scopuli flagrantis in ora;

Protinus arsuras adversa fronde cupressus

Faucibus injecit mediis, lateque cavernas

Texit, & undantem flammaram obstruxit hiatum. 395

Compresso mons igne tonat, claususque laborat

Mulciber. Obducti nequeunt exire vapores.

Coniferi micuere apices. Crevitque favillis

Ætna novis. Stridunt admissis sulfure rami.

Tum, ne deficerent tantis erroribus ignes, 400

Semper inocciduos insopitosque manere

Iussit, & arcano perfudit robora succo;

Quo Phaethon irrorat equos, quo Luna juvencos.

Jamque soporiferas nocturna silentia terris

Explicuere vices : laniato pectore longas
Inchoat illa vias , & sic ingressa profatur :

405

Non tales gestare tibi , Proserpina , tedas
Sperabam : sed vota mihi communia matrum ;
Et thalami festæque faces , cœloque canendus.
Ante oculos Hymenæus erat. Sic Numina fati
Volvimur , & nullo Lachesis discrimine sævit ?
Quam nuper sublimis eram , quantisque procorum
Cingebar studiis ! Quæ non mihi pignus ob unum
Cedebat numerosa parens ? Tu prima voluptas ,
Tu postrema mihi : per te secunda videbar.

410

415

O decus , o requies , o grata superbia matris :
Qua gessi florente Deam : qua sospite nusquam
Inferior Junone fui : nunc squalida , vilis.
Hoc placitum patri. Cur autem adscribimus illum
His lacrimis ? Ego te , fateor , crudelis ademi ,
Quæ te deserui , solamque instantibus ultro
Hostibus exposui. Raucis secunda fruebar
Nimirum thiasis , & læta sonantibus arvis
Jungebam Phrygios , cum tu raperere , leones.
Accipe , quas merui , pœnas. En ora fatiscunt
Vulneribus , grandesque rubent in pectore sulci.

420

425

Immemor en uterus crebro contunditur ictu.
Qua te parte poli , quo te sub cardine quæram ?
Quis monstrator erit ? Quæ me vestigia ducent ?
Quis currus ? Ferus ipse quis est ? Terræne marisne
Incola ? Quæ volucrum deprendam signa rotarum ?
Ibo , ibo quocunque pedes , quocunque jubebit
Casus. Sic Venerem quærat deserta Dione.

430

Efficietne labor ? Rursus te , nata , licebit

Amplecti? Manet ille decor? manet ille genarum 435

Fulgor? An infelix talem fortasse videbo,
Qualis nocte venis, qualem per somnia vidi?

Sic ait, & prima gressus molitur ab Ætna;
Exiitque reos flores, ipsumque rapinæ
Detestata locum sequitur dispersa viarum 440

Indicia, & pleno rimatur lumine campos,
Inclinatque faces. Omnis madet orbita fletu.

Omnibus admugit. Quacunque it in æquore, fulvis

Adnatat umbra fretis, extremaque lucis imago

Italiam Libyamque ferit. Clarefcit Etruscum 445

Litus, & accenso resplendent æquore Syrtes.

Antra procul Scyllæa petit, canibusque reductis

Pars stupefacta filet, pars nondum exterrita latrat.

RELIQUA DESIDERANTUR.

CL. CLAUDIANI
GIGANTOMACHIA.

TERRA parens quondam cœlestibus invida regnis,
Titanumque simul crebros miserata dolores,
Omnia monstifero complebat Tartara fetu,
Invisum genitura nefas: Phlegramque retexit
Tanta prole tumens, & in æthera protulit hostes. 5
Fit sonus. Erumpunt Erebo, necdumque creati
Iam dextras in bella parant, superosque laceffunt;
Stridula volventes gemino vestigia lapsu.
Pallefcunt subito stellæ, flectitque rubentes
Phœbus equos, docuitque timor revocare meatus. 10
Oceanum petit Arctos, inocciduique Triones
Occasum didicere pati. Tum fervida natos
Talibus hortatur genitrix in prælia dictis:
O pubes domitura Deos, quodcunque videtis;
Pugnando dabitur. Præstat victoria mundum. 15
Sentiet ille meas tandem Saturnius iras.
Agnoscer, quod Terra potest. Si viribus ullis
Vincor: cur Cybele nobis meliora creavit?
Cur nullus Telluris honos? Cur semper acerbis

CL. CLAUDIANI GIGANTOMACHIA. 235

Me damnis urgere solet? Quæ forma nocendi 20

Defuit? Hinc volucrem vivo sub pectore pascit

Infelix Scythica fixus convalle Prometheus.

Hinc Atlantis apex flammantia pondera fulcit;

Et per canitiem glacies asperrima durat.

Quid dicam Tityon, cujus, sub vulture sævo;

Viscera nascuntur gravibus certantia pœnis? 25

Sed vos, o tandem veniens exercitus ultor,

Solvite Titanas vinclis; defendite matrem.

Sunt freta, sunt montes. Nostris ne parcite membris.

In Jovis exitium telum non esse recuso. 30

Ite, precor; miscete polum, rescindite turres

Sidereas. Rapiat fulmen sceptrumque Typhæus.

Enceladi jussis mare serviat. Alter habenas

Auroræ pro Sole regat. Te Delphica laurus

Stringat, Porphyriion, Cirrhæaque templa teneto. 35

His ubi consiliis animos elusit inanes;

Jam credunt vicisse Deos, mediisque revinctum

Neptunum traxisse fretis. Hic sternere Martem

Cogitat, hic Phœbi laceros divellere crines.

Hic sibi promittit Venerem, spiratque Dianæ 40

Conjugium, castamque cupit violare Minervam.

Interea Superos prænuntia convocat Iris,

Qui fluvios, qui stagna colunt. Cinguntur & ipsi

Auxilio Manes. Nec te, Proserpina, longe

Umbrosæ tenuere fores. Rex ille silentum 45

Lethæo vehitur curru, lucemque timentes

Insolitam mirantur equi, trepidoque volatu

Spissas cæruleis tenebras e naribus efflant.

Ac, velut hostilis cum machina terruit urbem;

- Undique concurrunt arcein defendere cives: 50
 Haud secus omnigenis coeuntia Numina formis
 Ad patrias venere domos. Tum Jupiter infit:
 O nunquam peritura cohors, o debita semper
 Cœlo progenies, nullisque obnoxia fati:
 Cernitis ut nostrum Tellus conjuret in orbem 55
 Prole nova, dederitque alios interrita partus?
 Ergo, quot dederit natos, tot funera matri
 Reddamus. Longo maneat per secula luctu,
 Tanto pro numero paribus damnata sepulcris.
 Jam tuba nimborum sonuit: jam signa ruendi 60
 His æther, his terra dedit: confusaque rursus
 Pro domino Natura timet. Discrimina rerum
 Miscet turba potens. Nunc insula deferit æquor:
 Nunc scopuli latuere mari. Quot litora restant
 Nuda! Quot antiquas mutarunt flumina ripas? 65
 Hic rotat Æmonium præduris viribus Æten:
 Hic juga connixis manibus Pangæa coruscat.
 Hunc armat glacialis Athos: hoc Ossa movente
 Tollitur: hic Rhodopen Hebri cum fonte revellit,
 Et socias truncavit aquas, summaque levatus 70
 Rupe Giganteos humeros irrorat Enipeus.
 Subsidit patulis tellus sine culmine campis,
 In natos divisa suos. Horrendus ubique
 It fragor, & pugnae spatium discriminat aer.
 Primus terrificum Mavors non segnis in agmen 75
 Odryfios impellit equos, quibus ille Gelonos,
 Sive Getas turbare solet. Splendens igni
 Aureus ardescit clipeus, galeamque nitentes
 Arrexere jubæ. Tunc concitus ense Pelorum

Transfigit adverso, femorum qua sine volutus 80

Duplex semiferi connectitur ilibus anguis,

Atque uno ternas animas interficit ictu.

Tum superinsultans avidus languentia curru

Membra terit, multumque rotæ sparsere cruoris.

Occurrit pro fratre Mimas, Lemnumque calentem 85

Cum lare Vulcani spumantibus eruit undis:

Et prope torfisset, si non Mavortia cuspis

Ante revelato cerebrum fudisset ab ore.

Ille viro toto moriens, serpentibus imis

Vivit adhuc stridore ferox, & parte rebelli 90

Victorem post fata petit. Tritonia virgo

Profilit, ostendens rutila cum Gorgone pectus,

Adspectu contenta suo, non utitur hasta:

Nam satis est vidisse semel: primumque furem

Longius in faciem saxi Pallanta reformat. 95

Ille, procul subitis fixus sine vulnere nodis,

Ut se letifero sensit durescere visu,

(Et steterat jam pæne lapis) Quo vertimur? inquit,

Quæ serpit per membra filex? qui torpor inertem

Marmorea me peste ligat? — Vix pauca locutus, 100

Quod timuit, jam totus erat, sævusque Damastor,

Ad depellendos jaculum dum quæreretur hostes,

Germani rigidum misit pro rupe cadaver.

Hic vero interitum fratris miratus Echion,

Inscius auctorem dum vult tentare nocendo, 105

Te, Dea, respexit, solam quam cernere nulli

Bis licuit. Mernit sublata audacia pœnas,

Et didicit cum morte Deam. Sed turbidus ira

Palleneus, oculis adversa tuentibus atrox,

Cl. Claudianus.

Y

Ingressitur, cæcalque manus in Pallada tendit: 110
Hunc mucrone ferit Dea cominus: ac simul angues
Gorgoneo riguere gelu, corpusque per unum
Pars moritur ferro, partes periere videndo.

Ecce autem medium spiris dilapsus in æquor
Porphyriion trepidam conatur rumpere Delon, 115
Scilicet ad superos ut torqueat improbus axes.
Horruit Ægæus: stagnantibus exsilit antris
Longævo cum patre Thetis, desertaque manfit
Regia Neptuni, famulis veneranda profundis.
Exclamant placidæ Cynthi de vertice Nymphæ: 120
Nymphæ, quæ rudibus Phœbum docuere sagittis
Errantes agitare feras, primumque gementi
Latonæ struxere torum, cum lumina coeli
Parturiens geminis ornaret fetibus orbem:
Implorat Pæana suum conterrita Delos, 125
Auxiliumque rogat: Si te gratissima fudit
In nostros Latona sinus, succurre precanti.
En iterum convulsa feror.

RELIQUA DESIDERANTUR.

XXXVIII

ΚΛΑΤΔΙΑΝΟΤ

ΕΚ ΤΗΣ ΓΙΓΑΝΤΟΜΑΧΙΑΣ.

Κύπρις δ' οὔτε βέλος φέρεν, οὐδ' ὄπλων· ἀλλ' ἐκόμizεν.
 Ἀγλαΐην δεμένη γὰρ ἐπ' ὀμμάσιν ἄγγελόν αὐδὴν,
 Πρῶτα μὲν ἀπλεκίας περόνῃ διεκρίνατο χαίτας,
 Καὶ πλεκτὰς ἐσφίξε πυκνῷ περιπλέγματι σειράς,
 Στίλβει δ' ὀφθαλμῶν ἑρατοῦς ὑπεγράψατο κανδούς· 5
 Λεπτὰς εὐανέμοιο ῥαφὰς χαλάσασα χιτῶνος,
 Πορφυρέων οὐ κρύπτειν ὑφ' εἵμασιν ἄνδρα μαζῶν.
 Ὅμματος εἰς ἄγρην ὠπλισμένη· εἶχε γὰρ αὐτῇ
 Πλέγμα κύρυν, δόρυ μαζῶν, ὀφρῦν βέλος, ἀσπίδα κάλλος,
 Ὅπλα μέλη, θέλγητρον ἐν ἄλγεσιν· εἰ δέ τις αὐτῇ 10
 Ὅμμα βάλλῃ, δέδμητο.

Hæc ad verbum sic transferas.

CYPRIS neque telum ferebat, neque arma: sed gerebat
 Venustatem. Cum enim in oculis posuisset exploratorem radium;
 Primum confusas acu discriminavit comas,
 Et plexiles denso circumflexu catenas constrinxit:
 Ac splendore amabiles oculorum orbes fucavit: 5
 Tum tenues fluentis suturas laxans tunicæ,

Υ 2

Purpurearum non celavit sub veste flores papillarum.

Oculi ad venatum sic armata fuit: habuit enim ipsa

Cincinnos galeam, hastam papillas, supercilium sagittam;
clipeum pulchritudinem,

Arma membra, delinimentum in doloribus. Si quis vero illi 10

Oculum adjiceret, jam superatus erat.

CL. CLAUDIANI
EPISTOLÆ.

Y 3

EPISTOLÆ.

- 39 *Ad Hadrianum.*
- 40 *Ad Serenam.*
- 41 *Ad Olybrium.*
- 42 *Ad Probinum.*
- 43 *Ad Gennadium.*

CL. CLAUDIANI EPISTOLÆ.

XXXIX

I. *Deprecatio ad Hadrianum præfectum prætorio.*

USQUE adeone tuæ producit impetus iræ?
 Nullus tot finis lacrimis? Subitiffne favorem
 Permutas odiis? Quo mens ignara nocendi,
 Quo sensus abiere pii? Tantumne licebit
 Invidiæ? tantum strepitus valere maligni?

Me dolor incautum, me lubrica duxerit ætas,
 Me tumor impulerit, me devius egerit ardor:
 Te tamen haud decuit paribus concurrere telis.
 Humanæ Superos nunquam tetigere querelæ,
 Nec vaga securum penetrant convicia cœlum.

Excessit jam pœna modum. Concede jacenti.
 En adsum. Veniam confessus crimina posco.
 Manibus Hæstoreis atrox ignovit Achilles.
 Ultrices Furias matris placavit Orestes.
 Reddidit Alcides Priamo, quas ceperat, arces.
 Pellæum juvenem Regum flexere ruinæ:

Darium famulis manibus doluisse peremtum

Fertur, & ingenti solatus fata sepulcro.

Tradita captivo spatiosior India Poro.

Conditor hic patriæ. Sic hostibus ille pepercit.

20

Hunc virtus tua digna sequi. Quemcunque Deorum

Læsimus, insultet jugulo, pascatque furorem.

Gratia diffluit: sequitur feralis egestas:

Desolata domus: caris spoliatur amicis.

Hunc tormenta necant: hic undique truditur exsul.

25

Quid superest damnis? quæ sæva pericula restant?

Emollit rabiem prædæ mortisque facultas,

Prætereunt subiecta feræ, torvique leones,

Quæ stravisse calent, eadem prostrata relinquunt.

Nec nisi bellantis gaudet cervice juvenci

30

Nobiliore fames. Secuit nascentia fata

Livor, & ingesto turbavit gaudia luctu.

Jam jam suppliciiis fessos, humilesque, serenus

Respice. Quid tanta dignaris mole clientem?

In brevibus nunquam sese probat Æolus antris:

35

Nec capit angustus Boreæ certamina collis.

Alpes ille quatit, Rhodopeia culmina lassat.

Incubuit nunquam coelestis flamma salictis,

Nec parvi frutices iram meruere Tonantis.

Ingentes quercus, annosas fulminat ornos.

40

Hoc pro supplicibus ramis, pro fronde Minervæ,

Hoc carmen pro ture damus. Miserere tuorum.

Me, precor, heu, me redde mihi! gravibusque medere

Vulneribus, vitamque jube famamque reverti.

Quæ per te cecidit, per te fortuna resurgat.

45

Sanus Achillea remeavit Telephus hasta;

Cujus pertulerat vires, & sensit in uno
 Letalem placidamque manum. Medicina per hostem
 Contigit, & pepulit, quos fecerat ipse, dolores.
 Quod si nec precibus, fletu nec frangeris ullo,
 Eripe calcatis non prospera cingula Musis.
 Eripe militiam. Comitem me pelle sodalis.

50

Scilicet insignes de paupere vate triumphos!
 Scilicet egregiis ornabere victor opimis!
 Irruat in miseros cognata potentia cives!

55

Audiat hoc commune solum, longeque carinis
 Nota Pharos, flentemque attollens gurgite vultum
 Nostra gemat Nilus numerosis funera ripis.

X L

II. *Ad Srenam.*

ORPHEA cum primæ sociarent lumina tedæ;
 Ruraque compleret Thracia festus Hymen:
 Certavere feræ, picturatæque volucres,
 Dona suo vati quæ potiora darent.
 Quippe antri memores, cautes tibi sæpe sonoræ
 Præbuerant dulci mira theatra lyræ,
 Caucaseo crystalla ferunt de vertice lynces;
 Gryphes Hyperborei pondera fulva soli.
 Furatæ Veneris prato per inane columbæ
 Florea connexis ferta tulere rosis:
 Fractaque nobilium ramis electra sororum
 Cycnus oloriferi vexit ab amne Padi.

5

10

Et Nilo Pygmæa grues post bella remenso
Ore legunt rubri germina cara maris.
Venit & extremo Phoenix longævus ab Euro;
Apportans unco cinnama rara pede.
Nulla avium pecudumque fuit, quæ ferre negaret
Vestigal meritæ connubiale lyræ.
Tunc opibus, totoque Heliconis sedula regno
Ornabat propriam Calliopea nurum.
Ipsam præterea dominam stellantis Olympi
Ad nati thalamos ausa rogare parens.
Nec sprevit Regina Deum, vel matris honore;
Vel iusto vatis ducta favore pii:
Qui sibi carminibus toties lustraverat aras,
Junonis blanda numina voce canens,
Præliaque altisoni referens Phlegræa mariti,
Titanum fractas Enceladique minas.
Illicet adventu noctem dignata jugalem
Addidit augendis munera sacra toris:
Munera mortales non admittentia cultus:
Munera, quæ solos fas habuisse Deos.
Sed quod Threicio Juno placabilis Orphei,
Hoc poteris votis esse, Serena, meis.
Illius expectent famulancia fidera nutum:
Sub pedibus regitur terra fretumque tuis.
Non ego, cum peterem solenni more procorum,
Promisi gregibus pascua plena meis:
Nec quod mille mihi lateant sub palmitè colles,
Fluctuet & glauca pinguis oliva coma:
Nec quod nostra Ceres numerosa falce laboret,
Auratæque ferant culmina celsa trabes.

15

20

25

30

35

40

Suffecit mandasse Deam. Tua litera nobis
 Et pecus, & segetes, & domus ampla, fuit.
 Inflexit foceros, & majestate petendi 45
 Texit pauperiem nominis umbra tui.
 Quid non perficeret scribentis voce Serenæ
 Vel genius regni, vel pietatis amor?
 Atque utinam sub luce tui contingeret oris,
 Conjugis & castris, & solio generi, 50
 Optatum celebrare diem! Me jungeret auspex
 Purpura; me sancto cingeret aula choro!
 Et, mihi quam scriptis desponderat ante, puellam
 Conjugiis eadem Pronuba dextra daret!
 Nunc medium quoniam votis majoribus æquor 55
 Invidet, & Libycæ diffidet ora plagæ:
 Saltem absens, Regina, fave, reditusque secundos
 Annue fidereo læta supercilio.
 Terrarum tu pande vias: tu mitibus Euris
 Æquora pacari prosperiora jube: 60
 Ut tibi Pierides, doctumque fluens Aganippe,
 Debita servato vota cliente canant.

X L I

III. *Ad Olybrium.*

Quid rear, affatus quod non mihi dirigis ullos,
 Nec redit alterno pollice ducta salus?
 Scribendine labor? Sed quæ tam prona facultas,
 Carmina seu fundis, seu Cicerona tonas?

Cedere divitiis animi fortuna fatetur,
 Et tantas oris copia vincit opes.
 An rarus, qui scripta ferat? Quin tempore nullo
 Cessant Flaminiae pulverulenta viae.
 Cum fluat ingenium, cum sit qui dicta reportet;
 Quæ, nisi contemnor, causa relicta tibi?
 Despicis ergo tuum, si fas est credere, vatem;
 Perfidus & spatio debilitatur amor?
 Excidimusne tibi? Lucem jam condet Hydaspes;
 Et Tartessio, Sol, oriere vado:
 Candescet Geticis Meroe conversa pruinis;
 Claraque se vetito proluet Urbs mari:
 Et si jam nostros fastidit Olybrius ignes,
 Constat Oresteam nil valuisse fidem.
 Quin, age, rumpe moras, remoraturasque, sodalem
 Absens eloquio fertilior doce.
 Crebraque fecundos festinet litera cursus,
 Labris atque animis insinuanda meis.
 Dignatus tenui Cæsar scripsisse Maroni:
 Et tibi dedecori scribere? Musa, vale.

X L I I

IV. *Ad Probinum ut scribat.*

QUEM, precor, hæc, quem sunt habitura silentia finem?
 Quando dabit caras litera grata vices?
 Me timidum, vel te potius dixisse superbum
 Convenit? Alterius crimen utrumque tenet.

Transfluxere dies, & dum scripsisse priorem
 Poenitet, æternas itur in usque moras.
 Sed quid agam? Coepisse vetat reverentia vestri.
 Hinc amor hortatur scribere. Vincat amor.
 Fors juvat audentes, Cei sententia vatis.
 Hac duce non dubitem, te reticente, loqui:
 Audax ut, si quidem penitus peccasse videbor,
 Arguar, ingrati non subiturus onus.
 Romanos bibimus primum te Consule fontes,
 Et Latiae cessit Graia Thalia togæ,
 Incipiensque tuis a fascibus omina coepi,
 Fataque debebo posteriora tibi.
 Ergo laceffitus tandem rescribe roganti;
 Et patria florens sorte, Probine, vale.

5

10

15

X L I I I

V. *Ad Gennadium ex Proconsule.*

ITALÆ commune decus, Rubiconis amœni
 Incola, Romani fama secunda fori;
 Grajorum populis, & nostro cognite Nilo.
 Utraque gens fasces horret, amatque tuos.
 Carmina jejunas poscis solantia fauces?
 Testor amicitiam, nulla fuisse domi.
 Nam mihi mox nidum pinnis confusa relinquunt;
 Et Lare contempto non reditura volant.

5

CL. CLAUDIANI
EIDYLLIA.

EIDYLLIA.

44 *Phœnix.*

45 *Hystrix.*

46 *Torpedo.*

47 *Nilus.*

48 *Magnes.*

49 *Aponus.*

50 *Pii fratres.*

CL. CLAUDIANI EIDYLLIA.

XLIV

I. *Phœnix.*

OCEANI summo circumfluis æquore lucus
 Trans Indos Eurumque viret, qui primus anhelis
 Sollicitatur equis, vicinaque verbera sentit,
 Humida roranti resonant cum limina curru,
 Unde rubet ventura dies, longeque coruscis
 Nox afflata rotis refugo pallefcit amictu.
 Hæc fortunatus nimium Titanius ales
 Regna colit, solusque plaga defensus iniqua
 Possidet intactas ægris animantibus oras;
 Sæva nec humani patitur contagia mundi:
 Par volucer Superis: stellas qui vividus æquat
 Durando, membrisque terit redeuntibus ævum;
 Non epulis saturare famem, non fontibus ullis
 Assuetus prohibere sitim: sed purior illum
 Solis fervor alit, ventosaque pabula libat
 Tethyos, innocui carpens alimenta vaporis.

Cf. Claudianus.

Z

- Arcanum radiant oculi jubar. Igneus ora
 Cingit honos. Rutilo cognatum vertice fidus
 Attollit cristatus apex, tenebrasque serena
 Luce secat. Tyrio pinguntur crura veneno. 20
 Antevolant Zephyros pennæ, quas cærulæ ambit
 Flore color, sparsoque super ditescit in auro.
 Hic neque concepto fetu, nec semine surgit:
 Sed pater est prolesque sibi, nulloque creante
 Emeritos artus fecunda morte reformat, 25
 Et petit alternam totidem per funera vitam.
 Namque ubi mille vias longinqua retorserit æstas,
 Tot ruerint hiemes, toties ver cursibus actum,
 Quas tulit autumnus, dederit cultoribus umbras:
 Tum multis gravior tandem subjungitur annis, 30
 Lustrorum numero victus. Ceu lassæ procellis
 Ardua Caucasio nutat de vertice pinus,
 Seram ponderibus pronis tractura ruinam.
 Pars cadit assiduo flatu: pars imbre peresa
 Rumpitur: abripuit partem vitiosa vetustas. 35
 Jam breve decrescit lumen, languetque senili
 Segnis stella gelu: qualis cum forte tenetur
 Nubibus, & dubio vanescit Cynthia cornu.
 Jam solitæ medios alæ transcurrere nimbos
 Vix ima tolluntur humo. Tunc conscius ævi 40
 Defuncti, reducisque parans exordia formæ,
 Arentes tepidis de collibus eligit herbas,
 Et cumulum texens pretiosa fronde Sabæum
 Componit bustumque sibi partumque futurum.
 Hic sedet, & blando Solem clangore salutat 45
 Debilior, misceatque preces, ac supplice cantu

Præstatura novas vires incendia poscit.

Quem procul adductis vidit cum Phœbus habenis;

Stat subito, dictisque pium solatur alumnum:

O senium positura rogo, falsisque sepulcris

50

Natales habitura vices, qui sæpe renasci

Exitio, proprioque soles pubescere leto,

Accipe principium rursus, corpusque coactum

Defere. Mutata melior procede figura.

Hæc fatus, propere flavis e crinibus unum

55

Concussa cervice jacet, missoque volentem

Vitali fulgore ferit. Jam sponte crematur,

Ut redeat, gaudetque mori festinus in ortum.

Fervet odoratus telis cœlestibus agger,

Consumitque senem, Nitidos stupefacta juvencos

60

Luna premit, pigrosque polus non concitat axes.

Parturiente rogo, cunis natura laborat

Æternam ne perdat avem, flammæque fideles

Admonet, ut rerum decus immortale remittant.

Continuo dispersa vigor per membra volutus

65

Æstuat, & venas recidivus sanguis inundat.

Victuri cineres nullo cogente moveri

Incipiunt, plumaque rudem vestire favillam.

Qui fuerat genitor, natus nunc profilit idem,

Succeditque novus. Geminæ consinia vitæ

70

Exiguo medius discrimine separat ignis.

Protinus ad Nilum Manes sacrare paternos,

Auctoremque globum Phariæ telluris ad oras

Ferre juvat. Velox alienum tendit in orbem,

Portans gramineo clausum velamine funus.

75

Innumeræ comitantur aves, stipantque volantem

Z 2

Alituum suspensa cohors. Exercitus ingens
 Obnubit vario late convexa meatu.
 Nec quisquam tantis e millibus obuius audet
 Ire duci: sed regis iter fragrantis adorant.
 Non ferus accipiter, non armiger ipse Tonantis
 Bella movent. Commune facit reverentia foedus.

80

Talis barbaricas flavo de Tigride turmas
 Ductor Parthus agit: gemmis & divite cultu
 Luxurians fertis apicem regalibus ornat.
 Auro frenat equum, perfusam murice vestem
 Assyria signatur acu, tumidusque regendo
 Celsa per famulas acies ditione superbit.

85

Clara per Ægyptum placidis notissima sacris
 Urbs Titana colit, centumque accline columnis
 Invehitur templum Thebæo monte revulsis.
 Illic, ut perhibent, patriam de more reponit
 Congeriem, vultumque Dei veneratus herilem
 Jam flammæ cominendat opus: jam destinat aris
 Semina reliquiasque sui. Myrrhata relucet
 Limina. Divino spirant altaria fumo:
 Et Pelusiacas productus adusque paludes
 Indus odor penetrat nares, completque salubri
 Tempestate viros, & nectare dulcior aura
 Ostia nigrantis Nili septena vaporat.

90

95

100

O felix, heresque tui. Quo solvimur omnes,
 Hoc tibi suppeditat vires. Præbetur origo
 Per cinerem. Moritur te non pereunte senectus.
 Vidisti quodcunque fuit. Te secula teste
 Cuncta revolvuntur. Nosti quo tempore Pontus
 Fuderit elatas scopulis stagnantibus undas:

105

Quis Phaëthonteis erroribus arserit annus.
 Et clades te nulla rapit, solusque superstes
 Edomita tellure manes. Non flamina Parcae
 In te dura legunt, non jus habuere nocendi.

110

X L V

II. *Hystrix.*

AUDIERAM, memorande, tuas, Stymphale, volucres
 Spicula vulnifico quondam sparsisse volatu:
 Nec mihi credibilis ferratæ fabula pinnæ
 Visa diu. Datur ecce fides, & cognitus hystrix.
 Herculeas affirmat aves. Os longius illi
 Assimulat porcum. Mentitæ cornua sētæ
 Summa fronte rigent. Oculis rubet igneus ardor.
 Parva sub hirsuto caruli vestigia dorso.
 Hanc tamen exiguum miro natura tueri
 Præsidio dignata feram. Stat corpore toto
 Silva minax, jaculisque rigens in prælia crescit.
 Picturata seges, quorum cute fixa tenaci
 Altera succrescit, alternantesque colorum
 Tincta vices, spatiis internigrantibus, exit.
 In solidæ speciem pinnæ, tenuataque furtim
 Lævis in extremum sese producit acumen.

5

10

15

Sed non hæc acies ritu silvestris echini
 Fixa manet. Crebris propugnat jactibus ultro;
 Et longe sua membra regit, tortumque per auras
 Evolat excusso nativum missile tergo.

20

Z 3

Interdum fugiens Parthorum more sequentem
 Vulnerat: interdum, positus velut ordine castris,
 Terrificum densa mucronum verberat unda,
 Et consanguineis hastilibus asperat armos.
 Militat omne feræ corpus, vibrataque rauco
 Terga fragore sonant. Stimulis accensa tubarum
 Agmina collatis credas configere signis.
 Tantus in angusto strepitus furit. Additur armis
 Calliditas, parcusque sui tumor, iraque nunquam
 Prodigia telorum, caute contenta minari,
 Nec nisi servandæ jactus impendere vitæ.

25

30

Error abest: certum sollertia destinat ictum,
 Nil spatio fallente modum: servatque tenorem
 Mota cutis, doctique regit conamina nifus.

35

Quid labor humanus tantum ratione sagaci
 Proficit? Eripiunt trucibus Gortynia capris
 Cornua: subjectis eadem lentescere cogunt
 Ignibus: intendunt taurino viscere nervos.
 Instruitur pinnis, ferroque armatur arundo.
 Ecce brevis propriis munitur bestia telis,
 Externam nec quærit opem: fert omnia secum:
 Se pharetra, sese jaculo, sese utitur arcu.
 Unum animal cunctas bellorum possidet artes.

40

Quod si omnis nostræ paulatim industria vitæ
 Fluxit ab exemplis; quidquid procul appetit hostem,
 Hinc reor inventum: morem hinc traxisse Cydonas
 Bellandi, Parthosque retro didicisse ferire
 Prima sagittiferæ pecudis documenta secutos.

45

X L V I

III. *Torpedo.*

QUIS non indomitam diræ Torpedinis artem
Audit, & merito signatas nomine vires?

Illa quidem mollis, segnique obnoxia tractu
Reprat, & attritis vix languida serpit arenis.

Sed latus armavit gelido natura veneno:

Et frigus, quo cuncta rigent animata, medullis

Miscuit, & proprias hiemes per viscera duxit.

Naturam juvat ipsa dolis, & conscia fortis

Utitur ingenio, longeque extenta per algas

Hac confusa jacet, successu læta refurgit,

Et vivos impune ferox depascitur artus.

Si quando vestita cibus incautior æra

Hauferit, & curvis frenari senserit hamis;

Non fugit, aut vano conatur vellere morfu:

Sed propius nigræ jungit se callida setæ,

Et meminit captiva sui, longeque per undas

Pigra venenatis effundit flamina venis.

Per seram vis alta meat, fluctusque relinquit

Absentem tentura virum. Metuendus ab imis

Emitat horror aquis, & pendula fila secutus

Transit arundineos arcano frigore nodos,

Vittricemque ligat concreto sanguine dextram.

Damnosum piscator orus, prædamque rebellem,

lætat, & amissa redit exarmatus avena.

XLVII

IV. *Nilus.*

FELIX, qui Pharias proscindit vomere terras:
 Nubila non sperat tenebris condentia cœlum,
 Nec graviter flantes pluviali frigore Coros
 Invocat, aut arcum variata luce rubentem.
 Ægyptos sine nube ferax, imbresque serenos
 Sola tenet, secura poli, non indiga venti:
 Gaudet aquis, quas ipsa vehit, Niloque redundant:
 Qui rapido tractu mediis elatus ab antris,
 Flammigeræ patiens zonæ Cancrique caesentis,
 Fluviis ignotis nostrum procurrit in orbem,
 Secreto de fonte cadens, qui semper inani
 Quærendus ratione latet; nec contigit ulli
 Hoc vidisse caput. Fertur sine teste creatus,
 Flumina profundens alieni conscia cœli.
 Inde vago lapsu Libyam dispersus in omnem
 Æthiopum per mille ruit nigrantia regna,
 Et loca continuo Solis damnata vapore
 Irrorat, populisque salus sitientibus errat,
 Per Meroen, Blemyasque feros, atramque Syenen.
 Hunc bibit infrenis Garamas, domitorque ferarum
 Girræus, qui vasta colit sub rupibus antra,
 Qui ramos ebeni, qui dentes vellit eburnos;
 Et gens compositis crinem vallata sagittis.
 Nec vero similes causas crescentibus undis,

Aut tempus, meruit. Glacie non ille soluta;
 Nec circumfuso scopulis exuberat imbre.
 Nam cum tristis hiems alias produxerit undas;
 Tunc Nilum retinent ripæ. Cum languida cessant
 Flumina, tunc Nilus mutato jure tumescit.
 Quippe quod ex omni fluvio spoliaverit æstas;
 Hoc Nilo natura refert, totumque per orbem
 Collectæ partes unum revocantur in amnem.
 Quoque die Titana Canis flagrantior armat,
 Et rapit humores madidos, venasque calore
 Compescit, radiisque potentibus æstuat axis;
 Nilo bruma vehit contraria tempora mundo.
 Defectum solitis referens cultoribus æquor
 Effluit Ægeo stagnantior, acrior alto
 Ionio, seseque patentibus explicat arvis.
 Fluctuat omnis ager: remis sonuere novalis
 Sæpius: æstivo jacuit cum forte sopore,
 Cernit cum stabulis armenta natantia pastor.

X L V I I I

V. *Magnes.*

QVISQUIS sollicita mundum ratione secutus
 Semina rimatur rerum, quo Luna laborat
 Defectu, quæ causa jubet pallescere Solem;
 Unde rubescentes ferali crine cometæ,
 Unde fluant venti, trepidæ quis viscera terræ
 Concutiat motus, quis fulgura ducat hiatus,

Unde tonent nubes, quo lumine floreat arcus:
 Hæc mihi quærenti, si quid deprendere veri
 Mens valet, expediat. Lapis est cognomine Magnes;
 Decolor, obscurus, vilis. Non ille repexam 10
 Cæsarium regum, nec candida virginis ornat
 Colla, nec insigni splendet per cingula morsu:
 Sed nova si nigri videas miracula saxi,
 Tum pulchros superat cultus, & quidquid Eois
 Indus litoribus rubra scrutatur in alga. 15
 Nam ferro meruit vitam, ferrique rigore
 Vescitur: hoc dulces epulas, hoc pabula novit:
 Hinc proprias renovat vires: hinc fusa per artus
 Aspera secretum servant alimenta vigorem.
 Hoc absente perit. Tristi morientia torpent 20
 Membra fame, venasque sitis consumit apertas.
 Mavors, sanguinea qui cuspide verberat urbes,
 Et Venus, humanas quæ laxat in otia curas,
 Aurati delubra tenent communia templi.
 Effigies non una Deis: sed ferrea Martis 25
 Forma niret, Venerem magnetica gemma figurat.
 Illis connubium celebrat de more sacerdos.
 Ducit flamma choros: festa frondentia myrto
 Limina cinguntur, roseisque cubilia surgunt
 Floribus, & thalamum dotalis purpura velat. 30
 Hic mirum confurgit opus. Cytherea maritum
 Sponte rapit, coelique toros imitata priores
 Pectora lascivo statu Mavortia nectit,
 Et tantum suspendit onus, galeæque lacertos
 Implicat, & vivis totum complexibus ambit. 35
 Ille laceffit longo spiraminis actu

Arcanis trahitur gemma de conjuge nodis.
 Pronuba fit natura deis, ferrumque maritat
 Aura tenax. Subitis sociantur Numina furtis.

Quis calor infundit geminis alterna metallis 40
 Fœdera? Quæ duras jungit concordia mentes?
 Flagrat anhela filex, & amicam faucia sentit
 Materiem, placidosque chalybs cognoscit amores.

Sic Venus horrificum belli compescere Regem,
 Et vultu mollire solet, cum sanguine præceps 45
 Æstuat, & stridis mucronibus asperat iras.
 Sola feris occurrit equis, solvitque tumorem
 Pectoris, & blando præcordia temperat igni.
 Pax animo tranquilla datur, pugnasque calentes
 Deferit, & rutilas declinat in oscula cristas. 50

Quæ tibi, sæve puer, non est permissa potestas?
 Tu magnum superas fulmen, cœloque relicto
 Fluctibus in mediis cogis mugire Tonantem.
 Jam gelidas rupes, vivoque carentia sensu
 Membra feris. Jam saxa tuis obnoxia telis, 55
 Et lapides suus ardor agit, ferrumque tenetur
 Illecebris, rigido regnant in marmore flammæ.

X L I X

VI. *Aponus.*

FONS, Antenoreæ vitam qui porrigis urbi;
 Fataque vicinis noxia pellis aquis,
 Cum tua vel mutis tribuant miracula vocem,
 Cum tibi plebejus carmina dictet honos,
 Et sit nulla manus, cuius non pollice ductæ
 Testentur memores prospera vota notæ;
 Nonne reus Musis pariter Nymphisque tenebor;
 Si tacitus soli prætereare mihi?
 Indictum neque enim fas est tacitumque relinqui
 Hunc, qui tot populi provocat ora, locum.
 Alto colle minor, planis erectior arvis,
 Conspicuo clivus molliter orbe tumet.
 Ardentis secundus aquæ, quacunque cavernas
 Perforat, offenso truditur igne, latex.
 Spirat putre solum, conclusaque subter anhelo
 Pumice limosas personat unda vias.
 Humida flammæ regio Vulcania, terræ
 Ubera sulfureæ fervida regna plagæ.
 Quis sterilem non credat humum? Fumantia vernant
 Pascua: luxuriat gramine cocta filex.
 Et cum sic rigidæ cautes fervore liquecant,
 Contentis audax ignibus herba viret.
 Præterea grandes effosso marmore sulci
 Saucia longinquo limite saxa secant.

- Herculei (sic fama refert) monstratur aratri
 25
 Semita, vel casus vomeris egit opus.
 In medio pelagi late flagrantis imago,
 Cæruluss immenso panditur ore lacus,
 Ingenti fufus fpatio : fed major in altum
 Intrat, & arcana rupis inane fubit :
 30
 Denfus nube fua, tactuque immitis, & hauftu,
 Sed vitreis idem lucidus ufque vadis.
 Confultuit natura fibi, ne merfa lateret,
 Admiffitque oculos, quo verat ire calor.
 Turbidus impulfu venti cæm fpargitur aer,
 35
 Glaucaque fumiferæ terga ferenat aquæ;
 Tunc omnem liquidi vallem mirabere fundi:
 Tunc veteres haftæ regia dona micant:
 Quas inter, nigræ tenebris obfcurus arenæ,
 Difcolor abruptum flumen hiatus agit.
 40
 Apparent infra latebræ, quas gurgες opacus
 Implet, & abftrufus ducit in antra finus.
 Tunc montis fecreta patent; qui flexus in arcum
 Æquora pendenti margine fuma ligat.
 45
 Viva coronatos adftringit fena vapores,
 Et levis exili cortice terra natat,
 Calcantumque oneri nunquam celfura virorum,
 Suffentat trepidum fida ruina pedem.
 Fafta manu credas, fic leves circuit oras
 50
 Ambitus, & tenuis perpetuusque riget.
 Hærent ftagna lacu plenas æquantia ripas,
 Præfcriptumque timent tranfiluiffe modum:
 Quod fuperat, fluuius devexa rupe volutus
 Egerit, & campi dorfa recurva petit.

Devehit exceptum nativo spira meatu. 55
In patulas plumbi labitur inde vias.
Nullo cum strepitu, madidisque infecta favillis,
Despumat niveum fistula cana salem.
Multifidas dispergit opes, artemque secutus 60
Qua jussere manus, mobile torquet iter,
Et junctos rapido pontes subtermeat æstu,
Afflatusque vago temperat igne tholos.
Acrior interius, rauci cum murmure saxi,
Spumeus eliso pellitur amne vapor.
Hinc pingues repetunt fessi sudore lacunas: 65
Frigora queis longæ blanda dedere moræ.
Salve Pæoniæ largitor nobilis undæ,
Dardanii salve gloria magna soli:
Publica morborum requies, commune medentum
Auxilium, præsens numen, inemta salus. 70
Sen ruptis inferna ruunt incendia ripis,
Et nostro Phlegethon devius orbe calet:
Sulfuris in venas gelidus seu decidit amnis,
Accensusque fluit, quod manifestat odor:
Sive pari flammæ undarum lance rependens, 75
Arbiter in fœdus mons elementa vocat:
Ne cedant superata sibi; sed legibus æquis
Alterius vires possit utrumque pati:
Quidquid erit causæ, quocunque emitteris ortus,
Non sine consilio currere, certa fides. 80
Quis casum meritis adscribere talibus audet?
Quis negat auctores hæc statuisse Deos?
Ille pater rerum, qui secula dividit astris,
Inter prima poli te quoque sacra dedit,

E I D Y L L I A. 367

Et fragilem nostri miseratus corporis usum 85
 Telluri medicas fundere iussit aquas,
 Parcarumque colos exoratura severas
 Flumina laxatis emicuisse jugis.
 Felices, proprium qui te meruere, coloni,
 Fas quibus est Aponon juris habere sui. 90
 Non illis terrena lues, corrupta nec Austri
 Flamina, nec sævo Sirius igne nocet.
 Sed quamvis Lachesis letali flamine damnet,
 Inde sibi fati prosperiora petunt.
 Quod si forte malus membris exuberat humor, 95
 Languida vel nimio viscera felle virent;
 Non venas reserant, nec vulnere vulnera sanant,
 Pocula nec tristi gramine mixta bibunt:
 Amissum lymphis reparant impune vigorem,
 Pacaturque ægro luxuriante dolor. 100

L

VII. *De piis fratribus & eorum statu, quæ sunt
 apud Catinam.*

ADSPICE sudantes venerando pondere fratres,
 Divino meritis semper honore coli.
 Iusta quibus rapidæ cessit reverentia flammæ,
 Et mirata vagas reppulit Ætna faces.
 Complexi manibus fultos cervice parentes, 5
 Attollunt vultus, accelerantque gradus.
 Grandævi gemina sublimes prole feruntur,
 Et cara natos implicuere mora.

Nonne vides, ut sæva senex incendia monstret?

Ut trepido genitrix invocet ore Deos?

10

Erexit formido comam, perque omne metallum

Fusus in attonito palluit ære tremor.

In juvenum membris animosus cernitur horror,

Atque oneri metuens, impavidusque sui.

Rejēctæ vento chlamydes. Dextram exserit ille,

15

Contentus læva sustinuisse patrem.

Ast illi duplices in nodum colligit ulnas

Cautior in sexu debiliore labor.

Hoc quoque præteriens oculis ne forte relinquo,

Artificis tacitæ quod meruere manus.

20

Nam consanguineos eadem cum forma figuret,

Hic propior matri fit tamen, ille patri.

Diffimiles animos solertia temperat artis:

Alter in alterius redditur ore parens.

Et nova germanis paribus discrimina præbens,

25

Divisit vultus cum pietate faber.

O bene naturæ memores, documenta supernæ

Justitiæ, juvenum numina, vota senum:

Qui spretis opibus medios properastis in ignes

Nil præter sanctam tollere canitiem.

30

Haud equidem immerito tanta virtute repressas

Enceladi fauces obriguiffe reor.

Ipse redundantem frenavit Mulciber Ætnam,

Læderet exempli ne monumenta pii.

Senferunt elementa fidem. Pater affuit æther,

35

Terraque maternum sedula jovit onus.

Quod si notus amor provexit in astra Laconas,

Æneam Phrygio raptus ab igne pater;

Si vetus Argolicos illustrat gloria fratres,
Qui sua materno colla dedere iugo: 40
Cur non Amphinomo, cur non tibi, fortis Anapi,
Æternum Siculus templa dicavit honos?
Plura licet summæ dederit Trinacria laudi,
Noverit hoc majus se genuisse nihil:
Nec doleat damnis, quæ devius intulit ardor: 45
Nec gemat exustas igne furente domos.
Non potuit pietas flamma cessante probari.
Euntum est ingenti clade perenne decus.

CL. CLAUDIANI
EPIGRAMMATA.

A a z

EPIGRAMMATA.

- | | |
|--|---|
| <p> 51. 1 <i>De mulabus Gallicis.</i>
 52. 2 <i>De sene Veronensi.</i>
 53. 3 <i>De apro & leone.</i>
 54. 4 <i>Descriptio armenti.</i>
 55. 5 <i>De Concha.</i>
 56--62. 6--12 <i>De Crytallo.</i>
 63--65. 13--15 <i>De Crytallo</i>
 <i>Graca.</i>
 66. 16 <i>Eis μιμάδα γνράσα-</i>
 <i>σαν.</i>
 67. 17 <i>Eis δῦλον τυπηθέντα</i>
 <i>παρ' αὐτῶ.</i>
 68. 18 <i>In sphaeram Archimedis.</i> </p> | <p> 69. 19 <i>De Polycaste & Perdicea.</i>
 70. 20 <i>De Zona equi regii missa</i>
 <i>Honorio.</i>
 71. 21 <i>De Zona missa Arcadio.</i>
 72. 22 <i>De chlamyde & frenis.</i>
 73. 23 <i>De freno, phaleris &</i>
 <i>cingulo.</i>
 74. 24 <i>Deprecatio ad Alethium.</i>
 75. 25 <i>In Curtium.</i>
 76. 26 <i>In eundem.</i>
 77. 27 <i>In Jacobum Magistrum</i>
 <i>equitum.</i>
 78. 28 <i>Rimanti telum ira facit.</i> </p> |
|--|---|

ALIA QUÆ CLAUDIANI NON VIDENTUR.

- | | |
|--|---|
| <p> 79. 29 <i>In Podagrum.</i>
 80. 30 <i>De Theodoro & Hadria-</i>
 <i>no.</i>
 81. 31 <i>Ad Æternalem.</i>
 82. 32 <i>Ad Maximum.</i>
 83. 33 <i>De locusta.</i>
 84. 34 <i>De balneis Quintianis.</i>
 85. 35 <i>Descriptio portus Smyr-</i>
 <i>nensis.</i>
 86. 36 <i>Est in secessu longo locus.</i>
 87. 37 <i>De quadriga marmorea.</i>
 88. 38 <i>Fragmentum.</i>
 89. 39 <i>De paupere amante.</i>
 90. 40 <i>De eodem.</i> </p> | <p> 91. 41 <i>De sepulcro speciosæ.</i>
 92. 42 <i>De birro castoreo.</i>
 93. 43 <i>De Hippopotamo.</i>
 94. 44 <i>Quæ in mensa de Sardo-</i>
 <i>nyche.</i>
 95. 45 <i>Carmen Paschale.</i>
 96. 46 <i>Eis τὸν Σωτήρα.</i>
 97. 47 <i>Eis τὸν δεσπότην Χρι-</i>
 <i>στὸν.</i>
 98. 48 <i>Laus Christi.</i>
 99. 49 <i>Miracula Christi.</i>
 100. 50 <i>In Sirenas.</i>
 101. 51 <i>Laus Herculis.</i> </p> |
|--|---|

CL. CLAUDIANI EPIGRAMMATA.

LI

I. *De Mulabus Gallicis.*

ADSPICE morigeras Rhodani torrentis alumnas
 Imperio nexas, imperioque vagas,
 Dissona quam varios flectant ad murmura cursus,
 Et certas adeant voce regente vias:
 Quamvis quæque sibi nullis discurrat habenis;
 Et pateant duro libera colla iugo;
 Ceu constricta tamen servit, patiensque laborum
 Barbaricos docili concipit aure sonos.
 Absentis longinqua valent præcepta magistri,
 Frenorumque vicem lingua virilis agit.
 Hæc procul angustat sparsas, spargitque coactas;
 Hæc sistit rapidas; hæc properare facit.
 Læva jubet? Lævo deducunt limite gressum.
 Mutavit strepitum? Dexterora petunt.
 Nec vinclis famulæ, nec libertate feroces,
 Exutæ laqueis, sub ditione tamen.

A a 3

Consensuque pares, & fulvis pellibus hirtæ,
 Effeda concordēs multisonora trahunt.
 Miraris, si voce feras pacaverit Orpheus,
 Cum pronas pecudes Gallica verba regant?

20

L I I

*H. De senē Veronensi, qui suburbium nunquam
 egressus est.*

FELIX, qui patriis ævum transegit in agris,
 Ipsa domus puerum quem videt, ipsa senem:
 Qui baculo nitens, in qua reptavit arena,
 Unius numerat secula longa casæ.
 Illum non vario traxit fortuna tumultu,
 Nec bibit ignotas mobilis hospes aquas:
 Non freta mercator tremuit, non classica miles:
 Non rauci lites pertulit ille fori.
 Indocilis rerum, vicinæ nescius urbis
 Adspectu fruitur liberiore poli.
 Frugibus alternis, non Consule, computat annum:
 , Autumnum pomis, ver sibi flore notat.
 Idem condit ager Soles, idemque reducit,
 Metitur suo rusticus orbe diem.
 Ingentem meminit parvo qui germine quercum,
 Æquævumque videt consenuisse nemus.
 Proxima cui nigris Verona remotior Indis,
 Benacumque putat litora rubra lacum.
 Sed tamen indomitæ vires, firmisque lacertis
 Ætas robustum tertia cernit avum.

5

10

15

20

Erret, & extremos alter scrutetur lberos.
Plus habet hic vitæ, plus habet ille viæ:

L I I I

III. *De Apro & Leone.*

TORVUS aper, fulvusque leo cõtere superbis
Viribus: hic seta, sævior ille juba.
Hunc Mars, hunc Cybele laudat. Dominatur uterque
Montibus. Hercules sudor uterque fuit.

L I V

IV. *Descriptio armenti, fragmentum.*

NON tales quondam species tulit armentorum
Tellus tergemino subdita Geryoni.
Non tales, Clitumne, lavas in gurgite tauros,
Tarpejo referunt quos pia vota Jovi.
Non talis Tyrias sparsisse juvenis arenas
Dicitur, optatum quando revexit onus.
Non Cretæus ager, nec amati conscia tauri
Gnoslos, nec similes paverit Ida feras.
Ipse & dispariles monstro commissus in artus,
Qui crimen matris prodidit ore novo,
Cres puer haud talem potuisset reddere formam.
Præstarent totum si fera membra patrem.

A 2 4.

L V

V. *Concha.*

TRANSFERAT huc liquidos fontes Heliconia Nais;
 Et patulo conchæ divinis orbe fluat.
 Namque latex, doctæ qui laverit ora Serenæ,
 Ultra Pegaseas numen habebit aquas.

L V I

VI. *De Crystallo cui aqua inerat.*

POSSEDIT glaciæ naturæ signa prioris:
 Et fit parte lapis, frigora parte negat.
 Sollers lufit hiems, imperfectoque rigore
 Nobilior, vivis gemma tumescit aquis.

L V I I

VII. *De eodem.*

LYMPHÆ, quæ tegitis cognato carcere lymphas;
 Et quæ nunc estis, quæque fuistis aquæ,
 Quod vos ingenium vinxit? Qua frigoris arte
 Torpuit, & maduit prodigiola flex?
 Quis tepor inclusus securas vindicat undas?
 Interior glaciæ quo liquefacta Noto?

Gemma quibus claustris arcano mobilis æstu
Vel concreta fuit, vel resoluta gelu?

L V I I I

VIII. *De eodem.*

SOLIBUS indomitum glacies Alpina rigorem
Sumebat nimio jam pretiosa gelu.
Nec potuit toto mentiri corpore gemmam:
Sed medio mansit proditor orbe latex.
Auctus honos, liquidi crescunt miracula saxi,
Et conservatæ plus meruistis aquæ.

L I X

IX. *De eodem.*

ADSPICE porrectam splendenti fragmine venam,
Qua trahitur limes lucidiore gelu.
Hic nullum Boream, nec brumam sentit opacus
Humor, sed varias itque reditque vias.
Non illum constrinxit hiems, non Sirius ardens:
Ætatis spatium non tenuavit edax.

L X

X. *De eodem.*

CLAUDITUR immunis convexo tegmine rivus,
Duratque vagus fons operitur aquis.
Nonne vides, propriis ut spumet gemma lacunis,
Et refluos ducant pocula viva sinus?
Udaque pingatur radiis obstantibus Iris,
Secretas hiemes sollicitante die?
Mira filix, mirusque latex, qui flumina vincit,
Nec lapis est merito, quod fluit, & lapis est.

L X I

XI. *De eodem.*

DUM crystallæ puer contingere lubrica gaudet;
Et gelidum tenero pollice versat onus;
Vidit perspicuo deprensas marmore lymphas,
Dura quibus solis parcere novit hiems:
Et siccum relegens labris sitientibus orbem.
Irrita quæsit oscula figit aquis.

L X I I .

XII. *De eodem.*

MARMOREUM ne sperne globum. Spectacula tranſit
Regia , nec rubro vilior iſte mari.
Informis glacies , ſaxum rude , nulla figuræ .
Gratia : ſed raras inter habetur opes.

L X I I I

XIII. ΕΤΙ ΠΕΡΙ ΑΥΤΟΥ.

Χιονέη κρύσαλλος ὑπ' ἀνέρος ἀσκηθεῖσα
Δείξεν ἀκηρασίῳ παναίσιον εἰκόνα κόσμου,
Οὐρανὸν ἀγκὰς ἔχοντα βαρύκτυπον ἔνδοσι πόντον.

L X I V

XIV. ΕΤΙ ΠΕΡΙ ΑΥΤΟΥ.

Εἴπ' ἄγε μοι κρύσαλλε, λίθῳ πεπυκασμένον ὕδωρ,
Τίς πῆξεν; Βορέης. ἢ τίς ἔλυσε; Νότος.

L X V

XV. ΠΡΟΣ ΦΟΙΒΟΝ.

Ἰλαδί μοι, φίλε Φοῖβε, σὺ γὰρ θοὰ τέξα τινάινων
Ἐβλήθης ἐπ' ἔρωτος ὑπ' ὠκυπόροισιν δίοσις.

L X V I

XVI. ΕΙΣ ΜΙΜΑΔΑ ΓΗΡΑΣΑΣΑΝ.

Μαχλὰς εὐκροτάλοισιν ἀνευάζουσα χορείαις,
Δίζυγα παλλομένοισι τινάγμασι χαλκὸν ἀραῖσσει.
Κτεῖς μὲν ὑποκλέπτων πολὺν τρίχα γείτονα μοίρης,
Ἥλεμά τοις ἀκτίσι χαράσσεται ὀμματος αὐγὴν.
Ψευδόμενον δ' ἐρύθημα κατέγραφεν ἄχρρος αἰδώς,
Ἀγλαίῃ σέψασα νόθῃ κεκαλυμμένα μῆλα.

L X V I I

XVII. ΕΙΣ ΔΟΥΤΛΟΝ ΤΥΠΤΗΘΕΝΤΑ
ΠΑΡ ΑΤΤΟΥ.

Ἐδρην χαλκεύεζον ἐπὶ προθύροις ἐλικῶνος
Ἐσήκει θεράπων τις ὑπὲρ νότιο μεμαρπῶς,
Οὐδ' ἔδελε μογέοντι πορεῖν ἐπιβάθρον αἰοιδῶ.
Τοῦνεκά μευ θώρηξεν ἰδὼν πολύμητις ἀνάγκη.

L X V I I I

XVIII. *In Spharam Archimedis.*

JUPITER in parvo cum cerneret æthera vitro,
 Risit, & ad Superos talia dicta dedit:
 Huccine mortalis progressa potentia curæ?
 Jam meus in fragili luditur orbe labor.
 Jura poli, rerumque fidem, legesque Deorum,
 Ecce Syracosius transtulit arte senex.
 Inclusus variis famulatur spiritus astris,
 Et vivum certis motibus urget opus.
 Percurrit proprium mentitus Signifer annum,
 Et simulata novo Cynthia mense redit.
 Jamque suum volvens audax industria mundum
 Gaudet, & humana sidera mente regit.
 Quid falso insontem tonitru Salmonea miror?
 Æmula naturæ parva reperta manus.

5

10

L X I X

XIX. *De Polycaeste & Perdice.*

QUID non sævus amor flammæ numine cogat?
 Sanguinis affectum mater amare timet.
 Pectore dum niveo puerum tenet anxia nutrix,
 Illicitos ignes jam fovet ipsa parens.
 Ultrices pharetras tandem depone, Cupido.
 Consule jam Venerem: forsan & ipsa dolet.

5

L X X

XX. *De Zona equi regii missa Honorio
Aug. a Serena.*

ACCIPE parva tuæ, Princeps venerande, sororis
 Munera, quæ manibus texuit ipsa suis.
 Dumque auro phaleræ, gemmis dum frena renident,
 Hac uterum zona cinge frementis equi.
 Sive illum Armeniis aluerunt gramina campis;
 Turbidus Argæa seu nive lavit Halys;
 Sanguineo virides morsu vexare smaragdos,
 Et Tyrio dignum terga rubere toro.
 O quantum formæ sibi conscius erigit armos,
 Spargit & excussis colla superba jubis!
 Aufescit brevis doni pietate Serenæ,
 Quæ volucres etiam fratribus ornat equos.

L X X I

XXI. *De Zona ab eadem missa Arcadio Aug.*

STAMINE resplendens, & mira textilis arte
 Balteus alipedis regia terga liget,
 Quem decus Eoo fratri, pignusque propinqui
 Sanguinis Hesperio misit ab orbe soror.
 Hoc latus adstringi velox optaret Arion.
 Hoc proprium vellet cingere Castor equum.

LXXII

XXII. *De chlamyde & frenis.*

NON semper clipei metuendum gentibus orbem
 Dilecto studiosa parens fabricabat Achilli:
 Lemnia nec semper supplex ardentis adibat
 Antra Dei nato galeam factura comantem:
 Sed placidos etiam cinctus, & mitia pacis 5
 Ornamenta dabat, bello quibus ille peracto
 Conspicuus Reges inter fulgebat Achivos.
 Ipsa manu chlamydes ostro texebat & auro,
 Frenaque, quæ volucrem Xanthum Baliumque decerent,
 Æquore quæsitis onerabat sedula gemmis. 10
 At tibi diversis, Princeps altissime, certant
 Obsequiis foci. Stilicho Mavortia confert,
 Munera, barbaricas strages, Rhenique triumphos.
 Reginæ contenta modum servare Serena,
 In tua sollicitas urget velamina telas. 15

LXXIII

XXIII. *De freno, phaleris, & cingulo equi Honorii
a Serena missis.*

OFELIX sonipes, cui tanti frena mereri
 Numinis, & sacris licuit servire lupatis:
 Seu tua per campos vento juba luit Iberos?

Seu te Cappadocum gelida sub valle natantem
 Argææ lavere nives : seu læta solebas
 Thessaliæ rapido perstringere pascua cursu :
 Accipe regales cultus , & crine superbus
 Erecto virides spumis perfunde smaragdos.
 Luxurient tumido gemmata monilia collo.
 Nobilis auratos jam purpura vestiat armos.
 Et medium te zona liget variata colorum
 Floribus , & castæ manibus sudata Serenæ,
 Persarum gentile decus. Sic quippe laborat
 Maternis studiis , nec dedignatur equestres
 Moliri phaleras genero latura decorem.

5

10

15

L X X I V

XXIV. *In Alethium quæstorem.*

SIC non Æthiopum campos æstate pererrem ,
 Nec Scythico brumam sub Jove nudus agam :
 Sic non imbriferam noctem ducentibus Hædis
 Ionio credam turgida vela mari :
 Sic non Tartareo Furiarum verbere pulsus
 Irati relegam carmina grammatici :
 Nulla meos traxit petulans audacia sensus ,
 Liberior justo nec mihi lingua fuit.
 Verficulos , fateor , non cauta voce notavi ,
 Heu miser ignorans quam grave crimen erat !
 Orpheos alii libros impune laceffunt ,
 Nec tua securum te , Maro , fama vehit.

5

10

Ipse parens vatum princeps Heliconis Homerus
Judicis. exceptit tela severa notæ.

Sed non Virgilius, sed non accusat Homerus.

Neuter enim quæstor, pauper uterque fuit.

En moveo plausus, en pallidus omnia laudo,

Et clarum repeto terque quaterque sophos.

Ignoscat placidus tandem, flatulque remittat,

Et tuto recitet quod libet ore: placet.

L X X V

XXV. *In Curetium.*

FALLACES vitreo stellas componere mundo,
Et vaga Saturni sidera sæpe queri,

Venturumque Jovem paucis promittere nummis;
Cureti genitor noverat Uranius.

In prolem dilata ruunt perjuria patris,
Et pœnam merito filius ore luit.

Nam spurcos avide lambit meretricis hiatus;
Consumens luxu, flagitiisque domum.

Et quas fallacis collegit lingua parentis,

Has eadem nati lingua refundit opes.

L X X V I

XXVI. *In eundem.*

Si tua, Cureti, penitus cognoscere quæris
Sidera, patre tuo certius ipse loquar.

Quod furis, adversi dedit inclementia Martis:

Quod procul a Musis, debilis Arcas erat:

Cl. Claudianus,

B b

Quod turpem pateris jam cano podice mosbum,
Femineis signis Luna, Venusque fuit.

Attrivit Saturnus opes. Hoc prorsus in uno
Hæreo, quæ cunnum lambere causa facit.

L X X V I I

XXVII. *In Jacobum magistrum equitum.*

PER cineres Pauli, per cani limina Petri,
Ne laceres versus, dux Iacobe, meos:
Sic tua pro clipeo sustentet pectora Thomas,
Et comes ad bellum Bartholomæus eat:
Sic ope sanctorum non barbarus irruat Alpes:
Sic tibi det vires sancta Sufanna suas:
Sic quicumque ferox gelidum tranaverit Istrum,
Mergatur; volucres ceu Pharaonis equi:
Sic Geticas ultrix feriat rhomphæa catervas,
Romanasque tegat prospera Thecla manus:
Sic tibi det magnum moriens conviva triumphum,
Atque tuam vincant dolla fusa sitim:
Sic nunquam hostili maculetur sanguine dextra.
Ne laceres versus, dux Iacobe, meos.

L X X V I I I

XXVIII. *Rimanti telum ira facit.*

IN jaculum quodcumque gerit dementia mutat.
Omnibus armatur rabies pro cuspide ferri.
Cuncta volant, dum dextra ferox in vulnera sævit.
Pro telo geritur, quidquid suggererit ira.

L X X I X

XXIX. *In Podagrum.*

QUÆ tibi cum pedibus ratio? Quid carmina culpas?
 Scandere qui nescis, versiculos laceras.
 Claudicat hic versus, hæc, inquit, syllaba nutat,
 Atque nihil prorsus stare putat podager.

L X X X

XXX. *De Theodoro & Hadriano.*

MALLIUS indulget somno noctesque diesque.
 Infomnis Pharius sacra, profana, rapit.
 Omnibus hoc, Italæ gentes, exposcite votis,
 Mallius ut vigilet, dormiat ut Pharius.

L X X X I

XXXI. *Ad Æternalem.*

QUIDQUID Castalio de gurgite Phœbus anhelat,
 Quidquid fatidico mugit corina recessu,
 Carmina sunt: sed verba negant communia Musæ.
 Carmina sola loquor. Sic me meus implet Apollo.

L X X X I I

XXXII. *Ad Maximum qui mel misit.*

DULCIA dona mihi tu mittis, Maxime, semper,
 Et quidquid mittis, mella putare decet.

L X X X I I I

XXXIII. *De locusta fragmentum.*

HORRET apex capitis : medio fera lumina surgunt
Vertice. Cognatus dorso durefcit amictus.
Armavit natura cutem , dumique rubentes
Cuspidibus parvis multos acure rubores.

L X X X I V

XXXIV. *De balneis Quintianis.*

FONTIBUS in liquidis paulum requiesce , viator ;
Atque tuum rursus carpe refectus iter.
Lympharum dominum nimium miraberis , hospes ;
Inter dura viæ balnea qui posuit.

L X X X V

XXXV. *Descriptio portus Smyrnenfis.*

URBS in conspectu montana cacumina velat,
Tranquillo prætenta mari. Ducentia portum
Cornua pacatas remouent Aquilonibus undas.
Hic exarmatum terris cingentibus æquor
Clauditur , & placidam discit servare quietem.

LXXXVI

XXXVI. *Est in secessu longe locus.*

Est procul ingenti regio summotâ recessu,
 Insula qua refides fluctus mitescere cogit,
 In longum producta latus; fractasque per undas
 Ardua tranquillo curvantur brachia portu.

LXXXVII

XXXVII. *De Quadriga marmorea.*

Quis dedit innumeros uno de marmore vultus?
 Surgit in aurigam currus, paribusque lupatis
 Unanimes frenantur equi. Quos forma diremit,
 Materies cognata tenet, discrimine nullo.
 Vir redit in currum: ducuntur ab axe jugales:
 Ex alio se quisque facit. Quæ tanta potestas?
 Una flex tot membra ligat, ductusque per artem
 Mons patiens ferri varios mutatur in artus.

LXXXVIII

XXXVIII. *Fragmentum.*

SORDIDUS ex humeris nodo dependet amictus,
 Exercentur equis, & colla comantia pestunt.

Bb 3

L X X X I X

XXXIX. *De paupere amante.*

PAUPERTAS me sœva domat, dirisque Cupido:
Sed toleranda fames, non tolerandus amor.

X C

XL. *De eodem.*

ESURIENS pauper telis incendor amoris.
Inter utrumque malum diligo pauperiem.

X C I

XLI. *In sepulcrum speciosæ.*

PULCHRIS stare diu Parcarum lege negatur.
Magna repente ruunt: summa cadunt subito.
Hic formosa jacet Veneris sortita figuram,
Egregiumque decus invidiamque tulit.

X C I I

XLII. *De birro castoreo.*

NOMINIS umbra manet veteris. Nam dicere birrum;
Si castor niteat, castoreum nequeo.
Sex emtus solidis, quid sit, jam scire potestis.
Si mihi nulla fides, credite vel pretio.

XCIII

XLIII. *De Hippopotamo.*

U TRAQUE secundo nutritur bellua Nilo:
Quæque vorat morsu, quæque sub ore fremit.

XCIV

XLIV. *Quæ in mensa de Sardonyche lapide.*

M ENSA coloratis aquilæ sinuatur in alis,
Quam floris distinguit honos: similisque figura
Texitur: implumem mentitur gemma volatum.

XCV

XLV. *Carmen Paschale.*

C HRISTE potens rerum redeuntis conditor ævi,
Vox summi sensusque Dei: quem fudit ab alta
Mente pater, tantique dedit consortia regni.
Impia qui nostræ domuisti crimina vitæ,
Passus corporea mundi vestire figura,
Assarique palam populos; hominemque fateri:
Quem verbo inclusum Mariæ mox numine viso
Virginei tenuere sinus, innuptaque mater
Arcano stupuit compleri viscera partu,

B b 4

Auctorem paritura suum. Mortalia corda
 Artificem texere poli, mundique repertor
 Pars fuit humani generis, latuitque sub uno
 Pectore, qui totum late complectitur orbem;
 Et, qui non spatiis terræ, non æquoris unda,
 Non capitur cœlo, parvos confluit in artus.
 Quin & mancipii nomen, nexusque subisti,
 Ut nos subriperes leto, mortemque fugares
 Morte tua: mox ætherias evectus in auras,
 Purgata reperis lætum tellure parentem.

10

15

Augustum foveas, festis ut sæpe diebus
 Annua sinceri celebret jejunia sacri.

20

X C V I

XLVI. ΕΙΣ ΤΟΝ ΣΩΤΗΡΑ.

Ὡς πυρὸς ἀενάοιο σοφὴν ὠδὴν φυλάσσω,
 Ἐμβεβασὺς κύσμοιο παλινδίνηται ἀνάγκη,
 Χρυσὲ θεορρήτοιο βίου φουσίζοις πηγῇ,
 Πατρὸς ἀσημάντοιο πρωτοσπέρου φωνῇ,
 Ὃς μέγα μητρώων τοκετῶν ἐγκύμονα φόρτον,
 Καὶ γόνου αὐτοτέλεστον ἀνυμφεύτων ὑμεναίων
 Στήσας, ἀσσυρίης γενεῆς ἑτερόφρονα λύσας,
 Ὅργια δ' εἰδώλων κενεῶν ψευδώνυμα λύσας,
 Λιθέρος ἀμφιβίβηκας ἐφ' ἐπτάζωνον ὀχλῆα,
 Ἀγγελικαῖς πτερύγεσσιν ἐν ἀρρήτοις θαλάσσαις
 Τλαδί παγγενέταο θεοῦ πρεσβήτου ὄμμα,
 Φρουρὲ βίου, σῶτερ μερόπων, αἰῶνας ἀνάσσω.

5

10

XC VII

XLVII. ΕΙΣ ΤΟΝ ΔΕΣΠΟΤΗΝ ΧΡΙΣΤΟΝ.

Ἀρτιφάνες, πολιοῦχε, παλαιγενές, υἱὲ νεοττῆ,
 Αἰὲν ἐὼν προεώντε, ὑπέρτατε, ὕψατε, Χριστέ,
 Ἀθανάσιο πατὴρ, καὶ ὁμόχρονε, πάμπαν ὅμοιε.

XC VIII

XLVIII. *Laus Christi.*

PROLES vera Dei, cunctisque antiquior annis,
 Nunc genitus, qui semper eras, lucisque repertor
 Ante tuæ, matrisque parens: quem misit ab astris
 Æquævus Genitor, verbique in semina fufum
 Virgineos habitare sinus, & corporis arcti
 Jussit inire vias, parvaque in sede morari,
 Quem sedes non ulla capit: qui lumine primo
 Vidisti quidquid mundo nascente crearas.
 Ipse opifex, opus ipse tuî, dignatus iniquas
 Ætatis sentire vices, & corporis hujus
 Dissimiles perferre modos, hominemque subire,
 Ut possis monstrare Deum, ne lubricus error,
 Et decepta diu varii sollertia mundi,
 Pectora tam multis fineret mortalia seclis
 Auctorem nescire suum. Te conscia partus
 Mater, & attoniti pecudum sensere timores.
 Te nova sollicito lustrantes sidera visu

5

10

15

In coelo videre prius, lumenque secuti,
 Invenere Magi. Tu noxia pectora solvis,
 Elapsasque animas in corpora functa reducis, 20
 Et vitam remeare jubes. Tu lege recepti
 Muneris, ad Manes penetras, mortisque latebras
 Immortalis adis. Nasci tibi non fuit uni
 Principium, finisque mori: sed nocte refusa,
 In coelum, patremque redis, rursusque perenni 25
 Ordine purgatis adimis contagia terris.
 Tu solus, Patrisque comes, tu Spiritus insons,
 Et toties unus, triplicique in nomine simplex.
 Quid, nisi pro cunctis, aliud? Quis credere possit,
 Te potuisse mori, poteras qui reddere vitam? 30

X C I X

XLIX. *Miracula Christi.*

ANGELUS alloquitur Mariam, quo præscia verbo
 Concipiat, salva virginitate, Deum.
 Dant tibi Chaldæi prænuntia munera Reges:
 Myrrham homo, rex aurum, suscipe tura Deus.
 Permutat lymphas in vina liquentia Christus, 1
 Quo primum facto se probat esse Deum.
 Quinque explent panes, pisces duo, millia quinque:
 Et Deus ex parvo plus superesse jubet.
 Editus ex utero cæcus nova lumina sensit,
 Et stupet ignotum se meruisse diem. 20

Lazarus e tumulo, Christo inclamante, resurgit,
Et duræ mortis lex resoluta perit.

Nutantem quatit unda Petrum: cui Christus in alto
Et dextra gressus firmat, & ore fidem.

Exsanguis Christi contingit femina vestem: 15
Stat cruor in venis: fit medicina fides.

Jussus post multos graditur paralyticus annos,
Mirandum, lecti portitor ipse sui.

C

L. *In Sirenas.*

DULCE malum pelago Siren, volucresque puellæ,
Scyllæos inter fremitus, avidamque Charybdin,
Musica saxa fretis habitabant dulcia monstra.
Blanda pericla maris; terror quoque gratus in undis.
Delatis licet huc incumberet aura carinis, 5
Implessentque sinus venti de puppe ferentes,
Figebat vox una ratem: nec tendere certum
Delectabat iter reditus, odinumque juvabat:
Nec dolor ullus erat. Mortem dabat ipsa voluptas.

ANONYMI POETÆ
LAUDES HERCULIS.

PIERIDUM columen, cuius Parnassia magno
 Numine templa sonant, læto precor huc age, Phœbe;
 Te conjunge choro: penetralia sancta fororum,
 Et nova Castalios latices per rura petentem
 Hippocrenæum victorem insistere fontem 5
 Me fac. Namque tuam non nunc novus advena turbam
 Ingredior, laurosque gerens, & florea fertis
 Tempora vineta tuis doctorum munera vatum.
 Testor adhuc veteres quamvis defuere honores.
 Alcides mihi carmen erit, non vana Tonantis 10
 Progenies, dignus credi post viscera Numen
 Semper ob immanes invicti roboris æstus.
 Nec nasci potuisse vacat. Nam lucis in ipsis;
 Inclite, principiis, tardo vix editus ortu
 Fecisti de patre fidem. Sed cur mihi lentis 15
 Ludis adhuc, Cyrrhæe, modis, tenerumque resultans
 Luxuriante leves impellis pollice chordas?
 Pone habitum, quo mollis amas: & frondis amata
 Linque nemus, mollique exutus tempora lauro

Populea mecum carmen luctare sub umbra. 20

Jam grave plus etiam, quam ventris tempora vellent,
Alcmenam tendebat onus. Sed regia Juno
Impedit, & partus prohibet, nascique vetabat,
Ut metus ipse Deum monstret. Nec vivida cœli
Semina mortales norunt sentire latebras 25

Nec possunt sufferre moras. Datur inde novercæ
Materies, gravibusque odiis augmenta ministrat,
Quod vinci cœpisse pudet. Mox improba binos
In tua membra jubet, dum nasceris, ire dracones.
Incumbunt celeres illi, squamosaque jussus 30

Armat colla furor: nec quamvis maxima tractu
Tardantur spiris. Sequitur pars cetera pectus.
Tristis Tartarea vibratur sibilus aura.
Morte rubent oculi, trifidisque horrentia linguis
Ora sonant, nigrumque fremens levat ira venenum. 35

Quid nunc invictis fraudes innectere fatis,
Cœlicolum Regina, juvat? Cur objicis angues?
Cur parvo geminos? Anne unum posse necari
Jam strato ~~Pythone~~ times? Licet omnia mundi
Monstra voces, ipsamque armes serpentibus Hydram, 40

Defendet natura Deum, patrumque probabit,
Quod non vis constare, Jovem. Jamque irrita tetri
Jussa parant implere angues, miseroque furore
In tua fata tument. Cernit tua membra petentes,
Horrescitque parens, numenque ignara creasse 45

Mortali pietate timet. Nil sancta superbæ
Pellicis infidias cœlo modo freta tremiscas,
Neve hæc monstra tibi faciant, Alcmena, pavorem.
Sic mater potes esse Dei. Jam tolle serenum

Læta animum, tantoque libens hæc adspice vultu, 50
 Ut deceat genuisse Jovem. Depone timorem
 Indignum partu, natumque exemplar habeto.
 Cui metuis, nil ipse timet. Nam lumine recto
 Ridebas tu, Dive, truces animosque superbos
 De genitore tenens, votisque aptissimus orbis 55
 Gaudebas tantam jam tum meruisse novercam.
 Corripis exiguis mox grandia guttura palmis,
 Et quamvis teneris, cogens in brachia pondus,
 Corripis, illidens prensos tellure dracones.

Efferat ætherium quantum volet orbis in axem 60
 Latoidas, verosque probet sua fabula Divos,
 Quod Delo jam stare licet. Non æqua laborum
 Gloria, nec parili serpentes sorte necarunt.
 Illi unum ferro: geminos hic inermis, & unus.

His cœptis non ulla parat cunabula partus 65
 Diva tibi. Sed cum totis jam bruma rigeret
 Imbribus, & solidis hæerent flumina lymphis,
 Nudum prægelidis durando firmat in undis.
 Utque rudis primo tentasti robore gressus,
 Frondosæ deserta vagus penetralia silvæ 70
 Secura jam matre petis, telisque tremendis
 Ludis, & ætherias adducto dejicis arcu,
 Aut funda violenter aves, noctemque sub astris
 Exigis, & puram fractis bibis amnibus undam.

Immanem interea Nemeæ per lustra leonem 75
 Ipsa Chimæraæ cretum de gente noverca
 In tua depastis armabat vota juvenis,
 Augebatque fero vires, rabiemque juvabat,
 Naturam minus esse putans. Heu quanta virorum

LAUDES HERCULIS.

399

Funera ! Quam multos stravit cum dentibus apros ! 80

Non illum magnæ viduatæ mœnibus urbes

Armorum fregere minis , Martique domando

Affuetas morſu fudit graviore catervas.

Hunc gravis Euryſtheus (nam , te quocunq; levares ,

Imperium duri voluit ſufferre tyranni ,

85

Sic mundo fortuna favens) hunc ſternere leto

Imperat. At nullum virtus reticenda per ævum ,

Dignaque fidereos poſt membra intrare reſeſſus

Poſſe mori quam vile putat : namque impiger ultro

Vadis & immenſæ ſcrutatus devia ſilvæ

90

In nova ſanguineos armantem vulnera riſtus.

Admonita feritate , juba , viſuque cruentus

Excuffis movet arma toris , dubiumque reſidens

Infremit. Invadis trepidum , ſoliſque lacertis

Grandia corripiciens eliſo guttura morſu ,

95

Imbellem fractis proſternis faucibus hoſtem.

Tunc & flavicomis radiantia tergora villis ,

Ceu ſpolium fuſo victor rapis. Emicat omnis

In laudes mox turba tuas , longoque reſiſta

Currit in arva metu. Juvat ire , & libera rura ,

100

Deſenſosque videre locos , ſilvamque juvenis

Jam ſacilem , & nullis reſonantes ſletibus agros.

Mænalium petis inde nemus , ſletamque colonis

Arcadium , & ſteriles raro jam robore ſilvas.

Namque hic immenſa membrorum mole cruentus

105

Indomitus regnabat aper , ſoloque tremendus

Corpore lunatis fundebat dentibus ornos ,

Sternebatque ſuos lugentia rura colonos.

Horrebant triſidis nigrantia corpora ſetis ,

Duratosque armos scopulis, totosque per artus 110
 Difficilis potuisse mori. Non spicula in illum,
 Nodofumve rapis clavato pondere robur.
 Armati viduatur honos. Nec vulnera virtus
 Extemplo tibi facta timet. Jamque arripis ultro
 Spumantem, cogisque diem sufferre tuendo, 115
 Atque supinato mirantem lumine vinci
 Argolici victor portas sub testâ Tyranni.
 Fama celer toto victorem sparserat orbe,
 Auxiliumque Dei poscebat Creta cruento
 Viستا malo. Taurus medio nam fidere Lunæ 120
 Progenitus Diætæ Jovis possederat arva.
 Fulmen ab ore venit, flammisque furentibus ardet
 Spiritus, & terram, non cœli flamma perurit,
 Sed flatus monstri. Dextro jam Siria cessent
 Sidera, Solque licet glaciali frigore victus 125
 Abstrusum mundo claudat jubar, aurea condens
 Lumina, & ignifluo stupefactus in orbe tepescat.
 Æstus habet Cretam, pereunt silvæque lacusque,
 Graminaque, & fontes sacri, montesque perurit
 Flamma ferrox. Idam Superis spectantibus ignis 130
 Dissipat, & magno cunabula grata Tonanti
 Igne suum monstrum, si fas est dicere, vincit.
 Tandem fama celer Diætæ ad litora magnum
 Duxerat Alciden, cum Taurum dira minantem
 Excipit, & sævum cornu, flammæque vomentem 135
 Corripit, atque artus constringens fortibus ulnis
 Ignifluos flatus, animamque in pectore clausit.



